

Inatsisissatut siunnersuummut oqaaseqaatit

Oqaaseqaatit nalinginnaasut

1. Inatsisissatut siunnersuummut tunngavik:

Inatsisissatut siunnersuut akileraarusiisaanermik akitsuusiisaanermillu aaqqissuusseqqinnissamik qitiusumillu ingerlatsilernissamik Inatsisartut tamarmik isumaqatigiillutik 2. maj 2005-imi aalajangigaannik piviusunngortitsiniarluni pisariaqartunik inatsisiliornermut ilaavoq.

Inatsisissatut siunnersuut akileraaruserinermik ingerlatsineq pillugu Inatsisartut inatsisissaattut siunnersuummut kiisalu akitsuutit pillugit Inatsisartut inatsisaasa assigiinngitsut allannguutissaannik inatsisartut inatsisissaattut siunnersuutitut (kingunerititatut allannguutit) atatillugu isigineqassaaq.

Siumoortumik nalunaarsuisarneq, nammineerluni nalunaarsuiffiit, akileraarusigassanik misissuilluni suliaqarneq, inaarutaasumik naatsorsuineq, maalaarutiniq suliarinnittarneq pillugit malittarisassanik kiisalu misissuisarnermut tunngasunik aalajangersakkanik akileraaruserinermik ingerlatsineq pillugu Inatsisartut inatsisaannut nuussinermi, aningaasarsianik akileraarusiisarneq pillugu Inatsisartut inatsisaanni siunissami pingaarnerusussat tassaapput missingersuinikkut piviusumillu tunngaveqarluni akileraarusiinermi malittarisassat kiisalu pineqaatissiisarnermut tunngasut.

Aningaasarsianit akileraarutit pillugit inatsisartut inatsisaat 19. maj 1979-imi akuersissutigineqarami 26-riarluni allanngortinneqarsimavoq. Taamaammat Naalakkersuisut aningaasarsianit akileraarutit pillugit Inatsisartut inatsisissaannik nutaamik tassungalu oqaaseqaatinik saqqummiussinissaq pisariaqartutut isumaqarfigisimavaattaaq.

2. Inatsisissatut siunnersuutip imarisai:

Aningaasarsianit akileraarutit pillugit Inatsisartut inatsisaanni isummat tunngavigineqartut allanngortinneqanngillat aammalu inunnik selskabinillu akileraarusiinermik imaqarluni.

Inuit

Tamakkiisumik killilimmillu akileraartussaataitanerit immikkoortinneqarput.

Tamakkiisumik akileraartussaasutut isigineqarput inuit Kalaallit Nunaanni najugaqartut. Inummut Kalaallit Nunaanni najugassarsisumut tamatumunnga peqatigitillugu nunamut nunassinnani tamakkiisumik akileraartussaataitaneq aatsaat atuutilissaaq pineqartoq Kalaallit Nunaanni najugaqalerpat. Najugaqarnertut paasineqassaaq inuk inigisamik attartornikkut pisinikkulluunniit imaluunniit allatut iliuuseqarnermigut Kalaallit Nunaanni angerlarsimaffeqarnissamik kissaateqarnerminik takutitsisoq. Taamaalilluni attaveqarnermut tunngavigineqartut assigiinngitsut amerlasuut pineqarput, tamatumani inummut tunngasutigut takussaasutigullu pissutsit aamma pineqarlutik.

Inuit najugaqanngikkaluarlutik sivikinnerpaamik qaammatini arfinilinni Kalaallit Nunaanniittut, tamatumani sulinngiffeqarnermik assigisaanilluunniit tunngaveqartumik sivikitsumik nunani allaniinnerit ilanngullugit, tamakkiisumik akileraartussatut isigineqarput. Inuit takornariatut ilinniagaqarnissarlunniit siunertaralugu Kalaallit Nunaanniittut aammalu inuussutissarsiornermik ingerlataqanngitsut kiisalu nunami allami ataavartumik aningaasarsiaminnit akileraartussaataitaasut, akileraartussaataitalernerat aatsaat atuutilissaaq ukiut marluk ingerlaneranni ullut 365-it sinnerlugit Kalaallit Nunaanni najugaqareerneranni.

Inuit tamakkiisumik akileraartussaataitaasut nunarsuarmi sumiluunniit aningaasarsiaminnik tamanik akileraartinneqassapput (tamatumani illuutinit Kalaallit Nunaata avataaniittuniit isertitat aningaasartuutillu kisiisa pinnagit) aammalu aningaasarsiat annertussusii apeqqutaatinnagit procentimik assigiimmik akileraassallutik. Akileraartussat naatsorsorneqassapput aningaasarsianit tamarmiusunik ilanngaataissaataitaasunik ilanngakkat tunngavigalugit. Aappariit ataatsimut akileraartassapput, meeqqalli immikkut akileraarusigassaallutik.

Ingerlaavartumik aningaasarsiat malittarisassatut pingaarnertut akileraarutaasussaapput, akerlianilli aningaasaatinit iluanaarutit akileraartusaatitaanermi ilaatinneqaratik. Taaneqartoq kingulleq assersuutigalugu atuuppoq aatsaat illunik pappiaqqanillu nalilinnik tunisinermi, pigisat aningaasannaniutissatut inuussutissarsiuqarnermilu pissarsiarineqarsimangippata imaluunniit nalikillilerneqarsinnaasuunngippata. Taamatuttaaq annaasaqaatit ilanngaataasinnaanngillat. Aningaasaanngitsunik akissarsiat kiisalu sulisut ajunngitsorsiaat malittarisassatut pingaarnertut aningaasanngorlugit aningaasarsiatuulli akileraarutaasussaapput.

aningaasarsiat akileraaruteqaataasussat katitigaapput aningaasarsiat A-nik, aningaasarsiat B-nik ilanngaataassinillu ilanngakkat.

Aningaasarsiat A-t aningaasarsianit ilanngaatigeriikkanik akileraarusikkat (akileraarutit A-t) tassaanerupput aningaasanngorlugit akissarsiat soraarnerussutisiallu. Aningaasarsiat B-t tassaapput isertitat allat, Kalaallit Nunaanni selskabinit iluanaarutisiat, iluanaarutisianit akileraarutininik ilanngarneqarsimasut ilanngunnagit, assersuutigalugu aningaasaanngitsunik isertitat, ernianit isertitat aammalu namminersorluni suliffiuteqarnermi isertitat tamarmiusut. Aningaasarsiat

B-t tamarmiusut aatsaat akileraaruserneqassapput kisermaamut 5.000 koruuninit aappariinnullu 10.000 koruuninit amerlaneruppata.

Ilanngaatit ilaatigut tassaapput ingerlatsinermi aningaasartuutit, nalikilliliinerit, ernianut aningaasartuutit, soraarnerussutisiassanut tapiissutit, sulisut kattuffiit akiliutit aammalu pilersuisuunermi akiliutit. Ilanngaatit kisimiittumut 10.000 koruunit aappariinnullu 20.000 koruunit sinninngippatigit taarsiullugit 10.000 koruunit aamma 20.000 koruunit ilanngaatigitinneqassapput.

Akileraarutit naatsorsorneranni aningaasarsiat akileraaruteqaataasussat appartinneqassapput (aningaasarsiat ilanngaatissanik ilanngakkat) inummut kisimiittumut ilanngaammik ukiumut 48.000 koruuninik aappariinnullu 96.000 koruuninik.

Inuit Kalaallit Nunaanni najugaqanngitsut sivikinnerpaamillu qaammatini arfinilinni Kalaallit Nunaanniingitsut, namminneq sulinermikkut Kalaallillu Nunaanni sulinermikkut aningaasarsiaminnit kiisalu ilaatigut siulersuisuni ilaasortaanerminnit aningaasarsiaminnit, soraarnerussutisiyaminnit kiisalu Kalaallit Nunaanni toqqukt qimaguttunit kingornussarsianit agguagarsiaminnit killilimmik akileraartussaataapput. Aningaasarsiat akileraaruteqaataasussat naatsorsorneranni taamaallaat aningaasartuutit isertitat pissarsiariniarnerannut toqaannartumik tunngasuteqartut ilanngaataasinnaapput. Akissarsianit taamaallaat 10 procentit ilanngaataasinnaapput, annertunerpaamilli ukiumut 1.000 koruunit.

Selskabit

Selskabit tamakkiisumik akileraartussaataasutut isigineqarput aktie- aamma anpartelskabit Kalaallit Nunaanni angerlarsimaffeqartutut nalunaarsugaasut kiisalu selskabinut arlalinnut allattorsimasanut il.il. Kalaallit Nunaannilu angerlarsimaffeqartutut nalunaarsugaasut.

Interessentskabit, piginneqatigiilluni umiarsuaatileqatigiiffiit kommanditselskabillu namminneq akileraartartutut isigineqanngillat, taamaammallu taarsiullugu isertitat ingerlatseqatigiiffinni peqataasunit toqaannartumik akileraarutaassallutik.

Ingerlatseqatigiiffiit tamakkiisumik akileraartussaataasut nunarsuarmi sumiluunniit isertitaminnit tamanit akileraartussaataapput, kisiannili illuutinit Kalaallit Nunaata avataaniittunit isertitat aningaasartuutillu ilanngunneqassanngillat, pissutsit immikkut ittut atuuppata Naalakkersuisut tamatumunnga akuersissuteqarsimanngippata. Selskabit iluanaarutisianillu pissarsiaqartut akornanni marloriaammik akileraarusiisoqassanngilaq, selskabit iluanaarutisiaqartitsillutik tunniutatik ilanngaatigisinnaammattigit, taakkuali iluanaarutisianik pissarsiaqartunit akileraarutaasussaallutik.

Aningaasat akileraaruteqaataasussat naatsorsorneqassapput isertitat ingerlatsinermi aningaasartuutit ilanngakkat tunngavigalugit. Ernianut aningaasartuutit tamatigut ilangaataasinnaapput, ingerlatsinermi aningaasartuutit aningaasartuutaanngitsutulluunniit iluseqarneri apeqqaatinnagu. Aktiaateqartunut,

anparteqartunut, piginneqatigiissutinik pigisaqartunut imaluunniit ilaasortanut ukiumi kingullermi siuliiniluunniit sinneqartoorutinit iluanaarutisiatut pissarsiaritit ilanngaataasinnaapput.

Pigisat amerlanerit nalikilliliissutigineqarsinnaapput, tamatumani maskiinat, pequtit, angallatit, illut Kalaallit Nunaaniittut, illunik allannguinermi aningaasartuutit, goodwill, patenteqarneq allallu.

Ukiumoortumik assigiiartumik nalikilliliisoqarsinnaavoq, illuutit pissarsiarineqarnerminni akiinit 5 procentip annertoqataanik umiarsuillu timmisartullu pissarsiarineqarnerminni akiinit 10 procentip annertoqataanik. Pigisani allani tamani nalikilliliinermi, soorlu ingerlatsinermi atortuni, pequtini allanilu, tamatigut nalingisa nalunaarsorneranni killiffigisap 30 procentianik nalikilliliisoqarsinnaavoq. Selskabi akileraarutit suli ilanngaatiginagit, kisiannili akileraarusiinnikkut nalikilliliissutit taaneqartut ilanngaatigereerlugit, sinneqartoorutinit akileraartussaataappat, akileraartarnermi nalikilliliinerit katinnerisa saniatigut selskabip sinneqartoorutaasa akileraarutaasussat affaasa annertoqataanik annertusineqarsinnaapput.

Aningaasaatitigut iluanaarutit aningaasarsianut akileraaruteqaataasussanut nalinginnaasunut ilaapput, kisiannili aningaasatigut isumaqatigiissutini akileraarutaanngitsut allat ilanngaatigereerlugit annaasat ukiuni tulliuttuni tallimani, akileraarutaanngitsut allat ilanngaatigereerlugit iluanaarutinit ilanngaataasinnaapput.

Amigartoorutit malittarisassatut pingaarnertut ukiut tallimat ingerlaneranni ilanngaataasinnaapput, piffissallu taassuma iluani atorineqarsinnaanngippata ukiuni tallimani utertitsinissaq akuersissutigineqarsinnaavoq.

Selskabi selskabimit suliffeqarfimmilluunniit allamit aqunneqarpat aammalu niuernermit aningaasaqarnermullu atatillugu namminersorluni ingerlatsinermi atugassaritineqartut atornagit ingerlatsippat, sinneqartoorutit annertussusilerneqassapput, suliffeqarfiup naqisimaneqarani atugassaqartinneqarluni ingerlasup suliffeqarfimmik pineqartumik niueqateqarnera pineqartuuppat, tamatumani selskabip iluanaarutigisinnaasaatut ilimagineqarsinnaasunut.

3. Allannguutissatut siunnersuutit

Qitiusumiit ingerlatsilernissap kingunerisaanik allannguutissat saniatigut siunnersuutigineqarpoq selskabit akileraarutaat 35 procentimiit 30 procentimut appartinneqassasoq. Selskabit akileraarutaasa procentiat maannakkut 35 procentiusoq nunani allani selskabit akileraarutaannut procentiliussanut sanilliullugu qaffasippallaartutut isikkoqarsinnaavoq, selskabit akileraarutaannik tamarmiusunik sanilliussinermi nalikilliliinermi malittarisassat pitsaanoqisut kalaallilu selskabiutaasa aningaasarsiaannik akileraaruteqaataasussanik naatsorsuinermi iluanaarutisianiit agguaanneqartunik ilanngaatiginnissinnaanerit sanilliussinermi aamma isiginiarneqartariaqarput.

Aammattaaq siunnersuutigineqarpoq inunnut selskabinullu allannullu Kalaallit Nunaanni tamakkiisumik akileraartussaataitaanngitsunut atuisinnaatitaanermut akiliuteqarnermi 30 procentimik atuisinnaanermut akileraarummik ilanngaassineqartassasoq, aammalu atuisinnaatitaanermut akiliutit Kalaallit Nunaanni aalajangersimasumik ingerlataqarnermi sinneqartoorutinut ilanngunneqarfiginngisaanni.

Malittarisassat maannakkut atuuttut malillugit selskabip pigineqartup akiliuteqartuusup amigartoorutai selskabimik piginnittuusumik kattusseqateqarnermi atorunnaartinneqartarput. Tamanna pissuteqarpoq ukiuni ukiup kattuffiusup siuliini amigartoorutit selskabimi piginnittuusumi taamaallaat ilanngaatigineqarsinnaanerannik. Tamatuma kingunerisimavaa pisuni arlaqartuni selskabip pigineqartup selskabitut ingerlaqqittuutinneqartarnera kingornatigullu immikkut ittumik ataatsimeersuarnermi selskabip pigineqartup aqqa selskabip piginnittuusup aqqanik taarserneqarneranik.

Naalakkersuisut isumaat malillugu malittarisassat taamaattut selskabinut piginnittuusunut pigineqartuusunullu, tamatumani aamma selskabinut assigiinnik ingerlataqartunut, pisariaqanngitsumik allaffissornikkut ingasaassinerusut.

Taamaammat siunnersuutigineqarpoq selskabip piginnittuusup selskabillu 100 procentimik pigineqartup aammalu selskabit assigiimmik ingerlataqartut tamarmik selskabimit piginnittuusumit 100 procentimik pigineqartut akornanni kattunnerni selskabimi akiliisuusumi amigartoorutaasinnaasut selskabip ingerlaqqittup akileraarutaasussatut aningaasarsiaanit ilanngaatigineqarsinnaanissaat ajornassanngitsoq.

4. Pisortanut aningaasaqarnikkut allaffissornikkullu sunniutissat:

Akileraaruserinermi suliassat qitiusumiit ingerlanneqalernissaanni allaffissornikkut aningaasaqarnikkullu sunniutaasussat pillugit akileraaruserinermik ingerlatsineq pillugu Inatsisartut inatsisissaattut siunnersuummut oqaaseqaatit nalinginnaasut innersuussutigineqarput.

Naalakkersuisut naliliipput allannguutissat marluusut siunnersuutigineqartut isertitassanut tamanut sunniutissaat selskabit inuillu akileraarutaasa missingersornerannut atatillugu nalornissutigineqartartut tamanut tunngasut iluaniittut.

Selskabit akileraarutaasa appartinneratigut sunniutissatut isertitanit tamarmiusunit annaasaqaatissat ukiumut 18 mio. koruunit missaaniittussaasutut naatsorsorneqarput, taakkunanga kommuninut 8,5 mio. koruunit landskarsimullu 7,5 mio. koruunit annaasaqaataasallutik, aammalu 2 mio. missigisaat selskabinut landskarsimit pigineqartunit annaasassaallutik.

Tassunga ilanngunneqassaaq selskabit akileraarutissaasa kinguartinneqarneranni akileraarutinit isertitassanit tamarmiusunit annaasat, 143 mio. koruunit missaannut

ilimagineqartut. Isertitassanit tamanit annaasassat eqquvissumik naatsorneqarsinnaanngillat, aningaasanut piffissamilluunniit atuinnermut tunngatillugu, nalikilliliinerit pissarsiareqqinneqarnerannik akileraarusiinerit pisinnaammata pigisap akileraartarnermi nalikilliliisimanermi naligilersimasaanik qaangiisumik akilersillugu tunineqarnerani aatsaat.

Taamaammat ilimagineqarpoq selskabit akileraarutissaannit kinguartitatigut isertitassanit tamarmiusunit annaasassat ukiuni aggersuni ukiumut 10 mio. koruunit missaaniissasut, aveqatigiinnerinilu kommuninut 6 mio. koruunit missaannut landskarsimullu 4 mio. koruunit missaannut.

Ataatsimut isigalugu selskabit akileraarutaasa 35 procentimiit 30 procentimut appartinneranni isertitassanit tamanit annaasat ukiumut 26 mio. koruunit missaannut missingersorneqarput, aveqatigiinnerini kommuninut 14,5 mio. koruunit missaannut landskarsimullu 11,5 mio. koruunit missaannut.

5. Inuussutissarsiutinut aningaasatigut allaffissornikkullu sunniutissat:

Inatsisissatut siunnersuut inunnet selskabinulluunniit il.il. Kalaallit Nunaanni tamakkiisumik akileraartussaataitaanngitsunut atuisinnaanermut akiliutinik akiliisartunut allaffissornikkut taamaallaat sunniuteqartussaavoq.

Selskabit akileraarutaasa procentiata 35-miit 30-mut appartinneqarnissaanik siunnersuut selskabinut aningaasatigut iluaqutaasumik sunniuteqartussaavoq, taamatullu selskabimut akiliuteqartumut, pigineqartumut assigisaanilluunniit ingerlataqarfiusumut selskabimi piginnittuusumi imaluunniit pigineqartumi amigartoorutinik siuartitsisinnaanermut tunngasumik allannguutissatut siunnersuutit selskabimut ingerlaqqittumut aningaasatigut iluaqutaasumik sunniuteqartussaapput.

6. Avatangiisinut pinngortitamullu sunniutissat:

Inatsisissatut siunnersuut avatangiisinut pinngortitamullu sunniuteqartussaangilaq.

7. Innuttaasunut allaffissornikkut sunniutissat:

Inatsisissatut siunnersuut innuttaasunut allaffissornikkut sunniuteqartussaangilaq.

8. Naalagaaffeqatigiinnermut namminersornermullu tunngasut:

Inatsisissatut siunnersuut naalagaaffeqatigiinnermut tunngassuteqanngilaq.

9. Danskit inatsisaannut tunngasut:

Danskit akileraaruserinermut inatsiseqartitsineranni inunnut selskabinulluunniit allanullu Danmarkimi tamakkiisumik akileraartussaataitaanngitsunut atuisinnaanermut akiliutinik akiliinermi pisassarilersitsinermiluunniit ilanngaassisarneq pillugu siunnersuutigineqartup assigisaanik malittarisassaliorneqarsimavoq.

10. Pisortanit kattuffinnillu tusarniaaneq:

Siunnersuut ukununnga tusarniaassutigineqarpoq Namminersornerullutik Oqartussat pisortaqarfii tamarmik, KANUKOKA, Kalaallit Nunaanni Sulisitsisut Peqatigiiffiat aamma APK, ILIK, KNAPK, SPS – Savaatillit Suleqatigiissut, SIK, AK, Nusuka aamma ASG.

Tusarniaanermi akissuteqaatit tiguneqartut siunnersuummi allannguissamat tunngavissiisimangillat.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Aalajangersakkap aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi § 1 assigaa, normulersuinerli allanngortillugu araberit kisitsisaat kinguleriiaat atornerput.

Kinguliini oqaaseqaatit allaffissornermi periutsinik, aammalu eqqartuussisarnermi periutsumik 1. januar 1980-imili atugaasimasunik, itisilerinerupput.

Nr. 1-imut

Inuit Kalaallit Nunaanni najugaqartut tamakkiisumik akileraartussaataitaapput.

Najugaqarneq pillugu piumasaaqat naammassineqarsimanersoq aalajangiiviginerani isiginiar-neqassaaq, pineqartup Kalaallit Nunaanni angerlarsimaffeqarnissaminik siunertaqarnini ino-qutigiinnik pilersitsinermigut, inigisamik attartormermigut allatulluunniit aaqqiissuteqarner-migut takutitsinera.

Ukioq kaajallallugu inigisamik atugassaqarneq tunngaviusumik pisariaqarpoq peqatigitillu-gulu aamma najugaqarfeqarnerup naqissusernissaanut piumasaaqatit naammalluni. Najuga-qarnerli pillugu aalajangiinissami pisuni ataasiakkaani, pingaartumik Kalaallit Nunaanniit nuuttoqartillugu, najugaqartoqarneranik aalajangiussinermi ataatsimoortumik naliliineq pisa-riaqarsinnaavoq.

Ineqarnermut tunngasutigut atugarisaasut piviusut aalajangiisuupput, pisulli nalinginnaasut allat, soorlu nunamut nuunnermi nunamiillu nuunnermi inunnik nalunaarsuiffimmut nalu-naarneq, imminerminni immikkut aalajangiisuunngilaq.

Inuk Kalaallit Nunaanni aammalu Kalaallit Nunaata avataani inigisaqarpat, inigisat taakku arlaat sorleq angerlarsimaffivigisatut isigineqassanersoq aalajangiisoqartariaqarpoq. Pissutsit pingaartumik makku naliliinermi ilaatinneqassapput:

- Inuk sumi suliva.
- Inuk ilaqutaqarpat taakku sumi najugaqarpat.
- Inuup inuuniarnerminut annertunerpaamik sumi aaqqissuussisimava.
- Inuk sumi sivilunerpaamik akulikinnerpaamilluunniit najugaqartarpa.

Matumani taagorneqartut Kalaallit Nunaata marloriaammik akileraanninnissaq pillugu nunanut allanut isumaqatigiissutaani kiisalu OECD-p tunngaviumik isumaqatigiissutaani allaaserisaq 4-mi aalajangersakkat "akileraarutitigut angerlarsimaffik"-mut tunngasunut annertuutigut assingupput.

Nr. 2-mut

Inuit Kalaallit Nunaanni najugaqanngikkaluarlutik sivikinnerpaamik qaammatini arfinilinni tassaniittut tamakkiisumik akileraartussaataapput, tassani ilaapput sulinngiffeqarneq assigi-saaluunniit pissutigalugit piffissani sivikitsuni Kalaallit Nunaata avataaniinnerit.

Piffissaq maaniiffiusoq qaammatinut naatsorsorneqassaaq, ullorlu maanga nuuffiusoq maan-ngaaniillu nuuffiusoq naatsorsuinermi ilanngunneqassallutik. Taamaattunik qaammammi ullut amerlassusivii pingaaruteqanngillat. Ulloq 5. januar tikilluni ukiumilu tassani ulloq 4. juli maanngaaniit aallarluni maaniinneq qaammatini arfinilinni maaniinnertut isigineqassaaq.

Pisuni ataasiakkaani sumiinerup sivilussusia sumillu pissuteqarnera eqqarsaatigalugit toqqar-tumik aalajangerneqartassaaq tamatumani sulinngiffeqarluni assigisaanilluunniit pissute-qarluni sivikitsumik Kalaallit Nunaata avataaniinneq pineqarnersoq.

Sulinngiffeqarnermut tunngatillugu nalinginnaasumik atuutissaaq tamatuma sulinermut atatillugu isumaqatigiissutaasimanissaa, imaluunniit sulinngiffeqarnerup, sulinngiffeqarnissaaq sioqqullugu piffissap suliffusimasup sivilussusianut aammalu piffissami tassani sulinerup annertussusianut naapertuuttuunissaa. Taamaammat ullut sulinngiffeqarfissatut imaluunniit qaangiuttoortarnerit kingunerisaannik sulinngiffissatut katersat matumani sulinngiffeqarnertut isigineqarsinnaapput.

Sulinngiffeqarneq assigisaaluunniit pissutigalugit piffissani sivikitsuni nunap avataaniinnernut nalinginnaasumik aamma ilaapput piffissani sivikitsuni pikkorissarluni, erninerup kingorna sulinngiffeqarluni, napparsimmavimmiilluni assigisaanillu pissuteqarluni sumiiffeqarnerit. Akerlianilli sulinermik pissuteqarluni Kalaallit Nunaata avataaniinneq imaluunniit suliffis-saaleqisutut ullormusianik

Kalaallit Nunaata avataani pisartagaqarluni nunap avataaniinneq Kalaallit Nunaanni najugaqarnerup kipitinneqarneranik kinguneqassaaq.

Kalaallit Nunaanni najugaqarneq naggaserlugu Kalaallit Nunaata avataani sulingiffeqarneq piffissamut Kalaallit Nunaanni najugaqarfiusumut ilanngunneqarsinnaangilaq.

Nr. 3-mut

Ingerlatseqatigiiffiit peqatigiiffiillu il.il. § 1, imm. 1, nr. 3-miit 14-imut pineqartut nunami maani nalunaarsugaasuunissaq assigiissutigaat.

Aktiat aamma anpartit tunngavigalugit ingerlatseqatigiiffiit Kalaallit Nunaanni nalunaarsu-gaasuupput, Erhvervs- og Selskabsstyrelsemi nalunaarsorneqarnerminnut atatillugu Kalaallit Nunaanni nalunaarsugaasutut nalunaarsimagunik.

Kattuffinnut allanullu nalunaarsugaanngitsunut atuuppoq, Kalaallit Nunaanni nalunaarsugaa-sutut isigineqarnerat, aqutsisui maani nunami najugaqarpata. Aqutsisut numami maani naju-gaqarnerannik aalajangiineq kattuffimmi aalajangiisarnernut atatillugu pissusiviusut qanoq ittuunerannik naliliinermik tunngaveqarpoq. Taamatut naliliinermi salliutillugit pingartinne-qassapput kattuffimmik ulluinnarni aqutsinermut atasumik aalajangiinerit.

Nr. 4-mut

§ 1, imm. 1, nr. 4-mi pineqarput ingerlatseqatigiiffiit aktiat imaluunniit anpartit tunngavigalugit ingerlatseqatigiiffittut nalunaarsorneqarsinnaasimanngikkaluarlutik aktianik imaluunniit anpartit tunngavigalugit ingerlatseqatigiiffittulli aaqqissuussaasimassussat, peqa-taasut arlaannaalluunniit ingerlatseqatigiiffiup pisussaaffiinnut namminneerlutik akisussaasuu-nngitsut, aammalu sinneqartoorutit, aamma ingerlatseqatigiiffiup atorunnaarsinneqarneratigut iluanaarutaajunnartut, peqataasut aningaasaliissutigisimasaannut naapertuuttumik agguaassi-sartut.

Piomasaaqatip kingullertut taaneqartup kinguneraa ingerlatseqatigiiffiit taakkua piginneqa-tigiinnikkut peqatigiiffittut § 1, imm. 1, nr. 6-imi 7-imilu taaneqartutut isigineqarsinnaan-nginnerat, naak tamakku killilimmik akisussaassuseqarfiusutut piginneqatigiiffittut

(a.m.b.a.-tut) imminnut taagorajukkaluartut. Piomasaaqatip taassuma aammattaaq nalinginnaasumik kinguneraa ingerlatseqatigiiffiit taakkua § 1, imm. 1, nr. 13, naapertorlugu peqatigiiffittut isigineqarsinnaannginnerat, peqatigiiffiit amerlanertigut annertunerusumik aningaasaliissutaateqarneq ajormata aammalu sinneqartoorutit agguarneqarnissaat pillugit maleruagassaqartaratik.

Aalajangersakkami pineqartunut ilaapput assersuutigalugit ingerlatseqatigiiffiit aningaasa-liissutinik aningaasaateqanngitsut, taamaattorli qularnaveeqqutit aningaasaatillit, ingerlatseqatigiiffiit allanngorartumik annertussusilinnik aningaasaateqartut kiisalu ingerlatseqatigiiffiit ileqqoreqqusatik malillugit iluanaarutisianik aamma atorunnaarsitsinermi iluanaarutininik kille-qartitsisut.

Ingerlatseqatigiiffik § 1, imm. 1, nr. 4-mi pineqartunut ilaanersoq ingerlatseqatigiiffimmik pineqartumik ataatsimut naliliinikkut aalajangerneqassaaq. Naliliinermut tassunga pingaarute-qarluinnarput ingerlatseqatigiiffiup ileqqoreqqusai taassumalu ingerlatsinermini siunertaa, taakkuali saniatigut pissutsit ataani taagorneqartut naliliinermut pingaaruteqarsinnaapput. Oqaatigineqassaaq taakku arlaat ataasiinnaq aalajangiisuulluinnarsinnaanngimmat.

Naliliinermi makkua ingerlatseqatigiiffiup § 1, imm. 1, nr. 4-mi pineqartunut ilaasuuneranut tikkuussisuusinnaapput: Ukiumut sinneqartoorutit isertitat tunngavigalugit agguataarneqassapput, atorunnaar

sitsinermili agguassassaaajunnartut aningaasaatit annertussusiannut naapertuutissallutik

Immikkut ileqqoreqqusat Immikkut naatsorsuuteqarneq Peqatigiiffimmi aaqqissuussinermi immikkoortortat pituttuisumik iliuuseqarsinnaasut, aamma ilaasortanut aqutsisuni peqataaangitsunut Ilaasortat amerlinissaannut periarfissaqarneq Ilaasortat ataasiakkaat peqataajunnaarneranni suleqatigiiffiulluunniit atorunnaarsinneqarnerani pisuussutit qanoq pineqarnissaat pillugu aalajangersagaqarneq

- Aningaasaliissutinik aningaasaqarneq (aningaasaliissutit aalajangersimasumik annertussuseqartussatut taaneqarsimassasunik imaluunniit allanngorartuusunik).
- Makkua ingerlatseqatigiiffiup § 1, imm. 1, nr. 4-mi pineqartunut ilaanginneranik tikkuussisuusinnaapput:
- Sinneqartoorutinik aammalu atorunnaarsitsinermi isertitanik agguassineq isertitat tunngavigalugit ingerlanneqassasoq
- Peqataasoq ataaseq arlaqartulluunniit namminneerlutik akiliisussanngortarnerat
- Sinneqartoorutit siunertanut tamat iluaqutissaannut imaluunniit nalinginnaasumik iluaqutissanut atorneqarnissaat.

Nr. 5-imut

Sparekarsit imminut pigisutut suliffeqarfiusut akileraartussaataitanerat aalajangersakkami aalajangersarneqarpoq.

Nr. 6-imut

Brugsforeningit akileraartussaataitanerat aalajangersakkami aalajangersarneqarpoq. Peqatigiiffik § 1, imm. 1, nr. 6 naapertorlugu akileraartinneqassappat piumasaqaatit ataani taagorneqartut naammassineqarsimassapput.

- Peqatigiiffik § 1, imm. 1, nr. 4-mi pineqartunut ilaassanngilaq.
- Peqatigiiffiup siunetarissavaa ilaasortat soqutigisaannik sulissuteqarnissaq.
- Ilaasortat peqatigiiffimmut aningaasaliissutitut akilersimasaasa nalinginnaasumik ernialersorneqarnerisa saniatigut peqatigiiffik ilaasortanut ataasiakkaanut tunisaqarnini tunngavigalugit agguassisassaaq.

Nr. 7-imut

Piginneqatigiinnikkut suliffeqarfiit allat § 1, imm. 1, nr. 7 naapertorlugu akileraartussaataapput.

Taaguut piginneqatigiinnikkut suliffeqarfik akileraartarnermut atatillugu peqatigiiffittut isumaqarpoq.

Immikkut akileraartussaataitaasut taakku aamma ataatsimut kattunnerillu immikkut akileraar-tussaataitaanngitsut assersuutigalugit interessentskabet, kommanditselskabit, umiarsuaatileqa-tigiiffiit il.il., akileraartussaataanerli peqataasuni ataasiakkaaniilluni, immikkortikkuminaas-sinnaapput, interessentskabe aaqqissuussineq ataasiakkaatigut arlaqartutigulluunniit peqati-giiffiup aaqqissuussaananeranut assingusutut saqqummiuttarsinnaasarmat.

Nr. 8-mut

Aalajangersakkap kinguneraa sillimmasiinnermut peqatigiiffiit akisussaaffigeqatigiiffiusut, aamma sillimmasiissutinik akisussaaffigeqatigiinnermi peqataanissamut pisussaaffeqan-ngitsunik tigusisartut tamakkiisumik akileraartussaataanerat.

Akisussaaffigeqatigiiffiusumik sillimmasiinnermut peqatigiiffiit, sillimmasiissutinik akisus-saaffigeqatigiinnermi peqataanissamut pisussaaffeqanngitsunik tigusineq ajortut "peqatigiif-fittut allatut" isigineqarput, takuuk § 1, imm. 1, nr. 14.

Nr. 9-mut

Aalajangersakkap kinguneraa soraarnerussutisiassanut aningaasaateqafiit akileraartussatut isigineqarnerat, ingerlatseqatigiiffittut, aningaasaateqarfittut peqatigiiffittulluunniit aaqqis-suussaananer at apeqqutaatinnagu.

Soorlu § 1, imm. 1, nr. 3-mi, 13-imi 14-imilu allassimareersoq soraarnerussutisiassanut aningaasaateqarfiit akileraartussaataapput, ingerlatseqatigiiffittut, aningaasaateqarfittut peqati-giiffittulluunniit aaqqissuussaananer at apeqqutaatinnagu. Isertitanit akileraarutaasussanik naatsorsueriaaseq akileraarutillu procentiat akileraartussanut taakkununnga pingasunut assigiinngitsuummata, aalajangerneqarpoq soraarnerussutisiassanut aningaasaateqarfiit immikkut akileraartussaassasut, qanoq aaqqissuussaananer at apeqqutaatinnagu.

Soraarnerussutisiassanut aningaasaateqarfik matumani tassaavoq ataatsimut suleqatigiiffik sunaluunniit, soraarnerussutisiaqartitsinissamik neriorsuuteqarneq tunngavigalugu ilaasortami il.il.unniit pisortat namminersortulluunniit suliffeqarfiutaanni atorfininnermut atatillugu soraarnerussutisiaqarnissaannik qulakkeerinissamik siunertaqartut.

Nr. 10-mut

§ 1, imm. 1, nr. 10 naapertorlugu akileraartussaataapput aningaasaliissuteqartarnermut peqatigiiffiit. Akileraartussaananer mut pingaaruteqanngilaq peqatigiiffik ilaasortat aningaasaliissutaat atorlugit allagartanik

tunineqarsinnaasunik (certifikater) pilersitsisimanersoq peqatigiiffilluunniit kontoqarfiuginnarnersoq.

Nr. 11-mut

§ 1, imm. 1, nr. 11 naapertorlugu akileraartussaataapput suliffeqarfiit, illuutini qularnaveeq-qusikkanik atukkiisartut realkreditoblikationinik sananeq tunngavigalugu taamaaliornissa-mullu qaqugukkulluunniit inatsiseqartitsineq naapertorlugu akuerisaasut.

Aalajangersakkap kinguneraa kreditforeningit Kalaallit Nunaanni pilersineqarsinnaasussat ingerlatseqatigiiffittulli akileraartussaanissaat.

Nr. 12-imut

§ 1, imm.1, nr. 12 naapertorlugu akileraartussaataapput peqatigiiffiit, piginneqartigiinnikkut suliffeqarfiit, iluaqutissiuiffiit, aningaasaatit aalajangersimasunut atugassanngortitat suliffe-qarfiillu imminnut ingerlattut, akunnittarfimmik neriniartarfimmilluunniit ingerlassaqartut.

Akileraartussaataanermi taamaallaat pineqarput akunnittarfiuteqarnikkut neriniartarfiuteqar-nikkulluunniit isertitat kiisalu pigisanik nalilinnik ingerlatanut taakkununga attuumassute-qartunik attuumassuteqarsimasunilluunniit tunisaqarnikkut, piginnikkunnaarnikkut taamaa-titsinikkulluunniit iluanaarutit.

Peqatigiiffik il.il. akunnittarfimmik neriniartarfimmilluunniit ingerlatsinikkut isertitaqarnini naapertorlugu akileraartussaataavoq, tassungali peqatigitillugu inuussutissarsiummik allamik ingerlatsisoq, § 3, imm. 2 naapertorlugu akileraartussaataanngitsunik, assersuutigalugu huj-skolenut tunngatillugu taamaattoq, peqatigiiffik allaluunniit taamaallaat akunnittarfiuteqar-nikkut neriniartarfiuteqarnikkulluunniit isertitaminit akileraartinneqassaaq, isertitat allat akileraartussaataanermi pineqartunut ilanngimmata. Obligationinit, qularnaveeqqusiinermut uppersaatit assigisaannillu kiisalu aningaaserivimmi uninngasuutinit erniasiat pisarnej malillugu akunnittarfiuteqarnikkut neriniartarfiuteqarnikkulluunniit isertitanut ilanngunneqas-sanngillat, taakku akunnittarfimmik neriniartarfimmilluunniit toqqaannartumik attuumassute-qanngippata imaluunniit akunnittarfiup neriniartarfiulluunniit ingerlanneranut aningaasaatitut atorneqanngippata. Taamatut killiliineq isertitanut aningaasartuutinullu allanut tunngatillugu aamma pissaaq.

Peqatigiiffiit il.il. taamaattut ilanngaatigineqarsinnaasunik ataatsimoorussaasunik aningaa-sartuutitik agguaniissaat toqqarsinnaavaat, tamatumani aamma nalikilliliinerit akunnittar-fimmik neriniartarfimmilluunniit ingerlatsinermi ilanngaasigaanngitsunik isertitat peqatigiif-fiullu ilanngaasigaanngitsunik isertitaasa katinnerisa akornanni.

Nr. 13-imut

Aalajangersakkap kinguneraa aningaasaateqarfiit, iluaqutissiuiffiit, aningaasaatit aalajangersi-masunut atugassanngortitat suliffeqarfiillu imminnut ingerlattut isertitaminnit tamarniusunit akileraartussaataanerit, inuussutissarsiutigalugu

suliffeqarfimmit pisuuppata pisuunngippa-taluunniit apeqqutaatinnagu. Ileqqoreqqusat malillugit tamanut ajunngitsuliortuunissaq alla-tulluunniit tamat iluaqutissaat siunertaappata aningaasaateqarfiit il.il. akileraarusiiffigineqar-nissaq tamakkiisumik ilaannakuusumilluunniit § 3, imm. 2 naapertorlugu pinngitsoorsinnaa-vaat.

Aningaasaateqarfik il.il. immikkut akileraartussaataasussatut akuerineqassappat makku piomasaaqatigineqassapput, ileqqoreqqusani, aningaasaateqarfiup siunertaani assigisaanniluun-niit:

- Pisuussutit taakkualu iluanaarutigitaat pilersitsisunut, tapiissusiisartunut allanut, taakku katissimallugit aappaannut inooqataannulluunniit kiisalu qitornanut taane-qartuni angerlarsimaffeqartunut utertinneqannginnissaat erseqqissumik aalajangersar-neqarsimassaaq. Utertitsinertutaaq aamma isigineqassaaq taarsigassarsineq, matumani aamma pigisamik aalaakkaasumik qularnaveqqusiussilluni taarsigassarsineq.
- Sumi nalunaarsugaaneq nalunaarneqarsimassaaq.
- Siunertap suunera erseqqissumik tamakkiisumik nalunaarneqarsimassaaq
- Immikkut siulersuisoqassaaq, taakkunanngalu ilaasortaq minnerpaamik ataaseq piler-sitsisup/tapiissuteqartut tungaannut nakerisarsiortuunngitsutut attuumassuteqanngitsu-tullu isigineqarsinnaasariaqartuussalluni.
- Ukiut naatsorsuusiortifusut naanerisa kingorna tamatigut naatsorsuutit kukkunersiorne-qarsimasut siulersuisunut saqqummiunneqartassapput.

Nr. 14-imut

Aalajangersagaq katersuiffittut aalajangersagaavoq, tassani pineqarlutik ataatsimut suleqati-giiffiit immikkut akileraartussaataasut, kisiannili § 1, imm. 1, nr. 12-imi 13-imilu pineqar-tuunngitsut.

Immikkut akileraartussaataasut taakku aamma ataatsimut suleqatigiit assersuutigalugit interessentskabit, peqatigiit assigiinngitsunik akisussaassuseqartunik ilaasortallit (kommandit-selskabet), umiarsuaatileqatigiit il.il. immikkut akileraartussaataanngitsut, akileraartussaati-taaneq ilaasortani ataasiakkaaniittoq, immikkoortinnissaanni tamatigut toqqartumik naliliiso-qartariaqarpoq, tassami ingerlatseqatigiiffiup (interessentskabip) aaqqissuussaanerata peqati-giiffiup aaqqissuussaanera arlaatigut ataasiakkaatigut arlaqartutigulluunniit assigisinnaamma-gu.

Immikkoortitsinissamat tamatumunnga pingaaruteqarluinnarput ataatsimut suleqatigiiffiup ileqqoreqqusai, taassumalu peqataasunut ataasiakkaanut sanilliulluni nammineertuunera eqqarsaatigalugu ingerlatsinermini siunertaa. Tamatuma saniatigut periutsimi maanna atuut-tuusumi matuma ataani pissutsit taagorneqartut naliliinermut pingaaruteqarsinnaapput. Oqaa-tigineqassaaq taakku arlaat ataasiinnaq aalajangiisuulluinnarsinnaanngimmat.

Ingerlatseqatigiiffinnut (interessentskabinut) tunngatillugu:

- Peqataasut ataasiakkaat ataatsimut suleqatigiiffiup pisussaaffiit nammineerlutik (assigiimmillu pisussaaffeqarlutik) akisussaasuupput.
- Peqataasut amerlanngitsut.
- Peqataasut ingerlatseqatigiiffiup (interessentskabip) piunera tamaat taakkuinnarput.
- Aalajangiinissani pingaarutilinni tamani piumasaqaataavoq peqataasut isumaqatigiil-luinnarnissaat.
- Nutaamik peqataasoqalerneru ingerlatseqatigiiffimmik (interessentskabimik) tunngaviu-sumik isumaq naapertorlugu nutaamik pilersitsinertut isigineqassaaq.
- Peqataasup ataatsip peqataajunnaarneru ingerlatseqatigiiffiup (interessentskabip) pio-reersup atorunnaarneratut nutaamillu pilersitsinertut isigineqassaaq. Peqataajunnaartoq ingerlatseqatigiiffiup (interessentskabip) pigisaasa ilaannit naapertuuttumik annertussu-seqartumik pisussaavoq, taamaammallu atorunnaarsitsineq pigisanik agguassinermik kinguneqaassaaq (pisuussutaatinik tunisineq).

Peqatigiiffimmu immikkut akileraartussaataasumut tunngatillugu:

- Peqataasut ataasiakkaat aningaasaliissutaannarminnik (akiliutaannarminnik) akiliisussaassuseqarput.
- Peqataasut amerlasuut.
- Peqataasut kikkuuneri allanngortut, tassa peqataasut allat kingoraartarpaat.
- Ataatsimut suleqatigiiffik peqatigiiffiup aaqqissugaanerani immikkoortunit, tassa imaappoq ataatsimeersuartunit/sinniisuutitanit aammalu siulersuisutut qinikkanit aqunneqarpoq.
- Nutaanik peqataasoqalerneru (ilaasortaqaalerneru) aalajangersimasunik malitassaqaarluni pisarpoq, immaqaluunniit ilaasortannortitsisarneu killilersugaanani.
- Peqataasup peqataajunnaarneru ataatsimut suleqatigiiffiup ataannarnissaanut inatsisitigut sunnuteqaqqanngilaq, peqataajunnaartorlu taassuma pigisaasa ilaannik piumasaqarsinnaa-nani.
- Ataatsimut suleqatigiiffiup pingaarnertut siunertaa pitsaasuvoq. Inuussutissarsiutiga-lugu suliffeqarfik siunertamut pitsaasumut tassunga iluaqutissatut ingerlanneqarpoq.

Peqatigiiffiit il.il. pineqartut taamaallaat inuussutissarsiummik suliffeqarfiteqarnikkut iser-titanit akileraartussaataapput, ileqqoreqqusallu malillugit tamanut ajunngitsuliortuunissaq allatulluunniit tamat iluaqutissaat siunertaappata akileraarusiiffigineqarnissartik tamakkii-sumik ilaannakuusumilluunniit pinngitsoorsinnaavaat, tak. § 3, imm. 2.

Peqatigiiffiit il.il. suliffeqarfimmik akileraartussaataasumik ingerlataqanngitsut nammi-neerluni nalunaarsuummik nassiussisussaataanngillat, Peqatigiiffiulli akileraartussaati-taanngiinnassanersoq aalajangiiviginiarnerani paasissutissanik pisariaqartunik akileraaruse-riffiup peqatigiiffimmu piumasaqaateqarsinnaavoq.

Imm. 2-mut

Peqatigiiffiit il.il. § 1, imm. 1, nr. 14-imi taaneqartut akileraartussaataitanerannut taamaallaat ilaapput inuussutissarsiutigalugu suliffeqarfiuteqarnikkut isertitat kiisalu pigisanik nalilinnik inuussutissarsiutigalugu suliffeqarfimmut tassunga attuumassuteqartunik attuumassuteqarsi-masunilluunniit tunisaqarnikkut, piginnikkunnaarnikkut taamaatitsinikkulluunniit iluanaarutit annaasalluunniit.

Peqatigiiffiit il.il. suliffeqarfimmik akileraartussaataitaasumik ingerlataqanngitsut nammi-neerluni nalunaarsuummik nassiussisussaataanngillat. Peqatigiiffiulli akileraartussaataitan-nginnissaata aalajangiviginiarnerani paasissutissanik pisariaqartunik. Akileraaruseriffiup peqatigiiffik piumasaqarfigisinnaavaa.

§ 2-mut

Aalajangersakkap Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi kingusinnerusukkut allanngortinneqarsimasumi § 2 assigaa, normulersuinerli allanngortillugu araberit kisitsisaat kinguleriiaat atorpeqarput.

Kinguliini oqaaseqaatit allaffissornermi periutsinik, matumani aamma eqqartuussisarnermi periutsimik 1. januar 1980-imi atugaalersimasumik, itisiliinerupput. § 1 naapertorlugu tamakkiisumik akileraartussaataitaneranut piumasaqaatit naammassineqarsimangippata ingerlatseqatigiiffinnut, isumagineqartut § 1, imm. 1, nr. 12-imiit 14-imut taagorneqartutut ilusiligaasunut, aningaasaateqarfinnut, peqatigiiffinnut allanullu kiisalu toqukkut qimaguttut pigisaat Kalaallit Nunaata avataani suliarineqartunut § 2 naapertorlugu killilimmik akileraartussaanaissaq tikiqqarsinnaavoq.

Killilimmik akileraartussaataitaneq imaappoq isertitat § 2-mi taagorneqartut kisimik akileraartussaataitanermi ilanngunneqassallutik, akerlianillu ilanngateqartinneqarnissamut pissutaa-sinnaallutik.

Imm. 1, nr. 1-imut

§ 2, imm. 1, nr. 1 naapertorlugu killilimmik akileraartussaataitaapput inuit atorfeqarnerminni Kalaallit Nunaanni imaluunniit kalaallit umiarsuaataanni timmisartuutaanniluunniit nammi-neq sulinerminnut akilerneqartartut – akissarsianik isertitaqartartut.

Sulinikkut isertitanit killilimmik akileraartussaataitaneq taamaalilluni § 74, imm. 1 naapertorlugu aningaasarsianik A-nik taagorneqartunut attuumassuteqanngilaq, akerlianilli pineqarput atorfeqarnermut atatillugu akiliutinik sunilluunniit pissarsiat. Taamaasiluni killilimmik akileraartussaataitaneranut pingaaruteqanngilaq sulisitsisup najugaa eqqartuussiveqarfik Kalaallit Nunaanniittuunersoq avataaniittuunersorluunniit. Eqqartuussiveqarfimmut atasuuneq suli-sitsisup akileraarutitik A-nik unerartitsinissamut pisussaaffeqarneranut pisussaaffeqanngin-neranulluunniit taamaallaat pingaaruteqarpoq.

Umiarsuaq/timmisartoq Kalaallit Nunaannit aallaaveqartutut isigineqassaaq tassani nalunaarsugaaguni. Umiarsuaq/timmisartoq nunami allami, matumani aamma Danmarkimi Savalimmiuniluunniit nalunaarsugaagaluarpalluunniit, umiarsuaq/timmisartoq inuttaqartinnagu kalaallit suliffeqarfiutaannit assartuutissatut tiguneqaruni tassungaluunniit tunineqaruni Kalaallit Nunaanni nalunaarsugaasutut isigineqassaaq. Tamanna aamma atuuppoq umiarsuaq/timmisartoq kalaallinit pigineqartoq kalaallinik inuttaqarluni kalaallit Nunaata avataani nalunaarsorneqarsimappat, umiarsuaq/timmisartoq inuttaqartinnagu nunami allamiut suliffeqarfiutaannit assartuutissatut tiguneqartoq pineqanngippat.

Arlaqaqisunik piffissani sivikitsuinnarni Kalaallit Nunaanniittoqartarnera pissutigalugu – soorlu sulinermut atatillugu angalanikkut –ullut 60-it killilimmik akileraartussaataitanermut piunasaqaatitut killiliunneqarput, tassungalu aamma ilanngullugu aalajangersarneqarluni pineqartup nalinginnaasumik sulisitsisumini atorfeqaannarnissaa.

Assersuutigalugu inuk ullut 60-it inorlugit Kalaallit Nunaanniinnermini sulisitsisumi kalaaliusumi sulisinneqartoq taamaasilluni killilimmik akileraartussaataitaasunut ilaassaaq.

Ullut 60-it taakku naatsorsorneranni ulloq tikiffik ullorlu aallarfik ilanngunneqassapput. Ullunik taakkuninnga 60-inik immikkut saneqqutsisoqarsinnaanngilaq, ullunik 60-inik taakkuninnga sinniineq napparsimanermik, timmisartup kinguaattoorneranik assigisaanilluunniit peqquteqaraluarpalluunniit.

Imm. 1, nr. 2-mut

Aalajangersakkap kinguneraa nammineq sulinikkut akissarsianit, akileraartussaataitanerup qaangiutereerneratigut aatsaat pissarsiarineqartunit killilimmik akileraartussaataitaneq. Aalajangersakkami nalinginnaasumik pineqarput piffissami soraarniuteqarfiusumi akissarsiat, ataasiaannartumik tunniunneqartunik akissarsiat, iluanaarutinit kajumissaatitut tapisiat, akissarsianut kingusinnerusukkut aaqqiissutit (isumaqatigiissutit naapertorlugit) il.il..

Akissarsiat tassaatinneqarput akissarsiat § 75-imi taagorneqartut. Aammattaaq aalajangersak-kami pineqarput unammillertigisanut paasissutissiinnnginnissamik piunasaqaatinik isumaqati-giissuteqarnermut akissarsiat.

Akissarsiat pineqartut assortuussutigineqarsimanerat, taamaammallu pisinnaatitaalerneq imaluunniit taakku amerlassusii kingusinnerusukkut eqqartuussinikkut aalajangiinermi, eqqar-tuussivimmi isumaqatigiissuteqarnikkut, saqitsaattoqarnerani isumaqatigiissitsiniartarfikkut assigisaasigulluunniit aalajangiiffigineqarsimanerat killilimmik akileraartussaataitanermut pingaaruteqanngilaq. Assigisaasigulluunnit oqarnermi pineqarput iliuitsit allat akerleriit isumaqatigiinnginermut iluarsiiutitigalugit isumaqatigiissutigisinnaasaat.

Taamatuttaa q akiliutit taarsiissutit tunniunneqarnerat pingaaruteqanngilaq.

Imm. 1, nr. 3-mut

Aalajangersakkap kinguneraa sulisitsisumit kalaallimit aningaasarsianit, akissarsianit assigisaannilluunniit killilimmik akileraartussaataaneq, nunamut maanga nuunneq pisattat nuunneqarnerat, angallannermi pissutsit assigisaalluunniit pissutigalugit sivikitsumik kinguar-sarneqarpat.

Pisattat nuunneqarnerat, angallannermi pissutsit assigisaalluunniit pissutigalugu sivikitsumik kinguartoorneq ima paasisariaqarpoq pineqartoq, kinguartoornermut patsisaasoq qaangiunna-riarpat Kalaallit Nunaannut piaartumik nuussasoq. Assigisaalluunniimik oqarneq paasineqas-saaq pissutsit siumut naatsorsuutigineqanngitsut allat, kinguaattornermik nassataqarsinnaasut.

Sulisitsoq kalaaleq matumani tassaavoq sulisitsisut tamarmik Kalaallit Nunnaanni akileraaru-tinik A-nik akileraarutit pillugit inatsit imaluunniit akileraarutit aningaasarsianit ilanngaatige-rikkat pillugit inatsit il.il. malillugit unerartitsinissamut pisussaaffeqartut.

Imm. 1, nr. 4-mut

Aalajangersakkap kinguneraa Kalaallit Nunaanni pisortanit aningaasarsiat, akissarsiat assigi-saannilluunniit killilimmik akileraaruteqaataasussaanagerat, Kalaallit Nunaannut nuunneq pik-korissartitsinermut sivikitsumik peqataaneq pissutigalugu kinguarsarneqarpat. Assigisaannil-luunniit oqarnermi pineqarput atorfeqarnermi akissarsiat allat.

Pikkorissartitsinermut sivikitsumik peqataaneq tassaasinnaavoq ilinniartitsisoq naammas-serlaaq 1. juli atorfinitsinneqarluni julip qaammataata ilaani Danmarkimi ilinniartitsisut immikkut pikkorissartinneqarnerannut peqataasoq, malitsigitillugulu 8. august Kalaallit Nunaaliartoq. Pineqartoq 1. julimiit piffissamullu tamarmut pineqartumut tunngatillugu Kalaallit Nunaanni pisortanit sulisitsisunit akissarsiaminit killilimmik akileraartussaataaassaaq.

Kalaallit Nunaanni pisortat sulisitsisuanik oqarnermi matumani paasineqassaaq Kalaallit Nunaanni Namminersornerullutik Oqartussat, kommunit kommunillu suleqatigiiffii kiisalu ingerlatseqatigiiffiit Namminersornerullutik Oqartussanit tamakkiisumik ilaannakuusumil-luunniit pigineqartut.

Imm. 1, nr. 5-imut

Aalajangersakkap kinguneraa Kalaallit Nunaata avataani ilinniagaqartut il.il. ilinniagaqarner-siutiminnit, akissarsiaminnit assigisaannilluunniit nunamit maanga aningaasalersorneqartunit killilimmik akileraartussaataanagerat. Assigisaannilluunniit oqarnermi pineqarput atorfeqarner-mi akissarsiat allat.

Aalajangersagaq ilinniagaqartunut allanullu, ilinniarnermik nalaani Kalaallit Nunaannut tamakkiisumik akileraartussaanagermi attassisimangitsunut taamaallaat pingaaruteqartus-saassaaq.

Imm. 1, nr. 6-imut

Inuussutissarsiutigalugu eqqumiitsuliortut, timersortartut assigisaallu Kalaallit

Nunaanni suli-nerminni aningaasarsiaminnit § 2, imm. 1, nr. 6 naapertorlugu killilimmik akileraartussaati-taapput. Assigisaallu tassaapput inuit taamatulli aaqqissuussinermut ataasiartumik peqataasut.

Akileraaruserneqartussaannermut tunngasuupput isertitat, taakku eqqumiitsuliortumut, timersortartumut aallanulluunniit inuttaanut allamulluunniit, assersuutigalugu inummut attuumas-suteqartumut sinniisuusumut, tunniunneqarnerat apeqqutaatinnagu.

Imm. 1, nr. 7-imut

Killilimmik akileraartussaaneq § 2, imm. 1, nr. 7 malillugu inunntu siulersuisunut, siunnersui-soqatiginnut, ataatsimiititalianut assigiinngitsunut, kommissionini assigisaanniluunniit Kalaallit Nunaanni aallaaveqartuni ilaasortaasunut tunngasuuvoq. Assigisaanniluunnit oqarnermi erseqqissarneqarpoq pineqartup qanoq taaguuteqarnera aalajangiisuunngitsaq.

Imm. 1, nr. 8-mut

Killilimmik akileraartusaasut § 2, imm. 1, nr. 8 malillugu tassapput inuit § 1-imi taagorneqar-tunut ilaangikkaluarlutik § 75, imm. 2, nr. 1 naapertorlugu A-nik isertitatut isigisariaqartunik aningaasarsianik isertitaqartartut.

Aalajangersagaq inunntu siulersuisunut honorarisanik pensioninillu il.il. Kalaallit Nunaanniit pissarsisartunut immikkut pingaaruteqarpoq.

Isertitat aningaasarsiatut A-tut taagorneqartut aningaasarsiat A-t pillugit Namminersornerullutik Oqartussat nalunaarutaanni allassimapput.

Isertitat akileraaruteqaataasussat Kalaallit Nunaannit aallaaveqarnissaasa saniatigut Kalaallit Nunaannut attuumassuteqarnissamik allatigut piumasaqaateqanngilaq.

Imm. 1, nr. 9-mut

Iluanaarutisianit killilimmik akileraartussaataitaanermi pineqarput iluanaarutisiaat § 14, imm. 1, nr. 3-mi aamma § 86-imi pineqartut. Iluanaarutisiaatut taagorneqartut amerlasuujupput, pine-qarpullu aktiaatillip, anpartinilluunniit pigisaqartup il.il. aktiaateqarneq il.il. pissutiginnarlugu aningaasatigut iluaqutissarsiai tamarmik, taamaallaat pineqaratik aktianit akeqanngitsunit kiisalu atorunnaarsitsinermi iluanaarutinit agguagarsiat.

Taamaammat "iluanaarutisiaasuusaartitat" aamma "agguagarsiaasuusaartitat" aamma killilim-mik akileraaruteqaataasussaapput. Taamatut oqarnermi pineqartut ilagaat iluanaarutisiaat aktiaatillip il.il. ingerlatseqatigiiffiullu, aningaasatigut iluaqutissarsinissaq neriuutigalugu, taaguusigaat.

Killilimmik akileraartussaataitaaneq iluanaarutisianit akileraarutinik ilanngaassuunissaq § 86-imi pineqartoq aqqutigalugu naammassineqassaaq. Iluanaarutisianit akileraarutit inaarutaa-sumik akileraarutaapput, taamaammallu isertitanit akileraaruteqaataasussanit Kalaallit Nunaanneersunit allanit amigartoorutit

ilanngaatigineqarsinnaanngillat. Iluanaarutisianit akileraarutit taamaallaat iluanaarutisianit nalunaarutigineqareersunit ilanngaatigineqassapput.

"Iluanaarutisiaasuusaartitat" imaluunniit "agguagarsiaasuusaartitat" kingunerisaannik killilimmik akileraartussaataaneq kingusinnerusukkut akileraarusiinermit aatsaat paasineqarsinnaasarpog. Taamaammat iluanaarutisianit akileraarutinit unerartitsisoqassanngilaq. Tassunga taarsiullugu atugaavoq - tunngaviusumik – nammineerluni nalunaaruteqartarnis-samik aaqquissuussineq.

"Iluanaarutisiaasuusaartitat" imaluunniit "agguagarsiaasuusaartitat" siumoortumik nalunaarsorneqassanngillat. "Iluanaarutisiaasuusaartitat" imaluunniit "agguagarsiaasuusaartitat" akileraarutitaannik akiligassiineq akileraarutinillu akiliineq inaarutaasu-mik akileraarutit il.il. pillugit maleruagassat malillugit pisarpoq.

Taamaammat iluanaarutisiat imaluunniit agguagarsiat "piusuusaartitat" iluanaarutisianit akile-raarutinit unerartitsisoqassanngilaq. Taamaattoqartillugu akileraarusiineq nammineerluni nalunaarsuut tunniunneqarsimasog tunngavigalugu pisarpoq. Taamatuttaaq piginneqataas-sutinut uppersaatinit pappialanillu aningaasanik nalilinnit assigisaannit iluanaarutisianik akileraarusiineq nammineerluni nalunaarsuiffik tunniunneqarsimasog tunngavigalugu pisarpoq.

Imm. 1, nr. 10-mut

Qaagukkut aalajangersimasumik ingerlatsiveqartutut isummerfiginnittoqarnissaanik aalaja-ngiinermit aammattaq pingaartillugu isiginiarneqassaaq taaguummik marloriaammik akile-raannginnissaq pillugu isumaqatigiissutinut (DBO) atatillugu erseqqissaasimaneq, tamatu-mani aamma OECD-p tunngaviusumik isumaqatigiissutaa, tassungalu oqaaseqaatit..

Aalajangersimasumik ingerlatsiveqarneq taamaalilluni tamatigut pisarpoq suliffeqarfik immikkoortokkut, allaffikkut, tunisassiorfikkut, sannavikkut qarusukkulluunniit, gasseqarfikkut uuliaqarfikkulluunniit, ujaqkerivikkut allakkulluunniit nunamit piiagassat sumiiffiannit aalajangersimasumit piiaffiusukkut ingerlanneqarpat.

Aalajangersimasumik ingerlatsivittut taaguummi qitiusog tassaavoq aalajangersimasumik ingerlatsiveqarnera, ingerlatap suliaata tamakkiisumik ilaannakuusumilluunniit ingerlanneqar-figisaanik.

Marloriaammik akileraannginnissaq pillugu isumaqatigiissutit kingunerissavaat Kalaallit Nunaat suliffeqarfimmik sanaartormik suliaqartumik nunami maaniittumik aatsaat akile-raarusiisinaatitaassammat ingerlataq taanna piffissami aalajangersimasumik sivisussuseqar-tumi ingerlanneqarsimappat, amerlanertigut sivikinnerpaamik qaammatinik arfinilinnik sivi-sussuseqartumik.

Suliffeqarfik sinniisumit piukkunnaatilittut isigisariaqartumit, nunami allami ingerlatsivimmit sinniissuuffigisaminit ingerlatsivimmut pisussaaffiliinertaqartunik niueqatiginninnaanermut pinsinaatitaasumit sullinneqarpat, nunami maani aalajangersimasumik ingerlatsineqarpoq.

Suliffeqarfik nunami maani attaveqaatitut inissisimasumit, tassa imaappoq tuniniaanermi sullissisumit, piumasarianut tigusaminut suliffeqarfimmit nunami allami inissisimasumit akuersissummik peqqaartussamit, ingerlanneqarpat, tamanna aalajangersimasumik ingerlatsi-veqarnertut isigineqassanngilaq.

Immikkoortortaarfik nunami maani peqqumaasivittalik aqutigalugu Kalaallit Nunaanni nunanilu allani pituttuisuusumik tunisineqartarpat, Kalaallit Nunaanni nunanilu allani tuni-niaanikkut iluanaarutit killilimmik akileraartarnermut tunngatitanut ilaapput.

Immikkoortortamik pisiniartarfiunnartumik nunami maaniittoqarnera aalajangersimasumik ingerlatsiveqarnertut isigissallugu naammanngilaq.

Ingerlatseqatigiiffik nunamit allameersoq inuussutissarsiutigalugu suliffeqarfiup nunami maani aalajangersimasumik ingerlatsiveqartup iluanaarutaasa ilaannik pissarsisinnaatitaaguni killilimmik akileraartussaataaassaaq, suliffeqarfik taanna ingerlatseqatigiiffimmit ingerlanne-qanngikkaluarpuunniit. Aalajangersagaq assersuutitut atuuppoq ingerlatseqatigiiffik nuna-mit allameersoq taarsigassarsisitsimanermigut suliffeqarfiup maaniittup sinneqartoorutaasa ilaannik pissarsinissaminik piumasaqaateqarsimatillugu.

Imm. 1, nr. 11-mut

Aalajangersakkap kinguneraa inuit Kalaallit Nunaanni aalajangersimasumik sumiiffeqarlutik namminersorluni inuussutissarsiummik ingerlataqarnermikkut isertitaminnit imaluunniit taa-maattumik ingerlataqarniarneq siunertaralugu sivikinnerpaamik ulluni 90-ini ataannartumik Kalaallit Nunaanniittut, imaluunniit allatut iliornikkut ingerlatap isertitaasa, sinneqartooru-taasa taakkualuunniit assigisaasa ilaannik pisassaqaartitaasut killilimmik akileraartussaataa-nerat.

Namminersorluni inuussutissarsiortut tassaapput nakorsat, eqqartuussissuserisut, kukkuner-siuisut, siunnersortit il.il.. Inuit tamakkununnga ilaasut inuussutissarsiutertik ullut 90-it ataal-lugit sivisussuseqartumik Kalaallit Nunaanni ingerlassinnaavaat killilimmik akileraartus-saatitaaleratik.

Aalajangersakkami pineqartunut ilaapputaaq aningaasaliinikkut ingerlatseqataasut Kalaallit Nunaata avataani najugallit, ingerlatseqatigiiffiup (interessentskabip) Kalaallit Nunaanni nalunaarsugaasup sinneqartoorutaanik pissarsisartut.

Imm. 1, nr. 12-imut

Inuit ingerlatseqatigiiffiillu umiartornermik timmisartornermilluunniit ingerlataqartumik Kalaallit Nunaata imartaani nunataaniluunniit (territorium) suliffeqarfimmik imaluunniit Kalaallit Nunaata ilaanit avataanut aalajangersimasumik pisartumik angallassinermik ingerlatsisut tassannga isertitaminnit killilimmik akileraartussaataaapput.

Tamanna aamma atuuppoq ingerlatami taamaattumi peqataagaanni imaluunniit ingerlatap taamaattup isertitaasa, sinneqartoorutaasa taakkualuunniit assigisaasa

ilaannik pisassaqartitaagaanni. Assigisaannik oqarnermi pineqarput, piginneqaataanermut tunngaviliisunik uuttuutit.

Imm. 1, nr. 13-imut

Atuisinnaanermut Kalaallit Nunaanni aallaaveqartunit nunani allani tiguisisunut akiliutit killilimmik akileraarutaassapput.

Killilimmik akileraartussaataaansamut piumasaqaataavoq atuisinnaanermut akiliteqartup nunami maani eqqartuussiveqarfimmi najugaqartuunissaa. Aammali killilimmik akileraartus-saatitaaneq atuutissaaq tunniussat piginnaatitaasumit Kalaallit Nunaanni eqqartuussiveqar-fimmik najugaqarfeqartumit isumagineqarpata.

Imm. 1, nr. 14-imut

Kalaallit Nunaanni inuussutissarsiummik (ingerlatamik) attartortitsinikkut isertitat killilimmik akileraaruteqaataasussaapput.

Aalajangersakkap kinguneraa suliffeqarfimmik Kalaallit Nunaata avataani nalunaarsugaa-sumik piginnittoq attartortitsinikkut isertitanit atortitsinermulluunniit akiliutitigut isertitanit killilimmik akileraartussaataanera.

Imm. 1, nr. 15-imut

Inuit § 1-imi pineqartunut ilaanatik Kalaallit Nunaanni pigisamik aalaakkaasumik pigisaqar-tut, tassanngaluunniit isertitaqartartut § 2, imm. 1, nr. 15 naapertorlugu killilimmik akileraar-tussaataaapput. Tassa imaappoq pigisamit aalaakkaasumit isertitaqarnek kisimi killilimmik akileraartussaataanermut patsisaanngilaq, aammali pigisamik aalaakkaasumik pigisaqarnek.

Aamma Kalaallit Nunaanni pigisamik attartortitsisoq aalajangersagaq taanna malillugu killilimmik akileraartussaataavoq.

Imm. 1, nr. 16-imut

Inuup toqkkut qimaguttup pigisaanit Kalaallit Nunaanni aaqqissuussinikkut suliarineqarsi-masunit pisassaqarnikkut isertitaqartoq isertitaminit taakkunangga killilimmik akileraartus-saatitaavoq.

Aalajangersakkamut tunngaviuvoq toqkkut qimaguttup pigisaasa Kalaallit Nunaanni akileraarusiiffigineqartannginnerat, agguagarsianilli tigusaqartut akileraarusiiffigineqar-tarlutik. Taamaammat toqkkut qimagussimasup pigisaannit Kalaallit Nunaanni aaqqissuus-sinikkut suliarineqarsimasunit isertitat tamatigut pisassaqartumut tamakkiisumik akileraartus-saatitaasumut imaluunniit aalajangersagaq una malillugu killilimmik akileraartussaataasu-mut Kalaallit Nunaanni akileraarusiissutigineqartassapput.

§ 2, imm. 2-mut

Killilimmik akileraartussaataasut isertitaasa naatsorsorneqarneranni taamaallaat ilanngunneqassapput isertitat akileraartussaataanermut tunngaviusut, isertitanillu taakkunangga taamaallaat ilanngaatigineqarsinnaapput aningaasartuutit isertitanut

taakkununga tunngassute-qartut. Taamatutaaq aningaasartuutitut akileraartarnermi nalikilliliisinnaanerup kinguneri-saanik ilanngaataasinnaasunut tamanna atuuppoq.

Akissarsianut killilimmik akileraaruteqartussaataitaasunut tunngatillugu tamanna isumaqarpoq ilanngaatigineqarsinnaasutuat tassaammata akissarsiortut ilanngaataat nalinginnaasut. Aamma ilanngaatit taakku annertussusiat akissarsiat 10 pct.-iannit anginerusinnaanngillat, aammalu ukiumoortumik annerpaaffissaat tassaasinnaalluni kisitsit Inatsisartunit aalajangersagaasoq.

Kisitsit Inatsisartunit ukiumoortumik aalajangersarneqartartoq qaammatisiutit malillugit ukioq pineqartoq sioqqullugu ukiup affaani siullermi Inatsisartut ataatsimiinneranni aalajangersarne-qartarpoq. Kisitsit ukiumut aningaasarsiorfimmuut 2007-imut 1.000 kr.-inut aalajangersarne-qarpoq.

Tassa imaappoq inuup killilimmik akileraartussaataitaasup nammineq soraarnerussutisiaqaler-nissaminut aaqqissuussinernut, katissimallugu aapparisaaminut avissimasaminut meeqqanul-luunniit akilersuutini ilanngaatigisinnaassanngikkai.

§ 3-mut

Aalajangersakkap Inatsisartut inatsisaanni nr. 5, 19. maj 1979-imeersumi § 3 assigaa, taa-maattorli § 1, imm. 1, nr. 8 Inatsisartut inatsisaatigut nr. 6, 10. april 2003-meersukkut ilan-ngussaavoq.

Allajangersakkami taagorneqartut tamakkiisuupput. Kikkut akileraartussaataitanermut ilaannginnermut.

Kinguliini oqaaseqaatit allaffissornermi periutsinik, matumani aamma eqqartuussisarnermi periutsimik 1. januar 1980-imili atugaalersimasumik, itisiliinerupput.

Nr. 1-imut

Kunngi taassumalu aappaa aammalu kunngikkormiunut ilaqutaasut danskit kunngiisa qitor-narisaat imaluunniit inatsisini tunngaviusuni § 11 naapertorlugu ukiumoortumik aningaasar-siassaartitaasut taakkualu aapparisaat imm. 1, nr. 1 naapertorlugu akileraartussaataitan-ngillat.

Nr. 2-mut

Namminersornerullutik Oqartussat, kommunit, naalagaaffik taakkualu sulliviutaat atorfeqar-fiutaallu imm. 1, nr. 2 malillugu akileraartussaataitanngillat. Akileraartussaataitannginnermi pineqanngillat ingerlatseqatigiiffiit pisortanit pigineqartut.

Nr. 3-mut

Naalagaaffinni takornartani naalakkersuisut maani aallartitaat il.il. imm. 1, nr. 3 naapertorlugu akileraartussaataitanngillat. Taakku akileraaruserneqassapput

naalagaaffiit aallartitaat pillugit Wien-imi naalagaaffiit isumaqatigiissutaanni malerugassat naapertorlugit.

Nr. 4-mut

Naalagaaffiit takornartat maani konsulii il.il. imm. 1, nr. 4 naapertorlugu akileraartussaati-taanngillat. Taakku akileraaruserneqassapput konsuleqarfiit pillugit Wien-imi naalagaaffiit isumaqatigiissutaanni malerugassat naapertorlugit. Akissarsiaqartitaanatik konsuliusut tamak-kiisumik akileraartussaataareersut akileraartussaataatitaannginnermik aalajangersakkami pine-qartunut ilaanngillat.

Nr. 5-imut

Uppeqatigiit akuerisaasut ilagiinnilu atorfeqarfiit taakkununga folkekirkemulluunniit atasumik pilersinneqarsimasut imm. 1, nr. 5 naapertorlugu akileraartussaataatitaanngillat.

Nr. 6-imut

Atorfeqarfiit ilinniartitsinnermut, inunnik isumaginninnermut kultureqarnermullu tunngasut atorfeqarfiit imminnut ingerlattut imm. 1, nr. 6 naapertorlugu akileraartussaataatitaanngillat, isertitaat tamarmik atorfeqarfiup pineqartup siunertaanut taamaallaat atorneqarsinnaappata.

Nr. 7-imut

Inuit, sulliviit il.il., Atlantikup Avannaani Angerfigeqatigiinneq naapertorlugu Kungeqar-fimmi Danmarkimi Amerikamilu Naalagaaffeqatigiinni Nalakkersuisut akornanni, Kalaallit Nunaata illersorneqarnissaa pillugu isumaqatigiissummi allaaserisami VII-imi ilanngunneqar-simasut imm. 1, nr. 7 naapertorlugu akileraartussaataatitaanngillaq. Akileraartussaataatitaanngin-nermut ilaatinneqarput sakkutuut nunani illersukkaniittut, aammalu amerikamiut suliffeqarfiu-taat taakkualu sulisui, sakkutooqarfimmik imaluunniit amerikarmiut naalakkersuisunik isumaqatigiissuteqarneq naapertorlugu sulisut. Suliffeqarfiit amerikarmiuunngitsut taakkualu sulisui akileraartussaataatitaannginnermut ilaatinneqanngillat, illersukkani suliassanik ingerlatsigaluartut ULD 8. september 1983-imeersoq naapertorlugu. Inuit Amerikami innuttaasuunngitsut, ame-rikarmiut sakkutuujunngitsut suliffeqarfiutaanni sulisut, akileraartussaataatitaannginnermut ilaatin-neqanngillat.

Nr. 8-mut

Peqatigiiffiit il.il. illorsuarni timersortarfinni cafeteriamik neriniartarfimmilluunniit ingerlataqartut imm. 1, nr. 8 naapertorlugu akileraartussaataatitaanngillat. Peqatigiiffiup il.il. illorsuarni timersortarfinni cafeteria attartortissimappagu akileraartussaataatitaannginnermi pineqanngillat attartortup cafeteriamik taamaattumik attartornermigut sinneqartoorutai, soorluttaaq sulisut aningaasarsiaattut tunniunneqartartunit akileraarutininik A-nik ilanngaassuineq ingerlaannas-sasoq.

Imm. 2-mut

Aningaasaateqarfiit, peqatigiiffiit il.il. § 1, imm. 1, nr. 13 aamma 14 naapertorlugit akileraar-tussaataatitaasut Naalakkersuisunit imm. 2 naapertorlugu tamakkiisumik ilaannakortumilluunniit akileraartussaaajunnaarsinneqarsinnaapput, tamanut ajunngitsuliortuunissaq allatulluunniit tamanut iluaqtissiuinissaq ileqqoreqqusatigut

siunertaappat. Taamaasilluni tunngavissaatin-neqarpoq aningaasaateqarfimmik il.il. atorunnaarsitsinermi pisuussutaajunnartut tamanut ajunngitsuliortuunissamik tamanulluunniit iluaqtissiuinissamik siunertanut atorneqarnissaat.

Akilerartussaajunnaarsitsineq ukiumoortumik akilerartussaajunnaarsitaanerusinnaavoq ataavartumilluunniit akilerartussaajunnaarsitaanerusinnaalluni. Akilerartussaajunnaarsitsinermi aningaasaateqarfik il.il. nammineerluni nalunaarsuummik nassiussaqaassanngilaq, akilerartussaajunnaarsitsinermi nalinginnaasumik piunasaqaataasarpoq ukiumoortumik naatsorsuutit akilerartarnermut oqartussaasunut nassiunneqartarnissaat, aammalu ileqqoreqqusanut allannguutaajunnartut tassunga nassiunneqartussaallutik.

Imm. 3-mut

Imm. 3-mi aalajangersagaq Kalaallit Nunaanni atortussiassat aatsitassanit pisut il.il. pillugit inatsit naapertorlugu akuersissuteqarnerup kingunerisaanik akilerartarnerup tungaatigut pissutsinut amerlasuutigut paasiuminnaalluinnartartunut attuumassuteqarpoq. Taamaammat ingerlatseqatigiiffiit pineqartut akilerartussaajunnaarsitaanerusinnaavoq apeqqutip akuersissummi erseqqin-nerusumik isumannaarneqarnissaa taamaattumillu inatsimmi matumani pineqartunut ilaanginnissaa naleqquttuusorinarnerpaavoq.

§ 4-mut

Aalajangersakkap aningaasarsianit akilerartarnerup pillugit Inatsisartut inatsisaanni § 4 assigaa.

Kinguliini oqaaseqaatit allaffissornermi periutsinik, matumani aamma eqqartuussisarnermi periutsimik 1. januar 1980-imili atugaalersimasumik, itisiliinerupput.

Katissimallutik aappariit tamakkiisumik ataatsimut akilerartarnerup, taamaammat pigisap aappariit arlaannit kimit pigineqarnera akilerartarnerup nalinginnaasumik pingaa-ruteqaanngilaq, aamma immikkut pigisaqarnerup pigisanilluunniit ataatsimut pigisaqarnerup. Katissimallutik aappariittut isigineqarput katissimanngikkaluarlutik aappariittut nalunaarsor-tissimasut. Naalakkersuisut oqaatigisimavaat malittarisassaq taanna 1. januar 2008-miit allanngortinniarneqassasoq, aappariit immikkut akilerartarnerup eqqartalersillugit.

Ataatsimut akilerartarnerup aallartittarpoq ukiumit aningaasarsiorfiusumit katiffiusumit. Tamatuma kinguneraa ukiup isertitaqarfiusup aallartinneraniit katinnissap tungaanut isertitaa-simasut ataatsimut akilerartarnerup ilanngunneqartarnerat.

Taamaattorli katissimallutik aappariit arlaat aatsaat ukiup isertitaqarfiusup ingerlanerani tamakkiisumik akilerartarnerup eqqartalersillugit, ulloq katissimallutik aappariit

tamarmik tamak-kiisumik akileraartussaataalerfiat aallarnerfigalugu ataatsimut akileraarusiisoqassaaq.

Uiusoq kisimi Kalaallit Nunaannut tamakkiisumik akileraartussaataappaat ataatsimut akile-raarusiisoqassanngilaq. Nuliaasoq § 2 naapertorlugu killilimmik akileraartussaataaguni isertitaminit killilimmik akileraarutaasussanit immikkut killilimmik akileraarusiiffigineqas-saaq. Aappariit tamarmik § 2 naapertorlugu killilimmik akileraartussaataagunik tamarmik isertitaminnit killilimmik akileraarutaasussanit immikkut akileraarusiiffigineqassapput.

Aappariit ukiup isertitaqarfiusup ingerlanerani averuserpata avippataluunniit ataatsimut akileraarusiinissaq ukiup isertitaqarfiusup aallartinneraniit atorunnaassaaq. Ulloq akuerineqarfiu-soq ullorluunniit eqqqartuussutip nalunaarutigineqarfigisaa aalajangiisuuvoq.

Aamma aappariit isumaqatigiinnginnermik peqquteqartumik inooqatigiikkunnaarpata ataatsi-mut akileraarusiineq ukiup isertitaqarfiusup naaneraniit, tassa imaappoq 1. januarimiit atorun-naassaaq. Aappariit kingusinnerusukkut inooqatigiileqqippata ataatsimut akileraarusiineq ukiup isertitaqarfiusup, inooqatigiileqqiffiusup aallartinneraniit atuutileqqissaaq.

Avissaarsimaneq ilinniakkamik sulinermilluunniit pissuteqarpat aappariit inooqatigiinnar-tutut isigineqassapput.

Kiisalu ataatsimut akileraarusiineq atorunnaassaaq aappariit arlaata Kalaallit Nunaannut tamakkiisumik akileraartussaataanera atorunnaarpata. Ataatsimut akileraarusiineq ullormi aappaasup tamakkiisumik akileraartussaataanerata atorunnaarfiani atorunnaassaaq.

§ 5-imut

Aalajangersakkap Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi § 5 assigaa.

Kinguliini oqaaseqaatit allaffissornermi periutsinik, matumani aamma eqqartuussisarnermi periutsimik 1. januar 1980-imili atugaalersimasumik, itisiliinerupput.

Meeqqat immikkut akileraartussaataappaat. Tamanna atuuppoq angajoqqaaminni najugaqara-luarpata najugaqanngikkaluarpataluunniit.

Isertitat tunniunneqartulluunniit angajoqqaanut imaluunniit meeqqamut akileraarutigittinneqarnissaannut aalajangiisuuvoq kina arlaat tunniunneqartunik pisussaviunersoq.

Tunniunneqartartut makku meeqqamut akileraarutigittinneqassapput:

- Tjenestemandit soraarnerussutisiaat pillugit Inatsisartut inatsisaat naapertorlugu meeqqap soraarnerussutisiai.
- Tjenestemandit soraarnerussutisiaat pillugit Inatsisartut inatsisaat naapertorlugu meeqqap nammineq soraarnerussutisiaanut tapit.
- Sulinikkut ajoqusersinnaanermut sillimmasiisarneq pillugu Inatsisartut inatsisaat naapertorlugu meeqqamut ukiumoortumik ingerlaavartumik tunniunneqartartut.
- Soraarnerussutisiaqartitsinermi aningaasaateqarfinnit namminersortunit meeqqap soraarnerussutisiai.

Meeqqap pilersorneranut akilersuutit meeqqap aningaasarsiaanut akileraaruteqaataasussanut ilanngunneqassapput.

Meeqqap kuisinneranut atatillugu immikkut akiliutit aamma apersortinneranut atatillugu akiliutit meeqqap aningaasarsiaanut akileraaruteqaataasussanut ilanngunneqassanngillat, kuisinneranut atatillugu akiliutit qaammammoortumik akilersuutit nalinginnaasut ataatsit annertussusiannit annertunerunngippata aammalu apersortinneranut atatillugu akiliutit qaammammoortumik akilersuutit nalinginnaasut pingasoriaataannit annertunerunngippata.

Angajoqqaatut isigineqassapput ataatassaq/anaanassaq angajoqqaat meeravissiaqartuusut, angajoqqaarsiat aamma aataq aanarlu.

Meeqqat ukiukitsut angerlarsimaffimmi sulinerikkut imaluunniit angajoqqaatik peqatiga-lugit takornartani sulinerikkut isertitaqarpata meeqqanik ukiukitsunik akileraarusiiffigin-ninneq taamaallaat pisinnaavoq sulinerup suunera qanorlu annertutiginera meeqqat ukiuinut sanilliullugit naammattumik isumaqarnarpat suliaq meeqqanit suliarineqarsinnaasoq. Taa-maammatt pissutsini ataasiakkaani paasissutissat pisariaqartippassuk akissarsiat angajoqqaanut il.il. meeqqanullu missingersuinikkut agguataarlugit angissusilerneqartariaqarsinnaapput, immaqaluunniillu angajoqqaat il.il. akissarsianit tamakkiisumik akileraarusiiffigalugit.

Meeqqat akissarsiaasa ilaanneeriarluni angajoqqaanut akileraarusiissutigineqartussaapput. Imm. 2 naapertorlugu taamaaliortoqassaaq meeraq angajoqqaaminit aningaasanngorlugit pisartagaqarsimappat imaluunniit pisuussutip iluanaarutigigititanik tunineqarsimappat. Kingo-rnussassanit siumoorutit aamma tunissutit isigineqarput. Aningaasanngorlugit pisartakkat imaluunniit pisuussutip iluanaarutigigititai taamaattut tunisisumut akileraaruteqaatigitinneqassapput, taanna piffissami iluanaaruteqarfiusumi Kalaallit Nunaannut tamakkiisumik akileraa-rtussaataitaappat. Piffissaq tunissutip tunniunneqarfia akileraartussaataitaanermut tunngatillugu apeqquumi soqutiginaateqanngilaq. Tunisisoq piffissami iluanaaruteqarfiusumi Kalaallit Nunaannut tamakkiisumik akileraartussaataitaanngippat aningaasat meeqqamut akileraaruteqaatigitinneqassapput.

Meeqqap akissarsiaanik akileraarusiinemik taamatut nuussineq taamaallaat pissaaq qaamma-tisiutit malillugit ukiup meeqqap 18-inik ukioqalerfiata naanerata tungaanut, imaluunniit ullup meeqqap katilluni aappaniffiata tungaanut.

Ileqqaakkanut akileraarutitigut oqilisaaffigineqartunut kontumut ikisat erniaat taamaallaat meeqqap aningaasarsiaasa akileraaruteqaataasussat naatsorsorneranni ilanngunneqassapput.

Meeqqap ukiup isertitaqarfiusup allartinnerani suli 15-inik ukioqalersimangitsup angajoq-qaami inuussutissarsiutigalugu suliffeqarfiutaanni sulinermigut akissarsiai akileraaruserneqas-sanngillat, angajoqqaallu akissarsiat taakku ilanngaatisinnaanngilaat, tak. imm. 3. Malerua-gassaq aamma atuuppoq meeraq angajoqqaami arlaanni angajoqqaatut oqartussaasuseqan-ngitsumi sulippat.

Meeraq ukiup isertitaqarfiusup aallartinnerani 15-inik ukioqalersimappat akissarsiat meeqqap aningaasarsiaanut akileraaruteqaataasussanut ilanngunneqassapput. Taava angajoqqaat akis-sarsiat pisarnertut ilanngaatisinnaavaat, meeqqap suliai akissarsianut naapertuuppata.

Imm. 3-mi aalajangersakkat atorneqarnissaannut meeqqap aningaasarsiorfittut ukiua aalaja-ngiisuusaaq, taamaammatt angajoqqaat aningaasarsiorfittut ukiuat allaappat tamanna apeqqu-taanngilaq.

Meeraq suliffeqarfimmi meeqqap angajoqqaavisa allat peqatigalugit pigisaanni, imaluunniit ingerlatseqatigiiffimmi angajoqqaat annertunerpaamik piginneqataaffigisaanni sulisuuppat akissarsiat imm. 3-mi pineqartunut ilaassanngillat, akissarsiat suliffeqarfimmit ingerlatseqati-giiffimmilluunniit tunniussaappata. Akissarsialli angajoqqaat sinneqartoorutinit pissarsiaannit tunniussaappata akissarsiat imm. 3-mi pineqartunut ilaassapput.

Aningaasat ingerlatseqatigiiffiup annertunerpaamik piginneqataassuteqartut meeraannut akissarsiatut tunniussai meeqqat ingerlatseqatigiiffimmi suliarisinnaasaattut naatsorsuunne-qarsinnaasunut naapertuuttuussapput.

Pisanik tunisinikkut isertitat meeqqamut akileraarusiissutigineqassapput ilimanarsisinneqar-sinnaappat meeqqap nammineq sulinermigut isertitat pissarsiarinerai. Taamaangippat iser-titat angajoqqaanut imaluunniit aalisarnermi piniarnermiluunniit peqataasimasumut akileraa-rusiissutigineqassapput.

Meeqqap angajoqqaamini najugaqartup qanorluunniit ukioqaralaruni nerisaqarnini ineqar-ninilu imaluunniit inuuniarnermut aningaasartuutit angajoqqaaminit akilersorneqartut akile-raaruteqaatigissanngilai, tak. imm. 4. Tamannali atuutinngilaq tunniunneqartut angajoqqaat inuussutissarsiutigalugu suliffeqarfiutaanni akissarsiatut isigineqarpata, imaluunniit meeqqap pilersorneranut akilersuutitut tunniunneqarpata.

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 6 assigaa.

Aalajangersakkap kinguneraa, § 1 aamma § 2 malillugu akileraartussaannermut tunngavissat naammassineqarsimagaluarpataluunniit § 7 aamma § 8-mi taagorneqartutut pisoqartillugu akileraartussaannerup saneqqunneqarnera.

§ 7-imut

Kalaallit Nunaannut tamakkiisumik akileraartussaannerup atuutilerfii Kalaallit Nunaanni najukkamik pissarsinerni tamani ingerlaannartumik pisussaaffinngorneq ajorpoq, tassami § 7-imi aalajangerneqarmat inuit Kalaallit Nunaanni najukkamik pissarsisut namminerlu najuga-rinagu, aatsaat tamakkiisumik akileraartussanngussasut Kalaallit Nunaanni najugaqalivin-nerminni. Taama najugaqalivittutut isigineqanngillat sivikitsuinnarmik feeriarnermik assigisaanilluunniit peqquteqartumik nunami najuunnerit.

Pisarneq malillugu ingerlaannartumik qaammatit pingasut sinnerlugit Kalaallit Nunaanniin-neq, imaluunniit piffissami qaammatit 12-ut ingerlaneranni katillugit qaammatit arfinillit sinnerlugit najugaqarneq, "sivikitsuinnarmik feriarnermik pissuteqartumik najuunneq"-tut isigi-neqanngillat. Najuunnerup sivisussusianik naatsorsuinermi ulloq aallartinneqartoq tamatigut ulloq unnuarlu naallugit sivisussuseqartutut naatsorsuutigineqassaaq. Aalajangiinermittaaq pineqartup allatigut Kalaallit Nunaannut attaveqarnera pingaartinneqarpoq.

Qaammatit pingasut imaluunniit qaammatit arfinillit taaneqartut, akileraartussaalerani sivisu-nerpaamik najuuffissatut isigineqarput. Taamatut sivisunerpaamik najuunneq nalinginnaasu-mik akuerineqartarpoq inuit maani najuunnerat feeriarnermut tunngassuteqartunik annertuner-paamik sunerneqarsimatillugu, tassalu najuunneq inuussutissarsiummit aningaasarsiutaasumit nammineq ingerlaavartumik ingerlatsinissamit pisariaqartitsinermit tunngaveqanngippat, assersuutigalugu Kalaallit Nunaanni inuussutissarsiummik suliffeqarfup aqunneqarnerani akulikitsunik peqataanermik nakkutilliinermilluunniit.

§ 8-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 8, imm. 1 assigaa.

Imm. 1-imut

Aalajangersagaq taanna malillugu akilerartussaalerneq najugaqalernerup tamakkiisumik akile-raartussaalerneqarmut tunngaviusup aallartinnerani ingerlaannartumik atuutilissaaq.

Kalaallit Nunaanni najuutilerermut tunngavippiaasoq apeqqutaanngilaq. Najuunneq nam-mineq piumassuseq tunngavigalugu pinngikkaluartoq, pas-imik arsaagaanerup kingunerisaa-nik allatulluunniit pisunit pinngitsaalineqarnikkut, assersuutigalugu nappaammik patsiseqar-tumik najuunnerugaluartoq, § 1, imm. 1, nr. 2 malillugu najuunnerup, sivikinnerpaamik qaammatinik arfinilinnik sivisussuseqaruni, akileraartussaalerneq nassatarissavaa.

Kalaallit Nunaanniilerup aallartinnerani najuunnerup qaammatinik arfinilinnit sivisuneru-sumik sivisussuseqarnissaa qulakkeereerneqarsimatinnagu, akileraartitsineq killilimmik akile-raartussaasut pillugit malittarisassat malillugit pisassaaq. Aatsaalli najuunneq sivikinnerpaa-mik qaammatit arfinillit sinnerlugit sivisussuseqarnissaa paasineqarpat imaluunniit taamatut sivisussuseqalernerani, inuit tamakkiisumik akileraartussaasut pillugit malittarisassat malil-lugit najuunnerup aallartinneqarneraniit kingumoortumik akileraartitsineqalissaaq.

Imm. 2-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 8, imm. 2 assigaa.

§ 8, imm. 2-mi "takornarianut malittarisassaq"-mik taaneqartartoq § 1, imm. 1. nr. 2-mi pine-qartunut ilaangilaq. Inuit kikkulluunniit takornariatut ilinniagaqarnissarlunniit siunertara-lugu Kalaallit Nunaanni najuuttut, najuunnerminni namminersortutut inuussutissarsiummik maani ingerlataqanngitsut, aammalu ingerlaavartumik nunaminni inunnet tassani najugaqar-tunut malittarisassat naapertorlugit akileraartussaasut, § 1, imm. 1, nr. 2 malillugu akile-raartussaasutitaanngillat, Kalaallit Nunaanniinnerup ataatsimut isigalugu ingerlaavartumik kipi-saqattaartumilluunniit ukiut marluk ingerlaneranni katillugit ullut 365-it sinnerlugit sivisus-suseqalernissaata tungaanut.

Akissarsiaqarluni sulineq aalajangersakkap atorneqarsinnaaneranut ajoqutaanngilaq. Killeqar-tumilli akileraartussaanerup kinguneraa, takornariaq ilinniagaqartorluunniit, § 1, imm. 1, nr. 2 malillugu tamakkiisumik akileraartussaasutitaasunut ilaanginnissamat piumasaqaatinik naam-massinnittoq, killilimmik akileraartussanngornissaa, pineqartoq Kalaallit Nunaanni akissar-siaqaataasumik sulinermigut isertitaqaruni, "takornarianut malittarisassaq" § 2 malil-lugu killilimmik akileraartussaalernissamik pinngitsoortitsisinnaanngimmat.

Aalajangersakkami inuit ilinniagaqarnerminnik naammassinnereernerminni immikkut ilinniaqqinnermik imaluunniit ilinniakkaminnut atasumik ilinniaqqinnermik aallartitsisut aammalu Kalaallit Nunaanniinnerminni ilinniakkamik naammassinnissimasutut akissarsiaqartinneqartut pineqanngillat.

Takornariaq ilinniagaqartorluunniit aalajangersakkami pineqartunik ukiut marluk ingerlane-ranni ullut 365-it sinnerlugit Kalaallit Nunaanniippat, pineqartoq tamakkiisumik akileraar-tussaalissaaq ullut 366-issaat aallarnerfigalugu tassalu najuunnerup allartinneraniit kingu-moortumik aallartiffeqanngitsumik.

§ 9-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 9 assigaa.

Akileraartussaaneq toqukkut qimagunnikkut unimmat, kingornussisussanullu tulluni, akileraartussaataasup toqukkut qimagussimanera erseqqissumik oqaatigineqassaaq, taamatullu pisoqarnera ullormut aalajangersimasumut atatinneqarsinnaassalluni.

Paasissutissat taamaattut pissarsiariniarnerat amerlanerpaatigut ajornartorsiortitsinaviannigilaq, paasissutissat taamaattut akileraaruseriffimmut eqqartuussivinniit tunniunneqartussaammata.

Eqqartuussivik toqukkut qimaguttup ullormik toqquvianik oqaatiginnissinnaangippat, taamaallaalli oqaatigisinnaallugu toqukkut qimaguttoq ulloq aalajangersimasoq toqungasoq nassaarineqarsimasoq, akileraaruseriffimmit ajornanninnerpaaq anguniarlugu ulloq taaneqartoq toqquvittut isigisinnaavaat.

Kingornussisussat ulloq toqquviusoq qangarpiaasimanersoq aalajangiutissallugu immikkut soqutigunikku, kingornussisussat eqqartuussiviup ullormik aalajangersimasumik toqqu-vimmik paasinninnera akerlilertariaqarpaat, siusinnerusukkullu toqusimanerup uppersarne-qarnissaa isumagalugu.

Akileraaruserivik ulloq toqquvigisap uppersarneqarnissaanut apeqqut pillugu isummersin-naananilu isummertussaannigilaq, taamatut aalajangiineq akileraaruseriffimmut attuumassute-qanngimmat.

§ 10-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 10 assigaa.

Aappaasup toqukkut qimagaasup toqunerup kinguninnguatigut ataatsimut pigisat kingornussarsisussanut agguassinertaqanngitsumik pigiinnarpagit, ukiumut aningaasarsiorfiusumut toqukkut qimaguttup toqquvigisaanut tamarmut akileraartussaaneq tamarmiusoq toqukkut qimagaasumut tussaaq. Taamaasilluni aappaasoq toqukkut qimagaasoq nammineq isertit-aminut aammalu toqukkut qimaguttup ukiumi pineqartumi pissarsiarisimasaanut akileraartin-neqassaaq. Ukiumilu aningaasarsiorfiusumi pineqartumi tamarmiusumi aappariit marluullutik akileraarutinit akiliutigigallarsimasaat tamakkiisumik toqukkut qimagaasumut tutsinneqas-sapput.

Aapparisaq toqukkut qimagaasoq toqukkut qimaguttup akileraartarnerup tungaatigut inissisimanerani tamakkiisumik taartaasuulissaaq. Toqukkut qimaguttup isertitaanut tunngatillugu akileraartussaataaneq taamaasilluni atorunnaannigilaq, aapparisamilli toqukkut qimagaasumit isumagineqartussanngorluni.

Tamatumuuna aapparisaq qimagaasoq toqukkut qimaguttup akileraarternerup tungaatigut inissisimaneramik ingerlatitseqqisuussaaq, taamatuttaarlu pigisat nalikillilivigisinnaaju-maakkat akileraarternermilu nalikilliliissutaasimasinnaasut aappaasumit qimagaasumit atorneqarsimasutut isigineqassapput.

Toqukkut qimaguttoq inuussutissarsiuteqarnerminut atasumik iluanaarniarnermilluunniit tunngaveqartumik arlaannik pisaarsimappat, toqukkut qimagaasup tamakkua tunineranni iluanaarutit annaasaqaatilluunniit akileraarutaasussanik isertitanik naatsorsuinermi ilanngu-tissavai, iluanaarutit annaasaqaatilluunniit toqukkut qimaguttup tunisimagaluarunigit iserti-taasa akileraaruteqaataasussat naatsorsorneqarneranni ilanngunneqartussaasimanerattut annertussuseqartillugit.

Pigisanik qimatanik kingornussisussanut agguaassinertaqaanngitsumik piginniinarneq, imm. 2 malillugu Kalaallit Nunaanni kingornussisarneq pillugu inatsimmi § 38 naapertorlugu aappaasup immikkut pisinnaatitaaffimminik iluaqutiginnereernerani kingornussisussanut agguaassassartaqaanngitsut toqukkut qimagaasumut tunniunneqarnerannut naligitinneqassaaq.

11-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 11 assigaa.

Toqukkut qimaguttoqarneranut atatillugu ingerlaannartumik kingornussassanik agguaassine-qarpat, maleruagassaq pingarneq tassaavoq, toqukkut qimaguttup ukiumi isertitaqarfiusumi toqquvigisamini isertitanit akileraarutissarisai, akileraarutitik B-inik toqunerata siornatigut akiligassaalersimasut, imaluunniit akileraarutit A-t pisimasoq tamanna sioqqullugu isertitanit ilanngaatigineqarsimasussat akilerneqarnerisigut, inaarutaasumik aalajangiivigineqarsimasu-tut isigineqarnissaat.

Taamaakkalluartorli akileraaruserivimmit pigisanillu qimatanik suliaqarnermi piumasaqaatigineqarsinnaavoq toqukkut qimaguttup ukiup isertitsiviusup aallartinneraniit toqukkut qimagunnerup tungaanut isertitarisimasai inaarutaasumik annertussusiliivigineqassasut.

Akileraaruserivik inaarutaasumik annertussusiliinissamik piumasaqarsinnaasappat, inaarutaasumik akileraarutissanik naatsorsukkat akileraarutaagallarsimasut aningaasartaannit ikin-nerpaamik 4.000 korduuninik amerlanerussapput. Akileraaruseriffik inaarutaasumik annertussusiliinissamik piumasaqaammunik pigisanik qimatanik nalunaarsuisunut toqukkut qimagun-nermiit kingusinnerpaamik qaammatit pingasut qaangiunneranni saqqummiussissapput.

Pigisanik qimatanik nalunaarsuisut taamatuttaaq inaarutaasumik annertussusiliinissamik akileraaruserivimmut piumasaqaateqarsinnaapput. Taamaaliortoqassappat piumasaqaataavoq inaarutaasumik akileraarutit katinneri

akileraarutissaviusunit ikinnerpaamik 500 koruuninik amerlanerunissaat. Piumasaqaat kingusinnerpaamik ulloq toqukkut qimagufimmiit qaammatit pingasut qaangiunneranni Akileraaruseriffimmut piumasaqaatigineqassaaq.

Akileraaruseriffimmut pigisanillu qimatanik nalunaarsuisunut qaammatinik pingasunik piffissaliineq allanngortinneqarsinnaangilaq, piffissaliussamullu tunngatillugu immikkut akuersissuteqartoqarsinnaangilaq.

Imm. 8, imm. 2-mi malittarisassanik atuinissamik pinngitsoortitsisusooq, malillugu pigisanik qimatanik suliaqartuniit akileraaruseriffimmiilluunniit nalunaarsuinissaq piumasaqaatigine-qarsinnaangilaq, pigisanik qimatat pigisanik agguaassisarnermut eqqartuussiviup naliliinera malillugu nalikitsuuppata kingornussiassanillu agguaassinertaqartaqanngitsumik tunniunneqarsimappata.

Inaarutaasumik annertussusiliinermi pigisanik nalikilliliivigineqarsinnaasunik suli nalikilli-liineqarsinnaavoq, tamatumani kingornussisussat toqukkut qimaguttup imm. 6 malillugu akileraarnermut tunngatillugu inissisimaneranik ingerlatitseqqiisuullutik. Tamannali inuussutissarsiuteqarnermut iluanaarniarnermullu atatillugu pigisanut tunngatillugu atuutin-ngilaq, tamatumani toqukkut qimaguttup inuussutissarsiuteqarnermut iluanaarniarnermullu atatillugu pigisaasa tunineqarneranni akinit, takuuk imm. 7, toqukkut qimaguttumit akileraar-titsineqartussaammat.

§ 12-umut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 12 assigaa.

Imm. 1-imut

Aalajangersakkap nassataraa inuinnaat tamatigut qaammatisiutit malillugit ukioq ukiutut iser-titaqarfusutut atortussagaat. Akileraartussaaneq qaammatisiutit malillugit ukiup ilaannaanut atuuppat, ukioq isertitaqarfusooq tassaassaaq piffissaq taaneqartoq.

Isertitanik annertussusiliinermi qaammatisiutit malillugit ukiup ilaannaa tunngavigineqartil-lugu ilanngaait ukiumoortumik annertussusiliiffigisaasut, ukiumoortumik ilanngaait ilaan-naa piffissamat tunngavigisatut atorneqartumut naleqquttumik taamaallaat atorneqarsinnaapput. Aalajangersakkami pineqarput inummut ilanngaat, ilanngaat aalajanger-simasooq, aningaasarsiat B-nik isertitanit akileraaruserneqartussanngitsut aammalu inummut akissarsiaminnit killilimmik akileraartussaataasumut aalajangersimasumik ilanngaat.

Imm. 2-mut

Ingerlatseqatigiiffinnut, peqatigiiffinnut il.il. atuuppoq qaammatisiutit malillugit ukiumit allaanerusumik ukiumut aningaasarsiorfittut atuinissamik akileraaruseriffimmut qinnuteqarsinnaanerat. Ingerlatseqatigiiffiup, peqatigiiffiup il.il. kingusinnerusukkut ukiumut isertita-qarfittut toqqagaq allanngortinniarlugu

kissaatigiguniuk, tamatumani aamma Akileraaruse-riffik tamanna pillugu qinnuteqarfigineqassaaq.

Ukiup isertitaqarfiusup qaammatip aallartinneraniit allartinnissaanik piumasqaat allangor-tinneqarsinnaanngilaq.

Qaammatisiutit malillugit ukiumit allaanerumik ukiutut isertitaqarfittut atuinissamut akuersissuteqarnermut atatillugu akileraaruseriffik nammineerluni nalunaarummik nassitsinissamut akileraarutaasussallu akilernissaannut immikkut piffissaliinernik aalangersaasinnaavoq. Periutsip ineriartortissimasap nassataraa ingerlatsivik, peqatigiiffik il.il., kipungasumik ukiumut naatsorsuiffimmik atuinissamut akuerisaasoq nammineerluni nalunaarummik ukiumoortumik naatsorsuiviup naaneraniit kingusinnerpaamik qaammatit marluk qaangiunneranni nas-sitsinissaa, akileraarutissallu akiligassanngussallutik ukiumoortumik naatsorsuiviup naane-raniit qaammatit qulit qaangiunneranni. Taamatut periuseqarnikkut ingerlatsiviit, peqatigiiffiit il.il. qaammatisiutit malillugit ukiumit allaanerumik ukiumoortumik naatsorsuiveqarnissa-mut akuerisaasut, ingerlatsiviillu, peqatigiiffiillu il.il. qaammatisiutit malillugit ukiumik ukiu-mut naatsorsuuseriffeqartuusut, nammineerluni nalunaarummik ingerlatsivinnullu akileraa-rummik akiliinissamut assigiimmik periarfissaqartinneqarput.

§ 13-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 13, imm. 1 aamma 2 assigai.

Aalajangersakkap isertitat suut akileraarutaasussaananerat aalajangersarpaa.

Imm. 1-imut

Isertitanik oqarnermi pineqarput aningaasanut tunngasutigut iluaqutissat pisimasut, akileraar-tartup pineqartup pissarsiarissallugit pisinnaalersimasai.

Isertitanik oqarnerup sipaakkat taamaattuusutut § 13 malillugu akileraaruserneqarsinnaajun-naartippaat.

Isertitanik oqarnermi pineqarput ingerlaavartumik ataasiaannartumilluunniit isertitat.

"Pisuussutininik pigisanik" oqarnermi aalajangerneqarpoq aamma aningaasaanngitsunik pissarsiat aningaasanik nalingi akileraarutaasussanik isertitat naatsorsorneranni tamatigut ilanngunneqassasut.

Isertitat akileraaruteqaataasussat qaammatit 12-ukkaarlugit naatsorsorneqassapput, ukiumut isertitanik oqarneq malillugu. Naatsorsuineri piffissami isertitat tamarmik ilaatinneqassap-put, ukiumut isertitat tamarmiusunik oqarneq malillugu. Tamatumani aalajangerneqarpoq isertitat ilanngaataqanngitsut tamarmik, isertitat pinngorfii assigiinngitsuunersut apeqqutaa-tinnagu katinneqassasut ataatsimoortillugillu naatsorsorneqarlutik.

Aalajangersakkami aamma erserpoq, isertitat tamarmik, aamma nunanit allaniit isertitat, iser-titanut akileraaruteqaataasussanut ilaatinneqassasut. Tamatumani nunarsuarmioqataanermi isertitanut periuseq inatsisitigut aalajangersarneqarpoq.

Imm. 2-mut

Imm. 2 malillugu atorfeqarnermut atatillugu nammineq sulinermut akiliutit, tassa akissarsiat, ukiumi akissarsiat tunniunneqarfigisaanni akileraaruserneqassapput, inaarutaasumik akile-raarusiineq akileraarutinullu akissarsisitsinerit tamaasa pisartumik ilanngaataasartut assigiit-tussanngorlugit.

Akileraartussaaneq ukiup isertitaqarfiusup ingerlanerani atorunnaarpat, akissarsiat kingusinnerusukkut tunniunneqartut tamatigut akileraarutaasussaapput kingusinnerpaamik akileraartussaanerup atorunnaarnerani.

Akissarsiaqartorli, assersuutigalugu tjenestemandi, siumoortunik akissarsiaqarpat, januarimi akissarsiat akileraarutaasussaapput ukiumi isertitsiffiusumi januarip inissisimaffigisaani, akissarsiat ukiup nikinnginnerani atorneqarsinnaalersimagaluarpataluunniit.

§ 14-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 14, imm. 1 assigaa.

§ 13, imm. 1-imi nalinginnaasumik malittarisassap saniatigut, ukiumut isertitat tamarmiusut akileraaruteqaataasussaaffigisaat, § 14, nr.1-imiit 4-mut assersuutitut oqaatigai isertitaqarfiu-sartut ataasiakkaat pingaaruteqartut § 34-mullu, isertitat suut nalinginnaasumik ilanngunne-qartussaanninnerannik taaguiviusumut atatinneqassallutik .

Oqaatigineqartutut erseqqilluinnartumik assersuusiorneq pineqarmat, § 14, nr. 1-imiit 4-mut akileraarusiinissamut immikkut tunngavissaasutut isumaqanngillat, aappaatigulli assersuutini immikkut taaneqartunit isertitat akileraaruserneqartussaanerannik nalorneqarsinnaajunnaar-titsipput.

Assersuusiorneq pineqarmat § 14, nr. 1-imiit 4-mut pineqartunut akerliusumik inerniliisoqarsinnaanngilaq.

Nr. 1-imut

Nr. 1 isertitanik pissarsisarnernut assersuutini taaguivoq, oqaatigineqarluni isertitat inuussutissarsiorluni ingerlatsinermit, assersuutigalugu niuernikkut, suliffissuaqarnikkut, assessorluni sulinikkut, umiartornikkut, aalisarnikkut, piniarnikkut, aallaaniarnikkut savaateqarnikkullu isertitat assigiinngitsut tamarmik isertitatut akileraarusigaasussatut isigineqartussaasut. Aamma erserpoq interessentskabini, piginneqatigiilluni umiarsuaateqarnerni (partrederiini) il.il. peqataanikkut isertitat, aammalu ilisimatuussutsikkut, eqqumiitsuliornikkut atuakkiornik-kulluunniit suliaqarnermi isertitat isertitaasut

akileraaruteqaataasussaasut. Kiisalu aamma erserpoq, akissarsiat, tamatumani aamma sulinermi, kiffartuussinermi ikiorsiissuteqarnermi-luunnit akissarsiat qanorluunniit ittut tamarmik akileraarutaasussaasut.

Nr. 2-mut

Nr. 2-mi sulinertaqanngitsumik isertitanik pissarsisarnermut assersuutit taagorneqarput, Tamakkua ilaatigut tassaallutik atukkiussaqaarnikkut, pensionisiaqaarnikkut, inuunermut sillimmasiinertigoortumik pisartakkatigut, ikiorsiissutinik inuuniarnermullu tapiissutinik isertitatigut, allat pigisaannik akeqanngitsumik atuinnikkut tunissutitigullu, taamatullu obligationinik pisassarisanillu allanit erniasianit isertitat. Tamakkua akileraaruteqaataasussaapput.

Nr. 3-mut

Nr. 3-mi oqaatigineqarput aktianit, anpartinik piginneqataanermullu allagartanik iluanaaru-titigut isertitat.

Aktianit anpartinillu iluanaarutit pillugit § 86, imm. 2-mut oqaaseqaatit innersuussutigine-qarput.

Piginneqataanermut allagartanik iluanaarutit isigineqarput ingerlatseqatigiiffiup ukiumi isertitsiviusumi kingullermi siusinnerusumiluunniit sinneqartoorutinik pissarsiaanik piginne-qatigiiffiup piginneqataassutsinik pigisaqartunut agguagarsiatut akiliutigisai tamarmik. Akilii-nerup agguagarsisitsinertut ingerlatamilluunniit unitsitsinermut atatillugu agguassinertut iluseqarnera pingaaruteqanngilaq.

Aningaasaatigisanik appartitsinermut atatillugu aningaasaleeqataassutaasunik agguassine-qartillugu taamatut agguassineq aalajangersakkami pineqartunut ilaannilaq.

Nr- 4-mut

Nr. 4-mi nammineq najugarisap nalinga taaneqarpoq. § 34, nr. 5-imut oqaaseqaatit innersuussutigineqarput.

§ 15-imut

Imm. 1-imut

Aalajangersakkap aningaasarsianik akileraarutit pillugit Inatsisartut inatsisaanni atuuttumi § 13, imm. 3 assigaa.

Aalajangersagaq ernianik isertitat aningaasartuutillu isertitanik naatsorsuinermit qaqgukkut sunnuteqartarnissaannut malittarisassanik erseqqinnerusunik imaqarpoq.

Ernianut immikkut atuuppoq, akiligassanngorsimallutillu akilernerqareersimanissaat akileraar-tarnermit tunngatillugu aalajangiisuunera. Ernianillu ilanngaassisinnaanermi aamma naatsor-suutigineqarpoq, akiligassaqaartuusoq inatsisit

malillugit akiligassaqarnermut akiitsullu ernia-lersornissaannut pisussaaffeqalersimanera.

Siumoortumik akiligassanngortunik ernianut aningaasartuutit tassaapput erniat piffissaq tunngavigisaq nallertinnagu akiligassanngortartut. Taamatut siumoortumik akiligassanngor-tartunik ernianut aningaasartuutit ilanngaatigineqartarnerannut atatillugu piffissamut tunnga-vigisaannut tutsinneqassapput. Akileraartussaataitaasoq piffissaq erniat siumut akiligassan-ngortartut piffissamik aallaavigisaata ilaannaani akileraartussaataitaappat, ilanngaatinik atuisitsineqarsinnaavoq akileraartussaataitanerup nalaani taamaallaat atuutsinneqartumik.

Akileraaruseriffiup aningaasaliisarnermik ingerlatsiviusunut assigisanillu ingerlatsivinnut erniat akileraaruserneqarnissaaat ilanngaatigineqarnissaalluunniit akuersissutigisinnaavaa ukiumi isertitsiviusumi taakku attuumassuteqarfignisaanni. Periuseq toqqarneqartoq kingusinnerusukkut allanngortinneqarsinnaassanngilaq.

Imm. 2-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 13, imm. 4 assigaa.

Aalajangersakkap kinguneraa, tikinnerni aallarnernilu tamakkiisumik ernianik tamakkiisumik piffissanut agguataarisoqartussaana.

Piffissanut agguataarineqassaaq erniat kingumoortumik siumoortumilluunniit akiligassaler-sarnerat apeqqutaatinnagu. Ernianit piffissamut akileraartussaanerup atuutileraneranut atorun-naarneranulluunniit attuumassuteqartuunngitsunut akiligassanngornermik tunngaveqartumik periuseq, takuuk § 15, imm. 3, atuutiinnassaaq.

Akiitsunut ingerlaavartumik akiliutit ilanngaatigineqarsinnaasut atukkanut ernianut aningaa-sartuutit isigineqarput, takuuk § 24, imm. 1, nr. 3.

Nuulluni aallarnermi erniat piffissamut imatut avinneqassapput, akiligassanngorfiusumit kingullermiit akileraartussaanerup atorunnaarnerata tungaanut erniat, isertitat akileraaru-taasussat naatsorneqarneranni ilanngunneqarlutik ilanngaatigineqassallutilluunniit. Nuulluni tikinnermi akileraartussaanerup atuutilerfianiit piffissamut erniat akiligassanngorfiusup siul-liup tungaanut erniat akileraarutaasussanik isertitat naatsorsorneqarneranni ilanngunneqarlu-tilluunniit ilanngaatigineqassapput. Taamaasilluni akileraartussaanerup nalaaniunngitsoq ernianik isertitanit akileraarusiineqarsinnaavoq ernianullu aningaasartuutinik ilanngaatiginnit-toqarsinnaalluni.

Piffissaq erniaqarfiusoq ima sivisutigippat, erniat ukiunut isertitaqarfiusunut arlaqartunut tunngasuullutik, erniat piffissanut ukiunut isertitaqarfiusunut tamanut agguataarneqassapput.

Aallaruni nuunnermi piffissaq erniaqarfusoq ukiunik isertitaqarfiusunik marlunnik amerlanerusunilluunniit sivisussuseqarsimappat, pisariaqarsinnaasassaaq ukiup isertitaqarfui-sup ukiulluunniit isertitaqarfiusut ukiup aallaruni nuuffigisap siuliata/siuliisa aalajangiivigi-neqarnerisa suliareqqinneqarnissaat

Tikilluni nunnermut atatillugu ernianik marloriaammik akileraarusiineq oqilisaavigineqarsinnaasaaq § 69-imi periuseq eqqartorneqartoq (credit) atorlugu.

Imm. 3-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 13, imm. 5 assigaa.

Aalajangersakkap kinguneraa, niuernermi ernialiussat tassalu erniat ilassutaasut pisassanngor-tinneqartulluunniit ukiumi isertitaqarfiusumi niuernerup ingerlanneqarfigisaani akileraaruser-neqarnissaat ilanngaatineqarnissaalluunniit, ukiumi erniat ukiumi isertitaqarfiusumi kingu-sinnerusumi aatsaat akiligassanngornissaat apeqqutaatinnagu.

Niuernermi erniatut isigineqarput aningaasat, pisassarisat erniaqartut allamut pigisassanngortinneqarnerannut atatillugu pisassarisat pineqartut piffissami akiligassiiffimmi (terminimi) tulliuttumi erniaasa ilaannut – erniaanulluunniit tamarmiusunut – taarsiissutitut akilerneqartut.

Ernianut malinnaasunut akiliineqarpat, akiliutit pisisup ukiumi niuerfiusumi akileraaru-taasussanik isertitaanit ilanngaatineqassapput. Akiligassiiffiusumili tulliuttumi erniat ukiumut akiligassiiffiup akiliissuteqaataaffigisaanut isertitat naatsorsorneqarnerannut tamakkiisumik ilanngunneqassapput. Tuniniaasup ukiumi tunisaqarfiusumi akileraarutaa-sussanik isertitanik naatsorsuinermini ernianut malinnaasunut akiliutit ilanngutissavai.

Ernianut pisassanngortitanut akiliineqarpat, ukiumi tunniussiffiusumi tuniniaasup akileraarutaasussanik isertitaanit akiliutit ilanngaatineqassapput. Pisisullu aamma taamatut akiliut ukiumi tunniussiffiusumi akileraarutaasussanik isertitaminut ilanngutissallugit.

Aalajangersagaq pisassarisanut erniaqartunut assigiinngitsunut tamanut atuuppoq, tunisinermi illuatungeriit, tassalu pisisup tunisisullu, niuernermi erniat akilissallugit.

Piumasaqaataavoq akiliutit pisassarisanik tunniussinermut atatinneqassasut. Niuernermi erniat akiitsut allamut nuunneqarnerannut atatillugu pilersut, assersuutigalugu illumik allamut tun-niussinermi akiliutinik utertitanit erniat, aalajangersakkami ilaatinneqanngillat.

Tamatuma saniatigut piumasaqaataavoq, pisassarisaq pineqartoq erniaqartitaassasoq. Tama-tuma kinguneraa akileraartarnerup tungaatigut akiliutip erniatut isigineqarnissaanut nalingin-naasumik piumasaqaatit naammassineqarsimanissaat, tamatumani qaqugukkulluunniit akili-gassat sinneri tunngavigalugit naafferartumik ernialiissutit naatsorsorneqartassasut. Akiliutit nalip allanngorneratut

takuneqarsinnaasut, niuernermi erniat pillugit malittarisassat taakku-nunnga atorneqarsinnaangillat.

Ernialiisarnerup akulikissusia aalajangersakkap atorneqarsinnaaneranut apeqqutaanngilaq.

Ernianik allanut tunniussineq, pisassarisaasup tunngaviusup allanut tunniunneqarneranut peqatigitillugu pinngippat, pisassarisat erniaqartut allanut tunniunneqarnerattut isigineqan-ngilaq, taamaattumillu niuernermi erniat pillugit malittarisassat tamakkununnga atorneqarsinnaanatik.

Imm. 4-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 13, imm. 6 assigaa.

Aalajangersakkap nassataraa, isertitat aningaasartuutillu, tamatumani illumik qularnaveeqqusiuteqarluni atukkanut ernianut aningaasartuutit, isertitat akileraarutaasussat naatsorsorneqar-nerannut ilaatinneqassanngillat, illu Kalaallit Nunaata avataani inissisimappat.

Taarsigassarsiat illumi Kalaallit Nunaata avataani inissisimasumi qularnaveeqqusigaasut, Kalaallit Nunaanni suliffeqarfimmik aningaasaliissutaanerat apeqqutaanngilaq.

Naalackersuisut immikkut akuersissuteqarsinnaanerat, kalaallit suliffeqarfii Kalaallit Nunaata avataani aamma ingerlataqartut, suliffeqarfimmullu tassunga atatillugu illumik pissarsineran-nut atatillugu atorneqarsinnaasutut eqqarsaatigineqarpoq.

§ 16-imut

Imm. 1-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 14, imm. 2 assigaa.

Aalajangersakkap nassataraa, § 1, imm. 1, nr. 3-miit 14-imut taagorneqartunik ingerlatseqati-giiffiit peqatigiiffiillu il.il. obligationini inuinnaallu qularnaveeqqusiussaqaarluni taarsigassarsinernut allagartaataanni pisassarisanilu aningaasanik uninngatitaqartut, tunisinermi tamakkii-sumilluunniit akiliinermi, tamatumani aamma makinneqarneranni iluanaarutiminnit akileraartussaanerat.

Iluanaarutit annaasaqaatilluunniit tunisinermi akip pissarsiarineranilu akip assigiinngissutaat-tut naatsorsorneqassapput. Tamakkiisumik akiliineq naafferartumik akilersuinikkut pippat naafferartumik akiliutini tamani iluanaarutit annaasaqaatilluunniit naatsorsorneqassapput allassimasumik naliusup pissarsiarinerani naliusumik qulaassinerata ataassinerataluunniit procentiisa annertoqataatut. Allassimasumik naligititaq tamatigut 100-usaaq, pissarsiarine-ranili naliusup pisarinerani naleq assigalugu.

Pissutsit atuuttut tamanna kaammattuutigippaasuk akileraaruseriffiup allatut naatsorsueriaase-qarnissaq akuersussutigisinnaavaa.

Imm. 2-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 14, imm. 3 assigaa.

Aalajangersakkap nassataraa, § 1, imm. 1, nr. 3-miit 14-imut taagorneqartunik ingerlatseqati-giiffiit peqatigiiffiillu il.il. aktiani, anpartini, piginneqataanermut uppersaatini assigisaan-nilu pappiaqqanilu aningaasanik nalilinni aningaasanik uninngatitaqartut, pappiaqqat aningaa-sanik nalillit tamakkua tunineranni nalit allanngorarneratigut iluanaarutinit takuneqartunit akileraaruserneqassapput. Aalajangersakkami obligationinut allanngortinneqarsinnaasut pineqanngillat.

Taamatuttaaq pappiaqqanik aningaasanik nalilinnik eqqartorneqartunik tunisinermi annaasa-qaatit isertitanik akileraarutaasussanik naatsorsuinermit ilanngaatigineqarsinnaapput. Inger-latseqatigiiffinnulli ingerlatseqatigiiffinnik pigisaqartunut atuuppoq, nunani allani ingerlatse-qatigiiffinni § 34, nr. 11-imi pineqartuni aktianik anpartinilluunniit tunisaqarnermi annaasa-qaatit pissarsianit ingerlatseqatigiiffiup piginnittuusup nunani allani ingerlatseqatigiiffiutigi-saminit pineqartumit pissarsianit tigusimasaanit amerlanerussutaat kisimik ilanngaatigineqarsinnaanerat. Aalajangersagaq malillugu ingerlatseqatigiiffik il.il. iluanaarutinit taamaallaat akileraartinneqassaaq, annaasaqaammilluunniit ilanngaassisinnaalluni. Iluanaarutit annaasa-qaatilluunniit pissarsiarinerani akiusup tunineqarneranilu akip assigiinnngissutaattut naatsor-sorneqassapput. Ingerlatamik unitsitsinermit aningaasat agguanneqartut amerlassusiat tuni-sinermit akitut isigineqassaaq.

Pissutsit atuuttut tamanna kaammattuutigippaasuk akileraaruseriffiup allatut naatsorsueriaase-qarnissaq akuersussutigisinnaavaa.

Imm. 3-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 14, imm. 4 assigaa.

§ 1, imm. 1, nr. 3-miit 14-imut taagorneqartunik ingerlatseqatigiiffiit, peqatigiiffiit il.il. illuutunik, nalikillilerisarneq pillugu nalunaarut naapertorlugu nalikilliliivigineqarsinnaan-ngitsunik, tunisaqarnermit akileraaruserneqassapput. Illunik eqqaaneqartunik tunisinermi annaasaqaatit akileraarutaasussanik isertitat naatsorsorneqarneranni ilanngaatigineqarsinnaas-sapput.

Ingerlatseqatigiiffiit peqatigiiffiillu il.il. akileraartussaanerannut taamaasilluni aamma illuu-tinik tunisinermi iluanaarutaannut annaasaqaataannullu tunngavoq, illuutigisaq nalikilliliivig-ineqarsinnaanersoq, inuussutissarsiuteqarnermut iluanaarniarnermulluunniit atatillugu pissarsiarineqarsimanersoq apeqqutaatinnagu.

Pissutsit atuuttut tamanna kaammattuutigippaasuk akileraaruseriffiup allatut naatsorsueriaase-qarnissaq akuersussutigisinnaavaa.

§ 17-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 14 a assigaa.

Imm. 1-imut

Aningaasanut tunngasunut isumaqatigiissutinut ilaapput pingaartumik terminimut isumaqati-giissutit, swaps-inik isumaqatigiissutit, aningaasat naliinut, obligationinut, saffiugassanut, atortussiat aatsitassanit pisunut il.il. tunngatillugu pisisinnaanermut tuniniaasinnaanermullu isumaqatigiissutit aammalu pigisat naleqarsinnaasutut taaneqartartut assersuutigalugu aktiaa-tip nikerarnerisa allattorsimaffiat. Isumaqatigiissutinik taagorneqartutut ittunik akuleriisitsi-nerit aamma pineqarput.

Imm. 2-mut

Realkreditimit atugaqarnermi assigisaaniluunniit nalinut qulakkeerutaasumik sillimmasiiner-mut atatillugu obligationinik pisinermut tuniniaanermullu tunngasumik isumaqatigiissutit pineqanngillat. Tamanna aamma atuuppoq obligationinut, pantebrevenut, akiitsunut allagar-tanut allatullu aningaasanik pisassarisanut atasumik allanngortitsisinnaanermut pisinnaatitaa-nernut.

Aktianik pisisinnaanermut pisinnaatitaanerit malittarisassat nalinginnaasumik atuuttuusut malillugit akileraaruserneqassapput, matuma qulaani § 16, imm. 2 naapertorlugu.

Illuutigisanut tunngasumik isumaqatigiissutit taamatuttaaq malittarisassat nalinginnaasumik atuuttut malillugit akileraaruserneqassapput, § 16, imm. 3 naapertorlugu.

Nalinginnaasumik assersuutigalugu Obligationinik pisinerit tunisinerillu, naammassinninneq isumaqatigiissummi piffissaliunneqartup kingornatigut, pisarnerli malillugu tamakkunani naammassinnittarnermut nalinginnaasumik killissarititaasup qaangerneqannginnerani, pisimappat ilaatinneqanngillat.

Apeqqutaanngilaq pigisamik nioqqutigineqartumut atasumik tunniussineqarsimanersoq, imaluunniit assigiinngissusermik akiliineqaannarsimanersoq. Aningaasanut tunngasumik isumaqatigiissut taamaasilluni § 34, imm. 1, nr. 2-mi iluanaarniarnermut tunngasumik aalajangersakkamut attuumajunnaassaaq.

Aningaasanut tunngasunik isumaqatigiissutit aalajangersakkami pineqartut ataatsimoortillugit naatsorsorneqassapput, ilanngaaseereerluni iluanaarutaasinnaasut ukiumi isertitsiviusumi pineqartumi akileraaruserneqartussanngorlugit, ilanngaaseereerlunili annaasaqaatit ukiumi isertitsiviusuni tullerni tallimani aningaasanut tunngasunik isumaqatigiissutinut ilanngaasee-reerluni ukiumi iluanaarutinut kinguartinneqarsinnaassallutik.

Annaasaqaatit ilanngaasikkat nammineerluni nalunaarusiami Akileraaruseriffiup immersugassiaani, nalinginnaasumik nammineerluni nalunaarusiorfissamut ilanngunneqartumi nalunaarutigineqassasut eqqarsaataavoq, amigartoorutillu immikkut annertussusilerneqassallutik § 30-mi malittarisassat malillugit.

Kalaallit Nunaannut nuunnermi (tamakkiisumik akileraartussaalermermi) pissarsiarineranni akeq tassaavoq aningaasanut tunngasumik isumaqatigiissutit piffissap nalaani piusut nalingi.

Aallarnermi (tamakkiisumik akileraartussaanerup atorunnaarnerani) aningaasanut tunngasunik isumaqatigiissutit pigiunnaarneqarsimasutut isigineqassapput, pigiunnaarnerannilu akeq tassaalluni piffissap nalaani pigineqartut nalingi.

Imm. 3-mut

Isumaqatigiissutit inuussutissarsiornermut inuussutissarsiummilluunniit ingerlatsinermermut ilanngullugu isumaqatigiissutaasimasut aalajangersakkami ilaassanngillat, iluanaarutaasin-naasut annaasaqaataasinnaasulluunniit Inatsisartut inatsisaanni maleruagassiat nalinginnaasut malillugit pineqartussanngorlugit.

Tamakkununga tunngasutigut inuussutissarsiummik ingerlatsisut tassaapput pingaartumik aningaaseriviit, tamakkua ingerlatseqatigiiffiutaat aammalu aningaasalersuinermermik ingerlata-qartut allat. Isumaqatigiissutinut inuussutissarsiornermut atatillugu isumaqatigiissutaasunut, inuussutissarsiummik ingerlatsinermermi akiliutitut pissarsiarineqarsimasut ilaapput.

Inuussutissarsiummik ingerlatsinermermi pingaartumik eqqarsaatigineqarput ingerlatseqatigiiffiit, aningaasaateqarfiit peqatigiiffiillu il.il. namminersortullu allamiut aningaasaannik pisassa-risanik akiitsunillu qulakkeerisarnerat. Tamakkua aammalu nioqqutissanik sullissinernillu suliffeqarfimmut tunngasunik pissarsiniarnermi nalinginnaasumik isumaqatigiissutit. Ani-ngaasaatinik inissiiGINNARALLARNEQ pineqarpat, isumaqatigiissut inuussutissarsiummik ingerlataqarnermut atatillugu isumaqatigiissutitut isigineqassanngilaq taamaattumillu imm. 3-mi ilaatitsinnginnermut aalajangersakkami pineqaratik.

Nr. 4-mut

Aningaasanut tunngasunik isumaqatigiissutitigut iluanaarutit annaasaqaatillu piviusunngorne-ranni naatsorsorneqassapput, akileraarusiinerlu immikkoortitsinermermik tunngaveqartumik periuseq malillugu pissaaq, tassalu pigisanut atasunut malittarisassat atuuttuusut apeqqutaatin-nagit. Tamatumunnga saneqqussinertut atuuppoq, akileraartussaanerup atorunnaarnerani akileraarusiisoqarnissaa.

Isumaqatigiissutip aningaasanngortinneqarsimasutut isigineqarsinnaaneranut apeqqutip aalajangiiffigineqarnerani inunnut inatsiseqartitsinermermi nalinginnaasumik maleruagassiat atorneqassapput. Isumaqatigiissut assersuutigalugu allannngortinneqarpat, pisut ataasiakkaat tamarmik naliliivigineqassapput, allannguineq imatut annertutiginersoq, nutaamik isumaqatigiissuteqarneq allaat pineqarluni.

Nr. 5-imut

Siunnersuutigineqarpoq, pissutsit immikkorluinnaq ittut atuukkaangata Naalakkersuisut malittarisassamik sanioqputitsinissamut immikkut akuersissuteqarsinnaassasut, assersuu-tigalugu kalaallit ingerlatseqatigiiffiini aktianik piginnittuusunut isumaqatigiissutinut atatil-lugu.

Aalajangersakkap tunaagaraa aningaasaliissuteqarnermi periutsini assigiinngitsuni ukiuni kingullerpaani pinngorarsimasuni, aammalu takkussinnaajumaartussani, iluanaarutit akileraa-ruserneqarsinnaanissaat, taamaammallu immikkut akuersissuteqarsinnaanissaq pingaartumik "ulluinnarni" isumaqatigiissutinut, siunertamut akерliusumik ilaatinneqalersussanut tunnga-tillugu atorneqartussatut eqqarsaatigineqarluni.

§ 18-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 14 b assigaa.

Imm. 1-imut

Aalajangersakkap nassataraa, inuit aningaasanik pisassarisatigut soorlu obligationinit, qularnaveeqqusiussaqluni taarsigassarsinermi allagartatigut, suliffeqarfinnut akuersissutitigut assigisaasigulluunniit erniaqanngitsunit imaluunniit erniat minnerpaaffissaannit appasinnerusumik ernialinnit, iluanaarutaat tamarmik, isertitat naatsorsorneqarneranni ilanngunneqarnissaat. Akerlianilli annaasaqaataasinnaasut, pisassarisatigut taagorneqartutigut pilersut ilanngaatigineqarsinnaanngillat.

Pisassarisanit, pineqartunut erniat minnerpaaffissaanik erniaqartut, aalajangersakkami ilaatinneqanngillat. Taamaammat iluanaarutit taakkua akileraarusigaasussanik isertitat naatsorsorneqarneranni ilanngunneqassanngillat, § 34, imm. 1, nr. 2-mi inuussutissarsiorneq iluanaarniarnerluunniit pillugit aalajangersakkani ilaatinneqanngippata.

Imm. 2-mut

Aalajangersakkami pineqartut tassaapput taarsigassarsisup taarsigassarsitsitsisumut pisassaritiligai suulluunniit atukkerneqartoq aningaasaliisarnernik ingerlatsiviugaluarpas, aningaasaliisarnernik ingerlatseqatigiiffiugaluarpas, inuussutissarsiummik ingerlatsiviugaluarpas inuunnaagaluarpalluunniit, atukkiinermi ilusiliineq imatut katitigaappat, atukkiisup iluanaarutisiai tamarmik ilaannaalluunniit nalit nikerarnerisigut iluanaarutitigut pinngortuullutik.

Imm. 3-mut

Pisassarisaasup allassimasumik erniaqartitaaneraa, erniat minnerpaaffissaannik piunasaqaatip naammassineqarsimaneranut apeqqummut aalajangiisuvoq. Erniatigut piunasaqaat pisassarisap pilersinneqarnerani naammassineqarsimassaaq. Taamaasilluni malittarisassami taamaallat pineqarput pisassarisat

pilersinneqarnerminni allassimasumik erniaqartitaanerminni erniat minnerpaaffissaannit annikinnerusumik erniaqartitaasut.

Pisassarisat nikerartumik erniaqartitaasut aamma aalajangersakkami pineqarput, taamaammallu pilersinneqarnermi erniaviusut minnerpaamik ernianut piunasaqaataasut naammassisimassavaat.

Aammattaaq piunasaqaataavoq, kingusinnerusukku erniat allanngortinnissaannut taamatinneqarnerannisaannullu piunasaqaatit imaassasut, naliusiq isumaqatigiissutaasumik tamakkiisumik akilerneqarnissaanni naliusussaataitaasumit annertunerusumik assigiinngissuteqassanngitsoq. Assigiinngissut annertunersoq, nalilersuivinnikkut aalajangerneqassaaq.

Pisassarisaasup pilersinneqarnerani ernialiineq naammassineqarsimassaaq. Erniat pilersitsinerup kingornatigut erniat annikinnerpaaffissaanniit annikinnerusunngorlugit appartinneqarpata, nalitigut iluanaarutit akileraarutaasussaapput. Taamatuttaaq taarsigassarsiat amerlanerusunngorlugit taarserneqarpata nalitigut iluanaarut akileraarutaasussaavoq. Minnerpaamik ernialiussassaq taarsiinermi tunniussat amerlassusiinut naleqqiullugu uuttortarneqassaaq. Ernianik akilikkat taarsigassarsiat taarserneqarneranni tunniunneqartunut sanilliussilluni erniat annikinnerpaaffissaat malillugu ernianit annikinneruppata nalitigut iluanaarutaasinnaasut akileraarutaasussaapput.

Taarsigassarsiareersunut allannguutaasumik taarsigassarsiani piffissani tamani ernialiussassatut siumut isumaqatigiissutaareersoq annikinnerpaamik pisassarisamik pilersitsinerup nalaani atuuttuusumik minnerpaamik erniatut annertussuseqassaaq. Taamaangippat nalit nikerarneratigut iluanaarutit akileraarutaassapput.

Obligationit taarserneqarsinnaasut aalajangersakkamut ilaatinneqarput, aktianut taarsiutigineqanngippata.

Qallunaat Nunaanni aamma Kalaallit Nunaanni aningaasanik niuernerit assigiissuteqangaatsiarmata – assersuutigalugu Qallunaat Nunaanni erniat annertussusiat Kalaallit Nunaanni erniat annertussusiannut aalajangiisuusarpoq – erniat minnerpaaffiat Qallunaat Nunaanni erniat minnerpaaffiattut atuuttut aalajangerneqarpoq. Qallunaat Nunaanni ukiup affaanut erniat minnerpaaffissaat naatsorsorneqartarpoq pisariunngitsumik agguaqatigiissitsinikkut, naatsorsorneqartarluni marlunnik decimalilerlugu, 15. december aamma 15. juni siornatigut ulluni aningaasanik niuerfinni 20-ni obligationit erniavii ullormut Kūbenhavn's Fondsbørsiani naatsorsorneqartarnerat tunngavigalugu. Obligationit erniavii marlunnik decimaleqartumik naatsorsorneqartarput kroneobligationinut ammasunut aalajangersimasumik ernialikkanut, Kūbenhavn's Fondsbørsimi nalunaarsorneqartunut, kisiannili obligationit nalit nikerarnerat tunngavigalugu aaqqiivigineqartartut pinnagit. Taassuma kingorna erniat minnerpaaffiat tassaavoq erniaq agguaqatigiissitsinikkut naatsorsugaq 7/8-ilimik amerleriaaserlugu (gangerlugu) aammalu procentpointinut ilivitsunut qaninnernut ammut akunnaallisillugu. Erniat minnerpaaffiat avammut nalunaarutigineqartarpoq erniat

minnerpaaffiata piffissamt atuuffigiligassaa ullunik aningaasanik niuerfiusunik tallimanik sioqqullugu.

Obligationit erniavii ulluni aningaasanik niuerfinni tulleriiginnarni ukiup affaanut imaluunniit ukiup affaanut sinneruttumut tunngaviumik agguaqatigiissitsinermut 2 procentpointinik qaffasinneruppata imaluunniit 1 procentpointimik appasinneruppata, erniat minnerpaaffissaat naatsorsorneqassaaq erniaviit ajornanngitsumik agguaqatigiissinnerisigut. Taamatut erniat minnerpaaffissaattut naatsorsugaq piffissami atuuttarpoq ullut aningaasanik niuerfiit qulit taaneqartut kingulliup, ullut aningaasanik niuerfiit ulluisa qulinganniit. Erniat minnerpaaffissaasa qaffaataat siusinnerpaamik atuutilertarpoq erniat minnerpaaffissaasa allanngortinneqarnerannit kingullermit ullut aningaasanik niuerfiit 20-ianniit. Qaffaat taanna atuutilissanngilaq, piffissaq sinneruttoq ullut aningaasanik niuerfiit 20-t inorlugit sivisussuseqarpat.

Imm. 4-mut

Iluanaarutit naatsorsorneranni periuseq § 16, imm. 1-imi periutsip assigaa. Pisassarisap nalinga naliginnaasumik aatsaat aalajangerneqartarpoq pisassat tamakkiisumik ilaannakortumilluunniit piviusunngortinneqarnerannut atatillugu. Taamaammat iluanaarutit periutsit maannamut atuuttut malillugit isertitat naatsorsorneqarnerannut malittarisassatut pingaarnertut ilanngunneqassaaq, ukiumi isertitaqarfiusumi iluanaarutit malugineqarfianni pisassarisat allanut tunniunneqarnerani, tiguneranni imaluunniit kinguarterneranni (piviusunngortitsinermik tunngaveqartumik periuseq).

Aalajangersakkami taassuma saniatigut aalajangersarneqarpoq, naafferarlugu ilaannakortumik tiguisoqarnerani qanoq akileraarusiisoqassanersoq, tassa naafferarlugu tigusat ilanngunneqassallutik procentit pappiaqqani nalingi allassimasut pisiarineranni annertussusiisa qaangerneqarneranni procentit annertoqataattut.

Pisassat assigiit arlaliuppata piffissani assigiinngitsuni pissarsiarineqartut periuseq FIFO atorneqassaaq, tassa imaappoq pissarsiat siulliit tunineqartutut siullertut isigineqassapput.

Imm. 5-imut

Pisassarisani imm. 1-imi pineqartuni iluanaarutit annaasaqaatilluunniit, § 34, nr. 2 tunngavigalugu akileraarusiissutissatut kinguarterneqarsinnaanngillat.

§ 19-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumik § 14 c assigaa.

Aalajangersakkap kinguneraa akeqanngitsumik biileqartitaanerup nalingata ukiumut 40.000 koruuninut aalajangerneqarnera, kisiannili imaalillugu nalinga 20.000 koruuninut appartinneqassalluni, illoqarfimmi biilip atorneqarfiani aqquserngit annertussusiat 25.000 kvadratmeterit aamma 75.000 kvadratmeterit akornanni

anertussuseqarpat. Illoqarfik biilip atorpeqarfiani aqquuserngit annertussusiat 25.000 kvadratmeterinit annikinneruppat nalingat 10.000 koruuninut appartinneqassaaq. Aqquuserngit annertussusiannik naatsorsuineq aqquusinernik inissianillu nalunaarsuivik tunngavigineqarpoq.

Illoqarfiit uku maannakkut aqquuserngisa annertussusii 75.000 kvadratmeteriupput annertunerullutilluunniit:

Qaqortoq, Narsaq, Nuuk, Sisimiut, Aasiaat aamma Ilulissat.

Illoqarfinni ukunani maannakkut aqquuserngit annertussusiat 25.000 kvadratmeterit aamma 75.000 kvadratmeterit akornanniippoq; Nanortalik, Ivittuut, Paamiut, Maniitsoq, Qasigianguit, Qeqertarsuaq, Uummannaq, Upernavik aamma Tasiilaq.

Illoqarfinni ukunani maannakkut aqquuserngit annertussusiat 25.000 kvadratmeterinit annikinnerupput; Kangaatsiaq, Avanersuaq aamma Illoqqortoormiit.

Taamatut naliliinikkut akeqanngitsumik biileqartitaanermik akileraarusiineq akeqanngitsumik biileqartitaanermi naliviusumut naapertuunnerulerpoq. Akileraarusiinermi aalajangiisuusaaq sulisitsisup imaluunniit suliffeqartitsisup akileraartartup nammineq atorsinnaasaanik biileqartitsinera, biileqartinneqartoq tamakiisumik akiliisinnagu. Aalajangersakkami aamma ilaapput inuit siulersuisunut, ataatsimiititalianut, kommissioninut, siunnersuisoqatigiinnut, ataatsimiititalianut allanullu tamanut sullissiviusuni ilaasortanut ikiortinnulluunniit, tamatumani aamma pineqarlutik Inatsisartuni ilaasortanut kommunalbestyrelsimilu kiisalu naalackersuisunut ilaasortanut biileqartitaasunut.

Akerlianilli namminersorlutik inuussutissarsiortunut biilimik ilaatigut nammineq ilaatigullu inuussutissarsiornerminnut atatillugu atuisunut aalajangersakkat atuutinngillat. Namminersorlutik inuussutissarsiortut aningaasanik nalilinnik iluaquteqarnermut, inuussutissarsiornermut atatillugu inuttullu atorpeqarneqartunut malittarisassat suli atussavaat, tassani biilip inuussutissarsiornermut qanoq annertutigisumik atorpeqarnera naapertorlugu ingerlatsinermi aningaasartuutit ilaangaatigineqarsinnaallutillu nalikilliliissutigineqarsinnaapput.

Biilip inuttut atorpeqarneranik aalajangiinermi suli aallaavigineqassaaq akileraartartup biili najugaqarfimminut angerlaattarneraa. Akileraartartup biili sulinermi kingornatigut angerlaappagu akeqanngitsumik biileqartitsisoqassaaq, tassa angerlarsimaffiup suliffeqarfiullu akornanni ingerlanermi inuttut atorpeqarnera pissutigalugu. Akileraartartup ukiup isertitaqarfiup ilaannaani biili inuttut atorsinnaappagu akileraarusiineq appartinneqassaaq ullunut biilimik inuttut atuiffiusunut. Maannakkut periutsip atorpeqartup akерlianik taamaalilluni ulluni biilip atorpeqarsinnaaffigisaani akileraarusiisoqassaaq.

Sullivimmi biilit imatut paasineqassapput biilit matoqqasut aalajangerlugit ikkussakanik ilitsivillit aammalu aalajangikkanik sakkunut ilitsivillit. Biilit immikkut ittut allat assersuutigalugu tassapput ikiuiartorluni biilit atorpeqartartut tamarmik, ilisiartortut qamutaat il.il. Biilit ikiuiartorluni atorpeqartartut tassapput politiitut

sulinermi, inunnik annaassiniarnermi, ikualattoqarnerani, mingutsitsisoqarnerani, angallannikkut ajutoortoqarnerani annertuumik ajutoortoqarnissaanik pinngitsoortitsiniarnermi atorneqartartut, biili ataatsimik arlalinnilluunniik tungujortunik ikittaartoqarpat aammalu ikiuiartorluni assigiinngitsunik marlunnik nipilimmik siggartaateqarpat. Imm. 5-imi akimut appasinnerusumut piomasqaataalluinnarpoq biilit taakku taamaallaat angerlarsimaffiup suliffiullu akornanni atorneqassasut. Sulisoq ukiumut ataasiaannarluniluunniit biilit taakku inuttut atorpagit taamatut biiliniq ingerlaneq imm. 2-mi, 3-mi imaluunniit 4-mi ukiumut akit malillugit akileraaruserneqassaaq.

Sulisup biili sulisitsisumut tunniutinngippagu akeqanngitsumik biileqartitaanermi ukiumut akit taamaallaat apparneqassapput piffissami sulisup angalanerani allat biilimik atuinermi akileraaruserneqarneranni. Taamaammat pisortanut allanullu akeqanngitsumik biileqartitaasunut nalinginnaasumik aallaaviussaaq ukiumut akit suliffimmiinnginnermik annikilliissuteqartinnagit akileraarusiinnermik.

Akileraartartoq biilip ingerlanneqarnerani aningaasartuutit ilai nammineerluni akilertarpagit, aningaasartuutit taakku akileraarutissanit ilanngaataasinnaapput. Biilimut aningaasartuutit inuussutissarsiutigalugu suliffeqarfimmit akilernerqarpat maannakkutut biili akileraarusiinnermi tamakkiisumik nalikillilerneqarsinnaavoq aammalu biilip aserfallatsaaliordernerani ingerlanneqarneranullu aningaasartuutit tamarmik akileraarutit naatsorsorneranni ilanngaataasinnaallutik.

Sulisup aggersarneqarsinnaalluni pigaartuuneranut atatillugu angerlarsimaffiup suliffeqarfiullu akornanni biilimik ingerlaneq akileraaruserneqassanngilaq. Aggersarneqarsinnaalluni pigaartuusoqartarpoq sulisoq pigaartuunermini angerlarsimaffimminiit sumiiffinnut "assigiinngiiaartunut" siumut ilisimaneqariinngitsunut aggersarneqarsinnaagaangat.

Imm. 8 malillugu aggersarneqarsinnaalluni pigaartuugaanni, aallaaviusumik piffissap nalinginnaasumik suliffiusup avataani angerlarsimanissamut pisussaaffilerneqarsimasoqassaaq kiisalu aggersarneqarsinnaalluni pigaartuunertut immikkut akissarsiaqartoqassalluni, apeqqutaatinngagu aggersaaneqarnerasoq aggersarneqannginnerlorluunniit. Inuk attaveqarfigineqarsinnaasoq piffisap nalinginnaasumik suliffiusup avataani aggersarneqartoq, sulisitsisup illuutaani ajutoortoqartillugu tillinniartoqartilluguluunniit imm. 8 malillugu aggersarneqarsinnaalluni pigaartuusutut isigineqanngilaq.

Sulisoq aggersarneqarsinnaalluni pigaartuusoq inuttut inuunermini killiliiffigineqavissimassaaq. Assersuutigalugu sulisoq piffissami aggersarneqarsinnaanermini qasuersimalluni aalakoornanilu suliartorsinnaasariaqarpoq. Aammattaaq pisussaaffeqavittoqassaaq. Oqarasuaatikku attaveqatigiittarnermi, sulisup suliartortussaataitanerminik allamut ingerlatitseqqiinginnarsinnaanera piviusutut isigineqanngilaq.

Angerlarsimaffittut paasineqassaaq sumiiffik aalajangersimasumik siniffigisartagaq, suliffimmut atatillugu angalaneq, napparsimaneq assigisaalluunniit pissutigalugit tassaniinngikkaanni siniffigineqartartoq aammalu pigisanik inissiivigineqarnikoq.

Sumiiffiit "assigiinngiiaartut" ilisimaneqariinngitsut tassaapput illoqarfimmi suliffiugallartunut siuumoorluni ilisimanngisanut aggersarneqarfiusinnaasut. Apeqqutaanngilaq sumiiffiit taakku ilisimaneqarnersut, kisiannili imatut amerlatigissapput sumiiffinnut taakkununga assigiinngiiaarpassuarnut aggersarneqarsinnaaneq siumut ilisimaneqarsinnaanani. Nalinginnaasumik suliffik oqaatsimut sumiiffinnut "assigiinngiiaartut"-nut ilaanngilaq, aammattaaq sulisitsisoq illoqarfimmi arlalinnik adresseqaraluarpuunniit.

Akileraaruteqannginnissamut piumasaqaataalluinnarpoq aggersarneqarsinnaalluni pigaartuunermut atatillugu sulisup angerlarsimaffiup suliffiullu akornanni biilernissaanik sulisitsisup allakkatigut pisussaaffiliisimanissaa kiisalu allakkatigut aalajangersarneqarsimassalluni sulisoq aggersarneqarsinnaalluni pigaartuunermini inuttut biilnik namminermut tunngasumik allamut ingerlassanngitsoq. Sulisoq ukiumut ataasiaannarluniluunniit biilit taakku inuttut atorpagit taamatut biilnik ingerlaneq imm. 2, 3 aamma 4-mi ukiumut akit tunngavigalugit akileraaruserneqassaaq.

§ 20-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 15 assigaa.

Imm. 1-imut

Aalajangersakkap kinguneraa, isertitat B-t akileraaruserneqassanngitsut, aningaasat katillugit erseqqinnerusumik aalajangeriikkat qaanginngippatigit. Aningaasartai qaammatsiutit malillugit ukiumut 2007-imut kisimiittunut 5.000 kr.-inut aappariinnullu ataatsimoorlutik akileraartartunut 10.000 kr.-inut aalajangerneqarput.

Aalajangersakkami pineqarput isertitat B-t suugaluartulluunniit, taakkunani ilaallutik namminersorluni inuussutissarsiornermit isertitat. Pisuni taamaattuni isertitatut isigineqarput ilangaateqartinnagit iluanaarutit ingerlatsinermi aningaasartuutit akileraartarnikkullu nalikilliliinerit ilanngaatinagit.

Aalajangersagaq ingerlatseqatigiiffinnut peqatigiiffinnillu atuutinngilaq.

Aningaasat akileraaruteqaataasussaannngitsut annertussusiat qaammatsiutit malillugit ukioq pineqartoq sioqqullugu ukiup affaani siullermi Inatsisartut ataatsimiinneranni aalajangerneqassapput.

§ 21-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 16 assigaa.

Inuit akileraartussaataitaasut aalajangersimasumik ilanngaammik ilangaateqarsinnaatitaapput. Qaammatsiutit malillugit ukiumut 2007-imut

kisimiittunut aalajangersimasumik ilanngaat 10.000 koruuninik aammalu aappariinnut ataatsimut akileraartartunut 20.000 koruuninik annertussuseqarput.

Aappariinni toqukkut qimagaasoq toqukkut qimaguttup isertitarisimasaanik akileraaruserneqassaaq, takuuk § 11, ukiumi isertitsiviusumi toqukkut qimaguffiusumi aappariinnut ataatsimut akileraartartunut malittarisassat malillugit nalinginnaasumik ilanngaatit naatsorsorneqassapput.

Imm. 2-mut

Aalajangersimasumik ilanngaat Inatsisartunit aalajangerneqassaaq, qaamatisiutit malillugit ukiup pineqartup siuliani ukiup affaani siullermi Inatsisartut ataatsimiinneranni.

Imm. 3-mut

Nalinginnaasumik ilanngaatit akileraarutissanik naatsorsuinermi ilanngaatinut tamanut taarsiunneqassapput, tamatumani ilaallutik ingerlatsinermi aningaasartuutitut aammalu akileraarusiinermi nalikilliliinerit. Akileraartartup uppersarsinnaappagu akileraarutit naatsorsorneqarneranni ilanngaatit inatsisartut inatsisaanni aalajangersakkat allat malillugit akileraartartup ilanngaatigisinnaasai, katillugit aalajangersimasumik ilanngaatinit amerlanerusut, akileraartartup aningaasat amerlanerusutai taakku ilanngaatigisinnavai.

§ 22-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 13 a assigaa.

Aalajangersakkami ilaatinneqarput akileraartartut § 1, imm. 1, nr. 3-miit 14-inimut taagorneqartut.

Ingerlatseqatigiiffiup pigisai nalikillilerneqarsinnaasut il.il. immikkoortunut pingasut agguarneqassapput:

- Illut aamma atortut ikkussukkat.
- Umiarsuit aamma timmisartut.
- Pigisat nalikillilerneqarsinnaasut aningaasartuutillu allat.

Pigisanik nr. 1-imi aamma 2-mi killiliinerit taagorneqartut aammalu nr. 3-mut tunngatillugu Kalaallit Nunaanni Namminersornerullutik Oqartussat akileraarutitigut nalikilliliinerit il.il. pillugit nalunaarutaat malillugu pisassapput.

Selskabit il.il. nalikilliliissutinik ilanngaateqarsinnaanngillat, nalikilliliinernik aningaasanik ukuninnga amerlanerusunik:

1. Illut aamma atortut ikkussukkat pisiarineranni akiisa 5 procentii
2. Umiarsuit timmisartullu pissarsiarineranni akiisa 10 procentii.
3. Pigisat nalikillilerneqarsinnaasut allat ukiup isertitsiviusup naanerani nalingisa 30

procentiat,soorlu ingerlatsinermi atortut, pequtit aamma pigisat tigussaangitsut il.il. aammalu init attartukkat allanngortiterneranni aningaasartuutit, ikkussuinermi aningaasartuutit selskabimut inuussutissarsiormermi pingaarutillit.

4. Ingerlatsinermi atortut 100.000 koruuninik ataallugilluunniit pisiarineranni akeqartut akiisa100 pcentiat.

Immikkoortuni 1-imiit 4-mut assigiinngitsuni selskabit il.il. qinersinnaavaat nalikilliliinissamat periarfissat tamakkiisumik ilaannakortumilluunniit atornissaat imalluunniit pigisat ataasiakkaat nalikilliliivigisinnaallugit. Selskabip nalikilliliinerusimasut 1-miit 4-mut immikkoortitikkanut ataasiakkaanut naatsorsorneqarsimasut aammalu imm. 5 napertorlugu nalikilliliissutaasimasinnaasut, annertusineqarsinnaapput selskabip akileraarutit ilanngaatiginagit sinneqartoorutaasa affaattut annertutigisumik nalikilliliinikkut. Selskabip sinneqartoorutaatut paasineqassaaq selskabip akileraarutaasussanik isertitai, ukiup siuliini amigartoorutaasut aammalu iluanaarutinit agguaasat ilanngaatigereerneranni aammalu imm 2 aamma 5-ip kingunerisaannik nalikilliliinerit ilanngaatigalugit, tassalu imaappoq akileraarutaasussanik isertitat imm. 1-imi oqaaseqatigiit appaat malillugit (iluanaarutit affaat) nalikilliliineqartinnagu. Aningaasat ilassutaasumik nalikilliliissutaasut selskabip il.il. nammineq 1-imiit 3-mut immikkoortuni pigisanut pineqartunut il.il. agguataarsinnaavaat.

Nalikilliliinermi malittarisassat allanngortinnerisa kinguneraat immikkoortuni 1-imi aamma 2-mi pigisat ataasiakkaat nalunaarsorneqassasut aammalu kontomik nalunaarsuiffeqassasoq pigisap pisiarinerani akianik takutitsisumik tassungalu pitsanngoriaataasinnaasut ilassutigalugit kiisalu aningaasartuutit nalikilliliinerillu. Kontomi, ukiut naaneranni tamani naatsorsorneqartartussami, pigisat nalinginit nalikilliliissutigineqanngitsut annertussusiat takuneqarsinnaassalluni.

Pigisat nr. 1 aamma 2-mi taaneqartut nalikillilerneqarnerannut tunngatillugu, nalikilliliineq pissaaq pissarsiarinerini akiata ukiut tamaasa assigiiaartumik annertussuseqartumik nalikillilerneqarneratigut – aamma taaneqartartoq assigiiaartumik nalikilliliineq. Pingaaruteqanngilaq ukiup qanoq ilinerani pigisap pissarsiarineqarnerasoq, tassa tamatigut ukiumi pisiffiusumi ukiumut nalikilliliissutaasinnaasunik tamakkiisumik nalikilliliisoqarsinnaammat. Akerlianik ukiumi pigisamik pissarsiffiusumi imaluunniit ukiumi suliffeqarfiup atorunnaarsinneqarfiani nalikilliliisoqarsinnaanngilaq.

Pigisanik nalikilliliivigineqarsinnaasunik litra 1 aamma 2-mi pineqartunik selskabini tunisaqartuni aningaasanik uninngasuuteqarneq eqqarsaatigalugu selskabit nr. 1 aamma 2 malillugu nalinginnaasumik nalikilliliinerup saniatigut imm. 5 naapertorlugu pigisap tunineqarnerani iluanaarutit amerlaqataannik sulit nalikilliliisinnaapput. Selskabip malittarisassaq taanna atorpagu imm. 5 malillugu nalikilliliinerup annertussusia selskabip sinneqartoorutaata naatsorsorneqarnerani ilanngaatigineqassaaq, imm. 1 malillugu ilassummik nalikilliliissutip naatsorneqannginnerani, taannalu suliffeqarfiup sinneqartoorutaata affaanik annertussuseqarsinnaavoq.

Nalikilliliinernut nr. 3 aamma 4-mi pineqartunut tunngatillugu oqaatigineqassaaq, aalajangersakkami ilaammata pigisat nalikillilerneqarsinnaasut aningaasartuutillu tamarmik nr. 1 aamma 2-mi pineqanngitsut aammalu Namminersornerullutik Oqartussat akileraarutitigut nalikilliliinerit il.il. nalunaarutaat malillugu nalikillilerneqarsinnaasut. Pigisanik taakkunannga nalikilliliineq qaqugukkulluunniit nalingisaat tunngavigalugu nalikillileeriaaseq malillugu pisassaaq. Tassa imaappoq pigisat/-aningaasartuutit taamaattut pillugit selskabip pisinerani aningaasartuutit tamakkerlugit, pigisat taamaattut tunineranni imaluunniit pisinnaatitaaffiit il.il. tuninerannilu pissarsiat ilanngaatigalugit, ukiumut nalikillilerneqarsinnaapput 0 aamma 30 procentit akornanni ilivitsunngorlugu procenti nammineq aalajangerlugu. Ukiumut nalikilliliissut taanna nalingasut nalunaarsorneqarsimasumit nalikillilerneqarsinnaasumit tamarmiusumit ilanngaatigineqassaaq. Taamaalilluni nalikilliliissutit annikilliarortinneqassapput.

SElskabip il.il. ukiumi pisiffiusumi pigisat nr. 4-mi pineqartut, tassa pigisat 100.000 kr.-inik ataalluguluunniit nalillit, tamakkiisumik nalikillilerneqarnissaat kissaatiginngippagu, pisiarinerani nalinga nalikillilerneqanngitsoq ukiup pisiffiusup naanerani nalikilliliissutaasinnaasup annertussusaatut naatsorsorneqartumut ilanngunneqassaaq. Taassuma kingorna pisiarinerani nalingata ilaa nalikillisuutaanngitsoq ukiumi tassani nalingatut nalunaarsorneqartumut ilaassaaq aammalu litra 3-mi malittarisassat malillugit 30 procentit tikillugit nalikillilerneqassalluni.

Selskabinut, Kalaallit Nunaanni aatsitassat il.il. pillugit inatsit malillugu misissuinissamut imaluunniit atuinissamut akuersissuteqarfigineqarsimasunut atuuppoq, pigisat tunisassiornermi atortut ingerlatsinermi atortutut isigineqartarnerat. Pigisat tunisassiornermi atortut imatut paasineqassapput nunami aalajangersimasumik tunisassiorfiit il.il., sulliviit puttasut aalajangersimasut nuunneqarsinnaasulluunniit, tassungalu atasut ingerlatsinermi atortut maskiinallu, ruujorit, pumpit, tankit uninngatitsiviit atortullu allat aammalu sulliviit puttasut immikkoortut akunnittarfiusut. Umiarsuit illullu, tassunga ilanngullugit illut allaffissornermi atorneqartut tunisassiornermi pigisatut isigineqanngillat.

§ 23-mut

Siunnersuutigineqarpoq inuit akileraarutitigut nalikilliliinerat killilerneqassasoq annertunerpaamik inuup inuussutissarsiornermini isertitaatut annertussusilerlugu, taamaalilluni qulakkeerneqassalluni inuup inuttut isertitarisinnaasaminit akileraarutitik tamatigut akiliisinnaanera, assersuutigalugu akissarsianit, soraarnerussutisianit, honorarinit, nunani allani piginneqataassutinit iluanaarutinit aamma ernianik isertitanit il.il.

Namminersorluni inuussutissarsiornermut nalinginnaasumik takussutissaasarpoq, nammineq akilikkamik nammineq akisussaaffigalugu annaasaqarfiusinnaasumik aningaasatigut iluanaaruteqarnissaq siunertaralugu suliffeqarfimmik ingerlatsineq. Aammattaaq piunasaqaataavoq suliffeqarfiup ingerlaannapajaartumik piffissamilu sivikitsuunngitsumi ingerlanneqarnissaa kiisalu suliffeqarfik annikinngitsumik

annertussuseqassasoq. Pingaaruteqanngilaq akileraartussaataitaasoq tamatuma saniatigut sulisutut akissarsiaqartarnersoq.

Namminersorluni inuussutissarsiornermik ingerlataqartoqarneranik nalilersuinermini makkua pingaaruteqartinneqarsinnaapput, imatut pisoqarnersoq,

- isertitaqartoq nammineerluni sulinermik pilersarusiortoq, suliamik aqutsisoq, agguaassisoq nakkutilliillunilu suliakkiisumit suliakkiinerup saniatigut ilitsersorneqarani,
- suliakkiisup isertitaqartumut pisussaataitaaffii suliakkiissutitut ataasiakkaanut killilerneqartut,
- isertitaqartoq suliakkiissut pissutigalugu taassuma saniatigut allanik sullissinissaminut killilersorneqanngitsoq,
- isertitaqartoq suliap suliarinissaanut suliakkiisumut aningaasatigut pisussaaffeqartoq imaluunniit aningaasatigut ajunaaruteqariataarsinnaanini nammineq akisussaaffigaa,
- isertitaqartoq sulisoqartoq aammalu ikiorteqarsinnaanerminut nammineq aalajangiisinnaasoq,
- akiligassiinikkut akiliisoqartoq aammalu tamakkiisumik akiliisoqartoq isumaqatigiissutit malillugit suliaq suliarineqareerpat aammalu amigaataasinnaasut aaqqinneqareerpata,
- suliakkiisunit assigiinngiiaartunit kikkuuneri aalajangersagaanngitsunit isertitaqartoqartoq,
- isertitsinermut sinneqartooteqarsinnaaneq apeqqutaasoq,
- isertitaqartoq atortunik, maskiinanik sulinermini atortunik assigisaannillu pigisaqartoq,
- isertitaqartup suliamut atortussanik tamakkiisumik ilaannakortumilluunniit pilersuisuusoq,
- isertitaqartoq inini nammineq ingerlatsivimmini ingerlataqartoq, assersuutigalugu pisiniarfimmi, sullivimmi, allaffimmi, nakorsiartarfimmi/kigutileriffimmi, titartaasarfimmi il.il. aammalu sulineq tassannganiit tamakkiisumik ilaannakortumilluunniit ingerlanneqartoq,
- isertitaqartup inuussutissarsiornerani immikkut akuersissummik pisariaqartitsisoq, aningaasaliissuteqarnermik assigisaanillu, aammalu isertitaqartoq akuersissummik taamaattumik pigisaqartoq,
- isertitaqartoq ussassaaruteqarnermigut, allagartaliinermigut allatigulluunniit nalunaaruteqarnermigut suliamik ilisimasaqartuunini nalunaarutigigaa aammalu suuneranik aalajangersakkamik suliasamik suliaqartoq,
- sulinermini ajutooriataarsinnaanerminut isertitaqartoq nammineq akisussaasuusoq.

Atorfeqartitaaneq pineqarnersoq nalilersorneqarneranut pingaartinneqarsinnaavoq imatut pisoqarnersoq:

- suliakkiisoq suliasap suliarineqarnissaanut tamanut tunngasumik aalajangersimasunillu nalinginnaasumik ilitsersuisiinaavoq, tamatumani aamma nakkutilliineq misissuinerlu ilanngullugit
- isertitaqartumut taamaallaat annertunerumilluunniit suliakkiisoq ataasiinnaasoq,

- suliakkiisup isertitaqartullu akornanni ingerlaavartumik suliakkiisoqarnissaanik isumaqatigiissusiortoqarsimasoq,
- isertitaqartup piffissaq suliffissaa suliakkiisumit aalajangerneqartoq,
- isertitaqartoq suliunnaarnissamut nalunaaruteqarsinnaatitaasoq,
- aningaasarsiat sullissinerni nalinginnaasunik naatsorsorneqartut, (akunnermusiat, sap. akunnermusiat, qaammammusiat, tunisat najoqqutaralugit akissarsiat, akkordisiat a.t.)
- aningaasarsiat piffisani aalajangersimasuni akilerneqartartut,
- suliakkiisup suliassap sularineqarneranut atatillugu aningaasartuutit akilertarai,
- aningaasarsiat isertitaqartumut akissaajaatit ilanngaatigereerlugit annertunerpaatigut isertitsissutaasartut,
- isertitaqartoq akissarsiaqarluni sulisutut isigineqartoq sulinngiffeqartarneq pillugu inatsimmut, atorfillit pillugit inatsimmut sulinermi ajutoorsinnaanermut sillimasiisarneq pillugu inatsimmut aammalu suliffimmi avatangiisit pillugit inatsimmut tunngatillugu.

Namminersorluni inuussutissarsiorluni suliffeqarfiuteqarnermut imaluunniit sulisuunermut tunngaviit taagorneqartut arlaannaalluunniit kisimiiginnarlutik aalajangiisuunngillat. Pissutsit taaneqartut aammattaaq pisuni ataasiakkaani pingaaruteqarneri annertoqatigiinngillat.

Piviusuni imaassinnaavoq suliakkiisuunermi sulisuunermilu pissutsit ilaat suliffeqartuunermik aalajangiisuusut, kisiannili allat namminersorluni inuussutissarsiorluni suliffeqarfiuteqarnermik aalajangiisuusut. Taamatut pisoqartillugu aalajangiinermi ataatsimoortumik naliliineq tunngaviusaaq.

Isummami tunngaviusumi pineqartoq tassaavoq isertitaqartuusup suliakkiisullu ataasiakkaat akornanni pissutsit naliliiffigineqarnissaat. Suliakkiisut arlaliuppata isertitaqartoq taamaalilluni namminersorluni inuussutissarsiorlutut isertitaqarsinnaavoq taassumalu saniatigut sulisutut isertitaqarsinnaalluni. Kisiannili pissutsit ataasiakkaat nalilersorneranni pingaartinneqarsinnaavoq, isertitaqartoq suliamentunngasuni namminersortutut inuussutissarsiuuteqarnermik ingerlataqarnersoq.

Katissimallutik aappariit ataatsimut akileraartussaataasut tamarmik immikkut inuussutissarsiummik ingerlataqarpata, aapparisaq aappaata inuussutissarsiummik ingerlataani amigartoorutit aapparisaq aappaata inuussutissarsiummik ingerlataani sinneqartoorutinit ilanngaatigineqarsinnaapput.

Pissusiviit tunngavigalugit tamatigut aalajangerneqarsinnaasanngilaq ernianut aningaasartuutit inuussutissarsiorluni ingerlataqarnermut aningaasaliissutaanersut imaluunniit suliffiup avataani ingerlatanut aningaasaliissutaanersut. Assersuutigalugu akileraartartoq nammineq pigisamik inissiamik pisisimappat tassungalu peqatigitillugu taarsigassarsisimalluni ilimagineqarsinnaavoq taarsigassarsiat nammineq pigisamut inissiamut aningaasaliissutitut atornerqarsimassasut, akileraartartup uppersarsarsinnaanngippagu taarsigassarsiat

inuussutissarsiorluni ingerlatsinermut atorneqarsimasut imaluunnit ingerlatsinermi atortunut atorneqarneqarsimanersut.

Akerlianik akileraartartup suliffeqarfiup akiliutigeriaannagassatut taarsigassarsiat qaffappagit, ilimagineqarsinnaavoq taarsigassarsiat qaffaassutaat inuussutissarsiorluni ingerlatsinermut atorneqarsimasut imaluunnit ingerlatsinermi atortunut atorneqarsimasut, takussutissiineqarsinnaanngippat taarsigassarsiat qaffaassutaat assersuutigalugu angallammut nuannaariummut atorneqarsimasut.

Inuup akileraarusigassaasunik isertitai nalikilliliisinnaanerup killiliivigineratigut qaffanneqarpata, nalikilliliinerit taakku nalikilliliissutaasimanngitsutut isigineqassapput, taamaammallu nalikilliliinerit taakku ukiumi isertitaqarfiusumi tulliuttumi nalikilliliissutaasinnaassallutik, tamatumunnga piumasaqaatit naammassinneqarsimappata.

Annertunaakkamik akileraarutitigut nalikilliliissutit inuup nammineq isummani malillugu pigisani nalikilliliivigineqarsinnaasuni ataasiakkaani, pigisani nalikilliliivigineqarsinnaasuni assigiiani eqimattakkaartuni utertitsinnaavai imaluunniit pigisanut nalikilliliivigineqarsinnaasunut tamanut annertussutsit najoqqutaralugit agguaasilluni.

§ 24mut

Imm. 1, nr. 1-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 17, imm. 1, nr. 1 assigaa.

Aalajangersagaq akileraartarnermut inatsiseqartitsinermi aningaasartuutit taaguutaannik sinaakkusiisuuvoq.

Aningaasartuutit ukiumi ingerlanerani aningaasartuutaasimassapput. Ukioq innersuussutigineqartoq tassaavoq ukioq isertitsiviusoq, tassanilu oqaatigineqarluni piffissaq naatsorsuiffiusoq amerlanertigut qaammatinik aqqaneq marlunnik sivissuseqartartoq. Aningaasartuut qanga aningaasartuutaasimaneranut apeqqutaavoq aningaasartuutip immikkoortuanut naatsorsuusiorfiup naanerani ukiumut sumut ilanngunneqarnissaanik periuseq. Piumasaqaatanngilaq aningaasartuutit ukiumi isertitaqarnermut atasuunissaat, aningaasartuutit ukiumi isertitaqarnermut sunnuteqarsimanissaat imaluunniit aningaasartuutinut matusissutissat ukiumi pineqartumi isertitaneersuunissaat.

Taamaattumik inummut namminermut tunngasunik aningaasartuutit, soorlu nerisaqarneq atisassat ineqarnermullu assigisaanulluunniit aningaasartuutit, pineqartunut ilaanngillat. Taamatullu suliffimmik pilersitsinissaq siunertaralugu aningaasartuutit, aammalu suliffeqarfimmik unitsitsinermut aningaasartuutit pineqanngillat. Akerlianilli suliffeqarfiup piuinnaarsa siunertaralugu aningaasartuutit ingerlatsinermi aningaasartuutit ilanngaatigineqarsinnaasuupput.

Ilanngaateqarsinnaanermut piunasaqaataavoq aningaasartuutit isertitallu imminnut attuumassuteqarnissaat, aningaasartuutit isertitassap pissarsiarineqarnissaanut atorsimasuussallutik. Taamatut aningaasartuutit isertitallu imminnut attuumassuteqarnissaannik piunasaqaat eqqartuussisarnermi oqaatigineqartarpoq attuumassuteqarnerat assersuutigalugu piviusuussasoq imaluunniit erseqqissuussalluni paatsuunganangitsumik toqqaannartuusumik, qanimut taamaattuusutulluunniit malunnassasoq.

Aningaasartuutit isertitap pissarsiarineqarnissaanut, qulakkeerneqarnissaanut ingerlaannarnissaanullu atorneqarnissaannik piunasaqaat ingerlatsinermit aningaasartuutit oqarnermut sanillukkaanni erserpoq, isertitap pisuussutit (formue) suliffiullu avataani atuinermit akerliusoq, taamaammallu pisuussutit suliffiullu avataani atuinerit pissarsiarinissaannut, qulakkeerneqarnissaannut isumannaallinissaannulu aningaasartuutit ingerlatsinermit aningaasartuutaanngillat ilanngaataasinnaasut.

Oqaatsimi isertitap tamaallaat isertitap akileraarutaasussat pineqarput, pineqaratillu isertitap akileraarutaasussaannngitsut, taamaammallu aningaasartuutit pigisat tunineqarneranni akileraarutaasussaannngitsut pissarsiarineqarneranni, qulakkeerneqarneranni isumannaallisarnerannilu aningaasartuutaasut ilanngaataasinnaanngillat.

Oqaaseq ingerlatsinermit aningaasartuutit, aningaasartuutit ingerlatsinermit, isertitap pissarsiarineqarneranni, soqutigisanut aningaasartuutaasimanissaannik piunasaqaammik imaqarpoq, suliffiullu avataani atuinermit aningaasartuutaasussaannatik. Taamaalilluni tamakkiisumik ilaannaakuusumilluunniit ilanngaatinut tunngatillugu naatsorsuutigineqarpoq imaluunniit piunasaqaataavoq aningaasartuutit inuussutissarsiutigalugu suliffeqarfimmut, imaluunniit suliffeqarfimmut inuussutissarsiuteqarnermik siunertaqartumut, tassa imaappoq suliffeqarfimmut piffissaq ungasinnerusoq eqqarsaatigalugu sinneqartooruteqarnissamik siunertaqartumut, atorneqarsimasuunissaat.

Imm. 1, nr. 2-mut

Aalajangersakkap aningaasarsianit akileraarutit pillugit Inatsisartut inatsisaanni atuttumi § 17, imm. 1, nr. 2 assigaa.

Aalajangersakkap kinguneraa aningaasat akileraartartup pigisaasa aserfallatsaalineqarnerannut imaluunniit sillimasernerannut atorneqartut akileraartartup isertitaasa naatsorneqarneranni ilanngaataasinnaasut, iluanaarutit isertitap isigineqarpata.

Taamaalilluni ilaqutariinnut ataatsinut illunik pigisaqartut illumik sillimasiinermit, iluarsaassinermit aserfallatsaaliinermullu aningaasartuutit akileraartartup isertitaasa naatsorneranni ilangaataasinnaanngillat, illut taakkua attartornerannut naliusoq akileraarusiinermit ilaatinneqanngimmat. .

Imm. 1, nr. 3-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 17, imm. 1, nr. 3 assigaa.

Aalajangersakkap kinguneraa ernianut aningaasartuutit akileraartartup isertitaasa naatsorneqarneranni ilanngaataasinnaaneri. Tamanna atuuppoq inuussutissarsiummut imaluunniit suliffiup avataani ernianut aningaasartuutaaneri apeqqutaatinnagu.

Erniatut paasineqassaaq allat aningaasaataannik atuinermut akiliut, sukkulluunniit akiitsut annertussusaasa procentianik piffissani aalajangersimasuni naatsorneqartartoq.

Erniat ilanngaataasinnaappata inatsisit naapertorlugit piviusumik pisussaaffeqartoqassaaq, tassa akiitsut akilernissaannut taakkulu ernialersornissaannut.

Aalajangersakkap taamatuttaaq kinguneraa taarsigassarsianut, akileraartartup taarsigassarsiarisimasaanut, akileraartartup taarsigassarsisitsisumut ingerlaavartumik akiliutaasa akileraartartup isertitaasa naatsorneqarneranni ilanngaataasinnaaneri. Akerlianik taarsigassarsiap pilersinneranut akiliut, ataasiakkamik akiliutit taakkunungalu assingusumik ataasiartumik akiliutit ilanngaataasinnaanngillat.

Imm. 2-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 19, imm. 2 assigaa.

Aalajangersakkap kinguneraa aningaaseriviit kontonik pissarsiaqaataasinnaasunik pigisalinnut iluanaarutinik/eqqukkamik agguassat, iluanaarutinik/eqqukkamik ileqqaarneq pillugu inatsisip Kalaallit Nunaanni atortuulersinneqarnera pillugu peqqussut nr. 516, 9. juli 1990-imeersoq naapertorlugu, isertitanik akileraarutaasussanik naatsorsuinerminni ilanngaatigisinnaassanngikkaat.

Aningaaseriviit Qallunaat Nunaanni aningaaseriviit ataatsimut aaqqissuussinerinut peqataappata, aaqqissuussinermilu pissarsiassanut imaluunniit pissarsiassanut aningaasanik agguagassanut kontop imarisaasa ilaannik, erniat ilaannik assigisaannilluunniit akiliisarpata, akiliutit taakku aalajangersakkami ilanngaateqarsinnaaneq pillugu aalajangersakkamut aamma ilaapput.

§ 25-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 17 a assigaa.

Aalajangersakkap aatsitassanik tunisassiassat, Kalaallit Nunaanni aatsitassat il.il. pillugit inatsit malillugu aatsitassanik atuisinnaanermut akuersissutit sinaakkutaasa iluanni Kalaallit Nunaanni piiarneqartunik Kalaallit Nunaanni tunisassiareqqiinermi immikkut ilangaateqarsinnaanermut Naalakkersuisut malittarisassiornissaannut

tungavissippai. Siunertaavoq pisinnaatitsissummik pigisaqartut allalluunniit oliasiornermi aatsitassarsiornermilu suliarineqartartunik Kalaallit Nunaanni tunisassiareqqiinissaannut pilerilersinneqarnissaat. Tassani piumasaqaataavoq iluaqutiginninniarnermi pineqartumi pissutsini assingusuni atugaqarfiusuni nalinginnaasumik suliarinninnermit annertunerusumik suliareqqineqassasoq.

Immikkut ilanngaataanna aatsitassat suuneri aannertussusaallu isiginiarlugit ataasiakkaanit, ilaatigut tunisassiareqqiinerup annertussusia tamatumani lu tamatumunnga atitillugu aningaasaliinerit kiisalu avammut tuninerini nalingi aammalu suliffissaqartitsiniarnermi sunniutai il.il., aallaavigalugit, atorneqartarnissaa eqqarsaataavoq..

Ilanngaat ukiumut annertunerpaamik 10 pct-imut aalajangerneqarsinnaasoq, taamaalilluni tunisassiareqqiinermi inuiaqatigiinni nalilinnik pitsaasumik pilersitsineq tungavigalugu allanngorartinneqarsinnaavoq. Aammattaaq ilanngaatip ingerlaavartumik annertusiartuaartinneqarnissaanut annikilluartuaartinneqarnissaanulluunniit aalajangiinissaq periarfissaassaaq, assersuutigalugu ukiut ingerlaneranni imaluunniit tunisassiareqqiinerup annertussusivia najoqqutaralugu.

Tunisassiornermi pissutsini atugarissasunut assingusuni nalinginnaasumik suliareqqiinermut tunngatillugu taamatut tunisassiareqqineq Kalaallit Nunaanni Namminersornerullutik Oqartussat naalagaaffiullu akornanni Kalaallit Nunaanni aatsitassanut il.il tunngatillugu isertitat agguanneqarnerannut ilanngunneqartussaassanngilaq. Taamaattumik naatsorsuutigineqarpoq taamatut annertunerusumik suliareqqineq akileraarusiisarnermut tunngatillugu suliffeqarfimmit, Kalaallit Nunaanni aatsitassat il.il. inatsisip sinaakkutigititaata iluani ingerlatsisumit, immikkoortitaassasoq, tamanna pisuni ataasiakkaani Kalaallit Nunaanni Naalakkersuisut Qallunaallu Nunaanni naalakkersuisut akornanni isumaqatigiissutigineqanngippat.

Piiaanermik ingerlatsinermi aatsitassanik tunisassiassat oliasiornermi tassaagajussapput olia akuiagaanngitsoq, naturgassi, imerpalasut assigisaallu, aatsitassasiornermillu ingerlatsinermi aatsitassat tunisassiarineqartut tassaagajussallutik aatsitassanik pineqartunit saffiugassat akuiakkat. Tamakkuninnga saniatigut suliaqqineq imatut assersuutigalugu paasineqassaaq oliamik akuiagaanngitsumik akuianeq imaluunniit saffiugassanik aatitsineq.

Saniatigut suliareqqitassanik pigisat imatut paasineqassapput pigisat taamaallaat tunisassiassanik pineqartunik suliareqqiinermut toqqartumik atorneqartut.

Toqqaannartumik aningaasaliinerit imatut paasineqassapput pissarsiarinninnermut, assartuinermut pigisallu pineqartut ikkussornerannut atasunik aningaasartuutit, aningaasaliinermi aningaasartuutit ernialiissutillu il.il. ilanngunnagit.

Pigisat pineqartut tassunga peqatigitillugu malittarisassat malillugit nalikillilerneqarsinnaapput, taamaammallu nalikilliliineq immikkullu ilaanngaaneq pigisanut aningaasaliissutinit amerlanerusunit ilanngaanertut suninniuteqassapput.

§ 26-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 18 assigaa.

Meeqqamut akilersuutinik ilangaateqarnissamut tamanut atuuttumik piumasaqaataavoq, piffissami akileraarfiusumi akiligassanngorsimanissaat akilernerqarsimanissaallu. Taamaalilluni akilersuutit tamakkiisumik akileraartussaataanerup pilernera sioqqullugu akiligassanngorsimasut akileraartartup isertitaanik naatsorsuinermi ilanngaatigineqarsinnaanngillat.

Nr. 1-imut

Avinnermut averusernermulluunniit atatillugu aapparissamut akilersuutit ullormiit aviffiusumiit averuserfiusumilluunniit akiliisup ilanngaatigisinnaavai. Kisiannili aappariit najugaqatigiinnginnissaat piumasaqaataavoq.

Meeqqanut aappariinnermi aappariinnerulluunniit avataani inuusunut akiliutit taamatuttaaq ilanngaanermut malittarisassat taamaattut atuupput.

Aappariinnermi isumaqatigiinnginnerit kinguneranik inooqatigiikkunnaarnermi akiliisartup aapparissamut meeqqanullu akiliutini ilanngaatigisinnaavai. Tamatumani aamma atuuppoq ilanngaasiisinnaaneq taamaallaat atuutissammat aappariit meeqqallu najugaqatigiinngippata.

Imm. 2-mut

Meeqqanut akilersuutinut tamanut atuuppoq tapiissutinik akiliuteqartartup tapiissutit ilanngaatigisinnaassagunigit pisortatigoortumik pilersuisussaataasasoq imaluunniit akilersuuteqartussaataasasoq.

Imm. 3-mut

Inuuniarnermut tapiissutit/meeqqanut tapiissutit avinnerup averusernerulluunniit ullua aallarnerfigalugu atuuttumik ilanngaatigineqarsinnaapput. Inuuniarnermut tapiissutit inooqatigiikkunnaarnerup kingunerisaanik akilernerqartarata, tapiissutit inooqatigiikkunnaarnermut ulloq aallarnerfigalugu ilanngaataasinnaapput.

Imm. 4-mut

Inuuniarnermut tapiissutit aapparissap tapiissutinik pisartup imaluunniit meeqqap pisartagaqartup isertitaasa akileraarutaasussat naatsorsorneranni ilanngunneqassapput.

Imm. 5-imut

Akileraaruseriffik aapparissap meeqqallu akornanni inuuniarnermut tapiissutinik avitseqatigiinnissamut kiisalu inuuniarnermut tapiissutit annertussusaat pillugu isumaqatigiissummik qaangiinnaasinnaavoq, isumaqatigiissut erseqqisummik naleqqutinngippat aammalu isumaqatigiissummi ersippat pilersuinissaq eqqarsaatigalugu isumaqatigiissutaanngitsoq.

Assersuutigalugu taamatut pisoqassaaq tapiissutit naalagaaffiup sinniisuata taamatut isumaqatigiittoqarsimannikkaluarpat aalajangersimasinnaasai qaangersimappatigit. Qaangiinnaanerli ingasattumik pisoqarnerani aatsaat pisinnaavoq, pingaartumik meeqqanut akilersuutit anertussusiat aapparisamut tapiissutinut taarsiullugit tunniunneqarpata, imaluunniit paarlaassisumik meeqqanut akilersuutit pineqartillugit.

§ 27-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 19 assigaa.

Imm. 1-imut

Aktiat tunngavigalugit Selskabit, anpartit tunngavigalugit Selskabit, brugsforeningit il.il. piginneqatigiinnermik peqatigiiffiit aningaasat aktiaatilinnut, anpartiutilinnut ilaasortanullu iluanaarutitut agguagarsiatulluunniit tunniunneqartut ilanngaatisinnaavaat, aningaasat tamakkua ilaasortani akileraaruserneqartarmata.

Imm. 2-mut

Selskabit § 87 malillugu nikingassummit akileraarutininik ilanngaassisussaasut, iluanaarutit, iluanaarutininut appasinnerusumik akileraarummik ilanngaavigineqartut, selskabip akileraarutaasussanik isertitaanik naatsorsuinermi, ilanngaatisinnaanngilaat.

Imm. 3-mut

Imm. 3-mi aalajangersakkap kinguneraa Selskabit il.il. piginneqataassutinit pissarsiat akilerneqartut ukiumi isertitsiviusumi ukiumi tassani piginneqataasut pissarsiaasa ilanngaatigineqarnissaannut akuersissummik akileraaruserivimmut qinnuteqarsinnaanerit. Taamaaliornikkut ukiup isertitsivisup ukiullu ilangaateqarfiusup assigiinnerat kiisalu akileraarutitigut ilangaatit piginneqataasut iluanaarutit akilerneqartut amerlaqatigigaat qulakkeerneqassapput, selskabip isertitaasa akileraarusigassat takutikkaluaaraat ukiumi piginneqataasunut pissarsiaqartitsiviusumi aammalu aktiaateqartunut, anparteartunut, piginneqataassutinillu pigisaqartunut ilaasortanulluunniit akiliiffiusumi amigartooruteqartoqartoq.

Selskabit il.il. taamatut akuersissuteqarnermi siunertarineqanngitsumik iluaquteqarnissaat pinngitsoornialugu siunnersuutigineqarpoq, akileraaruseriffik piumasqaatinik aalajangersaasinnaassasoq, siunertarineqanngitsunik akileraarutitigut iluaquteqarsinnaanermut illuatungiusinnaasunik, siunertaq pingaarneq imaluunniit siunertat pingaarnerit ilaat malittarisassamik iluanaarniarfiginninnermik siunertarineqarpat.

Malittarisassap iluanaarniutigineqarneranut assersuutaasinnaapput selskabip isertitai amigartooruteqarfiusut, taamaalillunilu selskabip ukiumi isertitsiviusumi amigartoorutini annertusarniarai, selskabi qanittumi nunamut allamut nuunnialersaartoq, selskabi piffissami qanittumi atorunnaarsinniarneqalersaartoq,

selskabi piffissami qanittumi ingerlatsinermut akileraarutaaffiusussaannngitsumut nuunnialersaartoq, selskabi piffissami qanittumi selskabimut allamut kattunnialersaartoq imaluunniit selskabi piffissami qanittumi piginnittumik ingerlataminilluunniit taarsiinalersaartoq. Assersuutigineqartut tamakkiisuunngillat.

Selskabi allakkatigut akileraaruseriffimmiut nammineq nalunaarsuiffik tunniussinermut atatillugu qinnuteqaateqassaaq. Akileraaruseriffiup ukiumut ataatsimut akuersissuteqarsinnaavoq imaluunniit piumasaqaatitalimmik ataavartussamik akuersissuteqarsinnaalluni.

Selskabinut ukiumi isertitsiviusumi iluanaarutinit attuumassuteqartumi, iluanaarutiniq ilanngaateqarsinnaanermut akuersissummik qinnuteqarnissamik kissaateqanngitsunut malittarisassat atuuttut atuutitiinnarneqassapput, tassa ukiumi isertitaqarfiusumi iluanaarutit agguanneqarfigisaanni tamakkiisumik ilanngaatigineqarsinnaanerat, taamaaliornikkut isertitat akileraarusigaasussat amigartoorutaalernissaat apeqqutaatinnagu.

Imm. 4-mut

Aammattaaq siunnersuutigineqarpoq Selskabi piginnittuusooq, iluanaarutiniq nunami allami § 34, nr. 11 malillugu akileraaruteqartussaannngitsunit, tamatumani aamma Qallunaat Nunaanni Savalimmiuniluunniit pigineqartumik, selskabimit, iluanaarummik tigusaqarsimasooq, imm. 1 malillugu iluanaarutit ilanngaatigineqarsinnaasut iluanaarutit tiguneqartut akileraarutaasussaannngitsut amerlaqataannik appartissagai, tamatumani selskabi piginnittuusooq akileraarutaasussanik isertitanik naatsorsuinermi, iluanaarutiniq Selskabip piginnittuusup akileraarutaasussaannngitsunik pisimasaminik ilanngaateqartussaassanngimmat.

Appaasoqassaaq selskabi pigisamit akileraarutaasussaannngitsunik iluanaarutit tiguneqartut agguannersut agguanneqannginnersulluunniit apeqqutaatinnagu. Taamaalilluni selskabip piginnittuusup selskabiutigisamit iluanaarutit iluanaarutinit atornerqaratik allamut atornerqarsimanerannut uppernarsaasiisinnaanera pingaaruteqanngilaq.

Selskabi piginnittuusooq appaassaaq ukiumi selskabimit pigisamit pissarsiaqarfimmini, appaanerlu iluanaarutini selskabip piginnittuusup ukiumi isertitsiviusumi pineqartumi tunniussaani appaatigineqassaaq. Selskabip piginnittuusup ukiumi isertitsiviusumi tamatumani iluanaarutaani appaaneqassaaq, Selskabi piginnittuusooq iluanaarummik tamatuminnga, imm. 3 naapertorlugu ilanngaateqarnissamut akileraaruseriffimmit akuersissummik pisimagaluarpalluunniit Selskabip piginnittuusup akileraarutaasussanik ukiup isertitaqarfiusut siuliani isertitaani.

Selskabi piginnittuusooq selskabimit pigisaminit iluanaarutiniq pissarsiai, selskabip ukiumi isertitaqarfiusumi tamatumani iluanaarutiniq akiliutigisaanit amerlaneruppata, aningaasat iluanaarutinit akiliutaasut ilanngaatigineqarsinnaasut imm. 1 malillugu appartinneqassapput 0 koruuninngorlugit. Taassuma kingorna selskabimit pigisamit iluanaarutit sinneruttut ukiumut isertitsivimmut

kingusinnerusumut nuunneqarsinnaapput, ukiumi isertitaqarfiusumi siusinnerusumi selskabimi piginnittuusumi iluanaarutini akilerneqartuni inissaqartinneqanngippata aatsaat. Nuussisinnaanermut periarfissami ukiumut killiliineqanngilaq.

Imm. 5-imut

Aammattaaq siunnersuutigineqarpoq selskabit piginnittuusut selskabimit pigisamit § 34, nr. 11 malillugu akileraarutaasussaannngitsunik iluanaarutunik pissarsisimasut, nammineerluni nalunaarummut naatsorsuummik selskabimit pigisamit iluanaarutit tiguneqartut amerlassusaannik takutitsisumik naatsorsuusiamik ilanngussissasoq, kiisalu iluanaarutit ilaat qanoq amerlatigisut selskabip ilanngaataasinnaasunik iluanaarutunik aktiaateqartunut akiliutigisimasaanut appartitsinermut atorineqarsimanersut imaluunniit aktiatigut annaasaqaaatinut killiliinermut atorineqarsimanersut, § 16, imm. 2, nr. 1 naapertorlugu.

Imm. 6-imut

Naggasiullugu siunnersuutigineqarpoq selskabimit pigisamit iluanaarutunik akileraarutaasussaannngitsunik tigusat, selskabip piginnittuusup ilanngaatigineqarsinnaasunut iluanaarutinit imm. 1 malillugu atorsimasaanut appaatigalugit atorineqarsimannngitsut imaluunniit aktiatigut annaasaqaaatinut killiliissutitut atorineqarsimannngitsut, § 16, imm. 2 nr. 1 takuuk, Selskabip piginnittuusup ukiumi isertitsiviusumi selskabip piginnittuusup ingerlatsinermik inaarutaasumik atorunnaarsinneqarfigisaani akileraarutaasussanik isertitaasa naatsorsorneqarnerani ilanngunneqassasut.

Selskabit inaarutaasumik atorunnaarsinneqartarput ingerlatseqatigiiffiillu atorunnaarsinneqavittarlutik nalinginnaasumik aktiaateqartut anpartiuteqartulluunniit naggataarutaasumik ataatsimeersuarneranni atorunnaarsitsinermi inaarutaasumik naatsorsuutunik akuersinerisigut. Peqatigiiffiit il.il. nalinginnaasumik atorunnaartutut isigineqartarput ataatsimeersuarnermi aalajangiiffiusinnaasumi taamatut aalajangiisoqaraangat, taamatullu aalajangiinissamut nalinginnaasumik atugassanik naatsorsuuteqartarluni, peqatigiiffiup aningaasaataasa qanoq agguarneqarnissaannik siunnersuummik imaqartumik.

Aammattaaq siunnersuutigineqarpoq selskabimit pigisamit iluanaarutit akileraarutaasussaannngitsut nuunneqartut selskabip piginnittuusup ukiumi isertitsiviusumi tamakkiisumik akileraartarunnaarfiani imaluunniit ukiumi isertitsiviusumi peqatigiiffiup akileraarutitaqanngitsumik ingerlatsinermut nuuffiani, selskabip piginnittuusup isertitaanut akileraarusigassanut ilanngunneqassasut.

§ 28-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 20 assigaa.

Imm. 1-imut

Ingerlatseqatigiiffiinnut sillimasiisarfiusunut imm. 1-imi immikkut malittarisassaq atuuppoq, taassuma kingorna aningaasat sillimasiinermut akiliutitut pissamaatinut,

ajutoortoqarsinnaaneranut sillimmatinut aammalu bonuseqartitsinermut aningaasaateqarfimmut immikkoortinneqartut ilanngaataasinnaallutik. Taamaaliornikkut isertitat akileraarutaasussat immikkoortitsinikkut appartinneqarsinnaannginneranik nalinginnaasumik periuseq saneqqunneqarpoq.

Sillimasiinermut akiliutinut pissamaatit siumoortumik sillimasiinermut akiliutit amigartoorutaariataarsinnaaneranut matussutaasussaapput, ajutoortoqarsinnaanerannullu sillimmatit ukiumi siuliani ajutoornernut matussutaasussaallutik, tassani killiffimmik naatsorsuusiorfimmi ajutoornerit qanoq annertutiginerinik nalilersuineq naammassineqarnikuunngiffiani. Bonuseqartitsinermut aningaasaateqarfik sillimasiinermut akiliutit appartinneqarnerattut sillimmasertunut iluaqutaasarpoq.

Aammattaaq sillimanissamut aningaasaateqarfimmut immikkoortitat Selskabit sillimasiisarfiit ilanngaatigisinnaavaat, Selskabip malittarisassaani aalajangersarneqarsimappat sillimanissamut aningaasaateqarfimmi aningaasaatit sillimasiinermi pissamaatit nukittorsarnissaannut taamaallaat atorneqarsinnaasut allatulluunniit sillimasertunut iluaqutaasinnaappata.

Imm. 2-mut

Peqatigiiffinnut taarsigassarsiaqarfigineqartartunut imm. 2-mi immikkut malittarisassaq atuuppoq, tamanna malillugu Kalaallit Nunaanni peqatigiiffiit taarsigassarsiaqarfigineqartartut pillugit inatsisini aalajangersagaasinnaasut malillugit peqatigiiffiup piumasagaatit minnerpaaffissannut akilerneqanngitsunut sillimmatit immikkoortitani ilanngaatigisinnaallugit.

Imm. 3-mut

Soraarnerussutisiassanut aningaasaateqarfinnut immikkut malittarisassaq atuuppoq, taanna malillugu pensionkarsip ilaasortanut pisussaaffiit matussusernissaannut immikkoortitat ilanngaatigisinnaallugit. Tamatuma kingunerisaanik immikkoortitanit taamaattunit ilaasortanut ataasiakkaanut akiliutit ilaasortamut isertitaassapput akileraarusigassat.

§ 29-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 20 a assigaa.

Imm. 1-imut

Aalajangersakkap kinguneraa pisinnaatitaaffeqartup iluaquteqarniarsinnaanermut akuersissuteqarnermik nalunaarfigineqartup matusinissamik pilersaarutip piviusunngortinnissaanut aningaasatigut pisussaaffinnut matusissutissatut immikkoortitaasa ingerlaavartumik ilanngaatigisinnaasai piviusumik siusinaarluni ilangaatigineqarsinnaaneri. Saliinissamut aningaasartuutit ingerlatsinermi aningaasartuutaapput ilanngaatigineqarsinnaasut, kisiannili ilaatigut aningaasartuutit annertussusaat pissutigalugu ilaatigullu piiaanerup naammassereernerata kingorna matusisoqarnera pissutigalugu ilanngaateqarsinnaatitaanerup

annaasaqaataaffioriataarsinnaanera pissutigalugu, siunissami matusinermut aningaasartuutininik immikkoortitsinermut peqatigitillugu ilanngaateqarsinnaanermut akuersisoqartarnissaa tulluarnepaatut isigineqarpoq.

Imm. 2-mut

Aningaasat immikkoortitat ilangaataasinnaanerinut piunasaqaataavoq iluaqutiginninniarsinnaanermut akuersissumi qularnaveqqusiinissamut il.il. piunasaqaatit malinneqarsimanissaat, piginneqataassutinit iluanaarutinut politikip assigisaasalu killiliivigineqarnerat ilanngullugu.

Imm. 3-mut

Taassuma kingorna paasinarsissappat aningaasartuutissanut immikkoortitat ilanngaatigineqartut matusinermi aningaasartuutivinnit annertunerusut, siunnersuutigineqarpoq, aningaasat ilanngaatigineqartut ukiumut isertitsiviusumut immikkoortitat annertuallaarsimanerannik paasinniffiusumut isertitatut nalunaarsorneqassasut.

Imm. 4-mut

Pisinnaatitaaffeqartoq akileraartussaajunnaarsimappat aningaasat amerlanaarilluni ilanngaatigineqartut piffissami akileraartussaanerup atorunnaarfiani isertitatut nalunaarsorneqassapput.

Akuersissummi aningaaserivinni aningaasanik immikkoortitsinikkut qularnaveeqqusiinikkulluunniit qularnaveeqqusiinissaq isumaqatigiissut naapertorlugu piunasaqaat naapertorlugu aalajangerneqarpat, anguniarneqassaaq - amerlanaarlugit immikkoortitat ilanngaataasut akileraaruserneqarnerannik patsiseqartumik - akileraarutit sinnerisinnaasaat, qularnaveeqqusiissutit atorunnaarneranni taakkununga toqqartumik ilanngaatigineqarsinnaanissaat.

§ 30-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 1 assigaa.

Aalajangersakkap kinguneraa, akileraartussaataasup isertitai amigartooruteqarfiuppata, akileraartussaataasup ukiuni isertitsiviusuni tulliuuttuni qaninnerni tallimani akileraartussaataat isertaanit amigartoorutit amerlaqataat ilanngaataasinnaalerneru. Kisiannili piffissap taassuma iluani ilanngaatit ukiumut isertitsiviusumut kingusinnerusumut aatsaat nuunneqarsinnaapput, ukiuni siuliini isertitani akileraarutaasussani inissinneqarsinnaasimangippata.

Akileraartussaataasup isertitai amigartoorfiuppata, ukiuni siuliini amigartoorutit ilanngunneqarsinnaanngillat taamalillunilu ukiumi tassani amigartoorutit amerlineqarsinnaanatik, taamatuttaarlu ukiuni siuliini amigartoorutit ukiumi ilanngussiviusumi isertitanit amerlaneruppata ilanngussisoqarsinnaavoq ukiumi tassani isertitat taamaallaat o-unngorlugit amigartooruteqaataatinnagillu.

Ukiumi aappariit ataatsimut akileraarfianni amigartoortoqarpat, ataatsimut akileraartarnerup atorunnaarnerani aapparislamut amigartoortunut attuumassuteqartumut ilanngaataalersinneqassapput.

Ukiumi isertitsiviusumi killeqartumik akileraartussaataitaaffimmi amigartoortut akileraartussaataitaasup tamakkiisumik akileraartussaataitaaffiani isertitaanit ilanngaatigineqarsinnaapput. Taamatuttaaq ukiumi tamakkiisumik akileraartussaataitaaffimi amigartoortut ukiumi killilimmik akileraartussaataitaaffimmi ilanngaatigineqarsinnaapput. Taamatuttaaq akileraarusigaaffimmi killilimmik akileraartussaataitaaffimmi ukiup isertitsiviusup affaani kingullermi amigartoortut akileraarusigaanermi tamakiissumik akileraarfiusussap ukiup affaani siullermi amigartoorteqarfiusimannigitsumi ilanngaataasinnaapput.

Imm. 2-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 2 assigaa.

Aalajangersakkap imm. 1-imi malittarisassaq pingaarneq naleqqussarpaa, tassa aalajangersarneqarmat imm. 1 malillugu amigartoortunik kinguartitsineq akiliisinnaajunnaarnerup suliarineqarnerani, akiliisarnermik unitsitsinermi assigisaannilluunnit amigartoormik paasisaqarfiussumi atorineqarsinnaanngimmat.

Ilimagineqarpat akileraartussaataitaasup akiitsuni amigartoortut annertoqatigisaannik akiliissuteqarifigisinnaanngikkai, amigartoortut taakkortai amigartoortunit kinguartitsissutigineqarsinnaanngillat. Akiitsut imaluunniit akiitsut ilaat kingusinnerusukkut akilerneqarpata, akiitsut akilerneqartut amigartoortut annertussuseqartut ukiumi akiliiffiusumi ilanngaatigineqarsinnaapput. Akiliisinnaajunnaarnermi pisussaaffigisap annertoqatai akiliisinnaajunnaarneq il.il. pitinnagu atorunnaarpata aamma tamatumani amigartoortunik kinguartitsinissamut killiliineqanngilaq.

Amigartoortut "koruunimiit koruunimut" killilerneqarput, akiitsut akilerneqanngitsut amigartoortunit ilanngaatigineqassammata.

Imm. 3-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 3 assigaa.

Akileraartussaataitaasup akiitsoqarfimmik isumaqatigiissuteqarnermigut, akiitsumik isumakkeerfigineqarnermigut imaluunniit akiitsunik aaqqissuussivigineqarnikkut assigisaatigulluunniit akiitsuminik isumakkeerfigineqarneq anguppagu, taamatut akiitsut isumakkeerneqartut taakku amigartoortunik kinguartitsissutaasinnaasunit ilangaatigineqassapput.

Aningaasat akiitsoqarunnarutit amigartoortunit kinguartinneqartunit tamakkiisumik ilanngaatigineqassapput, tassa "koruunimiit koruunimut", akiliisinnaajunnaarnermi il.il. ilanngaaneq assigalugu, tassani ilanngaaneq aamma "koruunimiit koruunimut" pisarluni.

Imm. 1 malillugu ukiuni arlalinni amigartoorutinin kinguartitsisoqarpat, amigartoorutit kinguartinneqarsinnaasut pisoqaanerit siulliullugit ilanngaatigineqassapput. Akiitsut isumakkeerneqartut kinguartitsissutaasinnaasuni pisoqaanerni tamakkerlugit ilanngaatigineqarsinnaanngippata, pisoqaanerit tullianni ilanngaataassapput taamatullu tulliini.

Akiitsunik isumakkeerneqartut isertitaassapput akileraarusigassat, isumakkeerinninneq inuussutissarsiornermi iliuitsinut ersiutaanngippat, tassa imaappoq akiligassat naliviinit annikinnerusunngorlugit nalikillilerneqarpat. Aammattaaq akiitsunik isumakkeerneqartut tamakkiisumik ilaannakortumilluunniit isertitaassapput akileraarusigassat, akiitsoqarfinnik isumaqatigiissuteqartoq isumakkeerinninnerup kingorna suliffeqarfiup ingerlaannarnissaanut pisariaqartut sippungaatsiarlugit annertussuseqartumik inissippat.

Qaqutigoortumik akiitsunik isumakkeerinninnermi aamma akileraarusiisoqarsinnaavoq, akiitsoqarfiup tunissuteqarnissaq siunertarisimappagu, imaluunniit illuatungeriit tunissuteqatigiiffigippata.

Akiitsunik isumakkeerinninneq toqqaannartumik akileraaruserneqarpat, amigartoorutinin kinguartitsinermi ilanngaasoqassanngilaq.

Imm. 4-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 4 assigaa.

Aalajangersakkap selskabit ukiup siuliini amigartoorunitinik ilangaassissuteqarsinnaanerit killilerpaa, suliffeqarfiup piginnittui, aktiaateqartut akornanni sunniuteqarsinnaaneq imaluunniit suliffeqarfiup ingerlatsinera annertuumik allannguuteqarpat.

Selskabinut § 1 imm. 1, nr. 3 malillugu akileraartussaataasunut, tassa imaappoq aktiat aamma anpartit tungavigalugit selskabit Kalaallit Nunaanni nalunaarsorneqarsimasunut, akileraarutitigut amĳgartoorutinin kinguartitsisinnaaneq pisut ilaanni atorunnaarsinneqarpoq.

Amigartoorutinin kinguartitsisinnaaneq itigartitsissutigineqassaaq aktiaateqartut katitigaanerit annertuumik allannguuteqarpat, tassa aningaasaatit minnerpaamik pingajorarterutaat allanik pigineqalerpata. Tamassuminnga naliliineq pissaaq ukiup amigartoorfiusup allartinnerani aktiaateqartut ukiup isertitsiviusup naanerani amigartoorutinin ilanngaassuteqarnissamik kissaateqarfiusumi aktiaateqartunut sanilliunnerisigut. Piffissap ingerlanerani selskabimi aktianik niuerneq taamaallaat pingaaruteqalissaaq, ukiup isertitsiviusup naanerani aktiaateqartut katitigaanerit tamassuminnga sunnerneqarpat.

Selskabi piginnittuusooq selskabimi allami, selskabimi pigisami aktianik pigisaqarpat, selskabi piginnittuusooq pinnani, selskabimili piginnittuusumi selskabimi pigineqartumi aktianik piginnittutut isigineqassaaq selskabimi piginnittuusumi aktiatigut aningaasaatinik piginneqataanerminut naapertuuttumik.

Nalilersuineq ukiuni isertitaqarfiusuni ataasiakkaani tamani immikkut pisassaaq.

Aktiaatit agguanneqarsimanerisa annertuumik allannguuteqarsimaneramik imaluunniit aktiaatillit ataasiakkaat akornanni taakku taasisinnaanermut nalingisa annertuumik allannguuteqarsimaneramik nalilersuinermit pingaaruteqanngilaq sunniuteqarsinnaaneq tamanna qanoq iliorluni pissarsiarineqarsimaneq. Sunniuteqarsinnaanermik allannguneq assersuutigalugu aktianik tunisineq, aktiat aningaasatigut nalinginik qaffaaneq appaanelunniit imaluunniit malittarisassat allangortinneri aktiaatit taasisinnaanermut nalinginik allannguisut tunngavigalugit pisinnaavoq. Akerlianik pisisinnaatitaanermi salliutitaanermik pissarsineq imaluunniit pisisinnaanermut salliutitaanerit selskabip amigartoorutini kinguartitsisinnaaneranut pingaaruteqanngillat. Kisiannili pisuni ataasiakkaani nalilersuisoqarsinnaavoq, assersuutigalugu salliutitaanissamik pisisnaatitaaffeqalerneq imatut piumasaqaatitaqarnerneq aktianik tunisinertut oqaatigineqartariaqarluni. Taamatuttaaq ukiup isertitaqarfiusup naannginnerani aktiaateqareersunut aktianik tunisineq taassumalu kingorna utertillugit piseqqinneq qaanginnarneqarsinnaavoq aktianik tunisivinnertut isigineqarsinnaanngippat.

Amigartoorunik kinguartitsisinnaaneq aammattaaq itigartitsissutigineqassaaq Selskabip ingerlatsinera annertuumik allannguuteqarsimappat. Tamatuminnga nalilersuineq pisassaaq selskabip ukiumi amigartooruteqarfiani ingerlataasa, selskabip ukiumi isertitsiviusumi amigartoorutiniq ilanngateqarnissamik kissaateqarfiani ingerlataanut sanilliunnerisigut.

Selskabimi annertuumik ingerlatatigut allannguneqarsimaneq pissutsinik ataatsimut nalilersuineq apeqqutaassaaq. Assersuutigalugu inuussutissarsiutit immikkoortuinut allamut nuunneq ingerlatanik annertuumik allannguneruvoq, selskabip ingerlataanik annertusaaneq imaluunniit selskabip ingerlataminik tamakkiisumik allanngunera apeqqutaatinnagu. Selskabip imaqqanngitsup imaluunniit ingerlataqanngitsup „ingerlataqalivinneranut" ikaarsarneq tamatigut ingerlatanik annertuumik allanngunerujuaannassaaq.

Nalilersuineq ukiuni isertitsiviusuni ataasiakkaani immikkut ingerlanneqartassaaq.

Selskabip ukiut siuliini amigartoorutiniq ukiumi sinneqartoorutaasumik isertitsiviusumi ilanngateqarnissaaq kissaatigiguniuk, piginnittut annertuumik allannguuteqarsimannginnerannik, aktiaateqartut ataasiakkaat akornanni aktiat agguataarsimaneq imaluunniit taasisinnaanermi nalingisa annertuumik allannguuteqarsimannginneri imaluunniit selskabip ingerlataanik piffissamut amigartoorfiusumut sanilliussinermi annertuumik allannguuteqarsimannginneri pillugit selskabi uppersaateqartussaataavoq.

Imm. 5-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 5 assigaa.

Immikkut akuerineqarsinnaanermut periarfissaaq eqqarsaataavoq atorineqarsinnaassaaq, selskabip uppersaateqarsinnaaffiini piginnittut

allanngorneri, piginnittunermut tunngasut, sunniuteqarsinnaanermut tunngasut imaluunniit ingerlatat allanngorneri ukiup isertitaqarfiusup siuliini akileraartarnermi amigartoorutit niuernermi aningaasannanniarnermilluunniit iluaqutiginiarnerannik patsiseqanngitsut. Aammalu immikkut akuersissuteqarsinnaanerup atorneqarfissaatut eqqarsaatigineqarpoq inuussutissarsiornermik ingerlatsinerup ilaatigut allannguissamik politikkikkut kissaateqartoqarnerani.

Immikkut akuersissuteqarneq ukiuni siuliini akileraarutitigut amigartoorutinut tamarmiusunut ilaannaannulluunniit atuussinnavoq.

Imm. 6-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 6 assigaa.

Amigartoorutip ukiunut siuliinut nuunneqarsinnaaneranik aalajangersakkap kinguneraa, imm. 1 malillugu amigartoorutit ukiuni isertitsiviusuni tallimani tulliuuttuni atorneqanngippata, akileraaruseriffiup aalajangersimasunik piunasaqaatitaqartumik akuersissutigisinnaagaa amigartoorutit taamaattut atorneqarnikuunngitsut ukiuni isertitsiviusup siuliini tallimani qaninnerni isertitanit akileraarutaasussanit ilanngaataasinnaasut.

Amigartoorutit kinguartinneqarsinnaappata aamma amigartoorutit ukiunut siuliinut nuunneqarsinnaanerannut akuersisoqarsinnaavoq akileraaruseriffik isumaqarpat tamassumunnga piunasaqaatit pigineqartut. Aammattaaq tamanna atuuppoq, selskabi amigartoorutinik kinguartitsinissamut Naalakkersuisunit immikkut akuerineqarsimappat.

Assersuutigalugu akileraaruseriffiup ukiup amigartoorfiusup kinguliini ukiut pingajuanniit tallimaannut amigartoorutit ukiunut siuliinut nuunneqarsinnaanerannik taamaallaat akuersinissaq qinersinnaavaa aammalu suliffeqarfik sulii ingerlappat. Aammattaaq akileraruseriffiup amigartoorutit ukiunut siuliinut nuunneqarsinnaaneranik akuersinermi piunasaqaatit inunnut selskabinulluunniit tunngatissinnaavai, assersuutigalugu piffissami aggersumi tamakiisumik akileraartussaaitannerup siunissami piffissami aalajangersimasumi ingerlatiinnarneqassasoq.

Akileraartussaaitaasup amigartoorutit ukiut isertitsiviusussat tulliuuttut ingerlaneranni atorneqarsinnaannginnerannik ilimanarsitsisussaaneq pisussaaffigaa.

Isertitat akileraaruteqaataasussat amigartoorutip ukiunut siuliinut nuunneqarsinnaaneranik akuersissuteqarnermik pissuteqartumik allanngorneri piffissami siusinnerusumik isertitanik "kukkusumik" annertussusiliisimanermik pissuteqanngippata, akileraarutinik utertitsilluni akiliineq pisarnej malillugu procentinngorlugu taarsiissutitaliinertaqassanngilaq, aningaasallu aamma ernialersorneqassanatik.

Imm. 7-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 7 assigaa.

Aalajangersakkap kinguneraa aalajangersakkat imm. 3-miit 6-imut taaneqartut aamma inatsisit tunngavigalugit akisussaassuseqartunut allanut aamma atorneqarsinnaasut, assersuutigalugu piginneqatigiiffinnut aamma peqatigiiffinnut aningaasaliisuusartunut.

Imm. 8-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21, imm. 8 assigaa.

Aalajangersakkap kinguneraa pisinnaatitaaffeqartut aatsitassarsiornissamut aatsitassanilluunniit iluaqutiginninniarnissamut akuersissummik nalunaarfigineqartut amigartoorutininik ukiunut tulliuttunut piffissamik killiligaanngitsumik kinguartitsisinnaasut, kisiannili taamaallaat piffissami § 1 imaluunniit § 2 malillugu Kalaallit Nunaannut akileraartussaataitanermi nalaani. Kisiannili amigartoorutit taamaallaat kinguartinneqarsinnaapput, ukiuni siuliini isertitanut akileraaruteqaataasussani inissaqartinneqanngippata.

Piffissamik killiligaanngitsumik kinguartitsisinnaanermi taamaallaat amigartoorutit pineqarput akuersissuteqarnermi ingerlatanut toqqaannartumik tunngasut kisimik pineqarput. Taamaalilluni aatsitassarsiornierup avataani ingerlatanit allanit amigartoorutit imm. 1 naapertorlugu ukiuni tallimani taamaallaat kinguartinneqarsinnaapput.

Aatsitassarsiorsinnaanermut iluaqutiginninniarsinnaanermulluunniit pisinnaatitaaffeqartoq arlalinnik ataatsikkut imaluunniit piffissanut assigiinngitsunut akuersissutinik arlalinnik pigisaqarpat akuersissutinut nalunaarutigineqarsimasunut tamanut piffissamik killiligaanngitsumik kinguartitsisinnaaneq atuuppoq.

Amigartoorutininik kinguartitsisinnaanermut kiisalu utertitsisinnaanermut aalajangersakkat allat allanngortinneqanngillat. Taamaalilluni pisinnaatitaaffeqartumut amigartoorutininik utertitsisinnaanermik sulii ukiunut tallimanut killiliineqarpoq.

§ 31-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 21 a assigaa.

Imm. 1-imut

Aalajangersakkap nassataraa, Kalaallit Nunaata avataani sulianik ingerlatsisuni kommanditselskabeni komanditistitut, umiarsuaatileqatigiiffinni umiarsuaateqaqataasutut interessentskabini aningaasaleeqataasutut amigartoorutaasa allatigut sinneqartoorutaasunik inuit peqataasut isertitaannit Inatsisartut matumani

pineqartumik inatsisaanni malittarisassat atuuttuusut malillugit ilanngaatigineqarsinnaannginnissaat, taamaallaalli ingerlatami pineqartumi kingusinnerusukkut sinneqartoorutaasumik isertitanit ilanngaatissiarineqarsinnaallutik. Aningaasaleeqataasunut amigaartoorutiniq killiliineq taamaallaat atorneqarsinnaavoq peqataasut qulit sinneqqappatigit, akileraartussaataasorlu ingerlatsinermi annertuumik peqataanngippat.

Akileraartussaataasooq ingerlatsiviup ingerlanneqarneranut annertuumik peqataanersoq aalajangiiffigineqarneranut aalajangiiviginiakkani ataasiakkaani pissutsit tamarmik ataasiakkaarlugit nalilliiffigineqarnerannik tunngaveqassaaq. Najooqutassiissutitut inuup nammineq peqataanera qaammammut ikinnerpaamik 50 tiiminik sulinikkut peqataasarnersoq pingaartinneqarsinnaavoq.

Peqataasut amerlassusiat quliniit ikinnerusunilluunniit qulinit amerlanerusunngorlugit allanngorpat, peqataasut tamarmik ingerlatsiviup ingerlanneqarneranut annertuumik peqataanngitsut, aalajangersakkami pineqartunut ilanngutissapput. Peqataasut amerlassusiat qulinit amerlanerusunit, qulinit taakkunanngaluunniit ikinninerusunut allanngorpat, peqataasut tamarmik ingerlatsiviup ingerlanneqarneranut annertuumik peqataanngitsut, aalajangersakkami pineqartunut ilaatinneqaannassapput.

Piffissami akileraartussaataasup ingerlatsiviup ingerlanneqarneranut annertuumik peqataaffiginnisaani amigartoorutit, taamaallaat ingerlatseqatigiiffimmi pineqartumi sinneqartoorutaasumik isertitanit kingusinnerusukkut ilanngaatigineqarsinnaapput, akileraartussaataasup kingusinnerusukkut ingerlatap ingerlanneqarneranut annertunerusumik peqataanera apeqqutaatinnagu.

Peqataasut qassiunerisa naatsorsorneranni inuunnaat inatsisilluunniit naapertorlugit akisussaasutut peqataasut tamarmik naatsorsuutigineqassapput, Kalaallit Nunaannut akileraartussaataanersut apeqqutaatinnagu.

Aalajangersakkami niuernermi sullissinermilu, nunalerinermi, suliffissuaqarnermi, inuussutissarsiutit namminersortunit pigineqartut, attartortitsinermik il.il. suliffeqarfiiit qanorluunniit ittut pineqarput. Illunilli attartortitsinerit pineqanngillat, taamatut ingerlatsinerni sinneqartoorutit amigaartoorutillu § 15, imm. 4-mi immikkut malittarisassaqartinneqarmata.

Amigartoorutaasinnaasut akileraaruseriffiup sanaavanik immersugassiami, nammineerluni nalunaarsuivissamut nalinginnaasumut ilanngunneqartumi, nammineerluni nalunaarutigineqassapput, amigartoorutillu immikkut annertussusilerneqassapput aammal malittarisassat malillugit immikkut maalaarutigineqarsinnaallutik.

Sinneqartoorutit amigartoorutilluunniit Inatsisartut inatsisaanni malittarisassat nalinginnaasut malillugit naatsorsorneqassapput, erniatigulli isersitat aningaasartuutillu naatsorsuutigullu nalikilliliinerit aammalu akileraartarnermi annerusumik minnerusumilluunniit nalikilliliinerit ingerlatsinermut

aalajangersimasumut atatinneqarsinnaasut, sinneqartoorutitut
amigartoorutinulluunniit ilaatinneqassallutik.

Ingerlatap Kalaallit Nunaata avataani ingerlanneqartuuneranut suliffeqarfiup
Kalaallit Nunaata avataani inissisimanera aalajangiisuuvoq. Sumerpiamiinnera
aalajangerneqarsinnaatinnagu, suliffeqarfiup sumi aalajangersimasumik
ingerlatsiveqarnera aalajangiisuuvoq.

"Aalajangersimasumik ingerlatsiveqarnek"-mik oqarnek imatut paasineqassaaq,
sumiiffik ingerlatsiviup, immikkoortortaqaqarfiup, allaffiup, fabrikkip, sannaviup
imaluunniit paaaviup, gasisiorfiup oliasiorfiulluunniit, ujaqquariviup imaluunniit
allanik pinngortitami iluaqutissanik paaaviusup aqunneqarfia.

"Allatigut isertitat" tassaapput isertitat suulluunniit Inatsisartut inatsisaanni
matumani malittarisassat nalinginnaasut atuuttuusut malillugit naatsorsorneqartut,
akissarsiortutut, Kalaallit Nunaanni suliffeqarfimmik ingerlatsinikkut imaluunniit
Kalaallit Nunaata avataani namminersortutut ingerlatsinikkut
isertitaagaluarpataluunniit apeqquataatinnagu.

Ingerlatsivik ataaseq pineqarnerisooq aalajangiiffiqineqarnerani, kingusinnerusukkut
ingerlatsiviup piginnittui suliaaluunniit allannguuteqarsimanersut apeqquataangilaq,
ingerlatsiviup uninnera pineqangippat.

Imm. 2-mut

Amigartoorutit ukiuni tulliuttunut tallimanut ingerlateqqinneqarsinnaasuussapput,
akiligassalli ilanngaavigineqarneranni ilanngaasarnermut malittarisassani
pineqartunut ilaallutik, tak. § 30, imm. 3.

§ 30, imm. 6-imi malittarisassaq malillugu siuartitsinissamut periarfissaqarpoq (carry
back).

Imm. 3-mut

Pissutsit immikkorluinnaq ittut atuutsillugit Naalakkersuisut malittarisassamit
saneqqutsinissamut immikkut akuersissuteqarsinnaapput.

Ingerlatsivimmik, anpartinik il.il. tunisaqarnermi iluanaarutit annasaqaatilluunniit,
malittarisassat nalinginnaasut atuuttuusut malillugit naatsorsorneqassapput,
tamatumani aamma pigisat akileraartussaataitanerup atorunnaarnerani
pigiunnaarneqarsimasutut isigineqartillugit. Amigartoorutit
iluqaqtigineqarsimannigitsut anpartinik/suliffeqarfimmik tunisaqarnermi
iluanaarutinit ilanngaqtigineqarsinnaapput.

§ 32-mut

Aalajangersakkap aningaasarsianit akileraarutit pillugit Inatsisartut inatsisaanni
atuuttumi § 22 assigaa.

Imm. 1-imut

Aalajangersagaq inunnut selskabinulluunniit, § 2, imm. 1-imi aalajangersakkat arlaqartut malillugit killilimmik akileraartussaataasunut, tamatumani aamma aalajangersimasumik ingerlatsiviit ataatsikkut arlaqartunut atuuppoq. Taamatut pisoqartillugu isertitat akileraarutaasussat, isertitat ataasiakkaat, sumiiffik, suliffeqarfik il.il., tunngavigalugit naatsorsorneqassapput.

Imm. 2-mut

Taamasilluni aalajangersakkap nassataraa, akileraartussatitaasup isertitaqarfiusumit allameersumit amigartoorutit isertitaqarfimmi allami isertitanit ilanngaatisinnaanngikkai. Taamatut amigartoorutit isertitaqarfimmi amigartoorfiusumi kingusinnerusukkut sinneqartoorutinit taamaallat ilanngaatigitinneqarsinnaapput.

Imm. 3-mut

Selskabit, Kalaallit Nunaanni atortussiassat aatsitassanit pisut il.il. pillugit inatsit naapertorlugu ujarlernissamut imaluunniit iluaqutiginninniarsinnaanermut akuersissuteqarfigineqarsimasut aalajangersakkami pineqanngillat, tamanna ingerlatanut pineqartunut akuersissutini erseqqissumik allassimappat. Taamaasilluni selskabip taamaattup isertitat akileraarutaasussat ataatsimoortillugit naatsorsorsinnaavai.

§ 33-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 23 assigaa.

Aalajangersakkap nassataraa, Akileraaruserinermi ingerlatsineq pillugu Inatsisartut inatsisaat naapertorlugu 8 procentimik tapeq aamma Akileraaruserinermi ingerlatsineq pillugu Inatsisartut inatsisaat naapertorlugu 6 procentimik tapeq, akileraarutinit akilersinneqartartoq akileraarutaasussanik isertitanit ilanngaatigineqarsinnaannginnerat.

Aalajangersakkap aamma nassataraa, Akileraaruserinermi ingerlatsineq pillugu Inatsisartut inatsisaanni § 25 naapertorlugu 4 procentimik taarsiissutit aamma Inatsisartut inatsisaanni § 27 imm. 5 naapertorlugu 6 procentimik taarsiissutit, akileraarpallaarutaasimasut utertinneranni akilernerqartartut, akileraarutaasussanik isertitat naatsorsorneqarneranni ilanngunneqassanngitsut.

§ 34-mut

Aalajangersakkap § 13 aamma § 14 peqatigalugit Kalaallit Nunaanni isertitanit akileraarnermi aqqissuuserinermi periuseq tunngavisoq imaraa. § 13-ip aamma § 14-ip aallaavittut naqissuserpaat isertitat tamarmik akileraarutaasussaasut, § 34-illu isertitat suut akileraarutaasussanik isertitat naatsorsorneqarneranni ilanngunneqassannginersut.

Nr. 1-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 1 assigaa.

Aalajangersakkap nassarata, iluanaarutit annaasaqaatilluunniit, akileraartussaataasup pigisaasa naleqarnerulernerisigut nalikinnerulernerisigulluunniit pinngortut, isertitanut akileraarutaasussanut sunniuteqartussannginnerat.

Nr. 2-mut

Aalajangersakkap aningaasarsianit akileraarutit pillugit Inatsisartut inatsisaanni § 24, nr. 2 assigaa

Aalajangersakkap nassataraa, iluanaarutit annaasaqaatilluunniit, akileraartussaataasup pigisaanik tunisaqarnermi anguneqartut, isertitanut akileraarutaasussanut aamma sunniuteqartussannginnerat.

Tamannali atuutinngilaq pigisanik nalikilliliivigineqarsinnaasunik tunisaqarnermi aammalu pigisat akileraartussaataasup inuussutissarsiuteqarnermut iluanaarniarnermulluunniit atatillugu pissarsiarisimasaasa tunineqarneranni.

Inuussutissarsiuteqarnermik oqarneq imatut paasineqassaaq, pigisaq pineqartoq tuneqqinnissaa siunertaralugu akileraartussaataasumit, pigisamik pineqartumik iluanaaruteqaataasumik tuniniaanermik inuussutissarsiuteqartumit, pissarsiarineqarsimasoq.

Iluanaarniarnermik oqarneq imatut paasineqassaaq, pigisaq pineqartoq tuneqqinneqarnerani iluanaaruteqarnissaaq, imaluunniit siunertani arlaqartuni ilaasutut siunertaralugu, pigisat pineqartut assinginiq nioqquteqarnermut atasuunngitsumik, ataasiaannartumilli iliuseqarnikkut, pissarsiarineqarsimasoq. Iliuseq inuussutissarsiuteqarnermi pineqartumi pissarsiniarnermut ilaanngilaq.

Nr. 3-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 3 assigaa.

Aalajangersakkap nassataraa, inuit taagorneqartutut ittut akornanni tunissutit akileraarutaasussanik isertitat naatsorsorneqarneranni ilaatinneqannginnissaat. Akerlianilli inuit taagorneqartutut ittunut ilaanngitsut akornanni tunissutit nalingi akileraarutaasussanik isertitat naatsorsorneqarneranni ilanngunneqassapput.

Imm. 4-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 4 assigaa.

Aalajangersakkap nassataraa, pisuussutit annertuseriaataat, kingornussarsinikkut kingornussarsiassanilluunniit siuemoornikkut imaluunniit katinnikkut pilersut, akileraarutaasussanik isertitat naatsorsorneqarneranni ilanngunneqassannginnerat.

Nr. 5-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 5 assigaa.

Aalajangersakkap nassataraa, ilaqutariinnut ataatsinut illumi nammineq illuutigisami najugaqarnerup nalinga akileraarutaasussanik isertitat naatsorsorneqarnerannut ilanngunneqassanngitsoq.

Annertunerusumik oqarnek paasineqassaaq illutigisap inittussusiata affaa sinnerlugu piginnittup inuussutissarsiummik ingerlatsineranut atorpeqartoq.

Nr. 6-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 7 assigaa.

Aalajangersakkap nassataraa, nammineq aallaaniarnikkut, piniarnikkut aalisarnikkullu pissarsianik nammineq atuineq akileraarutaasussanik isertitat naatsorsorneqarneranni ilanngunneqassanngitsoq.

Nr. 7-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 8 assigaa.

Aalajangersakkap nassataraa, brugsforeninginit agguagarsiat, Kalaallit Nunaanni tamakkiisumik akileraarutaasussaasut, § 1, imm. 1 nr. 6 malillugu akileraarutaasussanik isertitat naatsorsorneqarneranni ilanngunneqassanngitsut.

Nr. 8-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 9 assigaa

Aalajangersakkap nassataraa, ullormusiat angalanermullu, soorlu Kalaallit Nunaanni angerlarsimaffiup avataani najugaqarallarnermi, taartisiat, pisortat sullinneranni Kalaallit Nunaanni tjenestemandinut atuuttunik malittarisassat malillugit tunniunneqartut, akileraarutaasussanik isertitat naatsorsorneqarneranni ilangunneqassanngitsut. Akileraartussaanninneq namminersortuni atorfeqartunut aamma atuuppoq.

Taamaasilluni inunnut Kalaallit Nunaata avataani najugaqartunut, Kalaallit Nunaanniinnermi ullormusiat, najuunnerup ullut 60-it (najugaqarallarnermi) sinnerpagit akileraarutaasussaanningsunut ilaangillat.

Akiliutit tjenestemandinut malittarisassanit atuuttuusunit ikinneruppata, akiliutit tiguneqartut (ikinnerusut) akileraarutaassanngillat, tjenestemandinut malittarisassat (tunniussinissamat piumasaqaatitallit) allatigut malinneqarpata. Akiliutit tjenestemandinut malittarisassanit atuuttuusunit amerlaneruppata, taava akiliutit malittarisassanit killissarititaasunit annertunerussutaasut akileraaruteqaataassapput. Akiliutit, tjenestemandinut malittarisassanit atuuttuusunit

akileraarutaasussaassanngillat, aatsaat tjenestemandinut malittarisassat (tunniussinissamut piumasaqaatitallit) allatigut malinneqarpata.

Nr. 9-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 10 assigaa.

Aalajangersakkap nassataraa, aktiat anpartilluunniit tunngavigalugit Selskabit, selskabillunniit § 1, imm. 1, nr. 4-mi pineqartut, aktianik anpartinilluunniit atulersitsinerminni imaluunniit tunngavigisanik aningaasaatinit amerleriartitsinermi nalunaarsugaasumik naligititanit qaffasinnerusumik naleqartitsissutinit akileraartussaanninnerat. Nalunaarsugaasumik naligititamit qaffasinnerusumik oqarneq isumaqarpoq, aningaasat selskabip aktianik pilersitsinermi aktiat nalingisa, selskabip pilersinneqarnerani aktiialluunniit tunngavigalugit aningaasaatit qaffatsinneqarneranni aningaasartuutinik ilanngaaseranni inerneranit qaangiisumik pissarsiarisai.

Nr. 10-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 11 assigaa.

Aalajangersakkami pisortanit tunniunneqartut taagorneqartut akileraarutaasussanik isertitat naatsorsorneqarneranni ilanngunneqassanngillat. Tunniunneqartut makkua pineqarput:

Ikiorssiisutit immikkut nalileereernermit pisortanit pensionisianut tapitut, tamatumani aamma Inatsisartut peqqussutaat naapertorlugu pisortanut pensionisianut meeqqanut tapitut, akuersissutigineqartut.

Ikiorssiisutit, pisariaqartitsineq naapertorlugu annertusisamik ikiorssiisutit akuersissutigineqartut, tamatumani aamma nutsernermut, ilisinermut, angerlarsimaffimmi ikiortimut angalallunilu angerlarnermut pisortanit ikiorssiisutit pillugit Inatsisartut peqqussutaat naapertorlugu akuersissutigineqartut.

Ikiorssiisutit inissiani attartortittakkani ineqarnermut tapiissutit pillugit Inatsisartut peqqussutaat naapertorlugu ineqarnermut tapiissutit akuersissutigineqartut.

Ikiorssiisutit meeqqanut inuusuttunullu ikiorssiisarneq pillugu Inatsisartut peqqussutaat naapertorlugu meeqqanut inuusuttunullu ikiorssiisutit akuersissutigineqartut.

Ikiorssiisutit annertuumik innarluutillit ikiorserneqartarnerat pillugu Inatsisartut peqqussutaat naapertorlugu annertuumik innarluutilinnut ikiorssiisutit akuersissutigineqartut.

Ikiorssiisutit piginnaanngorsaaqqinnissamut ikiorssiisarneq pillugu Inatsisartut peqqussutaat naapertorlugu immikkut tapiissutit ataasiartumik ikiorssiisutit akuersissutigineqartut.

Aalajangersakkap oqaasertalersornerata kinguneraa, annertussusileriikkanik ikiorsiissutit pillugit Inatsisartut peqqussutaat tunngavigalugu annertussusileriikkanik ikiorsiissutit aammalu pisortanit ikiorsiisarneq pillugu inatsisartut peqqussutaanni kapitali 5 tunngavigalugu pisariaqavissuinnarnut ikiorsiissutit tunniunneqartut akileraarutaasussanik isertitat naatsorsorneqarneranni ilaatinneqarnissaat, takuulli § 72, pisortanit pensionisiatuulli, naartunermi, erninermi meeravissartaarnermilu taamatullu aamma piginnaanngorsaqqinnissamut ikiorsiissutituulli.

Nr. 11-mut

Aalajangersakkap aningaasarsianit akileraarutit pillugit Inatsisartut inatsisaanni attuuttumi § 24, nr. 11 a assigaa.

Siunnersuutigineqarpoq, nunani allani selskabiutigisamit, tamatumani aamma qallunaat nunaanni savalimmiuniluunniit selskabiutigisamit, selskabip piginnittuusup iluanaarutai akileraarutaassanngitsut, selskabip piginnittuusup aktiatigut anpartitigulluunniit piginneqataassutit minnerpaamik 25 procentii sivikinnerpaamik ataqatigiissumik ukiumi ataatsimi pigisimappagit, iluanaarutinik agguaassiffiusup nalaaniittussaasumik. Taamaattumik iluanaarutit selskabip piginnittuusup akileraarutaasussanik isertitaanik naatsorsuinermit ilanngunneqassanngillat, selskabip piginnittuusup piunasaqaatit matuma qulaani taagorneqartut naammassisimappagit.

Nunani allani selskabeqarfutigisami aktianik anpartinilluunniit piginneqataassutit minnerpaamik 25 procentiinik piginnittuunissamik piginnittuunerullu sivikinnerpaamik qaammatini 12-uni piginnittuusimanissamik piunasaqaatit qallunaat kalaallillu marloriaammik akileraarusigaanissap pinngitsoortinneqarnissaa pillugu ilassutaasumik 12. juni 2002-mi isumaqatigiissutaanni isertitat pisuussutillu akileraaruserneqartarnerannut tunngasortaanut akileraarutinullu tunngasunik suliani ikiorserneqarnermut tunngasunut aammalu EU-p ingerlatseqatigiiffinnut piginnittuusunut pigineqartunullu malitassiaanut, naapertuuttuupput.

Selskabip pigineqartup aktiatigut anpartitigulluunniit aningaasaataasa aamma Selskabip piginnittuusup ingerlatseqatigiiffimmi pigineqartumi aktianik anpartinilluunniit pigisaqarnerata annertussuseqarneranik naatsorsuinermit taarserneqarsinnaasunik obligationiutigisinnaasat, selskabimit pigineqartumit pilersitaasut ilanngunneqassanngillat, obligationit selskabimi aktianik anpartinilluunniit taarserneqarnerat tikillugu selskabimi pigineqartumi avataanit aningaasaliissutinuinnaq ilaammata.

Aktiatigut anpartitigulluunniit aningaasaliissutit 25 procentiinik piginnittuunissamik piunasaqaat, selskabimut pigineqartumut iluanaarutinik selskabimut piginnittuusumut agguagarsisitsisartumut taamaallaat tunngasuvoq. Taamaammat akileraartussaanninnermut apeqqutaanngilaq selskabip pigineqartup selskabiutigisaanit, selskabip pigineqartup aktiat 25 procentiinik annikinnerusumik pigisaqarfisaaanit, iluanaarutinik agguagarsianik selskabi pigineqartoq ingerlatitseqqinnersoq.

Selskabi piginnittuusooq aktiatigut anpartitigulluunniit aningaasaliissutit minnerpaamik 25 procentinik sivikinnerpaamik ataqatigiissumik ukioq ataatsip ingerlanerani piginnittuusimassaaq. Tamatumani ukioq isertitaqarfiusoq imaluunniit qaammatisiutit malillugit ukioq pineqanngillat, tassali piffissaq qaammatinik 12-unik ataqatigiissumik sivisussusilik.

Akileraartussaannnginnissamut piumasaqaataanngilaq selskabip piginnittuusup ingerlatseqatigiiffimmi pigineqartumi aktianik anpartinilluunniit minnerpaamik 25 procentimik annertussuseqartumik ukiumi ataatsimi, iluanaarutinik agguaassinerup nalaani, piginnittuusimanissaa. Taamaattumik akileraartussaannginneq aamma iluanaarutinut aktiat anpartillu pissarsiarinerisa kingornatigut qaqugukkulluunniit agguaanneqartunut atuuppoq, selskabip piginnittuusup aktiat anpartilluunniit sivikinnerpaamik qaammatini 12-uni pigiinnassappagit. Iluanaarutit agguaanneqassapput, tassa imaappoq selskabip pineqartup ataatsimeersuarnerani akuersissutigineqarlutik, piffissap selskabip piginnittuusup aktianik piginniffigisaata nalaani.

Iluanaarutinik oqarnermi pineqarpoq nalinginnaasumik iluanaarutinik taaguineq, § 86, imm. 2-mi aalajangerneqartutut, tassalu aamma aningaasaatinik appartitsinermi aammalu aktianik anpartinilluunniit ingerlatseqatigiiffimmut pilersitsisumut tunisinermi iluanaarutinik agguaassineq iluanaarutinik oqarnermi aamma pineqarpoq.

Nr. 12-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 13 assigaa.

Aalajangersakkap nassataraa, meqqanut tapiissutit pillugit inatsit malillugu meeqqanut tapiissutit, atuarfinni klassini qullerni atuartut atuarnermut tapiiffigineqartarnerat pillugu peqqussut naapertorlugu tapiissutit aammalu Kalaallit Nunaanni tjenestemandinut malittarisassat atuuttuusut malillugit meeqqanut ilinniagaqarnerisutit tunniunneqartut akileraarutaasussanik isertitat naatsorsorneqarneranni ilanngunneqassannginnerat.

Nr. 13-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 14 assigaa.

Aalajangersakkap nassataraa, namminersortuni pisortaniluunniit atorfeqartut nalliuttorsiorneranni kajumissaatisiat, Kalaallit Nunaanni tjenestemandinut malittarisassat atuuttuusut malillugit tunniunneqartut, isertitat akileraarutaasussat naatsorsorneqarneranni ilanngunneqassannginnerat.

Nr. 14-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 15 assigaa.

Aalajangersakkap nassataraa namminersortuni pisortaniluunniit atorfeqartunut nutsernermut taartisiat, Kalaallit Nunaanni tjenestemandinut malittarisassat atuuttuusut malillugit tunniunneqartut, isertitat akileraarutaasussat naatsorsorneqarneranni ilanngunneqassannginnissaat.

Nr. 15-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 16 assigaa

Aalajangersakkap nassataraa, namminersortuni pisortaniluunniit atorfeqartunut akiliunneqarluni najugaqarfigisamut angalanerit, Kalaallit Nunaanni tjenestemandinut malittarisassat atuuttuusut malillugit tunniunneqartut nalingat isertitat akileraarutaasussat naatsorsorneqarneranni ilanngunneqassannginnerat. Akileraartussaanninnermi ukiumut ataasiarluni akiliunneqarluni inoqotigiinnut angalanerit pineqarput, aapparisp/inoqatigisap atorfinitsitaanerani atugassarititaasut apequtaatinnagit. Inoqutigiit aapparisp/inoqatigisap atorfinitsitaanermini atugassarisai assigiinngitsut pissutigalugit ukiumut marloriarlutik sulinngiffeqarnermi angalanerit akiliunneqarunik, angalaneq siulleq kisimi akileraarutaasussaassanngilaq.

Nr. 16-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24, nr. 17 assigaa.

Aalajangersakkap nassataraa, præmieobligationenit, eqquiniutinit, tipsernermit, lottornermit il.il. præmiat eqqukkallu, qallunaat naalagaaffianut akileraarutaasartut, isertitat akileraarutaasussat naatsorsorneqarneranni ilanngunneqassannginnerat.

§ 35-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 24 a assigaa.

Imm. 1-mut

Aalajangersakkap nassataraa, Ikisisut qularnaveeqqusiinermut Aningaasaateqarfiata aningaasaatit pigisallu aningaasanik nalillit aningaaserivimmit ataatsimit aningaaservimmut allamut nuunneqarnerannut atatillugu akiligai aningaaserivimmi akiliutinik tiguisumi akileraarutaassannginnerat. Akileraartussaanninneq atuuppoq Ikisisut qularnaveeqqusiinermut Aningaasaateqarfiat aningaasaateqarfimmut ajornartorsiortumut ingerlaqqittumulluunniit akiliigaluartillugu.

Ikisisut qularnaveeqqusiinermut Aningaasaateqarfiat qularnaveeqqusiisimappat akiliisussanngorlunilu, taamatut qularnaveeqqusiisuteqarnikkut akiliineq taamatutaaq aalajangersagaq malillugu akileraarutaassanngilaq.

Ikisisut qularnaveeqqusiinermut Aningaasaateqarfiat aningaaserivimmut ingerlaqqittumut aningaasanik amigartoorutinut tamakkiisumik

ilaannakortumilluunniit matusissutissanik akiliippat, amigartoorutit ilaat tapiissutinit qularnaveeqqusiissuteqarnermit akiliutinit matussuserneqartortaat, pigisat aningaasanik nalillit pissarsiarineranni aningaasaateqarfimmi ingerlaqqittumi akiliutaasunut ilaasutut isigineqassanngillat.

Imm. 2-mut

Imm. 2-mi aalajangersagaq imm. 1-imi aalangersakkamut illuatungiliuttut isigineqassaaq. Aalajangersakkami pineqartoq tassaavoq ukiumi isertitsiviusumi siusinnerusumi amigaartoortutit isertitanit akileraarutaasussanit ilanngaataasinnaanngitsut ukiumi isertitsiviusumi ingerlasumi ukiumiluunniit isertitsiviusumi kingusinnerusumi, Ikisisut qularnaveeqqusiinermut Aningaasaateqarfia imm. 1 naapertorlugu aningaaserivimmumt ajornartorsiortumut imaluunniit aningaaserivimmumt ingerlaqqittumut akiliisimatillugu, qularnaveeqqusiisimatilluguluunniit imm. 1 malillugu akileraarutaasussaannngitsunik akiliuteqarnermik nassataqarsinnaasumik, aningaaserivillu ingerlaqqittoq tamatuma kingorna sulianik nutaanik aallarniippat, ukiumi aningaasarsiorfimmi siusinnerusumi amigartoorutit ukiumi isertitaqarfiusumi pineqartumi kingusinnerusukkulluunniit ilanngaataasinnaanngillat. Taamatutaaq ukiumi isertitaqarfiusumi ingerlasumi amigartoorutit ukiumi isertitaqarfiusumi kingusinnerusumi akileraarutaasussanik isertitanit ilanngaatigineqarsinnaanngillat. Aalajangersagaq malillugu apeqqutaanngilaq aningaaserivik tunniunneqartoq aningaaserivittut ingerlatsinermik unitsitsilluni ingerlatsivittut aningaaserivimmik ingerlatsinissamut akuersissutitaqannngitsumik ingerlaqqinnersoq.

Taamaaliornikkut aningaaserivimmi ajornartorsiortumi, Ikisisut qularnaveeqqusiinermumt Aningaasaateqarfiata akileraarutaasussaannngitsunik aningaaserivimmumt ajornartorsiortumumt ingerlaqqittumulluunniit akiliinerinut peqqutaasumik, annaasaqaatit, aningaaserivimmi ajornartorsiortumi kingusinnerusukkut akileraarutaasussanik isertitaanit, aningaaserivittut ingerlatsinermumt pinngortuunngitsunit ilanngaatigineqarsinnaanngillat

§ 36-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 25 assigaa.

Imm. 1-imut

Imm. 1-imi aalajangersakkap nassataraa, akileraaruseriffiup selskabinut inuulluunniit ataatsip suliffeqarfiutaanut akileraarutaasussanik isertitanik qaffaasinnaanerat, suliffeqarfik niuernerumt tunngasutigut suliffeqarfimmit Kalaallit Nunaata avataaniittumit aqunneqarpat aningaasaqarnikkulluunniit tassunga attaveqarnermigut ingerlatanut attaviitsuusunut piumasaqaatinut allaanerusunik atugaqartinneqarpat.

Piumasaqaatip siulliup kinguneraa, akileraaruseriffiup ersersittariaqaraat, suliffeqarfik aaliangiisarnermi nunani allani suliffeqarfimmit peqqussutinit naalagaaffigineqartoq, niueqatigiinnermi nalinginnaasumik attaveqarnertuinnaq inngitsumik.

Piomasaaqatip aappaata kinguneraa, akileraaruseriffiup ersersittariaqaraat suliffeqarfik piomasaaqarfigineqartoq, suliffeqarfinnut attaviitsuusunut atuuttunik piomasaaqatinut naapertuutinngitsunik, suliffeqarfiup akileraarutaasussanik isertitaqarneranut sunniuteqartumik.

Piomasaaqatit taakkua marluk naammassineqarsimappata, akileraaruseriffiup iluanaarut, suliffeqarfiup attaviitsutut suliffiusimagaluaruni naqisimaneqanngitsumik ingerlatsilluni, nunami allamiittumik suliffeqarfimmik pineqartumik niueqateqarnermigut angusarisimasinnaasaanut atatissavaat.

Taamaattumik missiliuutaasumik naliliineq pineqarpoq, nunami allamiittumik suliffeqarfimmik pisariaqartitsinerup pilersissimasassarisaanik nammineerluni nalunaaruteqarnermi equngassutsinut naqqiuteqarnissaq taamaallaat siunertaralugu naliliinissamut aallaavigisassat tunngavigalugit naliliineq.

Imm. 2-mut

Imm. 2-mi aalajangersakkap nassataraa, siulersorneqarnermut nalinginnaasumillu allaffissornermut ataatsimoorussanik aningaasartuutaasinnaasunit, tamatumani aamma ingerlatsinermut aningaasaliissutinut erniaqartitsineq, pigisanili namminerisanillu aningaasaatinut aalajangersimasumik ingerlatsivimmuut il.il. tunngasunut erniat ilanngunnagit, naammaginartumik aggornerup ilanngaataasinnaanera Kalaallit Nunaanni avataaniluunniit atorneqarnerat apeqqutaatinnagu. Aggvaanermut najoqqutassatut atorneqarsinnaapput kaaviiartitat, toqqaannartumik aningaasartuutit assigisaalluunniit, tamatumani apeqqutaalluni kaaviiartitat taakkunungaluunniit assingusut pisuni ataasiakkaani ataatsimoorussanik aningaasartuutinik agguinermut tunngavigissallugit naleqqunnerpaasussat.

Imm. 3-mut

Imm. 3-mi aalajangersakkap nassataraa, aalajangersimasumik sumiiffeqartumik ingerlatsivimmuut il.il. isertitanik toqqaannartumik nalunaarsuineq ajornartillugu, toqqaannartuunngitsumik annertussusiliineqassasoq. Taamatut annertussusiliineq suliffeqarfinnut assingusunut naleqqersuussinikkut imaluunniit suliffeqarfiup ataatsimut isertitaanik tamakkiisumik ilaannakortumilluunniit agguaassinikkut suliarineqarsinnaavoq.

Imm. 4 aamma 5-mut

Imm. 4-mi aalajangersakkap nassataraa, nunani allani sillimmasiiviit Kalaallit Nunaanni sillimmasiisarnermik ingerlatsisut, akileraarutaasussanik isertitat naatsorsussagaat akileraartarneq pillugu inatsiseqartitsinermi malittarisassat nalinginnaasut malillugit, isertitallu tamarmiusut ilaannit, Kalaallit Nunaannut atatinneqarsinnaasunit, akileraartinneqassallutik. Taamatuttaaq tamanna atuuppoq kreditforeninginut nunami allamiunut, imm. 5 naapertorlugu.

Akileraaruseriffiulli allaanerusumik naatsorsueriaaseqarnissaq sillimmasiisarfinnut kreditforeninginullu nunani allamiunut akuersissutigisinnaavaa, tamanna naatsorsuuserinikkut ajornanngippat.

§ 37-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 25 a assigaa

Imm. 1-mut

Aalajangersakkap nassataraa, tunisinermi akip aningaasanik akilernerqarnera aningaasanngorlugu akilernerqannginnerani, tamakkiisumillu ilaannakortumilluunniit akiitsunut uppersaatit, qularnaveqqusiussaqluni taarsigassarsinermi allagartanik il.il. akilernerqarnerani akileraarutassussamik iluanaarutip annaasalluunniit naatsorsorneqarneranni ilanngaattissanik akuerinninneqarsinnaannginnera.

Aalajangersakkamut ilaapput pigisanik nalikilliliivigineqarsinnaasunik pigisanillu akileraartussaataasup inuussutissarsiummik ingerlatsineranut iluanaarniarneranulluunniit atasumik pissarsiarineqartunik tunisinerit.

Imm. 2 aamma 3-mut

Imm. 1-imi aalajangersakkami aamma pineqarput § 16, imm. 2-miit 4-mut pineqartunik pappiaqqat aningaasanik nalillit kiisalu §§-it 17-imi aamma 18-imi aningaasanut tunngasunik isumaqatigiissutit pisassarissallu pineqartut.

§ 38-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 25 b assigaa.

Imm. 1-mut

Aalajangersakkap nassataraa, akileraartussaanerup naanera tunisaqarnermut ingerlatsiviup pappiaqqanik nalilinnik pigisaanik il.il. akileraarusiinemik kinguneqartumik aammalu pigisanik akileraartussaataasup inuussutissarsiuteqarnermini iluanaarniarutitigalluunniit pissarsiarisimasaanik tunisinerit isigineqarnera. Tamanna atuuppoq tamakkiisumik aamma killilimmik akileraartussaanerup atorunnaarneranut atatillugu.

Peqatigitilluguli akileraartussaataasup tamakkiisumik akileraartussaanerata atorunnaarneranut atatillugu akileraartussaataasooq killimmik akileraartussaataalerpat, pappiaqqat aningaasanik nalillit pigisallu killilimmik akileraartusaalernerup tunngaviusut tunineqartutut isigineqassanngillat.

Aalajangersakkami inuussutissarsiornermik iluanaarniarnermillu isummanik allatigut allannguinissaq siunertaanngilaq.

Imm. 2 aamma 3-mut

Aalajangersakkami aamma pineqarput aningaasanut tunngasunik isumaqatigiissutit pisassarissallu.

Imm. 4 aamma 5-imut

Pappiaqqat aningaasanik nalilinnut, aningaasanik nalilinnik niueqatigiiffimmi (bursimi) nalunaarsorneqanngitsunut, pigisanullu eqqartorneqartunut tunngatillugu, niuernermi ullormi akileraartussaatanerup atorunnaarfigisaani naliusiq tunisinermi akiusutut isigineqarpoq. Pappiaqqanut nalilinnut, aningaasanik nalilinnik niueqatigiiffimmi nalunaarsorsimasunut tunngatillugu ullormi akileraartussatitaanerup atorunnaarfigisaani aningaasanik nalilinnik niueqatigiiffimmi naligitinneqartoq, imaluunniit taamaattumik peqanngippat ulluni siuliini qaninnerpaami aningaasanik nalilinnik niueqatigiiffimmi naligitinneqartoq, tunisinermi akiusutut isigineqarpoq.

Tamatutaaq akileraartussaatanerup atorunnaarnerani niuernermi nalinginnaasumik naliusumut tunngatillugu tamanna atuuppoq.

§ 39-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 17 b assigaa

Soraarnerussutisiatigut inuunermullu sillimmasiissutitigut aaqqissuussinernut ingerlaavartumik inuuneq tamaat, toqukkut qimagunnikkut unittussanik, pisartagaqarfigineqartartussanut akilersuutit, tamakkununga ilanngullugit aapparisaq imaluunniit inooqatigisap qitornallu soraarnerussutisiani pisartagaqartinnissaannut kiisalu innarluutilittut ingerlaavartumik soraarnerussutisiassanut akilersuutit aningaasarsiat akileraaruteqaataasussat naatsorsorneranni ilanngaatigineqarsinnaapput, piunasaqaatit arlaqartut naammassineqarsimatillugit.

Aaqqissuussinerit pilersinneqarsimassapput soraarnerussutisiaqalernissamut aningaasaateqarfirmi sillimmasiisarneq pillugu inatsimmi ilaatinneqartumi imaluunniit selskabini inuunermut soraarnerussutisiaqalernissamullu sillimmasiisarfirmik ingerlatsinissamut akuerisaasumi. Tamanna isumaqarpoq, soraarnerussutisiaqalernissamut inuunermullu sillimmasiisarfinni nunani allani soraarnerussutisiassanut aningaasaateqarfinnut imaluunniit nunani allani soraarnerussutisiaqalernissamut inuunermullu sillimmasiisarfinnut akiliutinik ilanngaassissuteqartoqarsinnaanngitsoq.

Utoqqalineq pissutigalugu soraarnerussutisiat inuunermik pissuteqartinneqarlutillu inuunneq tamaat naallugu atuuttussaassapput. Inuunermik pissuteqartitaanerit isumaqarpoq sillimmasiisimasup toqukkut qimagutereernerani aaqqissuussinermit akiliineqassanngitsoq. Inuuneq tamaat naallugu atuuttussaanerit isumaqarpoq sillimmasiisimasoq inuugallartillugu akiliisarneq ingerlaavartussaasoq. Tassalu imaappoq, piffissami siumut aalajangerikkami ukiulluunniit amerlassusissaannik siumut aalajangigaq malillugu akilersuineq unissanngitsoq.

Utoqqalineq pissutigalugu soraarnerussutisiat inuuneq tamaat naallugu atuuttutut isigineqassapput, inuuneq tamaat naallugu atuuttussartaqarlunilu ilassutaasumik

ilaqartinneqaraluarpataluunniit. Assersuutigalugu akilersuinerup ingerlanerani allannguuteqartitsisoqarsinnaavoq, tamatumani soraarnerussutisiaqartoq soraarnerussutisianik allanik pisinnaatitaalerfiani, assersuutigalugu pisortanit pensionisianik. Utoqqalinerli pissutigalugu soraarnerussutisianit unitsinneqartortaasut utoqqalineq pillugu pensionisiani inuuneq tamaat naallugu pisartagarisassanit annerpaamik 50 procentiusinnaapput.

Aapparisamat imaluunniit inooqatigisamat soraarnerussutisiatut pisartakkat aappariinnermi toqkkut qimagaasumut, aappariinnermi inooqatigiinnermiluunniit avissimasamat pisassanngortinneqarsinnaapput

Katissimanagu inooqatigisaq inooqatigisimasap toqkkut qimagussimasup soraarnerussutisiaanit pisartagaqarsinnaavoq, soraarnerussutisiaqarnissamik isumaqatigiisummi sillimmasiinnermulluunniit allagartami (uppernarsaamma), piumasagaataasut naammassineqarsimappata taamaattusnaanera takuneqarsinnaappat. Inooqatigisaq aqqatigut taaneqarsimasoq aqqatigulluunniit taaneqanngitsumik inooqatigisaq tamatumani pineqarsinnaavoq. Sorlerluunniit pineqartillugu najugaqatigiissimanissaq piumasagaataavoq.

Inooqatigisat aqqisigut taaneqarsimasut soraarnerussutisiassanik isumaqatigiisutip imaluunniit sillimmasiinnermut allagartap (uppernarsaatip) pilersinneqarnerata nalaali najugaqataasuussapput.

Inooqatigisaq aqqatigut taaneqanngitsaq pineqartillugu piumasagaataavoq toqkkut qimaguttup inooqatigisamik katissimasinnaagaluarnera imaluunniit nalunaarsugaasutut inooqatiginissinnaasimanera piumasagaataavoq, pineqartorlu aamma testamentimi, toqkkut qimagunneq sivikinnerpaamik qaammatinik pingasunik sioqqullugu sananeqarsimasumi, kingornussisussaataitanermilu aapparisap pinngitsoorani kingornussassarissasaanit, minnerpaamik aapparisap kingornussisarneq pillugu inatsit malillugu pisassarisaatut annertussuseqartunik kingornussisussaatinneqartuussasoq. Inooqatigisaq aamma toqkkut qimagunnissaq ukiunik marlunnik amerlanerusunilluunniit sioqqullugu toqkkut qimaguttumik ataqatigiisumik najugaqateqarsimasuussaaq, inooqatigiit toqkkut qimagunnerup nalaani najugaqatigiissimanngippata, tamatumani aamma utoqqarnut inissianut nuussimaneq pissutigalugu.

Soraarnerussutisianit meeqqanut akiliutit meeqqami akileraaruserneqassapput. Innarluuteqarneq pissutigalugu soraarnerussutisianit meeqqanut tunniussanik akiliineqartillugu, tunniunneqartut innarluuteqarneq pissutigalugu soraarnerussutisiaqartumi namminermi akileraaruserneqassapput.

Innarluuteqarnermi soraarnerussutisiatigut siunertarineqarpoq sillimmasiisup sulisinnaajunnaarnermiit utoqqalineq pissutigalugu soraarnerussutisiaqalernissap tungaanut ingerlaavartumik isertitaqarnissaata qulakkeernissaa.

Aapparisamat, inooqatigisamat, meeqqanut innarluuteqalernermilu soraarnerussutisiat inuunermik taamaallaat tunngaveqartinneqassapput tassalu inuuneq tamaat naallugu atuuttussatut iluseqaratik. Aapparisamat

inooqatigisamulluunniit soraarnerussutisiat sivikinnerpaamik ukiuni qulini ingerlassapput, meeqqanulli tunniuttakkat sivisunerpaamik meeqqap 24-nik ukioqalernissaata tungaanut tunniunneqartassallutik. Tuniussisarnerup ingerlanerani soraarnerussutisianik taakkuninnga allannguuteqartitsinissamik (knæk-ordninger) isumaqatigiissuteqartoqarsinnaanngilaq.

Piomasagaatit matuma qulaani taagorneqartut tamarmik naammasineqarsimassapput, sillimmasiinermit akiliutit aammalu aaqqissuussinermut tapiisutitut akiliutit ilanngaatineqarsinnaassappata.

Soraarnerussutisiassanut sillimmasiinermit inuunermullu sillimmasiissutinut aaqqissuussanut, soraarnerussutisiat akileraaruserneqartarnerat pillugu inatsimmi §§-ini 50 aamma 53A-mi pineqartunut akiliutit ilanngaatineqarsinnaanngilat.

Imm. 2-mut

Sillimmasigaasoq sillimmaserneqarsimasuullunilu sillimmasiinermit pigisaqartuussaaq. Sillimmasiinermit pigisaqartuunngitsoq taassumaluunniit suliffeqarfia sillimmasiissummut tapiissutinik akiliummilluunniit tamakkiisumik akiliisarpata, akiliutit sillimmasiinermit pigisaqartumi akileraarutaasussaapput.

Imm. 3-mut

Imm. 3-ni akilersuutini inuneq tamaat naallugu atuuttussaanaannik piomasagaat atuutsinneqanngilaq. Soraarnerussutisiaqarnissamut aaqqissuussineq atorfinitsitaanermut atatillugu pilersinneqartoq pineqartillugu akiliutit ataasiarluni akiliinertut akiliutigineqarsinnaapput, inuneq tamaat naallugu akiliutaasartut ukiumoortumik 6.000 koruunit sinnersimanngippatigit.

Imm. 4-mut

Imm. 4-mi aalajangersarneqarpoq aningaasat soraarnerussutisiaqarnissamik aaqqissuussinermut ukiuni marlunni ingerlaavartumik akiliutaasartut amerlaqataat ataasiaannartumik tunniunneqarsinnaasut, soraarnerussutisiaqarnissamik aaqqissuussineq atorfinitsitaanermut atatillugu pilersitaappat soraarnerussutisiassanullu aningaasaateqarfimmi imaluunniit inuunermut sillimmasiisarnermit ingerlatsivimmi, Kalaallit Nunaanni nalunaarsugaasumi pilersitaallutik.

§ 40-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 17 c assigaa.

Imm. 1-imut

Soraarnerussutisiaqarnissaq siunertaralugu naafferartumik tunniunneqartartussanik sillimmasiineq tassaavoq ataasiaannartumik akiliuteqarfiusumik sillimmasiineq, tamatumani isumaqatigiissutaalluni sillimmasiinermit aningaasartaasut naaffeqartumik ukiut aalajangersimasut ingerlaneranni akilerneqartarnissaat

naaffeqartumillu akiliutaasartut sillimmasigaasup toqukkut qimagunneratigut akilerneqartarnerat unissanani.

Sillimmasiinerup imarisassaanik piumasqaatit imaattut makku naammassineqarsimassapput, sillimmasiinerup akiliutit akileraarutaasussanik isertitat naatsorsorneqarneranni ilanngaataasinnaassappata. Sillimmasiinerup pineqassaaq akiliutigisartakkanik sivikinnerpaamik ukiuni qulini amerlaqatigiikkaartaartunik akiliisarnissaq. Tunniuttakkat sillimmasigaasumut, tunniussuiffiup nalaani uumappat, tuttassapput.

Sillimmasiineq inuunermut soraarnerussutisianullu sillimmasiisarfimmi Kalaallit Nunaanni nalunaarsugaasumi inuunermullu sillimmasiivittut Kalaallit Nunaanni ingerlatsisinnaanermut pisinnaatitaasumi pilersinneqassaaq. Sillimmasiissuteqartoq sillimmasigaasuullunilu sillimmasiissummik piginnittuusuussaaq. Sillimmasiineq sulisup sulisitsisullu akornanni isumaqatigiissuteqarnerup kingunerisaanik pilersinneqartuuppat, sillimmasiinerup akiliutit sulisitsisumit akilerneqartarlutik, sulisoq sillimmasigaasuussallunilu sillimmasiissummik piginnittuusuussaaq.

Sillimmasiineq sillimmasigaasooq 60-inik ukioqalertinnagu pilersinneqassaaq. 60-inik ukiulinnut killeqartitsineq aamma tunngaveqartinneqarpoq naafferartumik akiliuteqaataasussamik sillimmasiineq ukioqqortusivallaannginnermi pilersinneqarpat pensionernissamut annerusumik tunngavissaqarnissaq ilimanarnerussammat.

Sillimmasersimasup 60-inik ukioqalereernerani isumaqatigiissut taamaallaat pilersinneqarsinnaavoq isumaqatigiissummumut taamatut ukioqalernerneq sioqqullugu pilersinneqarsimasumut ilassutitut, aammalu isumaqatigiissut siulleq eqqarsaatigalugu piffissanut tunniussivissanut tunngatillugu tunniuttakkat sillimasiutit amerlassusissaasa siusinnerusukkut isumaqatigiissutaasimasup affaa sinnerlugu amerlassuseqassanatik. Aalajangersakkami tunaartarineqarpoq soraarnerussuteqalernissaq sioqqutillaarlugu annertuumik ilanngaatigineqarsinnaasunik sillimmasiinerup akiliuteqartaqarnissap pinngitsoortinniarnissaa.

Naafferartumik akiliisarnerit siusinnerpaamik tunniunneqartalersinnaapput sillimmaserneqartup 60-inik ukioqalernerani, taakkunannga ukiukinnerunissaq akileraaruserivimmit akuerineqarsimanngippat. Taamaakkaluartorli aamma isumaqatigiissutigineqarsinnaavoq sillimmasigaasup toqukkut qimagunnerani innarluuteqalerneraniluunniit 60-inik ukioqalernissaq sioqqullugu tunniussineqarnissaanik. Qassinik ukioqarnissamik killiliussap immikkullu akuersissuteqarsinnaanermut periarfissarititaasup soraarnerussutisiaqarnermik ingerlaavartumik akiliiffiusartumik aaqquussuussinerup atuuereersut assigai.

Qaamatisiutit malillugit ukiumit sillimmasersimasup 80-inik ukioqalerfigisaanik kingusinnerusumik kingullermik tunniussivissamik piffissamik isumaqatigiissuteqartoqarsinnaanngilaq, taamaattoqassagaluarpat naafferartumik akilersuiffiusumik sillimmasiinerup soraarnerussutisiaqarnissamik siunertani annaassammagu.

Imm. 2-mut

Sillimmaserneqartup toqkkut qimagunnerata kingornatigut iluaqusigaasutut toqqarneqarsinnaapput "qaninnerpaamik ilaqtarisat", takuuk sillimmasiisarnermi isumaqatigiissuteqartarneq pillugu inatsimmi § 105, imm. 5, imaluunniit sillimmasigaasup aappaa inooqataaluunniit, tamatumani aamma aapparisaq inooqalluunniit avissimasaq, pinngitsooratik kingornussisussat, panissaq ernissarluunniit taakkualu pinngitsoorani kingornussisussai. Tulleriinnilersorneqarnerat aalajangersimasuunngilaq.

"Qaninnerpaamik ilaqtat"-nik oqarneq sillimmasiinernik isumaqatigiissutit pillugit inatsimmi § 105, imm. 5-imut naapertuuttumik paasineqassaaq. Tassalu pineqartup katissimallugu aapparisaq iluaqusigaasutut inissineqarsimasutut isigineqassasoq, taamaattumilluunniit qimataasoqanngippat, pineqartup meera, taamaattunillu aamma soqanngippat, taassuma kingornussisussai.

§ 41-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 17 d assigaa.

Imm. 1-mut

Imm. 1-imi aalajangersagaq illersuutaavoq tapiissutinik akiliutit sillimmasiinermullu akiliutit sillimmasiinermit pineqartumut akiliutit agguarneqarnissaannik, aammalu ilanngaattissap ukiup isertitaqarfiusup ilaani, tapiissutit imaluunniit sillimmasiinermit akiliutit tunngavigisaanni akissarsiat tamarmiusut 15 procentiannik qaangiinnginnissaannik kinguneqartoq.

Sillimmasiinermit akiliutinut piffissaaq tassaavoq piffissaaq aqqissuussinerup pilersinneqarneraniit aqqissuussinerup atuutlernissaata tungaanut. Aqqissuusineq ataasiarluni 200.00 koruuninik aningaasaliinikkut 1. december 2006-imiit atuutitertussat pilersinneqarpat, soraarnerussutisiaqartussaq ukiumi isertitaqarfiusumi 2006-imi akileraarutaasussanik isertitanik naatsorsuinermit 200.000 koruunit 1/240-mik agguarnerata annertoqataanik ilanngaateqarsinnaavoq, ukiumi aningaasarsiorfiusuni 2007-imiit 2025 ilanngullugu 200.00 koruunit 12/240-mik agguarnerata annetoqqataanik aammalu ukiumi isertitaqarfiusumi 2026-imi 200.000 koruunit 11/240-mik agguarnerata annertoqqataanik.

Ilanngaattissat qaffasinnerpaaffissaannik 15 procentiusumik naatsorsuinermit, iluaqtissarsiat akeqanngitsut akileraarnermit nalingat, tamatumani iluanaaruteqaataasimasinnaasunit pissarsiat kajumissaatisiarisimasinnaasat assigisaallu akissarsianut ilanngunneqassapput.

Aappariit ataatsimut akileraarusigaasut 15 procentimik ilanngaattip akunnerminni qanoq avinnissaa namminneq toqqarsinnaavaat, taamaasillutik marluullutik ilanngaataasinnaasunik aqqissuussinernik pilersitsisinnaallutik, aappaannaaluunniit isertitaqartuugaluarpas sulinermit akissarsianik imaluunniit namminersortutut

ingerlatsinermi isertitanik, imaluunniit aappaasoq kisimi ilanngaatineqarsinnaasumik aaqqissuussinermik pilersitsisillugu.

Namminersorlutik inuussutissarsiummik ingerlataqartut aamma ilanngaatisamik 15 procentimut killeqartitsinermi pineqarput. Inuit taamatut ittut pisarneq malillugu akissarsianik pissarsineq ajormata, taarsiullugu missingersuutaasumik akissarsiaritinneqartut naatsorsuinermi tunngavigineqassapput. Missingersuinermi inuussutissarsiummik ingerlataqartup inummik allamik suliaminik suliaqartitsissagaluaruni akiliutigisinnaasai aallaavigineqassapput. Tassalu missingersuineq taamaasilluni suliffeqarfiutigisap ukiuni ataasiakkaani sinneqartooruteqarneranik amigartooruteqarneranilluunniit sunnerneqassanngilaq. Akileraaruseriffik inuussutissarsiummik ingerlataqartuusumit soraarnerussutisiaqalernissamut aaqqissuussinermi sillimmasiinermut akiliutinik ilanngaatigisanik nalinginnaasumik naqqiisinnaassuseqarput.

Imm. 2-mut

Atorfinititaanermut atatillugu soraarnerussutisiaqalernissamut aaqqissuussineq ingerlaavartumik tunniussisartussami imaluunniit naafferartumik akilersuilluni sillimmasiivimmi pilersitsineqarpat, sulisisup aaqqissuussinermut akiliisarnerit isumagissavai. Akiliutit sulisitsisumit isumagineqartut, sulisup akileraarutaasussanik isertitaminik naatsorsuinermini ilanngutissanngilai. Tamanna atuuppoq sulisitsisup sulisuullu akornanni sillimmasiinermut akiliutissanik avitseqatigiinnissaminnik isumaqatigiissuteqarsimagaluarpataluunniit.

Imm. 3-mut

Imm. 3- mi immikkut akuersissuteqarsinnaanermik aalajangersagaq mianersorluinnartumik atorneqartariaqarpoq. Tamanna aamma atuulluni kukkuneq ajornanngitsunnguamik pinngitsoorneqarsinnaagaluarpalluunniit, imaluunniit 15 procentimik malittarisassamik ilisimasaqannginnermik patsiseqarpat, ilisimaarinnilluni soraarnerussutisiaqarnissamut aaqqissuussinernut pineqartunut aningaasanik inissiineruneranik isumaqartoqarsinnaassanngippat.

§ 42-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 17 e assigaa.

Aalajangersakkap nassataraa, soraarnerussutisiassanik aaqqissuusinermit akiliutit ingerlaavartumik akiliutaasartut pissarsisup akileraarutaasussanik isertitaanik naatsorsuinermi ilanngunneqassasut, tamatumani aamma § 39, imm. 3 aamma 4 malillugit aningaasat tunniunneqartunut tiguisoq nammineq piginnittuugaluarpat, taassumaluunniit apparippagu, tamatumani aamma apparisimasaq avissimasarippagu, inooqatigippagu, pinngitsoorani kingornussisussaagaluarpata, ernissaalluni panissaalluniluunniit, taakkualuunniit pinngitsoorani kingornussisussarigaluarpatigit.

Naafferartumik tuniussiviusartumik sillimmasiivimmit naafferartumik tunniussat sillimmasigaasup akileraarutaasussanik isertitaanut aamma ilanngunneqassapput, akiliutit sillimmaserneqartumut namminermt tunniunneqarpata, sillimmasiinermt allagartami naafferartumik akiliisarsinnamut piumasaqaatit naapertorlugit. Naaferartumik tunniussat sillimmasigaasup aappaanut tunniunneqarpata, tamatumani aamma aapparissamut avissimasamut, inooqatigisamut pinngitsooraniluunniit kingornussarsisussanut, ernissamut panissamulluunniit taakkualuunniit pingitsooranu kingornussarsisussaanut, tunniussat inunnut taakkununga akileraarutaasussaapput.

Akiliutigineqarlutik tunniunneqartut inunnut matuma qulaani taaneqartuunngitsunut tutsinneqarpata, assersuutigalugu aapparissaq avinneq salliutitatu inissisimappat, tunniussat taamatuttaaq inummut tigusaqartumut pineqartumut akileraarutaasussaapput.

Soraarnerussutisiaqalernissamut aaqqissuussinermit ingerlaavartumik tunniussisartussamit imaluunniit soraarnerussutisiaqalernissaq siunertaralugu naafferartumik akilersuilluni sillimmasiissutinit, soraarnerussutisiassanik aningaasaateqarfiumngitsumi imaluunniit inuunermut soraarnerussutisiassanilluunniit ingerlatsiviumngitsumi Kalaallit Nunaanni nalunaarsorsimasumi pilersinneqarsimasumit, tunniuttakkat akileraarutaasussanik isertitat naatsorsorneranni ilanngunneqassapput.

Tamannattaq aamma atuuppoq aaqqissuussineq sillimmasiinerluunniit allamut tunniunneqarpata, imaluunniit §§-ini 39 aamma 40-mi malittarisassanut naapertuutiumngitsumik atorneqarpata. Taamatut pisoqarnerani akileraarutaasussanik isertitat naatsorsorneqarneranni ilanngunneqartussat tassaapput aningaasat piffissami atorneqarsinnaalerfigisaassa nalaani aaqqissuussinerup atorunnaarnerani akilerneqarsimasinnaagaluartut, immaqaluunniit akilersuiffiumngitsumik sillimmasiissutip assigisaasaluunniit aningaasatigut nalinga. Aaliangersagarli inatsisitigut tunngavissiissutaavoq iluamik imaqanngitsoq, Danmarkip Kalaallillu Nunaata akornanni immikkut akuersissuteqartarnermt tunngasumik 21. august 1990-imi immikkut akuersissuteqarsinnaaneq pillugu isumaqatigiissutaat kingullerpaamik 31. august 1997-imi allannguuteqartinneqartoq atuutsillugu (qallunaat kalaallillu marloriaammik akileraartannginnissaq pillugu isumaqatigiissutaannut ilassutaasunik isumaqatigiissutit marluusut 31. august 1997-imeersut pillugit nalunaarut nr. 152).

§ 43-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi siusinnerusukku § 17 c assigaa.

Imm. 1-mut

Aalajangersakkap nassataraa, tjenestemandit soraarnerussutisiaqalernissaannut aammalu Arbejdsmarkedets Tillegspension-imut akiliutit akileraarutaasussanik isertitat naatsorsorneqarneranni ilanngunneqassannginnerat.

Tjenestemandit soraarnerussutisiaat imatut paasineqassapput soraarnerussutisiaqalernissamut aaqqissuussinerit naalagaaffiup, Namminersornerullutik Oqartussat kommunelluunniit ingerlaavartumik inuuneq naallugu inuunermik tunngaveqartumik, naalagaaffimmi, Namminersornerullutik Oqartussani, meeqqat atuarfianni, ilagiinni kommunimiluunniit siusinnerusukkut sulisimanerup kingunerisaanik, soraarnerussutisianik akiliuteqaatigisaat.

Imm. 2-mut

Aalajangersakkap naqissuserpaa, tjenestemandit soraarnerussutisiaannik, tamatumani aamma katissimallugu aapparissamut aamma meeqqanut pensionit imaluunniit Arbejdsmarkedets Tillegspension-inik, tunniussinerit akileraarutaasussanik isertitanik naatsorsuinerimi ilanngunneqassasut.

Imm. 3-mut.

Aalajangersakkap nassataraa qallunaat aningaaseriviini soraarnerussutisiaqalernissamut aaqqissuussinerni erniat aammalu Lønmodtagernes Dyrtdisfond-imi uninngasuutit akileraarutaasussanik isertitat naatsorsorneqarneranni ilanngunneqannginnissaat. Tamatumani pineqarput soraarnerussutisiaqarnissaq siunertaralugu naafferartumik tunniunneqartartunik ileqqaagaqarnerit, sillimmasiinerit akit nikerarneri najoqqutaralugit ileqqaakkat, soraarnerussutisiaqarnissaq siunertaralugu ileqqaakkat (ataasiartumik tunniunneqartartussanik) imminut soraarnerussutisiassanik aaqqissuussinerit aammalu Lønmodtagernes Dyrtdisfondimi uninngasuutigisat.

Aalajangersakkami pineqarput taamaallaat qallunaat aningaaseriviini, qallunaat akileraartarnermut akitsuusiisarnermullu malittarisassaanni pineqartuni soraarnerussutisiaqalernissamut aningaasaateqarfiini assigisaannilu aaqqissuussinerit.

Imm. 4-mut

Aalajangersakkap nassataraa sulisitsisup naafferartumik tunniunneqartussanik sillimmasiinerimut, soraarnerussutisiaqarnissaq siunertaralugu naafferartumik ilioraalluni ileqqaakkanut, sillimmasiinerit akit nikerarneri najoqqutaralugit iluarsineqartartut, akit nikerarneri najoqqutaralugit ileqqaakkat, ataatsikkut akiliilluni sillimmasiinerit aammalu soraarnerussutisiaqalernissamut ileqqaakkat, isertitat akileraarusigaasussat naatsorsorneqarneranni ilanngunneqartussaanginnerat.

Ilaatitsinnginneq pineqartoq taamaallaat pisortani atorfeqartunut Danmarkimit tikisitaasunut atuuppoq, aaqqissuussinerlu avaqqunneqarsinnaasuungippat aatsaat, tassa imaappoq atorfeqartumut pisussaaffiulluni aammalu Kalaallit Nunaannut aallarnissaq sioqqullugu isumaqatigiissutaasimappat.

Aalajangersakkami sulisitsisup tapiissutaanut taamaallaat tunngasuuvoq, tassalu taamaasilluni sulisup nammineq aaqqissuussinerimut tapiissutigisai ilanngaatigitinneqarsinnaassanatik.

Aaqqissuussinerli soraarnerussutisiat il.il. akileraarusigaasarnerat pillugu inatsimmi § 53 A malillugu akileraaruserneqarnissaat toqqarneqarsimappat, ilaatitsinnginnermut pisinnaatitaaneq atuutinngilaq.

Imm. 5-imut

Aalajangersakkap nassataraa, aaqqissuussinermik soraarnerussutisiat il.il. akileraaruserneqartarnerat pillugu inatsimmi kapitali 1-imi ilaatinneqartumik piffissaanngitsukkut atorunnaarsitsinermi aaqqissuussinerup atorunnaarsitsinerup nalaani nalinganik akileraarusiineqannginnissaa.

Taamaasilluni qallunaat soraarnerussutisiassanut aningaasaateqarfiini aamma soraarnerussutisianut inuunermullu sillimmasiissarfiini, piffissaalinnginnerani akiliuteqarnermi qallunaat akileraarutaannik aamma/imaluunniit akitsuutaannik akiliineqarfiusussanik soraarnerussutisiaqalernissamut aqqissuussinerit pineqarput.

§ 44-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 17 g assigaa

Imm. 1-imut

Aalajangersakkap kinguneraa inuunermut sillimmasiissutini soraarnerussutisiaqarnissanillu aaqqissuussinerni § 39-mi aamma § 40-mi ilaatinneqanngitsunit, tassa inuunermut sillimmasiissutitut imaluunniit soraarnerussutisiaqarnissamut ilanngaataasinnaanngitsunik aaqqissuussinernut akiliuteqarfiusunit, aningaasaatinit pissarsiat, akileraaruserneqarnissaat.

Pissarsiat naatsorsorneqassapput ukiup isertitaqarfiusup naanerani sillimmasiissutip aningaasatigut nalingata ukiup ingerlanerani tunniutaasimasunik ilassuteqartillugit ukiullu isertitaqarfiusup aallartinnerani sillimmasiissutip aningaasatigut nalingata ukiup ingerlanerani akiliutaasimasunik ilallugu annertussusaasa assigiinngissutaattut..

Akileraarusiinermi pissarsiat naatsorsorneqartut, sillimmasiinermit ingerlatsiviit aaqqissuussinermut tutsitaannut naapertuuttuunngillat. Tamanna pissuteqarpoq akiliutit isertut anisullu akileraartarnermut tunngatillugu pissarsiat naatsorneqarnerannut ilanngunneqartarnerannik. Pissarsiat naatsorneqarnerisa kinguneraat ileqqaarutaasunik ajunaarutaasinnaasunillu tunngaveqartumik aaqqissuussinermi, akiliutit tunniunneqartut, sillimmasiinermit tunngasumik pisoqarneranit tunngaveqartut, aamma akileraaruserneqartarnerat.

Ukiup isertitaqarfiusup aallartinnerani imaluunniit ukiup isertitaqarfiusup naanerani aningaasatigut nalisamik taasasaqanngippat, pissarsiat isertunik anisunillu akiliutit assigiinngissutaattut naatsorsorneqassapput.

Sillimmasiissutip aningaasatigut nalinga imatut paasineqassaaq, ingerlatsiviup maannakkut siunissamilu sillimmasiisumut bonusit agguanneqartut ilanngullugit pisussaaffiisa maannakkorpiaq nalingata, sillimmasiissuteqartullu sillimmasiinermit siunissami akiliutigisassaasa manna nalisasaasa assigiinngissutaattut. Soraarnerussutisiaqarnissamut sillimmasiineq Qallunaat Nunaanniunngitsoq inuunermut sillimmasiisarfimmi pisimappat, aningaasatigut nalinga Qallunaat

Nunaanni inuunermut sillimmasiisarfinni aaqqissuussinernut tunngatillugu naatsorsuinertut naatsorsorneqassaaq. Qallunaat ingerlatsiviginngisaata aningaasatigut naleq matuma qulaani oqaatigineqartutut ukiut tamaasa naatsorsortanngippassuk, akileraaruseriffik aningaasatigut nalinganik missingersuillutik aalajangiisinnaatitaapput.

Ukiumi isertitaqarfiusumi akileraartartusaatitaanerup aallartinnerani atorunnaarneraniluunniit tamatuma nalaani sillimmasiinerup aningaasatigut nalinga 1. januarimi 31. decemberiluunniit nalinganut taarsiullugu atuutsinneqassaaq.

Pissarsiat ukiumi isertitaqarfiusumi amigartoorutaappata, amigartoorutit allatigut isertitanit sinneqartoorfiusunit ilanngaataasinnaanngillat, kisiannili taamaallaat § 30, imm. 1-imi malittarisassat malillugit ukiumi tullermi pissarsianit sinneqartoorutaasunit ilanngaatigineqarnissaannut kinguartinneqarsinnaallutik. Taamaalilluni taamatut amigartoorutit sillimasiinermi allamit pissarsianik iluanaaruteqarfiusumit ilanngaataasinnaanngillat.

Imm. 2-mut

Pissarsianit akileraartussaataavoq sillimmasiissummik pigisaqartoq, imaluunniit piginnittup toqkkut qimagutereernerani sillimmasiinermit akiliiffigineqarnissamut pisinnaatitaasoq. Sillimmasiinermit pineqartunit akiliutit tunniunneqartut taamaallaat isertitanut akileraarutaasussanut ilanngunneqaassapput, tunniussisarneq ingerlaavartumik ingerlanneqarpat. Ingerlaavartumik akiliisarneq uani imatut paasineqassaaq qaammatisiutit malillugit ukiut marluk amerlanerusulluunniit ingerlaneranni arlaleriarluni tunniussineqartartoq.

Imm. 3-mut

Sillimmasiinerit annaasaqarfioriaannaasut, piffissaq atorunnaarfissaattut isumaqatigiissutaasup naannginnerani sillimmasiisimasup toqkkut qimagunnerani imaluunniit innarluuteqalernerani akilerneqartut, assersuutigalugu ataatsimoorussamik inuunermut sillimmasiinerit, akileraaruteqaataassanngillat. Kisiannili piumasaqaataavoq piffissaq atorunnaarfissaatut isumaqatigiissutaasoq sillimmasigaasup 80-inik ukioqalernerani sillimmasiinermit tigusiffiusussamit ullormit siullermit kingusinnerussanngitsoq.

Imm. 4-mut

Inuunermut sillimmasiissutit aamma innarluuteqalernermit taarsiissutisiat aningaasartaat aningaasanngorlugit akilerneqartut akileraaruserneqartussanut ilaanngillat, sillimmasiineq imm. 3-mi pineqartunut ilaasuuppat. Tamanna aamma atuuppoq ajunaarsinnaanermut sillimmasiinermit aningaasat tunniunneqartut.

Imm. 5-imut

Imm. 1-imi aamma 2-mi aaliangersakkat naafferartumik akiliuteqartartumik sillimmasiinerit, soraarnerussutisiaqarnissaaq siunertaralugu naafferartumik akilerneqartussanik naafferartumik ileqqaakkanut, akit nikerarnerat atorlugu sillimmasiinerit, ataatsikkut akiliuteqarluni sillimmasiinerit aammalu soraarnerussutisiaqarnissamut ileqqaakkanut atuutinngillat, aaqqissuussinerit taagorneqartut soraarnerussutisiaqalernissamut aaqqissuussinerit

akileraaruserneqartarnerat pillugu inatsimmi kapitali 1-imi ilaatinneqarnerat naapertorlugu.

Imm. 6-imut

Akileraaruserneqartup Kalaallit Nunaanni akileraartussaalerneq sioqqullugu pilersinneqarsimasut, soraarnerussutisiassanut aaqqissuussinerit naalagaaffimmi allami akileraartarnikkut iluaqusiiffiqarsimasut tamatumani pineqarpat. Taamaammatt akileraaruseriffik akileraaruserneqarsimasut nalunaaruteqarnissamut pisiannaatitaavoq, akiliinerit nuuttup akileraarutaasussanik isertitaani sinneqartoorfiusuni ilanngaataasimappata, imaluunniit akiliinerit sulisitsisumit akilerneqarsimappata nuuttullu isertitaanik akileraarutaasussanik naatsorsuinermit naalagaaffimmi inuup pineqartup akiliuteqarnerup nalaani akileraartussaaffigisaani akileraartarneq pillugu inatsisit naapertorlugit ilanngunneqarsimanatik. Pisinnaatitaanermit aalajangersakkap soraarnerussutisiassanut aaqqissuussinerit aningaasaliinerit, akileraartarnermit pissutsinik tunngaveqartumik aningaasaatinik inissiinnaq siunertaralugu pilersinneqarsimanngitsut, akileraaruserneqannginnissaat qulakiissavaa.

§ 45-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 17 h assigaa

Imm. 1-imut

Aalajangersakkap kinguneraa inummut ataatsimut soraarnerussutisiassanut aaqqissuussinermit sillimmasiinerimilluunniit soraarnerussutisiassanik aaqqissuussinermit sillimmasiinerimilluunniit allamut aningaasanik nuutsisoqarsinnaanera. Aaqqiinerup tamarmiusup nuunneqarnissaa piunnaasaqataavoq, kiisalu soraarnerussutisiassanut aningaasaateqarfiup inuunermullu soraarnerussutisiassanullu sillimmasiisarfiit Kalaallit Nunaanni nalunaarsugaasut akornanni nuutsinerussasoq. Taamatut nuutsisoqarsinnaatillugu nuunneqartut aaqqissuussinerit arlaannit akiliisoqarneratut imaluunniit allamut akiliinertut suliarineqassanngilaq. Taamaalilluni nuussinermit aningaasat nuunneqartut akileraarutaasussaassanngillat akitsuutit akiliissutaassanatik imaluunniit ilanngaataasinnaanatik.

Nuussineqarsinnaavoq soraarnerussutisiassanik aaqqissuussinerit ingerlaavartumik akiliuteqartartut, § 39-mi pineqartunut ilaasut akornanni, naafferartumik akiliisarnikkut sillimmasiinermit § 40-mi pineqartut ilaannit, soraarnerussutisiassanik aaqqissuussinermit ingerlaavartumik akiliuteqartartumut, § 39-mi pineqartut ilaannut, aammalu naafferartumik akiliisarnikkut sillimmasiinermit naafferartumik akiliisarnikkut sillimmasiivimmitt allamut § 40-mi pineqartut ilaannut. Taamaalilluni soraarnerussutisiassanik aaqqissuussinermit ataavartumik akiliuteqartartumit naafferartumik akilersuinnikkut sillimmasissutinut nuussisoqarsinnaanngilaq.

Imm. 2-mut

Akileraruseriviup akuersissutigisinnaavaa, nunami allami sillimmasiinermit aaqqissuussinerniit nuussinerit soraarnerussutisiaqalernissamut aaqqissuussinernut § 39-mi imaluunniit § 40-mi pineqartunut akiliinertut pineqannginnissaat.

Imm. 3-mut

Nuussisoqarsinnaangilaq tamanna pitinnagu aningaasat akilerarutaasussanngorsimappata imaluunniit akitsuutinik akiliisutaasussanngorsimappata. Taamaammat aningaasat nuunneqartut nuunneqannginneranni inummumut pineqartumut akilerneqareersimasuussanngillat.

Akileraruseriviup akuersissutigisinnaavaa nunani allani soraarnerussutisianut aaqqissuussinerniit nuunneqartut soraarnerussutisianut aaqqissuussinernut § 39-mi aamma § 40-mi pineqartunut akiliinertut pineqassanngitsut.

§ 46-mut

Aalajangersakkap aningaasarsianit akilerarutit pillugit inatsisartut inatsisaanni atuuttumi § 17 i assigaa

Imm. 1-3

Sooraarnerussutisiaqarnermut aaqqissuussineq ingerlaavartumik akiliisartoq imaluunniit soraarnerussutisiaqarnissaq siunertaralugu naafferartumik akiliuteqarnikkut sillimmasiineq piffissaanngitsukkut atorunnaarsinneqarpat aningaasat tunniunneqartut 45 pct-iat akitsuutitut akiliutigineqassaaq. Taamatutaaq ippoq aaqqissuussineq imaluunniit sillimmasiineq allamut tunniunneqarpat imaluunniit §§ 39-mi aamma 40-mi malittarisassanut naapertuutinngitsumik atorneqarpat. Taamatut pisoqartillugu aningaasanit akitsuut naatsorsorneqassaaq, aaqqissuussinerup atorunnaarnerani aningaasat tunniunneqarsimasussaagaluanit tunngavigalugit imaluunniit akeqanngitsumik isumaqatigiissutip aningaasatigut nalinga assigisaaluunniit. Taamaallaat akitsuutinik akiliisoqassaaq, aaqqissuussinerit pineqartut soraarnerussutisianut aningaasaateqarfimmi imaluunniit inuunermut soraarnerussutisianulluunniit sillimmasiivinni Kalaallit Nunaanni nalunaarsorsimasuni pilersinneqarsimappata.

Akitsuutit 45 pct-iusut akilerneqassapput pineqartup isertitai apeqqutaatinnagit, tassa akilerartussaataasup pineqartup isertitai amigartoorutaagaluarpataluunniit.

Aaqqiinerit taamatut ittut Qallunaat Nunaanni soraarnerussutisianut aningaasaateqarfimmi imaluunni Qallunaat Nunaanni inuunermut soraarnerussutisianullu sillimmasiisarfinni pilersinneqarsimappata, taamaallaat qallunaat naalagaaffianut akitsuutinik akilerarutinullu ilassutaasinnaasunik akiliisoqarsinnaassaaq. Tamassuminnga Nunap Karsia taarsiiffigineqassaaq Qallunaat Nunaata aamma Kalaallit Nunaata taarsiisarneq pillugu isumaqatigiissutaat 21. august 1990-imeersoq kingullermik 31. august 1997-imi allanngortinneqartoq naapertorlugu (qallunaat kalaallillu marloriaammik

akileraartanninnissaq pillugu isumaqatigiissutaannut ilassutaasunik isumaqatigiissutit marluusut 31. august 1997-imeersut pillugit nalunaarut nr. 152).

Imm. 4-mut

Aammattaaq siunnersuutigineqarpoq apparit avissimasut averusersimasulluunniit soraarnerussutisianik aqqissuussinernit ingerlaavartumik akiliisartunit imaluunniit naafferartumik akilersuinikkut sillimmasiutinit tunniunneqartunit immikkut tamarmik isertitaminnik akileraaruteqartussaataaassasut imaluunniit akitsuutinik akiliisussaataaassasut. Naggasiullugu siunnersuutigineqarpoq apparisaq tunniunneqartut ilaannik pisasaqartumut akiliisinnaassasoq tamanna isertitatut akileraarusigassatut imaluunniit akitsuutinik akiliissutissatut isigineqarani.

Imm. 5-imut

Inuk aqqissuusinermi piunasaqaatinut naapertuutinngitsumik iliuuseqartoq pisussaavoq soraarnerussutisianut aningaasaateqarfik imaluunniit inuunermut imaluunniit soraarnerussutisianik sillimmasiisarfik iliuitsit taakku pillugit piaartumik nalunaaruteqarfigissallugu. Pineqartoq taamatut nalunaaruteqanngippat § 105, imm. 3 nr. 3 malillugu pineqaatissinneqarsinnaavoq.

§ 47-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 17 j assigaa.

Imm. 1-imut

Aqqissuussinermi § 39-mut imaluunniit § 40-mut ilaasumi akitsuutinik akiliisussannortoqaraangat soraarnerussutisianut aningaasaateqarfiup imaluunniit sillimmasiisarfup pineqartup akitsuut naatsorsussavaa ilanngaatigalugulu. Akitsuut akileraaruserivimmuut akilerneqassaaq kingusinnerpaamik aningaasat sinneruttut piginnittumut akilerneqarneranni.

Imm. 2-mut

Akitsuutip akilerneqarneranut peqatigitillugu soraarnerussutisianut aningaasaateqarfik imaluunniit sillimmasiisarfik akileraaruseriffimmuut akitsuut pillugu nalunaarummik nassiussaqaassaaq. Akileraarutinik nalunaaruteqarneq pissaq akitsuutit pillugit immersugassap akileraaruseriffimmit suliarineqartup immersorneratigut.

Akitsuut akileraaruserivimmuut akilerneqassaaq kingusinnerpaamik soraarnerussutisiassanut aningaasaateqarfiup imaluunniit inuunermut imaluunniit soraarnerussutisianut sillimmasiisarfup akitsuuteqarnissamut pisussaaffimmik ilisimannilerneraniit kingusinnerpaamik qaammatip ataatsip qaangiutinnginnerani.

Akileraarutit A-t ilanngaatiginissaannut atuutereersutut, soraarnerussutisianut aningaasaateqarfik imaluunniit sillimmasiisarfik nunap karsianut akiliinissamut pisussaavoq, soraarnerussutisianut aningaasaateqarfiup imaluunniit

sillimmassisarfiup akitsuutip ilanngaatiginissaanut pisussaaffini eqqortinngikkuniuk, imaluunniit akitsuut annikinaarlugu ilanngaassissutigisimaguniuk.

Imm. 3-mut

Tamatumunnga malitsigitillugu akitsuutip akilerneqarnissaa pillugu Naalakkersuisut malittarisassiussapput.

§ 48-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 c assigaa.

Imm. 1-imut

Aalajangersakkamut ilaapput Selskabit akornanni kattunnerit, tassa Selskabit immikkut tamarmik assigiinngitsunit peqataaffigineqartut (sanimut kattunneq) aamma selskabit ingerlatseqatigiiffinnik allanik pigisaqartut selskabillu pigineqartut kattunnerat, apeqqutaatinnagu selskabi ingerlatseqatigiiffinnik allanik pigisaqartoq tigusisuunersoq (qummut kattunneq) imaluunniit selskabi pigineqartoq tigusisuunersoq (killormoortumik ammut kattunneq). Aalajangersakkamut aamma ilaapput pisut akuleriissut, tassani selskabi tigusisoq selskabimit akiliisumi annertunerusunik annikinnerusunilluunniit aktiaateqarluni.

Imm. 2-mut

Kattunnertut paasineqassaaq, selskabimit ataatsimit arlaqartunilluunniit akiliisinnaajunnaarnatik atorunnaarnermik kinguneranik tassungalu peqatigitillugu selskabimut ingerlareersumut allamut, selskabimi peqataasunut ingerlatseqatigiiffimmi allami aktianik anpartiniluunniit tunniussinermikkut, pigisanik tamarmiusunik nuussineq; selskabinit marlunnit arlalinnilluunniit akiliisinnaajunnaarnatik atorunnaarnermik kinguneranik tassungalu peqatigitillugu selskabimut, selskabimi peqataasunut ingerlatseqatigiiffimmi nutaami aktianik anpartiniluunniit tunniussineratigut pilersitaasumut, pigisanik akiligassanillu nuussineq; selskabip akiliisinnaajunnaarani atorunnaarnermi kinguneranik tamatumunngalu peqatigitillugu ingerlatseqatigiiffimmut selskabimi aktianik anpartinillu tamanik pigisaqartumut, pigisaminik akiligassaminillu tamakkiisumik nuussinera.

Selskabit kattuttut qinersinnaavaat kapitalimi matumani malittarisassat atorniarnarlugit, tassa akileraarutitigut allannguutaanngitsumik kattunniarnarlutik imaluunniit akileraaruteqartussaataallutik kattunniarnarlutik. Akileraaruteqartussaataalluni kattunneq pigisanik akiligassanillu nalinginnaasumik akileraaruteqarluni pisinertut tunisinertullu isigineqarpoq.

Imm. 3-mut

Sinnerissap qanittuani raajarnarluni aalisarnerup allanngortitinneqarneranut atasumik imm. 3-mi aalajangersarneqarpoq, akileraaruseriffiup akuersissutigisinnaagaa kapitali 4-mi akileraaruteqanngitsumik kattussineq inuinnaat akornanni pisinnaasoq, inuit taakkua raajartassaminik aamma aalisariummik

aammalu aningaasanik attartorsimasinnaanerit, pigisanut taakkununga qularnaveeqtitut atorpeqartut, aktiatigut imaluunniit anpartitigut selskabimut pioreersumut imaluunniit nutaatut aallartittumut aktiaatilinnik arlallinnik imaluunniit arlalinnik anpartinik piginnittulimmut aningaasaliissuteqarnikkut.

Avaqqunneqarsinnaangitsumilli piumasaqaataavoq, aningaasaliissuteqartut aamma selskabi Kalaallit Nunaannut tamakkiisumik akileraartussaataassasut aammalu selskabimi pilersinneqartumi aningaasaliissutigineqartut aktiatigut imaluunniit anpartitigut akiliutigineqassasut.

Raajartassat aamma aalisariut selskabimi piulersumut aningaasaliissutigineqartut, selskabip aningaasarsiaasa akileraaruteqaataasussat naatsorsornerani naatsorsorneqassapput, siusinnerusumi piginnittuusup pissarsiarinerata nalaanisuulli pissarsiassanngortillugit, aammalu siusinnerusumi piginnittuusup pissarsiarinerani nalingisuulli nalilerlugit naatsorsuunnerisigut. Ukiumi pineqartumi siusinnerusumi piginnittuusup akileraarutitigut nalikilliliissutigisimasinnaasai, selskabip nalikilliliissutigisimasaatut naatsorsuunneqassapput.

§ 49-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 d assigaa.

Imm. 1-imut

Aalajangersakkami akileraaruserivik periarfissinneqarpoq kattunneq siunertarineqanngitsumik akileraartarnermi iluaqutinik kinguneqarnerisq misissussallugu.

Kapitalimi matumani malittarisassat malillugit kattunissaq akileraaruseriffiup itigartitsissutigisinnaavaa, ilimagineqarpat kattunnermi akileraartannginnissaq imaluunniit akileraarutissanik akiliinnginnissaq pingaarnertut pingaarnerrilluunniit ilaattut siunertaasoq. Aningaasaqarnerup tungaatigut illersorneqarsinnaanngitsumik kattunneqarpat, soorlu ingerlatseqatigiiffinni kattunnermi peqaataasuni aaqqissuusseqinnertaqanngitsumik, tamanna ilisimasutsitsilersinnaavoq akileraaruteqannginnissaq imaluunniit akileraarutissanik akiliinnginnissaq pingaarnertut pingaarnerrilluunniit ilaattut siunertaasoq.

Sakileraaruseriviup akuersissut immikkut piumasaqaatitaqartissinnaavaa kattunnermi akileraarutitigut iluaqutissarsianik angusarisaasunut nalimmassaatitut illuatungiliisuusunik.

Immikkut ittumik pisut assersuutigalugu pisinnaapput, aktiat imaluunniit anpartit selskabimut piginnittuusumit niuermi nalingi najoqqutaralugit pisiarineqanngippata; imaluunniit ulloq kattuffiusoq sioqqullugu nalinginnaasumik niueqatigiinnerup avataatigut pigisanik, assersuutigalugu illuutinik, ingerlatsinermi atortunik, peqqumaatigisanik, goodwill-imik, pappiaqqanik aningaassanik nalilinnik, pisinnaatitaassutinik il.il., selskabimi peqataasunit imaluunniit

ingerlatseqatigiiffimmit, selskabini kattuttuni peqataasumit peqataasunilluunniit qulangiisimasumit, ingerlatseqatigiiffinnut kattunnermi meqataasut ilaannut tunniussineqarsimappat.

Kapitalimi matumani malittarisassat malillugit kattunnissap akuersissutiginnissaanut akileraaruseriffiup immikkut piunasaqaateqarfigisinnaasaatut taaneqarsinnaavoq, ingerlatseqatigiiffik akiliisuusoq tiguisumit pilersitaasoq, pigisat qaffatanik nalilerlugit, tamatumani assersuutigalugu annaasanut konto aaqiivigineqarluni, tunniussinikkut qanittukkat kattunnissaq siunertaralugu pilersinneqarsimasoq. Tamatuma kingorna kattunnermi Selskabip tiguisup pigisami nalingi qaffallugit tigoqqissavai, taamaalillunilu nalikilliliinnermi tunngaviit pitsaaningortillugit. Taamatut pisoqarnerani kattunnissaq akuersissutigineqarsinnaavoq piunasaqaatigalugu pigisat nalikillilerneqassasut, taamaalilluni kattunnerup kingunerisaanik akileraarutitigut sunniutai atorunnaarsinneqassallutik. Immikkut piunasaqaataasinnaasoq alla assersuutigalugu tassaasinnaavoq selskabit akiliisuusup ingerlaqqittullu akornanni pigisanik nuussinerit akileraartarnermut tunngatillugu qaangiinnarneqassasut.

Assersuutit taaneqartut tamakkiisuunngillat, taamaammallu pisuni tamani ataasiakkaani misissorneqartariaqarluni aktiaatillit ingerlatseqatigiiffiullu, tamatumani aamma Selskabit pigineqartut, akornanni iliuutsit, kingusinnerusukkullu kattunneq tunngavissaqanngitsumik akileraartarnermi iluaqutissanik nassataqarnerisooq.

Imm. 2-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 d imm. 2 assigaa.

Selskabi pigisanik akiligassanillu allamit tigusiffigineqartoq selskabit akiliuteqartutut taaneqarpoq, ingerlatseqatigiiffillu selskabit marluk amerlanerusulluunniit pisuussutiniq pigisaannik kattussinikkut pinngortoq, selskabimit tiguisumik/ingerlaqqittutut taaneqarpoq.

Akileraartarnermi periutsit ingerlatiinnarneqarnissaat eqqarsaatigalugu aalajangerneqarpoq aktianik anpartilu akiliineqassasoq. Taamaasilluni ingerlatseqatigiiffimmi akiliuteqartumi peqataasut kattunneq tikillugu aamma ingerlatseqatigiiffimmi tiguisumit peqataasuussut, selskabimi tiguisuusumi maannamut aktianik anpartinillu selskabimi tiguisuusumi pigisaasa nalimikkut qaffannerisigut akiliuteqarfigineqarsinnaanngillat.

Selskabimit akiliuteqartumi peqataasut akilernerqarsinnaapput selskabimi tiguisuusumi aktianik imaluunniit anpartinik nutaanik tunineqarnerisigut, aammali selskabip tiguisuusup nammineq aktiaattaanik anpartiutaanilluunniit..

Teknikkikkut periutsit pissutigalugit akuerineqarpoq selskabimi akiliuteqartumi peqataasut aningaasannorlugu aaqiisummik akilernerqarnissaat, kisiannili pappiaqqani nalilinni akiliuteqaataasut nalingisut allassimasup annertunerpaamik 10 procentiannik. Naligitamik allassimasooqanngippat 10 procentit taakkua pappiaqqat

anigaasanik nalillit naatsorsuutini allassimasumik naligisaat aallaavigalugit naatsorsorneqassapput.

Naatsorsuutini allassimasumik naleq matumani imatut paasineqassaaq tassaasoq naleq selskabimi aningaasaatitut akilerneqarsimasut pappiaqqat aningaasanik nalillit pilersinneqarsimasut amerlassussaannik agguaanikkut pilersinneqartoq. Selskabit pillugit inatsisit atuuttuusut piumasaraat aktiat anpartillu naligititamik allassimasumik naleqartinneqassasut.

Imm. 3-mut

10 pct-imik malittarisassami selskabimi akiliisuusumi aktiat anpartilluunniit, selskabimi tiguisuusumi pigineqartut ilaatinneqanngillat. 10 procentimik piumasaqaateqarneq naammassineqassaaq, selskabimi tiguisuusumi aktiat anpartilluunniit allassimasumik naligisa imaluunniit naatsorsuutini naligitinneqartut qaffasinnerpaamik 10 procentii aningaasanik akilerneqarpata.

Naligiissarinermi aningaasat assersuutigalugu selskabimi peqataasut ilaannut akiliutitut atorneqarsinnaapput.

Imm. 4-mut

Akileraaruserinikkut ulloq kattuffiusoq tassaavoq ulloq naatsorsuutini killiffimmik ammaaffiusoq, aktiat tunngavigalugit selskabit pillugit inatsimmi § 134b aamma anpartinik tunngaveqarlutik selskabit pillugit inatsimmi § 65 malillugit selskabimut tiguisuusumut tunngatillugu suliarineqartussaasumik. Kapitalimi matumani malitaarisassat atorneqarnisinnaaneranunt piumasaqaataavoq ulloq kattuffik tassaasasoq Selskabip tiguisup ukiup naatsorsuusiorfiata nikinnera.

§ 50-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 e assigaa.

Imm. 1-imut

Aktiat tunngavigalugit selskabit pillugit inatsimmi § 134a, aammalu anpartit tunngavigalugit selskabit pillugit inatsimmi § 65 malillugit uppersaatit uku suliarineqassapput:

1. Kattunnissamut pilersaarut.
2. Allaganngorlugu nalunaarusiami kattunnissamut pilersaarut nassuiarneqassaaq tunngavilersorneqarlunilu. Nalunaarusiami allaaserineqassapput aktianut anpartinulluunniit akiliutit aalajangerneqarnerat, tamatumani aamma aalajangiiniarnermi ajornartorsiutit immikkut ittut.
3. Ataatsimoorullugu naatsorsuusiak kukkunersiukkat, ingerlatseqatigiiffinni tamani tamakkiisumik pigisanik akiligassanillu, iluarsuusiutit tiguisinerup nassatarisassaattut ilimagineqartunik aammalu ingerlatseqatigiiffimmut

tigusaqarnerup kingorna ingerlaqqittumut naatsorsuutini ammaanermi naligiissaarinermut siunnersuummik takutitsisunik.

4. Nalilersuisartut suliamut ilisimasaqartut arlaannaannulluunniit attuumassuteqanngitsut allaganngorlugu oqaaseqaataat. Oqaaseqaat ilaatigut imaqassaaq selskabimi atorunnaartumi aktianut anpartinullu akiliut naleqquttuunersoq pissutsillu tunngavigalugit tunngavilersugaanersoq. Aammattaaq oqaaseqaateqarfigineqassaaq selskabit ataasiakkaat akiitsoqarfii kattunnerup kingorna naammattumik qulakkerinniffigineqarsorineqarsinnaanersut.

Uppernarsaatit siunnersuutitut nassiunneqassapput, kisiannili piumasqaataavoq inaarutaasumik uppersarsaatit siunnersuutinit nassiunneqartunit immikkootuni pingaarutilinni allaanerussanngitsut.

Aammattaaq ullup kattuffiusup siornatigut ingerlatseqatigiiffinnut kattuttunut ulloq kattuffiusoq sioqqullugu ukiumut naatsorsuuteqarfisumut naammassineqarsimasumut kingullermut ukiumoortumik naatsorsuutit ilanngunneqartariaqarlutik.

Imm. 2-mut

Kattunnermi pissutsinik pingaarutilinnik akileraaruseriffiup naammattunik ilisimatinneqarnissaa qulakkeerniarlugu aammattaaq siunnersuutigineqarpoq akileraaruserivik nammineerluni aalajangiisinnaassasoq, uppersarsaatit ingerlatsiviup qinnuteqaammik suliarinninneranut atugassat allat suut selskabip nassiutissanerai. Assersuutigalugu ataatsimeersuarnermi allattaavissuit, fakturat aammalu kukkunersiuisut oqaaseqaataasa il.il. assilineri.

§ 51-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 f assigaa.

Imm. 1-imut

Ukiup isertitaqarfiusup nalinginnaasup kingulliup naaneraniit ullullu kattuffiusup tungaanut selskabip akiliisuusup isertitaanik akileraarutaasussanik naatsorsuineri, piffisap qanoq sivilutiginera apeqqutaatinnagu piffissaq taanna tamakkerlugu isertitat annertussusilerneqassapput. Annertussusiliineq pissaaq kattunnermi selskabip atorunnaarsinnera apeqqutaatinnagu.

Selskabip akiliisuusup ukioq isertitaqarfia kingumut kipungasuuppat, ullorlu kattuffisoq ukiup isertitaqarfiusup naanerata kingornagut kisiannili qaammatisiutini ukiumi 31. december sioqqullugu pisimappat, selskabimut akiliisuusumut ukioq isertitaqarfiusoq kingulleq tassaassaaq ukiup isertitaqarfiusup aallaqqaataaniit ulloq katuffiusoq tikillugu.

Imm. 2-mut

Selskabi tiguisuusoq Inatsisartut inatsisaanni aalajangersakkat malillugit selskabinut

akilerarutiniq piunasaqaataasinnaasunut aammalu akiliisitaanermi akilliutitut tamanut akiliisussaasuvoq. Tamanna aamma atuuppoq selskabip akiliisuusup ukioq isertitsivigisaanut kingullermut aammalu siusinnerusumi ukiunut isertitsiviusunut.

Selskabi tiguisoq inatsisartut inatsisaat malillugu selskabip akiliisuusup akileraruseriffimmit taarsiissutiniq akilerarutinillu utertoortissaniq piunasaqaatigisinnasaanut atatillugu taarsiutissaaq, akileraruserinermik ingerlatsineq pillugu inatsimmi § 27, imm. 4 naapertorlugu. Tamanna aammattaaq atuuppoq selskabip akiliisuusup ukiumut isertitsivianut kingullermut aammalu ukiunut isertitaqarfiusunut siusinnerusunut.

§ 52-imut

Aalajangersakkap selskabinut akileraruteqarnikkut sunniuteqanngitsumik kattuttunut inatsisitigut sunniutit aaliaangersarpai Aalajangersakkap aningaasarsianit akilerarutit pillugit inatsisartut inatsisaanni atuuttumi § 25 g assigaa, imm. 6 nutaaq eqqaassanngikkaanni.

Imm. 1-imut

Aalajangersakkap kinguneraa selskabip akiliisuusup pigisaanit akiligassaanillu iluanaarutit annasaqaatillu kattunermi selskabimit akiliisuusumit selskabimut tiguisumut nuunneqartut akileraruserneqassanngitsut. Akilerarusiinissaaq taarsiullugu kinguartinneqassaaq selskabip tiguisisuusup pigisanik akiligassanilu tigusanik tunisinissaanut.

Selskabip tiguisisuusup akilerarutaasussanik isertitaanik naatsorsuinermi pigisat akiligassallu imatut suliarineqassapput, selskabimit tiguisisuusumit pissarsiarineqarsimasutut aammalu selskabip akiliisuusup pissarsiarinninnerani akiusut atorlugit.

Selskabip akiliisuusup akilerarutitigut nalikilliliissutigisimasinnaasai selskabimit tiguisumit nalikilliliissutigineqartutut isigineqassapput. Tamanna aamma atuuppoq aningaasanik pisassaqaqfinit annasaqaatissanut immikkoortitat, isumaqatigiissutit il.il.

Pigisat selskabip tiguisisuusup kattunermi tigusaasa akornanni selskabimit tiguisumit pisassarisanik ilaqarpata selskabip tiguisup selskabimit akiliisuusumit pisassai kattunermi akilerneqartutut isigineqassapput. Akiliineq pisassarisat kattunnerup nalaani allassimasumik nalinginut pisimasutut isigineqassaaq.

Akiligassat selskabip tiguisisuusup kattunermi tigusaasa akornanni selskabimi akiliisuusumut akiitsunik pisassanik peqarpat, selskabip tiguisisuusup selskabimit akiliisuusumit pisassarisai kattunermi akilerneqartutut isigineqassapput. Akiliineq pisassarisat kattunnerup nalaani allassimasumik nalinginut pisimasutut isigineqassaaq.

Selskabip tiguisuusup selskabimut akiliisumut akiitsut aammalu selskabimut akiliisumut piumasqaatit akilernerqarneranni iluanaarutai annaasaqaataalluunniit § 16-imi malittarisassat malillugit akileraaruserneqassapput.

Imm. 2-mut

Pigisat akiligassallu selskabimimit akiliisuusumit iluanaarniarneq siunertaralugu imaluunniit inuussutissarsiornermut atatillugu pissarsiaasut, selskabip tiguisup isertitaasa akileraarusigassat naatsorneranni, iluanaarniarneq siunertaralugu imaluunniit inuussutissarsiornermut atatillugu selskabimit taassuminga pissarsiarineqarsimasutut suliarineqassapput.

Pigisat akiligassallu kattunnermi selskabimit akiliisuusumit selskabimut tiguisumut nuunneqarnerat, iluanaarniarnermik inuussutissarsiornermilluunniit pasitsaassisimanermik uppernarunnaarsitsisuusinnaanngilaq.

Imm. 3-mut

Selskabip akiliisuusup isertitat akileraarusigassat naatsorneranni pappiaqqanit nalilinnit iluanaarutit annaasalluunniit piviusunngortinneqarnikuunngitsut ilanngussimappagit, pappiaqqat nalillit selskabip tiguisup isertitaasa akileraarusigassat naatsorneranni, selskabimi tassani isertitat naatsornerannut ilanngunneqarsimasutut pineqassapput.

Aktiat, obligationit, qularnaveeqqusiussaqaarluni taarsigassarsinermi allagartat imaluunniit inunnit pisassat kattunnermi selskabimit akiliisuusumit tiguneqartut piviusunngortinneranni selskabi tiguisoq iluanaaruteqarpat annaasaqarpalluunniit, iluanaarutit annaasaqaatilluunniit taamaattut, selskabimit akiliisuusumit piviusunngortinneqarsimasuugaluarpata malittarisassat atorneqarsimasussaagaluartut atorlugit suliarineqassapput.

Imm. 4-mut

Pigisat akiligassallu selskabip tiguisup selskabimit akiliisuusumit pissarsiarinngisai akileraarusiinikkut suliarineqarnerat kattunnerup kinguneranik allannngortinneqassanngilaq, pigisat akiligassallu taassuminnga pissarsiarineqarsimasutut takutinneqarsinnaasut, selskabip tiguisup naatsorsuutaani akileraarutillu naatsorneqarneranni immikkut inissinertut ersersinneqarsimappata.

Taamaattoqanngippat akileraaruseriviup aalajangissavaa § 52-imi malittarisassat selskabimut akiliisuusumut imaluunniit tiguisumut malittarisassat atuuttuusut pigisanut akiligassanullu pineqartunut tunngatillugu atorneqassanersut.

Imm. 5-imut

Aalajangersakkap kinguneraa selskabimi akiliisuusumi ulloq kattuffiusoq sioqqullugu amigartoorutit, selskabip tiguisup isertitaasa akileraarutaasussat naatsorsorneranni ilanngaataasinnaanngitsut. Tamanna aamma atuuppoq selskabip akiliisuusup aningaasatigut isumaqatigiissutitigut anaasaqaataanut, takuuk § 17.

Selskabimi tiguisumi ulloq kattuffiusoq sioqqullugu amigartoorutit § 30, imm. 1-imi, 3-mi 4-milu malittarisassat malillugit suliarineqassapput. Tamanna aamma

atuuppoq selskabip tiguisup aningaasatigut isumaqatigiissutitigut annaasaqaataanut, takuuk § 17.

Kalaallit Nunaanni aatsitassat pillugit inatsit malillugu selskabi tiguisoq aatsitassarsiornissamut imaluunniit iluaqutiginninniarnissamut akuersissummik nalunaarfigineqarsimappat ulloq kattaffiusoq sioqqullugu amigartoorutit § 30, imm. 7-imi malittarisassat malillugit suliarineqassapput. Tamanna aamma atuuppoq selskabip tiguisup aningaasanut tunngasutigut isumaqatigiissutitigut annaasaqaataanut, takuuk § 17.

Imm. 6-imit

Aalajangersagaq imm. 6-imi nutaami Selskabip piginnittuusup selskabillu 100 procentimik pigineqartup akornanni imaluunniit selskabit marluk 100 procentimik pigineqartut akornanni kattunnernut tunngatillugu imm. 5-imi malittarisassamut sanilliullugu immikkorluinnaq ittuuvoq.

Kattunnerni taamaattuni selskabimi akiliisuusumi ulloq kattuffiusoq sioqqullugu amigartoorutit selskabip tiguisup akileraarutaasussanik isertitaasa naatsorneranni ilanngaataasinnaapput. Kisiannili piumasaqaataavoq selskabimi akiliisuusumi amigartoorutit ukiumi isertitsiviusumi selskabip akiliisuusup selskabip piginnittuusup 100 procentimik piginniituunerata nalaani amigartoorutaasimanissaat.

Imm. 7-imit

Aalajangersakkap kinguneraa ulloq kattuffiusoq sioqqullugu amigartoorutinut § 30, imm. 6 aamma 7 malillugit siuarsitsinissamut (carry-back) malittarisassat atuutitineqassanngitsut. Tamanna selskabimut akiliisuusumut tiguisuusumullu atuuppoq.

§ 53-imit

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 h assigaa.

Imm. 1-imit

Selskabinut peqataasunut kapitalimi tassani malittarisassanik atuineq malitseqarpoq selskabimi akiliisuusumi aktiat anpartilluunniit selskabimi tiguisuusumi aktianik anpartinilluunniit kattunnermi akilerneqarneri naapertorlugit akileraarusiisoqassanngitsoq.

Selskabimi akiliisuusumi aktiat anpartilluunniit selskabinit peqataasunit tunineqartutut isigineqarput, aktiat anpartilluunniit selskabimi tiguisuusumi aktiaanngitsunik anpartiunngitsunilluunniit taarserneqarneri naapertorlugit, tassa imaappoq aktiat anpartilluunniit aningaasanik nalimmassaataasunik taarserneqarnerisa annertussusia naapertorlugu.

Imm. 2-mut

Taamatut pisinermi iluanaarutaasinnaasunut annaasaqaataasinnaasunulluunniit

atatillugu selskabimi akiliisuusumi peqataasuni §§ 16, imm. 2-mi aamma 34-mi malittarisassat malillugit pineqassapput.

Imm. 3-mut

Selskabimi peqataasoq selskabimi akiliisuusumi aktianik anpartinilluunniit aningaasanik akilerlugit pisiarinqartunit amerlanerusunik aktiaateqarpat anpartiuteqarpalluunniit, aktiat anpartilluunniit siulliullugit pisiarinqartut aningaasannorlugit akilerneqartutut isigineqassapput. Aktiat anpartilluunniit ataatsikkut pisiarinqarsimasut kisiannili assigiinngitsunik pisinnaatitaaffeqarfiusut pineqarpata aktiat anpartilluunniit ullormi kattuffiusumi aningaasatigut nalingi malillugit pisiarinqartutut isigineqassapput. Taamannattaaq atuuppoq aktiat anpartilluunniit ataatsikkut pisiarinqarsimasut ilaat inuussutissarsiorneq imaluunniit iluanaarniarneq siunertaralugu pisiarinqarsimappata. Selskabimi peqataasoq tassaavoq aktiaatilik imaluunniit anpartiutilik.

§ 54-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 i assigaa.

Imm. 1-imut

Selskabip piginnittuusup selskabillu pigineqartup kattunneranni selskabip pigineqartup pigisai akiligassaalu ataatsimut selskabip piginnittuusup selskabimit pigineqartumi aktiaataanut anpartiutaanulluunniit taarsiunneqassapput. Selskabi pigineqartoq kattunnermut atatillugu atorunnaarpat, selskabip piginnittuusup selskabimi akiliisuusumi piginneqataassutini atorunnaarsittariaqarpai, selskabimi tiguisumi aktianik anpartinilluunniit nutaanik pilersitsinissamut tunngaviliisuunngitsumik.

Taamaattumik siunnersuutigineqarpoq selskabimi akiliisuusumi aktiatigut anpartitigulluunniit iluanaarutit annaasaqaatilluunniit, selskabimit tiguisusumit kattunnermi atorunnaarsinneqartut, selskabip akileraarutaasussanik isertitaanik annertussusiliinermi eqqarsaatigineqassanngitsut.

Imm. 2-mut

Taamatuttaaq siunnersuutigineqarpoq nammineq aktiaatigisanik anpartiugisanilluunniit selskabip tiguisup selskabip akiliisup pigisaanik akiligasaanillu tunniussinermi pissarsiarisimasinnaasaanik atorunaarsitsinermi iluanaarutit ajunaarutilluunniit selskabip isertitaanik akileraarutaasussaanik annertussusiliinermi naatsorsuutigineqassanngitsut.

§ 55-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 j assigaa.

Imm. 1-imut

Aalajangersagaq malittarisassanik imaqarpoq selskabimi tiguisuusumi aktiat anpartilluunniit selskabimi akiliisuusumi peqataasunit pigineqartut kattunnermut atatillugu selskabimi akiliisuusumi aktiaatiminnut anpartiutiminnullu akiliutitut tigusaat pineqassanersut.

Selskabimi tiguisuusumi aktiat anpartilluunniit kingusinnerusukkut tunineqarneranni taakkua isertitat akileraarutaasussat naatsorsorneqarneranni selskabimi akiliisumi aktianik anpartinilluunniit taarserneqartut pisiarineqarfianni akigisimasaannillu akilerlugit pisimasutut pineqassapput. Selskabimi akiliisuusumi aktiat anpartilluunniit taarserneqartut ingerlatseqatigiiffimmi peqataasut inuussutissartiuteqarneranut iluanaarniarneranulluunniit atatillugu pissarsiarineqarsimappata, ingerlatseqatigiiffimmi tiguisuusumi aktiat anpartilluunniit pissarsiarineqartut taamatuttaaq ingerlatseqatigiiffimmi peqataasut inuussutissarsiuteqarnerannut atatillugu iluanaarniarnerluunniit siunertaralugu pissarsiarineqarsimasatut isigineqassapput.

Imm. 2-mut

Aalajangersakkap kinguneraa selskabimi akiliisuusumi peqataasup aktiat anpartilluunniit taarserneqartut piffissani assigiinngitsuni pisiarisimappatigit, imaluunniit taakku ilaat peqataasup inuussutissarsiorneranut atatillugu iluanaarniarnermilluunniit siunertaqartumik pissarsiarisimappagit, selskabimi tiguisumi aktianik anpartinilluunniit pissarsiarineqartut ataasiakkaat selskabimi tiguisuusumi aktianik anpartinilluunniit annertoqataannik taarserneqartutut isigineqassapput. Pissarsiarineqartut nalingi naatsorsorneqassapput ullormi kattuffiusumi aktiat taarsiissutigineqartut aningaasatigut nalingi malillugit. Aktiat anpartilluunniit tiguneqartut assigiinngitsunik pisinnaataaffiuppata, aktiat anpartilluunniit tiguneqartut assigiinngitsut ataasiakkaat immikkut naatsorneqassapput.

§ 56-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 k assigaa.

Imm. 1-imut

Aalajangersarneqarpoq kapitalimi matumani malittarisassat aallaaviusumik piginneqatigiin-nikkut suliffeqarfiit kattunneranni aamma atorneqassasut, kisiannili aktiat tunngavigalugit selskabinut il.il. malittarisassat imarisatik tunngavigalugit piginneqatigiinnikkut suliffeqarfin-nut tulluanngitsut pinnagit. Assersuutigalugu aningaasat katersat akileraarusiivigitinneqar-tussaannngitsut pineqarsinnaapput.

Akileraaruseriffiup kattunnermut piumasaqaatinik aalajangersinnaasaanut kattunnissamullu qinnuteqaatip qaqugukkut itigartitsissutigineqarsinnaaneranut tunngatillugu § 49, imm. 1-imut oqaaseqaatit innersuussutigineqarput.

Imm. 2-mut

Kapitalimi matumani malittarisassat malillugit akileraarusiinissap akuersissutigineqarnis-saanut piumasaqaataavoq nunat allat selskabiutaannik kattusseqateqarnermi imaluunniit taakkua akornanni kattunnermi Kalaallit Nunaanni akileraarusiinermi nalinik ingerlateqqinneqarsinnaasunik pigisaqartoqarnissaa. Tassa imaappoq pigisat akiligassallu Kalaallit Nunaanni akileraarusiinerup ataaneereersut. Taamaammat aalajangersagaq taamaallaat atorneqarsinnaa-voq selskabi akiliisuusooq pigisaqartillugu akiligassaqartillugulu il.il. maani nunami aalajangersimasumik ingerlatsinermut atasunik, kattunnermi kalaallit allamiulluunniit selskabiutaan-nit tiguisumit tiguneqartunik.

Akileraaruseriffiup kattunnermut piumasaqaatinik aalajangersinnaasaanut kattunnissamullu qinnuteqaatip qaqugukkut itigartitsissutigineqarsinnaaneranut tunngatillugu § 49, imm. 1-imut oqaaseqaatit innersuussutigineqarput.

Imm. 3-imut

Ingerlassanik aveqatigiissitsineq imatut paasineqassaaq selskabip pigisami akiligassamilu ilai tamarmiusulluunniit selskabiutaannut ingerlareersunut nutaanulluunniit nammineq pigisat akiligassalluunniit annertussusaat tunngavigalugit akiliinermut malittarisassaq malillugu selskabip nuussinera aammalu selskabip nammineq peqataasorisani ingerlatseqartigiiffinni tiguisuusuni aktianik anpartiniluunniit agguasilluni.

Akileraaruseriffiup aveqatigiissitsinermut piumasaqaatinik aalajangersinnaasaanut aveqati-giissitsinissamullu qinnuteqaatip qaqugukkut itigartitsissutigineqarsinnaaneranut tunnga-tillugu § 49, imm. 1-imut oqaaseqaatit innersuussutigineqarput.

Imm. 4-mut

Pigisanik nuussineq imatut paasineqassaaq selskabi atorunnaarsinneqarani ingerlataminik ataatsimut ingerlataminiluunniit immikkoortumik ataatsimik arlaqartunilluunniit selskabimut allamut, selskabimi tiguisuusumi aktianik anpartinilluunniit tunineqarnermut taarsiutitut nuussisoq.

Suliffeqarfimmi immikkoortumik oqarneq imatut paasineqassaaq selskabimi immikkoortor-taq, aaqqissugaaneq eqqarsaatigalugu immikkut ingerlasoq, tassa imaappoq immikkoortortaq nammineq pigisani atorlugit ingerlasinnaasoq.

Akileraaruseriffiup nuussinissamut piumasaqaatinik aalajangersinnaasaanut nuussinissamullu qinnuteqaatip qaqugukkut itigartitsissutigineqarsinnaaneranut tunngatillugu § 49, imm. 1-imut oqaaseqaatit innersuussutigineqarput.

§ 57-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 l assigaa.

Imm. 1-imut

Imm. 1-imi aalajangersagaq imatut atuarneqassaaq imm. 2-milu aalajangersakkanut peqatigi-tillugu atorpeqassalluni. Aalajangersakkat akissarsianit, aktianik anpartiniluunniit ingerlaavar-tumik kinguaariit nikinnerannut atasumik pisuutigineqartunit, akileraarnissamut pisussaaffim-mik kinguartitsinnaaneq aqutaraat.

Matumani pineqarpoq aalajangersagaq naapertorlugu kinguaariit nikinnerat, suliffeqarfimmik piginnittup suliffeqarfimmik suleqataasumut atorfeqartumut, suliffeqarfimmi nalinginnaasu-mik piffissaq tamaat suliffqartumut, tunisineratigut.

Aalajangersagaq malillugu aktiat anpartilluunniit tunngavigalugit ingerlatsivimmi atorfeqar-toq ilaatigut akissarsiami ilaasa "kinguaariit nikinneranni aktianik imaluunniit –anpartinik" pisinermut atukkami ukiumut kingusinnerusumut akileraaruserneqarnissaannik kinguartinne-qarnissaanut akuerineqarsinnaasuusaaq, ilaatigullu "kinguaariit nikinneranni aktianik imaluunniit –anpartinik" pisinermi akikinaarutaasup ukiumut kingusinnerusumut akileraarutiginnissaata kinguartinnissaanut akuerineqarsimassalluni.

Suliffeqartoq allaffissornermik ingerlatsineq pissutigalugu akuerineqarnissamik qinnuteqaateqartariaqarpoq, kinguaariit nikinnissaasa isumaqatigiissutigineqarnerani imaluunniit kingu-sinnerpaamik ukiumi isertitaqarfiusumi aktianik anpartilluunniit pisiaqarfimmini nammi-neerluni nalunaarutip tunniunneranut peqatigitillugu.

Ilimagineqarpoq akuersissuteqarnissamut pisinnaatitaaffik Naalakkersuisut akileraaruserif-fimmut ingerlateqqissagaat.

Imm. 2-mut

Kinguartitsinissamut piumasaqaataavoq suliffeqartuusup aktiaateqartut pingaarnert imaluun-niit anpartiteqartut pingaarnert kinguaariit nikinnissaat pillugu allaganngorlugu isumaqati-giiteqarfigisimassagai. Isumaqatigiissut imaqaassaaq kinguaariit nikinnissaannut piffissap qanoq atorpeqarnissaanut pilersaarummik aammalu kinguaariit ingerlaavartumik nikinnis-saannut erseqqinnerusumik piumasaqaatinik. Peqataasut piumasaqaatit taakkunannga sorleq qinissanerlugu namminneq aalajangersinnaavaat. Suliffeqarfimmik piginnittup annikinnerusu-nik aktiaateqarnissaa akornutissaqanngilaq. Selskabimi pingaarnerusunik aktiaateqartoqan-ngippat imaluunniit pingaarnerusunik anpartiteqartoqanngippat kinguaariit nikinnissaat pillugu allaganngorlugu isumaqatigiissut, aktiaateqartut imaluunniit anpartiteqartut, aktianik anpartinilluunniit amerlanerusunik pigisaqartunut isumaqatigiissutigineqarsinnaavoq.

Suliffeqartut arlallit kattullutik ingerlaavartumik kinguaariit nikinnissaat pillugit pingaarnertut aktiaateqartumut imaluunniit pingaarnertut anpartiteqartumut allakkatigut isumaqatigiissusiornissaat akornutissaqanngilaq.

Piumasaqaataavoq § 1, imm. 1, nr. 1 imaluunniit 2 malillugu sulisup sulisulluunniit Kalaallit Nunaannut tamakkiisumik akileraartussaataitanissaat aammalu § 1, imm. 1,

nr. 3 malillugu selskabip Kalaallit Nunaannut tamakkiisumik akileraartussaataanisaa.

Imm. 3-mut

Aalajangersakkap kinguneraa aningaasat kingusinnerusukkut akileraarutigisassanngorlugit kinguartineqartut ukiumi isertitsiviusumi ataatsimi 50.000 koruuninit amerlanerussanngitsut. Taamaalilluni sulisoq ataaseq ukiumut 50.000 koruuninik aningaasarsiaminit aktianik anpartinilluunniit pisissutissanik kinguartitsinissamut akuerineqarsinnaavoq aammalu taakkua saniatigut 50.000 koruuninik aktiat anpartilluunniit taakku pisiarineranni aktiat anpartilluunniit aningaasatigut nalingi appasinaarlugit nalilinnik pisinissamut, katillugit 100.000 kr.-it

Aktiat anpartilluunniit ukiup isertitsiviusup ingerlanerani ataasiarluni arlaleriarluniluunniit pisiarineqarsimanersut pingaaruteqanngilaq.

Kinguartitamik akileraarusiineq pissaaq ukiumi isertitsiviusumi pineqartup aktianik anpartinilluunniit pisiaminik taakkualuunniit ilaannik tunisiffiani imaluunniit ukiumi isertitsiviu-sumi Kalaallit Nunaannut akileraartussaataanerup atorunnaarfiani.

Imm. 4-mut

Kinguaariit nikinnissaannik isumaqatigiissut piviusunngortinneqanngippat kinguartitanik akileraarusiisoqassaaq ukiumi isertitsiviusumi isumaqatigiiffiup atorunnaarfiani. Taamaalilluni akileraarusiineq pissaaq ukiumi isertitsiviusumi illuatungeriit kinguaariit nikinnissaannik isumaqatigiissut atorunnaarsinneqarnissaanik isumaqatigiissuteqarfigisaanni. Paasinarsippat kinguaariit nikinnissaannik isumaqatigiissut ukiuni isertitsiviusumi tulleriinni arlalinni imarisaa naapertorlugu eqqortinneqassanngitsoq, nipaatumik isumaqatigiissuteqarnermi atorunnaarsitsineq aamma akileraarusiinermik kinguneqarsinnaavoq.

Inuit § 34, imm. 1 nr. 3-mi taaneqartut akornanni kinguaariit nikinnerat pineqarpat, aktiat anpartilluunniit tunissutitut tunniunneqarsinnaapput, tamatumani aamma aningaasatigut nalingat ataallugu nalilerlugit, tiguisumut akileraarutitigut kinguneqartitsiviunngitsumik.

"Selskabimi kinguaariit nikinneranni" amigartoorutaasinnaasut kinguartinneqarsinnaapput § 30, imm. 1-imi, 3-mi aamma 4-mi malittarisassat malillugit. Tamanna aamma atuuppoq aningaasanut tunngasutigut isumaqatigiissutini annaasaqaataasinnaasunut, takuuk § 17.

§ 58-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 25 m assigaa.

Imm. 1-imut

Aalajangersakkami ilaqtariinni kinguaariit nikinnerata akileraarutitigut iluaqutunik siuner-tarineqanngitsunik nassataqarneranik akileraaruseriffiup misissuisinnaanera periarfissin-neqarpoq. Akileraaruseriffiup ilaqtariinni kinguaariit nikinnissaat itigartitsissutigisinnaavaa ilimagineqarsinnaappaat kinguaariit nikinnissaanni akileraaruteqannginnissaq imaluunniit akileraarutissanik akiliinnginnissaq pingaarnertut siunertaasoq imaluunniit pingaarnertut siunertat ilagigaat.

Inuit ingerlatitseqqissinnaasut tassaapput meeqqat, ernguttat kiisalu qatanngutit taakkualu meeraat erngutaallu. Meerarsiat aamma aapparispap meerai ikkarnaateqanngitsunik ilaqutaa-sutut isigineqarput. Tunniussisoq tunniussiffigineqartorlu § 1, imm. 1, nr. 1-imi najugaqarnis-samik aalajangersagaq malillugu Kalaallit Nunaannut tamakkiisunik akileraartussaataas-sapput.

Imm. 2-mut

Siunnersuutigineqarpoq inuussutissarsiummik ilaqtariinni tunniussinikkut ingerlatitseqqiis-sinnaaneq ammaanneqassasoq piunasaqaatigulgu suliffeqarfiup pigisai tunniunneqassasut akileraarutitigut nalingisa aamma nalinginnaasumik niuerutiginerini nalingisa akornanni naleqartillugit. Nalinginnaasumik niuerutiginerini nalingi akileraarutitigut nalinginit appasin-neruppata piunasaqaataavoq ingerlatitseqqinnermi malittarissat atorneqassasut, tassa akileraarutitigut nalingi atorlugit tunniunneqassasut, taamaalilluni tunniussisoq tunniussinermi akile-raarutitigut annasaqarnermik naatsorsuisinnaajunnaartillugu.

Ingerlatitseqqiinerup sunniutigaa tunniussinermi iluaarutip tunniussisumut akileraarutaasussaanginnera. Suliffeqarfimmi pigisat pissarsisumut akileraarutaassapput, piffissami tun-niussisumit pisiarineqarfīgisaanni taamanilu akiliutigisimassaani akilerlugit tiguisumit pisiarineqarsimasut. Akileraartarnermi nalikilliliinerusinnaasut, tunniussisumit nalikillilii-ssutigineqarsimasut, tiguisumit nalikilliliissutigineqarsimasut isigineqassapput. Pigisat inuussutissarsiorneq imaluunniit iluanaarniarneq siunertaralugu tunniussisup pissarsiarisimap-pagit, pigisat pissarsisumit tunineqarneranni iluanaarutit annaasalluunniit akileraartussaa-titaasup taassuma isertitaasa akileraarutaasussat naatsornerannut ilanngunneqassapput, iluanaarutit annasaqatilluunniit tunniussisumit tunineqarsimappata taassuma isertitaasa akileraarutaasussat naatsorsorneqarneranni ilanngunneqartussaasimaneritut naapertuuttumik.

Imm. 3-mut

Ingerlatitseqqiissinnaanermut taarsiusinnaasinnaasutut siunnersuutigineqarpoq tunniussisoq pissarsisorluunniit suliffeqarfiup tunineqarnerani malittarisassat nalinginnaasut atorlugit iluanaarutit annasaqatilluunniit annertussusilernissaat qinersinnaassagaa, apeqqutaatinnagu suliffeqarfik nalinginnaasumik niuernermi nalinga ataallugu tunniunneqarnerasoq, kisiannili akileraarusiinnermi nalingisa assinganik taakkunanngaluunniit annerturusunik nalilerlugit.

Periutsit taakku marluk akornanni nammineq aalajangiisoqarsinnaavoq, taamaalilluni tunniussisoq pissarsisorlu suliffeqarfimmi pigisamiit pigisamut pissarsisoq

ingerlatitseqqiissanersoq, imm. 3-mi periuseq atorneqassanersoq imaluunniit nalinginnaasumik niuernermi nalinga tamakkiisoq atorlugu tunniussisoqassanersoq.

Imm. 4-mut

Pissarsisup tunniussineq sioqqullugu isertitai akileraarutaasussat amigartoorutaappata, taassuma isertitat amigartoorutaasut tamatuma kingorna suliffeqarfimmik tunniussinermi iluanaarutaasinnaasunit ilanngaatisinnaanngilai.

§ 59-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 26 assigaa.

Aalajangersakkami allattorsimapput inuit selskabillu, peqatigiiffiit il.il. § 1 aamma § 2-mi taagorneqartut tamakkiisumik ilaannakortumilluunniit akileraartussat akileraarutit assigiin-ngitsut sorliit akileraarutigissaneraat

§ 60-imut

Siunnersuutigineqarpoq selskabit akileraarutaat 35 procentimiit 30 procentimut appartin-neqassasut.

Imm. 1-imut

Imm. 2-mi aalajangersakkap aningaasarsianit akileraarutit pillugit inatsimmi atuuttumi § 26 a, imm. 2 assigaa kingunerissallugulu selskabinut akileraarutit 30 procentiusup aalajangiusima-neqassaaq selskabit Kalaallit Nunaanni aatsitassat il.il. pillugit inatsit naapertorlugu aatsitas-sarsiorsinnaanermut iluaqutiginninniarsinnaanermullu akuersissummik nalunaarfigineqarsimasunut imaluunniit sikumik imermillu avammut tuniniaanissamik siunertaqarluni iluaqutiginnissinnaaneq pillugu inatsisartut inatsisaat naapertorlugu atuisinnaanermut akuersissummik nalunaarfigineqarsimasunut.

§ 61-imut

Aalajangersakkap aningaasarsianit akileraarutit pillugit inatsisartut inatsisaanni § 27 assigaa.

Aalajangersakkap kinguneraa nuna tamakkerlugu akileraarutit procentia qaammatisiutini ukioq pineqartoq sioqqullugu 15. november nallertinnagunnagu Inatsisartut aalajangissagaat.

Aningaasarsianit akileraarusigassat tassaapput akileraarusigaasussanik isertitat inummut ilanngaataasussamik ilanngareernerisigut akileraarusigassartaat, 100-millu agguarneqar-sinnaasumut qaninnerpaamut koruuninngorlugit ammut akunnaallisat.

§ 62-mut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 28 assigaa.

Aalajangersakkap kinguneraa kommunimut akileraarut qaammatisiutini ukioq pineqartoq sioqqullugu 1. december nallertinnagu, killissarititat annertunerpaamik 30 pct-ip appasinner-paamillu 20 pct.-ip akornanni kommunalbestyrelsip aalajangissagaa.

Akileraartussaataasunut Akileraartarnermut Pisortaqarfimmik kommunitut akileraarfissaqar-titaasut, takuuk § 68, nunamut tamarmut immikkut akileraarut, Inatsisartut inatsisaanni § 64 naapertorlugi kommunimut akileraarummut taarsiunneqarpoq.

§ 63-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 28 a assigaa.

Aalajangersakkap kinguneraa kommuninut ataatsimut akileraarutip procentia Kalaallit Nunaanni kommunit kattuffiata isumaqatigiinniarfigereerneratigut qaammatisiutini ukioq pineqartoq sioqqullugu ukiup affaani siullermi Inatsisartut aalajangissagaat.

Akileraartussaataasut Akileraartarnermut Pisortaqarfimmik kommunitut akileraarfissaqartut kommuninut ataatsimut akileraarutini akiliineq ajorput. Naatsorsuutigineqarpoq nunamut tamarmut akileraarut immikkut ittoq imatut annertutigittinneqarluni aalajangerneqassasoq kommunimut akileraarutip aamma kommuninut ataatsimut akileraarutip katinnerat annertoqatigitillugu.

§ 64-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 29 assigaa.

Aalajangersakkap kinguneraa nunamut tamarmut akileraarutip immikkut ittup procentia qaammatisiutini ukioq pineqartoq sioqqullugu 15. november nallertinnagu Inatsisartut aalajangissagaat.

Taamaallaat akileraartussaataasut Akileraartarnermut Pisortaqarfimmik kommunitut akileraarfissaqartut, nunamut tamarmut immikkut akileraarutini akiliisarput.

§ 65-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 30 assigaa, atuisinnaanermulli akiliutit akileraaruserneqartalernissaat aamma siunnersuutigine-qarluni atuisinnaanermut akiliummik inunnut selskabinullu Kalaallit Nunaannut tamakkii-sumik akileraartussaataitaanngitsunut akiliisoqarnerani pissarsiat qaffasissusiat qulakkeer-niarlugu.

Aalangersagaq aamma pissarsiat isertitat allat tamaasa assigalugit akileraarutaasussaanerisa kinguneraa, taamaammallu pissarsianit akileraarutip procentia immikkut aalajangernissaanut tunngavik atorunnaarluni.

§ 66-imut

Aalajangersakkap aningaasarsianit akileraarutit pillugit inatsisartut inatsisaanni atuuttumi § 31 assigaa.

Imm. 1-mut

Aalajangersakkap kinguneraa inuit § 1, imm. 1, nr. 1 aamma 2 malillugit tamakkiisumik akileraartussaataitaasut imaluunniit § 2, imm. 1-imiit 6-imut malillugit killilimmik akileraartussaataitaasut inummut ilanngaatisinneqarnerat.

Inuit § 2, imm. 1, nr. 2 malillugu killilimmik akileraartussaataitaasut piffissamit tamakkiisumik akileraartussaataitaanerup atorunnaarneraniit ingerlaavartumik akissarsiaqarnerup atorunnaa-rnissaata tungaanut inummut ilanngaatisinneqarput. Kisiannili taamaallaat inummut ilanngaasiineqarpoq piffissami soraarniarfimmi aningaasarsisoqarpat, tamatumani aamma tamatumun-nga taarsiissutinik. Taamaalilluni aningaasarsianut kingusinnerusukkut aaqqiissutinut, tapinut ataasiarluni tunniunneqartunut, tantieminut kiisalu unammillersinnaannginnermik piumasa-qaatinut taarsiissutinut inummut ilanngaatisiineqanngilaq.

Inunnut § 2, imm. 1, nr. 3 aamma 4 malillugit killilimmik akileraarutussaataitanut inummut ilanngaatissiisoqassaaq piffissami ullormiit atorfiniffigisammiit Kalaallit Nunaannut nuuivinnissap tungaanut.

Inunnut § 2, imm. 1, nr. 5 malillugu killilimmik akileraartussaataitaasunut piffissami ilinniagaqarnerisutinik allanillu tigusaqarfigisaminni inummut ilanngaatissiisoqassaaq.

Inunnut § 2, imm. 1, nr. 6 malillugu killilimmik akileraartussaasunut Kalaallit Nunaanni inuussutissarsiornermik ingerlataqartillutik inummut ilanngaatissisoqassaaq.

Inuit pineqartut killilimmik akileraartussaataitaasut nalinginnaasumik ilanngaatissinneqas-sanngillat, aammalu aningaasarsiat B-nik akileraarutaasussaannngitsunik isertitaqarnissamut pisinnaatitaanatik.

Imm. 2-mut

Selskabit aningaasarsiaat akileraarusigassat aalajangerneqassapput aningaasarsiat akileraa-ruteqaataasussat koruuninut 100-mik agguarneqarsinnaasunut qaninnermut ammut akunnaa-llillugit. Tamanna aamma inunnut killilimmik akileraartussaataasunut, imm. 1-imi ilaatinneqanngitsunut atuuppoq, tassalu inuit tamakkua inummut ilanngaammik ilanngaatis-sinneqassanatik.

Imm. 3-mut

Inuit killilimmik akileraartussaataasut § 2, nr. 1 malillugu A-tut isertitanut ilaatinneqartunik Kalaallit Nunaannit isertitaqartut aamma inummut ilanngaammik atuisinnaanissaat Naalakkersuisut akuersissutigisinnaavaat.

§ 67-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 32 assigaa.

Aalajangersakkap nassataraa inummut ilanngaatip anertussusissaa qaammatisiutit malillugit ukiup pineqartup siuliata affaani siullermi Inatsisartunit aalajangerneqarnissaa.

Katissimallutik aappariit, ataatsimut akileraarusigaasut, katillugit marlunnik inummut ilanngaateqassapput. Aappaasup toqukkut qimagunnerani aappariinneq unippat aappariinni toqukkut qimagaasoq ukiumi aningaasarsiorfiusumi aapparisap toqukkut qimaguffiani inummut ilanngaatinik marlunnik ilanngaateqassaaq.

§ 68-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 33 assigaa.

Imm. 1-imut

Imm. 1-imi aalajangersakkami oqariaaseq kommune akileraarfusoq aalajangerpaa kommuni-tut akileraarutissap procentianik, akileraarutaagallartunut inaarutaasumillu akileraarutit naatsorsorneranni tunngaviusussamik, aalajangiisutut.

Sumi najugaqarnermik ukioq isertitaqarfusoq sioqqullugu 1. septemberimi najugaqarfim-milluunniit tamanna kingoqqullugu pilersitsinermi, nalunaarsugaasut aalajangiisuupput, tunngavissarlu tamanna allanngussanngilaq ukiulluunniit ingerlanerani allamut nuussi-magaluaraanni.

Imm. 2-mut

Imm. 2-mi aalajangersakkap aalajangerpaa inuit sumiiffinni kommunit agguarnerisa avataanni najugaqartut Akileraartarnermut Pisortaqarfik kommunitut akileraarfittut atussagaat. Taamat-taaq, Kalaallit Nunaanni aatsitassat pillugit il.il. inatsit malillugu aatsitassanik iluaqutiginnin-niarsinnaanermut akuersissummik pigisaqartunut

tamanna atuuppoq. Kalaallit Nunaanni aatsitassat il.il. pillugit inatsit malillugu ujaasinissamik akuerineqarsimasut aamma Akileraar-tarnermut Pisortaqarfik kommunitut akileraarfigissavaat, akuersissut taanna kisiat malillugu suliffimik ingerlatsigunik.

Piffissami akileraartussaataitanerup atuutilernerata kingorna ujaasinissammut iluaqutiginninniarsinnaanermulluunniit akuersissut nalunaarutigineqarpat, Akileraartarnermut Pisortaqarfik kommunitut akileraarfigissavaat ukioq isertitaqarfiusoq akuersissutip nalunaarutigineqarfigisaa aallarnerfigalugu. Akileraartussaataitanerup taamaatinna sioqqullugu ujaasinissamut iluaqutiginninniarsinnaanermulluunniit akuersissut atorunnaarpat Akileraar-tarnermut Pisortaqarfik kommunitut akileraarfigissavaat ukioq isertitaqarfiusoq akuersissutip atorunnaarsinneqarfigisaa tikillugu ilanngullugu.

Akuersissutit pigisaqartunut allanut kommune akileraarfissaasoq § 68, imm. 1 aamma 3-mi malittarisassat nalinginnaasut malillugit aalajangerneqassaaq. Soorlu tamanna atuuppoq misissueqqaarnerinnarmut akuersissummik peqartunut kiisalu ujaanissamut taamaallaat akuerineqartut aatsitassarsiomullu tunngasut avataani suliaminnik aamma ingerlatsisunut.

Imm. 3-mut

Kommune akileraarfiussap toqqarneqarnera kommunalbestyrelsip akileraartussaasulluunniit isumaqatiginngippagu maalaaruteqarsinnaanermut malittarisassat imm. 3-mi aalajangersar-neqarput.

Imm. 4-mut

Imm. 4-mi aalajangersakkap kinguneraa ataatsimut akileraarusiinermi akileraarutit naatsorsuineq uiusup kommune akileraarfigisaa tunngavigalugu pissasoq. Pissutsit immikkut ittut atuuppata, soorlu nuliaasoq inuussutissarsiummik pingaarnertut ingerlatsisuulluni, akileraaruseriffiup akuersissutigisinnaavaa akileraarutit naatsorsornerini nuliaasup kommune akileraarfigisaa tunngavigineqassasoq. Tamanna qinnutigineqassaaq kingusinnerpaamik ukioq aningaasarsiorfiusoq pineqartoq pillugu nammineq nalunaarsuummik tunniussinermut peqatigitillugu.

§ 69-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 34 assigaa.

Imm. 1-imut

Aalajangersakkap kinguneraa akileraartussaataitaasoq naalagaaffimmut allamut, tamatumani aamma Danmarkimut Savalimmiunulluunniit, akileraarsimappat, pineqartoq imatut appaaf-figineqarsinnaatitaavoq:

- Nunami allami, tamatumani aamma Danmarkimi Savalimmiuniluunniit, akileraarutit akilersimasat – annerpaamilli

- Kalaallit Nunaanni akileraarutit ilaat, nunami allami, Danmarkimi imaluunniit Savalimmiuni isertissimasanit aallaaveqarnerat naapertorlugu.

Appaaffigineqarnissamut piumasqaataavoq akileraartartup appaaffigineqarnissani qinnutigissagaa, kiisalu akileraartartup nunami allami, Danmarkimi imaluunniit Savalimmiuni akileraa-rutit akilersimasami amerlassusii uppernarsaasiissutigissagai, taamatullu aamma akileraarut pineqartut nunami allami, Danmarkimi Savalimmiuniluunniit akileraartarnermut oqartussanit-toqqartumik akileequsaasimasalluni (akileraarusiissutaasimassalluni).

Nunami allami, Danmarkimi Savalimmiuniluunniit isertitat akileraarutaat akilersimagaluarpataluunniit, appaaneq taamaallaat akuerineqarsinnaavoq nunami allami, Danmarkimi Savalimmiuniluunniit isertitat nunatsinni malittarisassat malillugit sinnilimmik naatsorsorne-qarsimappata. Nunami allami isertitat nunatsinni malittarisassat malillugit akileraarutaasus-saanngippata appaaneq akuerineqarsinnaanngilaq.

Imm. 2-mut

Nunami allami, aamma Danmarkimi Savalimmiuniluunniit, marloriaammik akileraartan-.nginnissaq pillugu Kalaallit Nunaata isumaqatigiissuteqarfigisimasaanni isertitat pineqarpata, appaanerup annerpaaffigisinnaavaa aningaasat naalagaaffiup taassuma, Danmarkip imaluun-niit Savalimmiut isumaqatigiissut malillugu apeqquserneqarsinnaanngitsmik pissarsiassari-saasa amerlaqataat..

Assersuutigalugu danskit-kalaallit marloriaammik akileraartarnek pillugu isumaqatigiis-sutaanni allaaserisami 12-umi aalajangersagaq allassimavoq, nuna aallaaviusoq atuisinnaan-ermut akiliutinik akileraarusiisnaasoq 10 pct-imik.

§ 70-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 34 a assigaa.

Imm. 1-imut

Aalajangersakkap nassataraa, umiarsuarni inuttaasut Kalaallit Nunaannut tamakkiisumik akileraartussaataasut, umiarsuarni Dansk Internationalt Skibsregisterimi (DIS-imi) nalunaarsorsimasuni akissarsiaqartut, akileraarutaat tamakkiisut DIS-imik isertitaminnut naapertuuttumik ilanngaavigineqassasut, umiarsuaq Kalaallit Nunaata imartaani angalasuunngippat.

Imm. 2-mut aamma 3-mut

Umiarsuarnut Kalaallit Nunaata imartaani angalasunut tunngatillugu aalajangersagaq umiarsuarnut usisaatinut Kalaallit Nunaata nunallu allat akornanni aalajangersimasumik angalasunut, aamma usisaatinut Kalaallit Nunaanni umiarsualiviit akornanni aalajangersimasumik angalasunut aammalu orsussanik

usisaatinut minnerpaamik 1.100 imaluunniit 450 bruttotonnagelinnut taamaallaat atuuppoq.

Taamaasilluni aalajangersagaq Royal Arctic Line-p umiarsuaanut, Kalaallit Nunaanni sinersortuuneri imaluunniit imarpikkoortaataaneri imaluunniit taakku ataatsimoortillugit angalasuuneri apeqquaatinnagu, tamanut atuuppoq.

Umiarsuit aalisakkanik tunisassiorfiit, aalisariutit kalittaatillu taamaasillutik aalajangersak-kami pineqanngillat, umiarsuit taakkua aamma Dansk Internationalt skibsregisterimi nalunaarsorneqarsinaasuugaluartut.

§ 71-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 34 b assigaa.

Siunnersuutigineqarpoq inuit umiarsuarni akileraaruseriffiup ilangaareerluni akissarsiaqartit-sisut nalunaarsorfianut nalunaarsimasuni inuttaasut, akileraarutaasa katinneri apparneqassasut, taamatut akissarsiaqarnermut naapertuuttumik, imm. 4 naapertorlugu.

Appaanissamut piumasaqaataavoq ilaasartaat Kalaallit Nunaanneersuussasooq 1.100 sinnerluguluunniit bruttotonnage-lik, takornarissanik angallassisuusut imaluunniit ataatsimoor-tillugit angalasut. Apeqquaanngilaq imarsiorneq Kalaallit Nunaata imartaani pinersooq pinnginnersorluunniit.

Ataatsimoortitsilluni imarsiorneq qanoq paasisariaqarnersoq imm. 2-mi nassuiarneqarpoq.

Takornarissanik angallassineq imatut paasineqassaaq, ilaasartaat aalajangersimasumik uteqattaarluni angalasuunngitsoq, ilaasunik illoqarfimmit illoqarfimmut assartuinissaq pingaarnertut siunertaanani. Ilaasunut siunertaq pingaarnerusoq tassaavoq nuannisaarnissaq qasuersaarnissarlu, taamallu umiarsuarmi takornariartaammi ilaasuunissaq takornarissanut immini pilerinartuulluni. Takornariartaatit nassuiaatip taamaalilluni umiarsualivinnut takornariartaatinullu akitsuutit pillugit Inatsisartut inatsisaanni § 1, imm. 2-mi nassuiaatip assigaa. Ilaasartaat ilaasut illoqarfimmit illoqarfimmut allamut angallanneqarnissaat kisiat siunertaralugu killilimmik angallassippat ilaasartaatip takornarissanik angallassisuunerata allannguutigissanngilaa.

Ilaasartaat takornarissanik imaluunniit ataatsimoortitsilluni angallissinerup nalaani piffissat ilaanni takornarissanik angallassiunnaarluni illoqarfiit akornanni imaluunniit sumiiffiit akornanni ilaasunik assartuinissaq siunertarinerullugu angalalerpat, taamatut angalaneq aalajangersakkami pineqartunut ilaatinneqassanngilaq, taamaammat taamatut angalatilluni inuttanut akissarsiat tunniunneqartut A-mik akileraarutinik ilanngaavigineqassapput.

Kalaallit umiarsuaatileqatigiiffiannik oqarnek matumani paasineqassaaq umiarsuaateqar-nermik ingerlatsivik, piginneqatigiilluni umiarsuaatileqatigiiffik imaluunniit aktiat tunnga-vigalugit selskabi umiarsuaatileqatigiiffusoq, § 1 malullugu Kalaallit Nunaannut tamak-kiisumik akileraartussaataasooq, imaluunniit § 2 malillugu killilimmik akileraartussaa-titaasooq.

Umiarsuarni ilanngaareerluni akissarsiaqartitsisutut nalunaarsorsimasunut taamaallaat atuuttuuneranik isumaqatigiissutini allassimanissaanik piomasaaqatip kinguneraa, umiarsuaq ilanngaareerluni akissarsiaqartitsisutut nalunaarsukkanut nuuppat nutaanik isumaqatigiis-susiorneqarnissaa. Umiarsuarni ilanngaareerluni akissarsiaqartitsivittut nalunaarsorsimasuni akissarsiat sulilermilu atugassarititaasut pillugit isumaqatigiissutit suliaqarfinnut arlaqartunut ataatsikkut isumaqatigiissutigineqarsinnaapput. Sulisut akissarsiaat sulinermilu atugassarititaasut tamatumani isumaqatigiissummi ilaatinneqarunnaartut, atorfeqartut ataasiakkaat umiar-suaateqarfiullu pineqartup, taassumaluunniit tamatumunnga pisinnaatitaata, akornanni isuma-qatigiissutigineqassapput.

Akissarsiatigut isertitat tassaapput isertitat akileraarutaasussaasut suulluunniit aningaasan-ngorlugit imaluunniit aningaasat nalingi, soorlu inuttatut akissarsiat, akissarsiat sulinermut akissarsiat allat, provisionit, sullitanit ajunngitsorsiat (drikkepenge) assigisaallu, sulisup sulinerminut atatillugu umiarsuarmiluunniit sulinermini pissarsiarisai. Tamatumunnga aamma aningaasat sulisumut nunamiikkallarnermi tunniunneqartut, ullormusiallu, napparsimanermi erninermiluunniit ullormusiat pillugit inatsiseqartitsineq malillugu umiarsuaateqarfiup tunniutai aamma anaassiniarnermut akissarsiat.

Nerisassarsiutit, umiarsuarmi akiliinani nerisaqarnermut taarsiullugit akilerneqartartut, akissarsiatut isertitatut aningaasat tunniunneqartut nalunaarlugit ilanngunneqassapput.

Akissarsianut umiarsuarmi pissarsiarineqartunut aamma ilaapput, umiarsuup ilaasartaatip nunami sananeqarnerani, iluarsaannerani amutsivimmiikkallarneraluunniit nalaani pis-sarsiat. Tamanna taanaasilluni umiarsuarmi inuttaasutut taamaallaat atuuppoq.

Kiisalu aamma siunnersuutigineqarpoq ilanngaareerluni akissarsiffittut nalunaarneq taamaa-tinnerlu pillugit Naalakkersuisut erseqqinnerusumik malittarisassiuussisinnaassasut, tamatu-munnga ilanngullugu umiarsuarmik piginnittoq piomasaaqatit naammassineqarnissaannut akisussaasuusoq, umiarsuarmillu piginnittumut taamaallaat pineqaatissiissutaasinnaasut sammitinneqassasut.

Piginnittoq unioqqutitsissagalarpat inuttat kingumoortumik akileraarutitigut ilanngaa-seriikkanik akissarsinissaannut sunniuteqassanngilaq, umiarsuup ilanngaareerluni akissarsiffittut nalunaarsuiffimmit peerneqarnissaata tungaanut inuttat ilanngaareerluni akissarsisussanut ilaammata, ilangaareerluni akissarsiaqarfittut nalunaarsuutinit peerneqarneq kingumoortumik atortinneqarsinnaanngimmat.

§ 72-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 34 c assigaa.

Pisariaqavissuinnarnut ikiorsiissutit akileraarusertalernissaat pillugu siunertaaginnarpoq, ikiorsiissutit tunniunneqartut isumaginninnermi ikiorsiissutit allat naatsorsorneqarnerannut tunngavissanut ilaanissaat, siunnersuutigineqarporlu inuit pisariaqavissuinnarnut ikiorsiis-sutininik pissarsisut akileraarutaasa katinneri appartinneqassasut, naleqqatigiisitsilluni pisariaqartitsinermi ikiorsiissutit pissarsiat amerlaqataannik, isertitat akileraarutaasussat nalunaarsornerini ilanngunneqartussat. Pisariaqavissuinnarnut ikiorsiissutit isertitatut A-tut ilusileraluarpataluunniit, aningaasat tunniunneqartut akileraarutinik A-nik ilanngaavigi-neqassanngillat.

§ 73-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 35 assigaa.

Aalajangersagaq sinaakkusiisumik aalajangersagaavoq, tassani aalajangerneqarluni nunamut tamarmut akileraarutit, kommuninut ataatsimoortumik akileraarutit, kommunimut akileraa-rutit immikkullu nunamut tamarmut akileraarutit kapitali 7-imi malittarisassat malilugit akilersinniarneqassasut, iluanaarutisianilli aammalu atuisinnaanermut akiliutinit akileraarutit kapitali 8-mi malittarisassat malillugit akilersinniarneqassallutik.

Imm. 2-mi aalajangersakkap nassataraa, inuit ukiup isertitaqarfiusup ingerlanerani akileraa-rutaagallartunik akiliinissaat. Inunnulli killimmik akileraartussaataasunut akileraarutaa-gallartutut akiligaasut inaarutaasumik akileraarutit assigaa. Tamanna aamma iluanaarutisianit akileraarutinut atuisinnaanermullu akiliutinit akileraarutinut atuuppoq.

§ 74-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 36 assigaa.

Aalajangersakkap akileraarutit A-t nassuiaaserpai A-nik isertitanit akileraarutit. Aammaat-taaq akileraarutaasussanik B-nik aningaasarsiat, aningaasarsiat A-tut pissarsiatulluunniit akileraarusigassanngitsutut nassuiarneqarlutik.

§ 75-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 37 assigaa.

Aalajangersakkami nalunaarsorneqarput isertitatut A-tut suut naatsorsuunneqassanersut.

Imm. 1 aamma 2-mut

Isertitanut A-nut ilaapput:

- Akissarsiat ajunngitsorsiallu suulluunniit sulinermi aningaasanngorlugit tunniunneqartartut, tassa akissarsiat sunilluunniit tapillit. Akerlianilli akeqanngitsumik ineqartitaanerup, nerisaqartitaanerup nalingi, nioqqutissat tigussaasunillu pissarsiat allat A-tut isertitaanngillat.
- Siulersuisunut, ataatsimiititalianut, kommissioninut, siunnersuisooqatigiinnut assigisaannullu ilaasortaannermut ikiortaannerluunniit akiliutisiat.
- Aningaasarsiat assigiinngitsut assersuutigalugu utoqqalinersiat, utaqqinersiutit, pisortanit utoqqalinersiat, naartunermi, meerartaarnermi meeravissartaarnermilu ullormusiat, isertitassaagaluanut imaluunniit suliffissaagaluumik annaasaqarluni annaasanut taarsiiffigitinnerit, kisimiilluni nipilersortartoq, isiginnaartitsisutut, nipilersortartutut, atuakkiortutut eqqumiitsuliortutullu allatut akissarsiat, timersortartutut, allaaserinnittartutut, eqqartuussisutut, eqqartuusseqataasartutut, tunisinermi akissarsiat il.il.. Aningaasarsiat A-t pillugit Namminersornerullutik Oqartussat nalunaarutaannut aamma innersuussineqarpoq.

Imm. 3-mut

Imm. 3-mi aalajangersakkap kinguneraa, isertitat isertitatut A-tut isigineqannginnerat akissarsiat naalagaaffiit allat sinniisoqarfiinit il.il., kiisalu inunnit, selskabinit il.il. Kalaallit Nunaanni eqqartuussiveqarfimmi najugaqanngitsunit akiligaappata. Selskabit Kalaallit Nunaanni eqqartuussiveqarfimmi aallaaveqanngitsut Kalaallit Nunaanni sinniisoqarunik, § 75, imm. 4 malillugu sinniisaasoq akissarsinermini akileraarutitik A-nik akiliisaaq.

Imm. 4-mut

Tunngavissat immikkut ittut kaammatuinerini imm. 4-mi aalajangersakkat malillugit Naalakkersuisut aalajangiisinnaassuseqarput isertitat imm. 1-mut aamma 2-mut ilaagaluartut isertitatut A-t pineqassanngitsut. Aalajangersagaq angerlarsimaffimmi ikiortimut akissar-siarititat A-tut naatsorsuunneqassannginnerannik aalajangiinermi atorneqarsimavoq, taamaattoqartillugu akileraarutitik A-nik ilanngaassineqassanani.

Taamatuttaaq aalajangersakkap Naalakkersuisut aalajangiisinnaatippai, isertitanit pineqartunit A-nik akileraarusiineqarsimanera apeqquaatinnagu, aningaasarsiat B-tut nammineerluni nalunaaruteqarnermi nalunaarutigineqassasut.

Imm. 5-imut

Aningaasarsiat A-t aamma aningaasarsiat B-t immikkoortinneri pingaaruteqarpoq, aningaa-sarsianut B-nut akileraarutasussaannngitsunut immikkut malittarisassaqaarnera peqqutigalugu. Aalajangiisarnerni assigiissitsinissaq qulakearniarlugu imm. 5-imi

aalajangersagaavoq, tamakku pillugit Naalakkersuisut aalajangiisassasut. Tamannalu aamma imm. 2-mi aamma 4-mi aalajangersakkanut naapertuuttuulluni.

Tamatuma aalajangiiviginerani Naalakkersuisut pingaartissavaat, isertitat pineqartut tigusi-suusumut akissajaatinik ilanngariikkatut imaluunniit akissarsiatut tamakkiisuussutut isigineqartariaqarnersut.

§ 76-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 38 assigaa.

Aningaasarsiat A-nit ilanngaassisarneq pillugu tunngaviit pingaarnerit aalajangersakkami erseqqissaatigineqarput.

Imm. 1-imut

Nalinginnaasuuvoq isertitat A-t akilernerqaraangata akileraarutit A-t ilanngaatigineqartas-sapput. Tamanna akissarsiaannarnut atuutinngilaq, aammali akorternermi akissarsianut, bonus-inut, tunisaqarneq naapertorlug akissarsianut, suliffiup sinneqartoornerani sulisut pissarsiaannut ajunngitsorsianullu allanut immikkut ittunut. Taamaalilluni apeqqutaanngilaq akissarsiaqartup akissarsiaq pissarsiarisimaneraa tassalu qanga pisassarilersimanera.

Ukiup aningaasarsiorfiup ingerlanerani nalliuttuni sulisarnermi akissarsiat ingerlaavartumik imaluunniit siumoortumik akilernerqarsimappata, akiliutigineqartut piffissami akissarsior-fiusumi akilernerqarfiini nalinginnaasutut isertitatut A-t isigineqassapput. Ukiumi akissarsif-fiusumi akilernerqarsimangippata nalliuttuni akissarsianit akileraarutitik ilanngaatit ukiumi aningaasarsiorfiusumi kingusinnerpaamik 31. december ilanngaatigineqassapput.

Sulinneqarnersiutinut sulisumut tunniunnerini akileraarutit A-t ilanngaatigineqassapput. Akileraaruninilli ilanngaatit ukiumi aningaasarsiorfiusumi kingusinnerpaamik 31. december ilanngaatigineqassapput.

Imm. 2-mut

Aalajangersakkami imm. 2-mi aalajangerneqarpoq akileraatutit A-t akileraartarnermi allagartami paasissutissat, sulisitsisup akissarsisitsinermini pigisassai, malillugit naatsorsorneqar-tassasut. Akileraarutit A-t ilanngaatigineqartut A-tut akileraarutaagallartuupput. Killilimilli akileraartussaataasunut atuuppoq, akileraarutit A-t akilernerqartut inaarutaasumik akileraa-rutaasut, taamaammat pingaarnertut malittarisassaavoq killilimmik akileraartartut ukiup naanerani inaarutaasumik naatsorsuutitik nassinneqartassanngitsut.

Imm. 3-mut

Kinaluunniit piumasaqaatinik isertitanit A-nit atuutsitsiniarsinnaanngitsaq, akileraartit A-t ilanngaatigineqareertinnagit. Tamanna aamma atuuppoq

ilanngaasussaatitaasumit ilan-ngaassinissamut piumasqaatit allatigut naammassineqarsimagaluarpataluunniit.

Imm. 4-mut

Ilanngaasussaatitaanerup pilersinnaalernissaanut ilaatigut piumasqaataavoq, akissarsiat inunnit, selskabinit peqatigiiffinnillu il.il. Kalaallit Nunaanni eqqartuussiveqarfimmi najuga-qarfeqartunit akilerneqarnissaat. Matumunnga atatillugu eqqartuussiveqarfimmik najuga-qarfeqarnermi paasineqassaaq suliat eqqartuussivikkoortumik suliarineqarfissaanni najuga-qarnertut. Taamaammat inunnit, selskabinit, peqatigiiffinnit il.il. akissarsiasat aningaasarsiat B-tut isigineqartariaqarput, nunanit allanit toqqaannartumik tunniunneqarpata, A-tulli aningaasarsiasallutik pisinnaatitaasumit Kalaallit Nunaanni eqqartuussiveqarfimmi najugaqartumit akilerneqarpata.

Imm. 5-imut

Imm. 5-imi aalajangersakkap kinguneraa, Naalakkersuisut allaffissorneq eqqarsaatigalugu akileraarutinik naatsorsuinermi aalaaviusussat, 10-mik agguarneqarsinnaasumik koruuninut akunnaalliililluni appaanissamut malittarisassiuussisinnaanerat.

Imm. 6-imut

Imm. 6 malillugu akileraarutit A-t ilanngaatiginerini minnerpaaffissatut killiliinermik Naalak-kersuisut aalajangiisinnaapput.

§ 77-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 38 a assigaa.

Aalajangersakkap kinguneraa isertitat A-t Lønmodtagernes Garantifond aqcutigalugu akilerneqarpata, akiliineq aningaasaateqarfik aqcutigalugu A-tu akileraarutit pisiman-ngitsuupata ilanngaasussaagaluartup akisussaaffigaa, akileraarutit A-t aningaasartai, akiliinnginnermi aningaasaateqarfiup akileraarutinut A-t ilanngaatigisimasai akilissallugit.

Lønmodtagernes garantifondip sulisitsisutuulli A-mik akileraarutit ilanngaatigineqartut naatsorsussavai, tassalu imaappoq akileraartarnermi ilanngaatit ilanngaatigereerneranni.

Lønmodtagernes garantifondimit A-tut akileraarutit naatsorsukkat akissarsiaqartumut tunngatinneqassapput, sulisitsisumit ilanngaatigineqarsimasutuulli.

§ 78-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 39 assigaa.

Aalajangersagaq danskit kalaallillu marloriaammik akileraartarneq pillugu isumaqatigiis-sutaanni artikel 25-mut tunngavissiisuvoq, taannalu malillugu sulisitsisoq qallunaaq inummut Kalaallit Nunaannut akileraartussaataasumut akissarsitsisoq, akileraarutinik A-nik Kalaallit Nunaannut ilanngaassaaq, § 75, imm. 4-mi aalajangersagaq apeqqutaatinnagu. Aalajangersagaq isumaqatigiissuteqartunut assigiimmik atuuppoq.

Imm. 2-mi aalajangersakkap nassataraa, aningaasat qallunaap sulisitsisup imm. 1-i isumaqati-giissut malillugu akileraarutinik A-nik ilanngaavigisai, A-nik isertitatut isigineqarnissaat.

§ 79-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 40 assigaa.

Imm. 1-imiit 4-mut aamma 6-imi aalajangersakkat akileraartarnermut allagartaq pillugu nalinginnaasumik malittarisassanut tunngasuupput, tamatumani hovedkortinut bikortinullu.

Siumoortumik nalunaarsuinermi ilanngaatit inaarutaasumik akileraarusiinermi akileraarutis-sallu naatsorsorneqarneranni akileraartussaataasumut atuuttussatut naatsorsuutigisat aalajangerneqartarput.

Tamakkiisumik akileraartussaataasunut kortimi pingaarnermi ilanngaatissat taamaasillutik tassaapput akileraarusiinermi ilanngaatit inummullu ilanngaat. Killilimmik akileraartussaati-taasunut inaarutaasumik akileraarusiisoqarneq ajoqqoq, A-millu akileraarutit ilanngaataasi-masut taamaasillutik inaarutaasumik akileraarutaallutik. Siumoortumik nalunaarsuinermi akileraarutinillu naatsorsuinermi nalinginnaasumik akissarsianik pisartoq ilanngaammik, akissarsiallit aalajangersimasumik ilanngaataata inummullu ilanngaatip katinnerisigut pinngortumik, tunineqarsinnaavoq. Siulersuisut akissarsiaannik pissarsisartoq akissarsiallit ilanngaataannik inuulluunniit ilanngaataanik atuinissamut pisinnaatitaaffeqanngillat.

Katissimallutik aappariit ataatsimut akileraartussaasunut aallaavittut malinniarneqarsinnaavoq inummut ilanngaat isertitaqarnermut naapertuuttumik avinnissaa, naleqqussaannissaq pinngitsoortinniarlugu.

Akileraarnermut allagartami ilanngaat procenti allassimassaaq ukioq akissarsiffiusoq tamaat ator neqartussaq, Kalaallit Nunaanni sumiluunniit akissarsiaqaraluaaraanni, procentilu taanna inaarutaasumik akileraarutit naatsorsorneranni ator neqassaaq.

Imm. 3-mi aalajangersakkap nassataraa, Naalakkersuisut inuit akileraarutinit akiligassanik kinguartooruteqartut siumoortumik nalunaarsuivigineqartarnissaat pillugu malittarisassanik aalajangersaasinnaanerat. Aalajangersagaq ator neqanngisaannarsimavoq.

Imm. 5-imut

Taamaattumik imm. 5-imi aalajangersakkap kinguneraa, immikkut ittunik pisoqartillugu ilanngaateqanngitsumik akileraarnermut allagartaliisoqarsinnaasoq, tassalu akileraarnermut allagartaq qanoq amerlatigisunik ilanngaateqassanersoq tagginnagu, tamatumalu kinguneri-saanik procenti akiliutissaq ilanngaateqarani isertitassatut naatsorsuutigisat amerlassusiat tunngavigalugu naatsorsorneqassalluni. Akileraarnermut allagartat taamaattut piffissap ilaannaani sulisarnikkut ilanngaatit tamakkiisumik atorsinnaatinnagit, kiisalu tunisinermi akileraarnermut allagartamik pilersitsinermi atorneqartarput.

Imm. 7-imut

Imm. 7-mi aalajangersakkap nassatarissavaa akileraaruseriffiup paasissutissat akileraarnermut allagartami, bikortimi imaluunniit frikortimi paasissutissat ilanngaasus-saatitaasumut toqqaannartumik nalunaarutigisinnaavaat, taamaalilluni akileraartartut ataasiakkaat ilanngaasussaatitaasumut akileraarnermut allagartaq tunniuttariaqarnagu, tamannalu ilanngaasussaatitaasumut amerlasuunik sulisoqartumut iluaqutaalluni.

§ 80-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 41 assigaa.

Imm. 1-imut

Imm. 1-imi aalajangersakkap siunertaraa akileraartartut akileraarnermut allagartamik ilanngaasussaatitaasumut tunniussisarnissaannik kaammattuineq. Tunisinermi killissaq appasineq atorneqaraangat tassani tunngaviuvoq ilanngaateqanngitsunik iluanaaruteqarneq.

Imm. 2-mut

Imm. 2-mi aalajangersakkap siunertaraa isertitat A-t sulinermi pissarsiarineqartut, akissarsianik pissarsisup aningaasat sulinini tunngavigalugu inummit allamit pissarsiani tigummiinnarsinnaassagai. Taamatut pisoqartillugu A-nik isertitat akissarsisup sulisitsisullu akornanni naatsorsuisorneqartassapput akissarsisitsinerit tamaasa, ikinnerpaamilli qaammattut ataasiarluni. Taamattaq akissarsiallip isertitanut A-nut akileraarutit A-t amerlaqataat tunniuttassavai. Akileraarutit A-t piffissami tassani ilanngaatigineqartutut isigineqarput. Sulisitsisup akissarsiortoq ingerlaannartumik soraarsissinnaavaa akissarsiortup piffissaq eqqorlugu akileraarutitik A-nik akiliisanngippat.

§ 81-imut

Imm. 1-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 42 assigaa, imm. 1-illi allanngortinneqarnissaa siunnersuutigineqarpoq, taamaalilluni ilanngaasussaatitaasup akileraarutit A-t ilanngaatigineqarsimasut

akileraruseriffimmut akilertassallugit, taamaammallu aamma imm. 4-mi siunnersuutigineqarluni, naatsorsuutini kingusinaartumik tunniussinermi kiffartuussinermi akiliut landskarsimut nakkartassasoq. Akilerarutit A-t ilanngaatisimasat akilerneqarneri qaammammi tulliuttumi sulii pisassaaq.

Imm. 2-mut

Imm. 2-mi aalajangersakkap kinguneraa ilanngaasussaatitaasoq ilanngaasarnermi torinngitsumik imaluunniit sumiginnaalluni iliorpat Naalakkersuisut malittarisassanik immikkut ittunik aalajangersaasinnaanerat. Tunngavigineqarpoq ilanngaasussaatitaasoq piffissami ingerlareermi ilanngaasarnini iluarsippagit allakkatigut qinnuteqarnermigut piffissaliussanut nalinginnaasunut utersinnaanermut akuerineqarsinnaasasoq.

Imm. 3-mut

Imm. 3-mi aalajangersakkap kinguneraa ilanngaasussaatitaasut ilanngaatisatik qanoq nassuiaateqartarnissaannut Naalakkersuisut erseqqinnerusumik malittarisassiuussisinnaasut.

Imm. 4-mut

Imm. 4-mi alajangersakkap kinguneraa ilanngaasussaatitaasup piffissaq eqqorlugu nalunaaruteqanngikkuni kiffartuussinermi akiliut landskarsimut akilertassagaa.

Imm. 5-imut

Imm. 5-imi aalajangersakkap kinguneraa Naalakkersuisut ilanngaasussaatitaasoq peqqusinnaagaat nalunaarusiornermi akilerarutini A-nik pissarsisartut pillugit paasisutissanik tunniussisarnissaanik, soorlu inuup normuanik, aqqanik najugaanillu il.il., taamattaq ilanngaasussaatitaasut isertitat A-t tunniussimasat kiisalu akilerarutit A-t ilanngaatigine-qarsimasut pillugit naatsorsuusiornerat pillugu malittarisassiuussisinnaallutik.

Imm. 6-imut

Imm. 6-imi aalajangersakkap kinguneraa Naalakkersuisut aalajangersaasinnaasut ilanngaasussaatitaasumut aqqiissutini akiliutit utertillunilu akiliinermi akiliutit minnerpaaffissaattut killigitamik, akilerneqartussaq erniaasinnaasunik akiliutinillu ilasutitaqartoq aningaasanik akilerneqartunut nikingappat.

§ 82-imut

Imm. 1-imut

Aalajangersakkap aningaasarsianit akilerarutit pillugit Inatsisartut inatsaanni atuuttumi § 43 assigaa, siunnersuutigineqarporli imm. 1 ilaneqassasoq, isertitanik A-nik pissarsisartuq tusagassiuutitigut atuarneqarsinnaasutigut allakkut tamanna pillugu ilisimatinneqartassasoq.

Aalajangersakkap kinguneraa, ilanngaasussaatitaasup isertitanik A-nik pissarsisartuq ilanngaatisat pillugit ilisimatittassagaa allakkatigut imaluunniit qarasaasiakkut, taamaalilluni pissarsisartup ilanngaasussaatitaasup akilerarutit A-t imminut

tunniunneqartunit ilanngaatigineqartussat ilumut ilanngaatigineqarsimanersut qulakkeersinnaaniassammagu.

Imm. 2-mut

Imm. 2-mi aalajangersakkap kinguneraa ilanngaasussaataasup akissarsianik pissarsisartuq imm. 1 malillugu ilisimatikkusunngippagu, nalunaarutiginninnissaq ullormut pillaatit akiliisitsissutit, Naalakkersuisunit imaluunniit Naalakkersuisut pisinnaatitaannit aalajangerneqartut, pineqaatississutiginerisigut pinngitsaaliissutiginiarneqarsinnaasoq.

§ 83-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 44 assigaa, qitiusumulli katersuutsitsinissap kingunerisaanik siunnersuutigineqarpoq, siunissami akileraarutit B-nik akiliisitsiniartarneq akileraaruseriffimmit isumagineqalissasoq.

Imm. 1-imut

Aalajangersagaq akileraarutitik B-nik siumut akiliisitsiniartarnermut tunngavoq. Akileraarutaagallartunik akiliisarnermut korti atorlugu akiliisitsiniartarnermi sillermik salliutillugillu namminersorlutik suliffiutillit eqqarsaatigineqarnerupput.

Imm. 2-mut

Akileraarutit B-t pillugit akiliisutissat ikinnerpaaffissaat Naalakkersuisut aalajangersin-naavaat.

Imm. 3-mut

Akileraarutit B-tut akileraarutissat akiliutinut qulinut agguataarlugit akilersinniarneqassapput, junimi decemberimilu akiliutinik akiliisitsiniartoqassanani.

§ 84-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 45 assigaa.

Aalajangersakkap kinguneraa Naalakkersuisut malittarisassaliorsinnaanerat aningaasarsiat B-t akileraaruteqaataasussat ilanngaatissanik ilanngareerlugit sapinngisaq tamaat illuatungilerne-qareersimanissaat, tamatumuuna akileraarutit B-nik akiliisartut ikinnerulersillugit.

§ 85-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 46 assigaa.

Aalajangersakkap kinguneraa akileraartussaataasooq, ukiumi akileraarusiiffiusumi 1. april tikillugu, akileraarutini akileraaruseriffimmut akiliigallartasooq, akileraarutini A-ni ilanngaatigineqarsimasut imaluunniit akileraarutit B-tut akilerneqarsimasut saniatigut.

Akileraartussaataasooq ukiumi akissarsiffiusumi akileraarutini akiligassanut, akiumut isertitsiviusumut akiliutit attuumassuteqarfigisaannut erniat akiliutilluunniit ilanngullugit, kinguaattoorsimappat, kinguaattoorutit taakkua akilersimasanit ingerlaannartumik ilanngaatigineqassapput.

Ukiumi akileraarusiiffiusumi aprilip 1-ata kingorna nammineq piumassutsimik akiliisoqar-simappat, akiliutigineqartut utertinneqassapput.

§ 86-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 70 assigaa.

Imm. 1-imut

Imm. 1-imi aalajangersakkap kinguneraa aktiat imaluunniit anpartit tunngavigalugit selskabi sunaluunniit Kalaallit Nunaanni nalunarsugaasooq iluanaarutinit agguagassarsianik akiliinis-samik iluanaarutisiaqartitsinissamulluunniit aalajangernermut atatillugu tamatigut iluanaa-rutisianit inaarutaasumik akileraarutini iluanaarutisianit ilanngaasassaaq. Tamanna aamma § 1, imm. 1, nr. 10-mi peqatigiiffinnut taaneqartunut atuuppoq.

Apeqqutaanngilaq iluanaarutisiaaqqartoq pigisassanngortitsivigineqartorluunniit Kalaallit Nunaannut tamakkiisumik killilimmilluunniit akileraartussaataanersooq. Iluanaarutisianit akileraarut inaarutaasumik akileraarutaanera isumaqarpoq, akileraartussaataasup isertita-qarnera allatigut amigartoorfiunersooq nuluunersorluunniit apeqqutaatinnagu tamatigut iluanaarutisianit akileraarneqartussaasooq.

Iluanaarutisianit akileraarutit procentiat selskabip kommunimi nalunaarsorfigisaata akileraar-nermut procentiata tamakkiisup assigissavaa. Selskabip Akileraartarnermut Pisortaqqarfik kommunitut akileraarfigisarippagu, iluanaarutisianit akileraarutit procentiata nunamut tamarmut akileraarutit immikkullu nunamut akileraarutit procentiisa katinnerat annertoqa-tigissavaa.

Imm. 2-mut

Oqaaseqatigiinni siullerni nassuiarneqarpoq iluanaarutisiat tassaasut aktiaatilinnut tunniun-neqartut tamarmik, taamaallaat aktiat akeqanngitsumik tunniunneqartut aammalu ingerlatanik unitsitsinermit pissarsiasut kisiisa pinnagit.

Aktiaateqarnerpaajusumulli atuuppoq akiliisinnaajunnaarnermit pissarsiat iluanaarutisiatut pineqassasut, aatsaat aktiaateqarnerpaap pigisat selskabimut allamut, aamma amerlaner-paamik aktiaateqartup aamma aktiaateqarnerpaatut

inissisimaffigisaanut, tunisimappagit. Iluanaarutisiat, iluanaarutisianit akileraarutinik ilanngaavigineqartussat, § 16, imm. 2-mi malittarisassat malillugit naatsorsorneqassapput.

Aktiaatillit amerlanerpaanik aktiaateqanngitsut, ingerlatanik unitsitsinermi pissarsiaminnit akileraartinneqarsinnaassanngittuarsinnarput.

Imm. 3-mut

Aktiaatillip aktiatigut aningaasaatit 25 procentii piginerai imaluunniit taasisinnaassuseqarnerit 50 procentii sinnerlugit oqartussaaffiginerai naatsorsuinermi, selskabip nammineq aktiaminik pigisai ilanngunneqassanngillat. Aktiaateqartup taasisinnaasutsit 50 procentii sinnerlugit oqartussaaffiginerai aalajangiiviginerani aalajangiisuunngilaq aktiat taasisinnaanermut atasuusut kiap piginerai, kialli taasisinnaassuseqarnerit kiap atorsinnaasimanerai.

Imm. 4-mut

Iluanaarutisianit akileraarutit ilanngaasiinertaqanngitsumik naatsorsorneqassapput.

Imm. 5-mut

Iluanaarutisianit akileraarutinik ilanngaasiinissaq, iluanaarutisianut pineqartunut piunasa-qatinit allanit salliuvuq, tamatumani aamma selskabip iluanaarutisiaqartsisup piunasaqaatai eqqarsaatigalugit.

§ 87-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 70 a assigaa.

Aalajangersagaq § 86-imi pingaarnerusumik malittarisassamit immikkut saneqqutsineruvoq, selskabip, kommunip akileraarfigisami akileraarusiinermini tamakkiisumik procentiussaata anertoqataanik, iluanaarutisianit akileraarummik ilanngaassinissaanik aalajangersakkamik alluinerulluni. Malittarisassaq taanna, selskabip iluanaarutisianik agguanneqartunik, aningaasarsiat akileraaruteqaataasussat naatsorsorneqarneranni ilanngaateqartarneranut atatillugu naleqqutinngimmat, selskabi sulisut aktiaataannik sulisunut allanut tunisassanngorlugit utertitsilluni pisitillugu, selskabip pappiaqqanik aningaasanik nalilinnik nioqqute-qarfiusumi nalunaarsugaasup (bursnoteret) nammineq aktiani pappiaqqanik aningaasanik nalilinnik nioqquteqarfimmi utertillugit pisiariniarlugit aalajangernerani selskabi amerlaner-paanik aktiaateqartup ingerlatanik unitsitsinermi pissarsiaanit iluanaarutisianit akileraarutinik ilanngaassisussaaffigisaani, aammalu kinguaariit nikinnerannut atatillugu aningaasaatinik agguassineqartillugu..

Pisuni qulaani taaneqartuni selskabi iluanaarutisianit akileraarutissat appasinnerusut, tassalu kommunip akileraarfiusup akileraarutaasa ataatsimut procentiisa annertussusiata aammalu selskabinit akileraarutissap qaqugukkulluunniit atuuttuusup assigiinngissutaasa anertoqataat, ilanngaatigisussaavaa. Iluanaarutisianilli appasinnerusumik akileraarusiinermit illuatun-giliullugu, selskabip iluanaarutisiat

taamaattut, selskabip akileraaruteqaataasussatut aningaa-sarsiaanit ilanngaatisinnaanngilai, takuuk § 27, imm. 2.

Sulisut aktiaataat pillugit aalajangersakkami siunnerfigineqarpoq selskabip sulisut aktiaa-taannik sulisorisamiit sulisorisamut allamut tuniniaanermik isumaginnittarnera. Iluanaaru-tisianit appasinnerusumik akilerlaaruteqartitsinissamut piumasqaataavoq selskabip naatsorsuuserinermi aktiat utertillugit pisiarineqartut nammineq aktiaatigisanit allanit pigineqarsinnaasunit immikkoortisimanissaat.

Aalajangersagaq naapertorlugu kinguaariit nikinnerat pisarpoq aktiatigut aningaasaatit amerlanersaat aktiaatilinnut allanut tunineqarpata aktiaateqartuusimasup aktiaateqartuusima-sulluunniit annikinnerusumik aktiaateqaannarnissaat akornutissartaqanngilaq. Kinguaariit nikinnerat piviusunngortinneqanngippat, selskabi iluanaarutisianit akileraaruteqassaaq § 86, imm. 1 malillugu, iluanaarutisianit akileraarutinillu ilanngaateqassaaq § 87, imm. 1 malillugu.

Selskabi pappiaqqanik aningaasanik nalilinnik nioqquteqarfimmi nalunaarsorsimasoq nammineq aktiaatiminik utertitsilluni pisinerani, iluanaarutisiaat appasinnerusumik akileraaru-serneqarnissaannut piumasqaataavoq nammineq aktiaatigisanik utertitsilluni pisineq selskabip ataatsimeersuarnerani aalajangerneqarsimasuussasoq.

§ 88-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 71 assigaa.

Iluanaarutisianit akileraarutit ilanngaatigineqartut iluanaarutisiatt tunniunneqarnissaannik imaluunniit pisassarilersitsinermik aalajangiinerup ulluanit qaammat ataaseq qaangiutin-ngitsoq akileraaruseriffimmut akilerneqassapput. Iluanaarutisialli aningaasaatinik agguaa-sinermut tunngatinneqarsinnaappata, qaammammik ataatsimik piffissaliusaaq nalunaaruteqaaq-qusinermut piffissaliusaaq naaneraniit aatsaat ingerlalissaaq.

Iluanaarutisianit akileraarutit ilanngaatigineqartup akilerneqarneranut ilutigitillugu aalajangerneq pillugu akileraaruseriffik nalunaarfigineqassaaq. Nalunaarutiginninneq immersugassaaq "iluanaarutisiaqartitsinermut nalunaarut – U 1" atorlugu nassiunneqassaaq. Ataatsimeersuarnermi iluanaarutisianik nalunaaruteqartoqannginnissaanilluunniit ataatsimeer-suarnermi aalajangerneqaraluarpat agguagarsiassat pillugit nalunaarut aamma nassiunneqassaaq.

Selskabi iluanaarutisiaqartitsinermut nalunaarummik nassitsinissamut pinaaserpat ullormoor-tunik pillaatit akiligassiissuteqarnikkut nassitsinissaaq pinngitsaaliiniutigineqarsinnaavoq.

§ 89-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 72 assigaa.

Aalajangersagaq taamaallaat inunnut selskabinullu, Kalaallit Nunaannut taamaallaat killilimmik akileraartussaataitaasunut sunniuteqarpoq, taakkua nunaminni akileraartarnermi oqartussaasunut aningaasat akileraarusigaasimanerannik uppernarsaasinnaalersillugit.

§ 90-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 73 assigaa.

Aalajangersakkap kinguneraa akileraartussaataitaasoq § 3 malillugu akileraartussaannermit alluisitaasoq aamma akileraarutinik akilikkaminik utertitsiffigineqarsinnaasoq, pineqartoq iluanaarutisianik pissarsisimappat, tamatumani § 86 imaluunniit § 87 malillugit iluanaarutisianit akileraarutinik ilanngaassivigineqarsimalluni, peqatigiiffilli piginne-qatigiinnikullu ingerlatsiviit, inuussutissarsiummik ingerlatsinikkut isertitanit taamaallaat akileraartussaataitaasut, § 1, imm. 1, nr. 14 naapertorlugu iluanaarutisianit akileraarutinut taarsiivigineqarsinnaanngillat, § 3, imm. 2 malillugu akileraartussaataitaannginnermik angusaqarsimagaluarunilluunniit.

§ 91-imut

Imm. 1-mut

§ 2, imm. 1, imm. 1, nr. 13 malillugu inuit selskabillu nunami allamiut Kalaallit Nunaanni aallaaveqartunik atuisinnaanermut akiliutinit akileraartussaataitaapput.

Siunnersuutigineqarpoq inuk kinaluunniit, selskabi, aningaasaateqarfik, peqatigiiffik, suliffeqarfik il.il., Kalaallit Nunaanni eqqartuussiveqarfimmeersoq atuisinnaanermut akiliutinit, inunnut selskabinullu nunani allaneersunut eqqartorneqartunut akiliutaasunit, 30 procentimik atuisinnaanermut akileraarummik ilanngaassinissamut pisussaaffeqassasoq. Akilinnermut pisassaqtitsilernerluunniit akiliisussaq Kalaallit Nunaanni eqqartuussiveqarfim-meersuunngippat, tunniussinerli pisassaqalersitsinerluunniit pisinnaatitaaffeqarluni sinniisuusumit, Kalaallit Nunaanni eqqartuussiveqarfimmeersumit isumagineqarlutik, ilanngaassinissamut pisussaaffik pisinnaatitaalluni siniisuutitamiissaaq.

Inuk selskabiluunniit il.il. Kalaallit Nunaanni nalunaarsugaasoq aalajangersimasumik inuussutissarsiorfiusumik suliffeqarfimmik aallaaveqarluni inuussutissarsiummik ingerlatsippat, atuisinnaanermullu akiliummik akiliisoq tassaappat aalajangersimasumik suliffeqarfik taanna, ilanngaassinissamut pisussaaffik

atuutinngilaq. Akerlianilli atuisinnaanermut akiliutinik akileraarutinik ilanngaassineqassaaq akiliineq aalajangersi-masumik suliffeqarfimmit, inuup selskabilluunniit il.il. Kalaallit Nunaaneersup nunami allami pigisaanit akilernerqaraluarpuunniit, atuisinnaanermut akiliut, atuisinnaanermut akiliummik tiguisup nunami allamiup nunami maani suliffeqarfimmi kisermassisinnaa-neranik atuinissamut akiliutaappat.

Taamattaq ilanngaasussaataaneq atuutinngilaq, inuk selskabiluunniit il.il. atuisinnaanermut akiliutisisoq nunami allamiuuppat, aalajangersimasumilli Kalaallit Nunaanni ingerlatsive-qartumik suliffiuteqarluni kisermaassisuunerli atuisinnaanermut akiliummut tunngavisoq tassunga aalajangersimasumik suliffeqarfimmut atasuuppat. Taamatut pisoqartillugu atuisinnaanermut akiliut aalajangersimasumik suliffeqarfiusup sinneqartoorutaanik, § 1, imm. 1, nr. 13 malillugu killeqartumik akileraartussaaneermut ilaasunik naatsorsuinermi ilanngunneqassappat.

Imm. 2-mut

Atuisinnaanermut akiliutinut, ilanngaaviusussanut, ilaatinneqarput akiliinerit suulluunniit atuinermut imaluunniit illersugaasumik sumilluunniit atuisinnaanermut, nioqqutissap meqqianik, allalianik imaluunniit ilusiliinermik, titartakkamik, formelimik isertugaasumik sanariaatsimilluunniit suliffissuaqarnermi, aningaasarsiornermi ilisimatuussutsikkulluunniit ilisimasanik atuinermut akiliutit.

Atuisinnaanermut akiliummi aamma ilaapput atuakkiornermi, eqqumiitsuliornermi imaluunniit ilisimatuussutsikkut sulianik atuinermut piginnittussaataaneermiluunniit pisinnaatitaaf-finnik atuinernut qanorluunniit ittunut akiliutit. Taamaasilluni malittarisassami aamma atuakkiortunut nipilersukkanik, filmilianik, videonik assigisaannillu atuinermut piginnittus-saanermiluunniit pisinnaatitaafinnik atuinermut akiliutit aamma malittarisassani pineqarput.

Atuisinnaanermut akiliutit ilanngaavigineqartussat tassaapput pisinnaatitaaffinnik taagorneqartunik pisuussutsinilluunniit atuinermut atuisinnaanermulluunniit akiliutit kisimik. Akerlianik pisinnaatitaaffinnik taagorneqartunik tunisineri isertitat atuisinnaanermut akiliutinut ilaangillat. Illersuutinik, nioqqutissap meqqianik assigisaannillu pisinermi akiliutit atuisinnaanermut akiliutit akileraarusernaranni ilaangillat. Kulbrintiliorniarnermut atatillugu misissuineri paasisanik pisinermi akiliutit aamma malittarisassani pineqartunut ilaassanngillat.

Atuisinnaanermut akiliutinut ilaangillat atortunik suliffissuaqarnermi, aningaasarsiornermi ilisimatuussutsikkulluunniit atortunik atuinermut atuisinnaanermulluunniit akiliutit. Suliffissuaqarnermi, aningaasarsiornermi imaluunniit ilisimatuussutsikkut suliani atortunik, assersuutigalugu biilnik, containerinik edb-nik allaffimmilu atortunik attartortitsineri (leasing) isertitat taamaasilluni ilanngaateqartarneq pillugu aalajangersakkani ilaatin-neqanngillat.

Atuisinnaanermut akiliutinik nassuiaanerme akiliutinut tunngasortaani suliffissuaqarnermi, aningaasarsiornermi imaluunniit ilisimatuussutsikkut

misilittakkat pillugit paasissutissanut akiliutinut oqaaseq „qanoq iliornissamik ilisimasaqarneq" (knowhow) ilaavoq.

Qanoq iliornissamik ilisimasatut isigineqarput teknikkikkut paasissutissat nalinginnaasumik ilisimaneqanngitsut illersugaanissamut piukkunarunik pukunnanngikkunilluunniit, tunisassiamik suliffissuaqarnikkut tunisassiareqqiinissamut ingerlariaatsimulluunniit, toqqartumik tamatumaluunniit ingerlanerani, pisariqartut. Qanoq iliornissamik ilisimasaqar-neq tunisassiorput tunisassiaq misissuinnarlugu paasisinnaangilaa teknikkikkullu sioariarnermik ilisimasaqaannarnikkut paasineqarsinnaanani. Qanoq iliornissaq pillugu isumaqatigiissummi isumaqatigiissuteqartup aappaa aappani ilisimasaminik misilittakkaminillu, tamanut sqqummiunneqanngiinnartussamik ilisimatinniarlugu neriorsuissarpoq, taamaasilluni taassuma tamanna nammineq imminut iluaqutissaasumik atorsinnaaniassammagu. Qanoq iliornissamik ilisimasaqarnermut akiliut taamaammat atuisinnaanermut akiliutit akileraarusigaasarnerannut ilaavoq taamaattumillu akiliummit ilanngaassineqartussaalluni.

Qanoq iliornissamik ilisimasaqarnermik oqarnermi ilaatinneqanngillat kiffartuussinissaq pillugu isumaqatigiissutit, isumaqatigiissuteqarnermi illuatungiusoq nammineq suliamut tunngasumik nalinginnaasumik ilisimasani aapparminut iluaqutissaasumik atuisussaattillugu..

§ 92-imut

Imm. 1-imut

Atuisinnaanermut akiliutinik akileraarutit ilanngaasussaattitaasup, Kalaallit Nunaata avataani akiliiffigisamut akiliteqarnermi pisussanngortitsinermiluunniit ilanngaattigisimasai akileraa-ruseriffimmut akilerneqassapput.

Akiliinermi periuserineqartussaq paasissutissallu tunniunneqartussat pillugit Naalackersuisut aalajangersaassapput.

Atuisinnaanermut akiliutinik akileraarutit atuisinnaanermut akiliutinik akiliineq pisassanngor-titsinerluunniit ilutigalugu akiligassanngussapput akileraaruseriffimmullu akilerneqassallutik kingusinnerpaamik ilanngaassinissamut pisussaattitaasup akileraarutit A-nik ilanngaatinik nalunaaruteqarnissamut piffissaliussap naanerata qaammataata tullerisaani qaammammi. Akiliisoq pisassanngortitsisorluunniit atuisinnaanermut akileraarutit akilerneqarneranut peqatigitillugu tamanna pillugu paasissutissanik Naalackersuisut ilusereqqusaatut iluseqar-tumik nalunaaruteqassaaq. Paasissutissanik taaneqartunik nassiussinissaq pillaatit akiliutinik ullormoortunik Naalackersuisunit Naalackersuisunilluunniit tamatumunnga pisinnaatin-neqartumit aalajangerneqartunik peqqussuteqarnikkut pinngitsaaliissutigineqarsinnaavoq. Piffissaagallartillugu akiliiffissaq kingulleq arfininngorneruppat, sapaataappat imaluunniit nalliuttuuppat, akiliinissamut piffissaliussaq ulluinnarmut tullermut sivitsorneqassaaq.

Malittarisassat ilanngaasussaatitaasumut iluanaarutisianut tunngatillugu nalunaarnissaq, Akiligassaqaalerneq akiliisitsiniarnerlu kiisalu ilanngaassinissamut pisussaaffimmik naammass-sinngitsoornerup sunniutigisai eqqarsaatigalugit, atuutuusut, aanna inunmut ingerlatseqatigii-finnullu il.il., atuisinnaanermut akiliutinit akileraarutinin ilanngaasinissamut pisussaafilinnut atuupput.

Atuisinnaanermut akiliutinit akileraarutinin ilanngaaneq atuisinnaanermik pigisaqartumut piumasaqaatinit allanit taamaasilluni salliuvoq, tamatumani aamma atuisinnaanermut akiliuteqartumit piumasaqaatinit.

Atuisinnaanermut akiliummik akiliisoq pisassaqaalersitsisuusorluunniit, atuisinnaanermut akiliummit akileraarutinin akiliinermut peqatigitillugu paasissutissanik pisariaqartunik tunniussinngippat, paasissutissanik nassiussinissaq Naalackersuisut aalajangersagaannik ullumoortunik pillaatitut akiliuteqartitsinikkut pingitsaaliiniutigineqarsinnaavoq.

Imm. 2-mut

§§ 89, 93 aamma 95-imut oqaaseqaatit innersuussutigineqarput

§ 93-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 74 assigaa, aalajangersagarli ilaneqarpoq atuisinnaanermut akileraarutininut aamma atuuttun-ngorlugu.

Imm. 1-imut

Aalajangersakkap kinguneraa akileraarutinin ilanngaangitsoq, imaluunniit akileraarutit ikinaarlugit ilanngaasoq, aningaasanut amigaataasunut akiliisussaatitaanera, ilanngaasus-saatitaasup uppersarsarsinnaanngippagu inatsimmi aalajangersakkanik malinnaanermi sumiginnaasimanani. Sumiginnaaneqarsimassaaq ilanngaassisussaatitaasup ilanngaas-sinissamut malittarisassat malissimanngippagit.

Akiliisussaatitaaneq ukiumut isertitsiviusumut ingerlasumuinnaq killeqanngilaq, aammalu pineqartunut ilaallutik akileraarutit A-t, iluanaarutisianit akileraarutit atuisinnaanermullu akiliutinit akileraarutit.

Ilanngaassisussaatitaasumut piumasaqaammik saqqummiussinermi eqqarsaatigineqassaaq akissarsiortup isertitaminit pineqartunit akileraarutinin B-nik akiliinersoq akiliisimaner-sorluunniit

Imm. 2-mut

Aalajangersakkap kinguneraa tamakku pillugit malittarisassat malillugit akileraarutinin ilanngaasoqarsimappat ilanngaasussaatitaasup aningaasat ilanngaataasimasut akilernissanut apeqquserneqarsinnaanngitsumik pisussaalerneq.

Imm. 3-mut

Akileraarutit A-tut akiligassat akileraaruseriffiup missingiuussilluni taggikkallarsinnaavai ilanngaasussaataasup atugarisai pequtigalugit akiligassat eqqortumik naatsorsorneqarsin-naanngippata. Tamanna pisinnaavoq nalunaarsuut amigaataappat imaluunniit misissuiar-tornermi pissusissamisunngitsoqartoq paasineqarpat, assersuutigalugu akileraarutit A-nik ilanngaasiisimannginneq kukkusumilluunniit ilanngaassineqarsimappat..

§ 94-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 75 assigaa.

Aalajangersakkap kinguneraa akissarsiortoq A-nik isertitaqarsimappat akileraarutit A-t ilanngaataasimanatik, imaluunniit ilanngaatigineqartut ikininaarneqarsimappata, aningaasat amigaataasut ingerlaannaq akilerneqarnissaat.

Aningaasat akileraarutit naatsorsorneqassapput A-tut akileraarutissatut, akissarsiaqartup akileraartarnermut tunngasumik kortiani aammalu ilanngaasinissamut pisussaaffiup pilernerata nalaani, tassalu akiliinerup pisassanngortitsinerulluunniit nalani paasissutissat tunngavigalugit malitarisassat nalinginnaasut malillugit ilanngaataasimasussaagaluartut. Akileraartarnermut aalagartamik bikortimilluunniit tunniussineqarsimanngippat akileraarutit 45 procentimut naatsorsorneqassapput, takuuk § 80, imm. 1.

Pissutsit ukiup isertitaqarfiusup naanerata kingorna aatsaat paasineqarpata, akileraarutit A-t amigaataasut akissarsiortup inaarutaasumik akileraarutissaasa naatsorsorneqarneranni iluarsineqassaaq akileraarutissallu sinnerisut akiligassiissutigineqarsinnaallutik.

Akileraarutit ilanngaatigineqarsimanngitsut taamaallaat akissarsiortup akiligassarissavai. Aalajangersakkamut iluanaarutisianit atuisinnaanermulluunniit akiliutinit akileraarutit ilaanngillat.

§ 95-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 76 assigaa.

§ 2 naapertorlugu killilimmik akileraartussaataasunut atuuppoq, inuit killilimmik akileraar-tussaataasut pisinnaatitaasumik sinniisoqarunik Kalaallit Nunaanni eqqartuussiveqarfimmi najugaqartunik, pisinnaatinneqartoq akileraarutit inuit killilimmik akileraartussaataasut taakkua akiligassarisaanut akiliisussaavoq, tamatumalu § 76, imm. 4-mi ilanngaassinissamut pisussaaffiup atuutsinniarnera pillugu malittarisassaq assigalugu.

§ 96-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 77 assigaa.

Aalajangersakkap kinguneraa, katissimallutik aappariit ataatsimut akileraartussaasut ataatsimut akileraartussaanerup kingunerisaanik akileraarutit akilernissaannut assigiimmik akisussaaqatigiinerat. Taamaalilluni akileraarutissat sinneri aappariinni tamani taakkualu pigisaanni immikullu pigisaanni akilersinneqarsinnaapput, taamatullu aappariit tamarmik akissarsianit ilanngaavigineqarsinnaallutik. Taamatutaaq tamanna nalunaarsugaallutik inooqatigiittunut atuuppoq.

§ 97-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 78 assigaa.

Aalajangersakkap nassataraa, kingornussisussaasut akileraarutininik toqukkut qimaguttumut qimagunnerup kingornatigut akiligassanngortitaasunut akiliisussaanerat. Akiliisussanngor-nerli taamaallaat atuuppoq kingornussisussat kingornussarsianik tigusaqarsimappata kingornussarsiansanilluunniit siumoortumik tigusaqarsimappata, aappaasumulli qimagaa-sumut aamma pigisanik agguagarsonianik. Assigiimmik akiliisussaataitaneq taamaasilluni tigusaqarsimanerup annertussuseqarneranut naapertuuttuusussaavoq.

Pisussaaffik toqukkut qimaguttup akiligassa qarfiinik aggersaaneqarnissaanik sunnerne-qartussaannngilaq. Taamatullu pingaaruteqanngilaq pisortatigoortumik aggersaane-qarsimanersaq.

§ 98-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 79 assigaa.

Aalajangersakkap nassataraa, aktiaatilinnut ilaasortanulluunniit akileraarutininik piunasaqaatit soqutiginaqit agguassineqarsimappat, aktiaatillit, ilaasortat aammalu akiliisinnaajunnaa-rnermik suliame akisussaasuusoq akileraarutit akilerneqarnissaannut akisussaataitaassapput.

Akiliisinnaajunnaarnermi suliame akisussaasumut aktiaatilinnut ilaasortanulluunniit aningaasat agguanneqartut katinneranit annertunerusunut akisussaatsineqarsinnaanngilaq aktiaatillillu ilaasortallu agguassanik tigusaqarsimanerminnut naapertuuttumik taamaallaat akisussaatinneqarsinnaapput.

Agguaassineramik oqarneq matumani isumaqarpoq selskabip akiliisinnaajunnaarluni uninnerata kingornatigut qularutissaanngitsumik agguaassat, aktiat allassimasumik nalinginik utertitsinermi akiliineq ilanngullugu.

§ 99-imut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 79 a assigaa.

Aalajangersakkami siunertarineqarpoq selskabinik sinneqartooruteqartunik iluanaarniu-tigalugu atorunnaarsitsisarnerup pitsaaliornissaa.

Imm. 1-imut

Aalajangersagaq malillugu selskabimi aningaasaatit ilaannik akisunaarlugit tunisisoq, tunisinerup nalaani akileraarutinik akiitsutinillu selskabip akiligassarisaanik akiitsunut akiliisussanngussaaq, ingerlatsineqatigiiffik kingusinnerusukkut akiligassanut pisussaaffimminik naammassinnisinnaassanngippagit.

Aammattaaq selskabit inuillu Kalaallit Nunaanni angerlarsimaffeqartut akiliinissamat akisussaaffiit pillugit malittarisassani pineqartunut ilaapput, selskabimut nunami allamiittumut, kalaallit selskabianni aningaasaatini peqataassutiminnik akisunaarlugit nuussisumut, toqqaannartumik toqqaannartuunngitsumilluunniit aalajangiisuusumik sunniuteqartuunertik naapertorlugu. Aalajangiisuusumik sunniuteqarnermik paasineqassaaq, pineqartoq inatsisit pissutsit atuuttuusut tunngavigalugit nunami allami selskabimut imatut sunniuteqartigippat pineqartup selskabi, selskabimi sinneqartooruteqartumik ingerlasumi aningaasaatit ilaasa akisunaarlugit tuninissaannut, atorsinnaallugu.

Aalajangiisuusumik sunniuteqarnertut isigineqassaaq ilaatigut pineqartup taasisinnaassutsit, imaluunniit selskabimi aningaasaatit amerlanersaat pigippagit, imaluunniit pineqartoq malittarisassat imaluunniit allatigut isumaqatigiissutit tunngavigalugit aalajangiisuusumik sunniuteqartuuppat. Assersuutigalugu taamaassaaq, pineqartup aktiaatilinnut anpartiutilinnuunniit allanut isumaqatigiissut tungavigalugu selskabimi taasisinnaassutsit amerlanersaat oqartussaaffigippagit.

Tunisisoq tunisinermi aningaasat atorneqartut tamaasa akigassarilissavai. Tunisisoq aammalu inuussutissarsiornikkut siunnersuisutut tunisinermi peqataasoq, tamarmik assigiimmik akiliisussaaqatigiipput.

Tunisisumut inuussutissarsiornikkullu siunnersortimut akiliisussanngortitsineq, aatsaat atuutsinneqarsinnaavoq, aningaasat akiligassat selskabimut kinguneqanngitsumik akilersinniarneqarsimagaluarpata. Akiliisussanngornermut apequtaanngilaq tunisinerup nalaani ingerlatsiviup akileraarutinut akitsuutinullu ilaannaasumik akissaqarsimanera.

Imm. 2-mut

Aalajangersagaq malillugu akisussaasunngorneq taamaallaat inuit aktianik anpartinillu tunisinerannut atavoq, taakku 10 procentimik annertunerusumilluunniit piginneqataassute-qarpata aammalu selskabip aktianik tunisineru suliffeqarfissuakut tunniussisumut attuumassuteqarpat. Suliffeqarfissuarmut atasunik ingerlatsiveqarpoq matumani 10 procentimik anertunerusumilluunniit piginneqatassuteqarnermi. 10 procentimut killiliineq eqqunneqarpoq annikitsumik aktiaateqartut siunertaanngitsumik akiliisussanngornermik eqqorneqarnissaat pinngitsoortinniarlugu.

Imm. 3-mut

Imm. 3-mi aalajangersakkat malillugit akiliisussanngorneq taamaallaat selskabit ilaannut "imaqanngitsunut" atavoq. Selskabinik inuussutissarsiummik ingerlatsinikkut annertuneru-sumik navianartorsiutissaqanngitsut, pingaartumik tassaapput selskabit inuussutissarsiummik ingerlatsinerminnik unitsitsisimasut imaluunniit inuussutissarsiummik ingerlatsinerat annikitsuinnaasoq. Taaguummulli aamma atatinneqarsinnaasunut aamma ilaapput selskabit tunisinerup nalaani annikigisassaannngitsumik inuussutissarsiornermik ingerlataqartut, kisiannili pisussaaffiliisumik isumaqatigiissuteqartoqarsimalluni inuussutissarsiummik ingerlatap aalajangeriigaasumik imaluunniit selskabimit pisisumilluunniit aalajangerne-qarsinnaasumik akilersillugu tunineqarsinnaaneramik.

Imm. 4-mut

Selskabip ilanngaattissat ilanngaatigereerlugit nalingata naatsorsornerani, tigussaasunik aningaasaliinertigullu pigisat aammalu piffissami akiligassat saniatigut, suikkaasuunngitsunik pisinnaatitaaffiit pigisallu naatsorsuutitut ilanngunneqanngitsut, ilaatigut akileraarutit akitsuutillu akiligassaasut kiisalu ingerlatanik unitsitsinermut aningaasartuutissatut ilimagineqartut eqqarsaatigineqassapput. Selskabip ilanngaattissanik ilanngaaseereerluni nalinganik naatsorsuinermi piffissami killiffigisami nalingamut naatsorsorneqassaaq. Akiliutip naleq taanna erseqqissumik qaangersimappugu, akisunaarineqarsimavoq.

Imm. 5-imut

Akiliisussanngornermut akisussaaffiup atuutsinneqannginnissaanik siumut neriorsuummik pissarsineqarsinnaavoq, aningaasanik piginneqataassutsinik tunisinnginnermi.

Akileraaruseriffik isumaqarpat paasissutissiissutigineqartut malillugit niuerneq inuup selskabimi, inuussutissarsiummik ingerlataqarnikkut aningaasatigut navianartorsior-sinnaanermut attuumassutaarussimasumi, aktianik 10 pct-imik sinnerlugilluunniit pigineqartup aktiaataanut tunngasuusoq, naatsorsuutigineqartariaqarluni niuerneq akisunaarinikkut pissasoq, selskabiullu tunisinerup nalaani akileraarutit akitsuutillu ersinngitsut akiitsullu akilersinnaanavinnikkai annikigisassanngitsumik ilimanarsinnaalluni, siumoortumik neriorsuinissaq qularnaveeqqusiinermik piunasaqaatitaqartinneqarsinnaavoq.

Taamaallaat qularnaveeqqusiunneqarsinnaapput obligationit pappiaqqanik aningaasanik nalilinnik niuerfimmi nalunaarsorsimasut, aningaasaliissuteqarneq

imaluunniit allatigut aarlerinangitsumik qularnaveqqusiinerit, akileraaruseriffiup aalajangiinera malillugu. Siumut neriorsuuteqarneq akileraarutinut akitsuutinullu ersinngitsunut tunisinerup nalaani naatsorsorneqarsinnaasunut tamarmiusunut aarlerinangitsumik qularnaveqqusiinissamik piunasaqaatitaqartinneqarsinnaavoq.

Akileraaruseriffiup paasisitsissutigineqartut malillugit akisunaarilluni niuerneq pissanngitsoq naliliippat, imaluunniit akisunaarineq selskabip imaarneqarneranik nassataqarsinnaasumik tunngaveqartinneqanngitsoq, siumut neriorsuineq tunniunneqarsinnaasarpoq akiliinissamut qularnaveqqusiinermik piunasaqaatitaqanngitsumik.

Inuk inuussutissarsiornikkut siunnersuisutut tunisinermi peqataasoq akisussaaqataanerminit kaanngarsinnaavoq, tunisineq sioqqullugu allakkatigut siumut neriorsuinissap qinnuteqaatigineratigut, tunisinissatullu eqqarsaatigisami paasisutissat pisariaqartitat ilanngukkunigit. Pineqartup siumut neriorsuinermit akileraaruseriffiup aalajangernissaa utaqqisariaqanngilaa. Tamatuma kingunerisaanik taama pisoqartillugu siumut neriorsuinermit piunasaqaatitut qularnaveqqusiinissaq aamma piunasaqaataasinnaanngilaa. Pineqartoq imminut isumagisumik akisussaaaffianit kaanngarsinnaavoq uppersarneqarsinnaappat pineqartoq tunisineq sioqqullugu allakkatigut siumut neriorsuinissamik qinnuteqarsimasoq, tunisinis-samilu eqqarsaatigineqartumi paasisutissat pisariaqartitat tamaasa qinnuteqaammut ilanngunneqarsimappata.

Siumut neriorsuineq kimilluunniit neriorsuinermit pisariaqartitsisumit pissarsiarineqarsin-naavoq, tassaakkajutartunit tunisisoq inuussutissarsiornikkullu siunnersuisutut tunisinermi peqataasoq,...

Taamaaliornikkut akileraaruseriffik niuernermik „pasinapiluttunik" siusinaartumik ilisimaarin-nilermissamut periarfissinneqartussaammat, akileraaruseriffiup siumut neriorsuuteqartoqas-saneranik apeqqummut tamatumunngalu piunasaqaateqartoqassaneramik aalajangiinera, paasisutissat, maliliinermit pingaaruteqartut, tamakkiisumik tiguneranniit qaammatit pingasut qaangiutsinnagit naammassineqareersimassaaq.

Imm. 6-imut

Siumut neriorsuinermit periuseq atorneqartussaqa pillugu nalunaarutikkut Naalakkersuisut sukumiinerusumik aalajangersaasinnaapput. Aalajangersakkallu Naalakkersuisut namminneq aalajangersinnaalersippai akileraaruseriffiup siumut neriorsuutaa maalaarutigineqarsinnaas-sanersoq, aammalu maalaarut taamaattoq kiap suliarissaneraa, assersuutigalugu allaffis-sornermi maalaaruteqartarfiup, Skatterådip imaluunniit suliamut tunngatillugu maalaarute-qarfissatut pilersitap.

§ 100-mut

Aalajangersakkap aningaasarsianit akileraarutit pillugit Inatsisartut inatsaanni atuuttumi § 80 assigaa.

Imm. 1-imut

Akilaraarutit aamma tapillitt, erniaallit kiffartuussinermullu akiliutit kommunimi akiliisit-siniartartunit imaluunniit akiliisitsiniartartumit Naalakkersuisunit akuerisaasumit akilersinniarneqarsinnaapput.

Akiliisitsiniartartut aamma akilaraarutit tiguniarneqartarnerat pillugit Namminersornerullutik Oqartussat nalunaarutaanni § 6 malillugu qularnaveeqqutitut sillimmasiitsineqarsinnaavoq, tamanna akiliiffissatut allagartami erseqqissumik nalunaarsimappat imaluunniit allakkatigut allatigut akiitsulimmut nalunaarutigineqarsimappat, aningaasat amerlassusii ullorlu akiliiffissaq kingulleq nalunaarutineqarlutik. Qularnaveeqqutitulli sillimmasiitsineq siusinnerpaamik pisinnaavoq ullormit piffissaagallartillugu akiliiffissamit kingullermit sapaatip akunnerata ataatsip, tassalu ullut arfineq marluk qaangiunnerani.

Imm. 2-mut

Qularnaveeqqutitut sillimmasiitsiniarneq akileraartussaataasumit namminermit iluatsinngitsumik misilinneqarsimappat, taarsiullugu akileraartussaataasup meeraasa pigisaannik sillimmasiitsineqarsinnaavoq, pigisat taakkunanngalu erniasiat § 5, imm. 2 malillugu angajoqqaajusuni akileraaruserneqarpata.

Akilaraarutissanik ilanngaasussaataasup akilersimanngisaanut qitornanit qularnaveeqqutitut sillimmasiitsineqarsinnaanngilaq.

§ 101-imut

Aalajangersakkap aningaasarsianit akilaraarutit pillugit Inatsisartut inatsaanni atuuttumi § 81 assigaa.

Imm. 1-imut

Imm. 1-imi aalajangersakkap kinguneraa akileraartartup akilaraarutissat piffissaq eqqorlugu akilerimanngippagit, akileraartartup sulisitsisua akissarsianit akilaraarutit A-t ilanngaatigereerlugit 30 pct-imik ilanngaateqaqqullugu peqquneqarsinnaavoq. Aningaasat pineqartut erniaat, tapiissutit akitsuutillu ilanngullugit naatsorsorneqassapput.

Akissarsianit ilanngaassinermi piumasaqaataanngilaq iluatsinngitsumik qularnaveeqqutitut sillimmasiitsiniartorqarsimanissaa. Taamattaaq akissarsianik ilanngaassinermut akileraartartup ilanngaasussaataasulluunniit akiliisinnaajunaarsimasutut nalunaarutigineqarsimanera, akuerineqartariaqartumilluunniit isumaqatigiissuteqartoqarsimanera akiitsunilluunniit aaqjissuusseqqinnerup aallartinneqarsimanera, akornutaanngilaq.

Ilanngaassineq akissarsianik pisassarisanit tamanit piumasarineqarsinnaavoq, piffissami sulisitsiup ilanngaanissaanut peqquneqarnerani suli akilerneqarsimanngitsunit. Tamatumunnga aamma pineqarput siumoorluni akiliutit tamarmik.

Ilanngaassinissamik peqqussut imm. 1 naapetorlugu allakkatigut nalunaarutigineqassaaq. Aningaasat ilanngaatigineqartut akileraaruseriffimmut akilernerqassapput akileraarutit A-nik ilanngaatigisanut malittarisassat atuuttuusut malillugit. Ilanngaassinermut peqatigitillugu ilanngaassinissamut pisussaaffeqartup akissarsiaqartoq aningaasat ilanngaatigineqartut pillugit nalunaarfigissavaa.

Imm. 2-mut

Aalajangersakkap kinguneraa naalagaaffimmi, Kalaallit Nunaanni Namminersornerullutik Oqartussani kommuniluunniit tjenestemanditut atorfeqartut akissarsiaannit ilanngaassiso-qarsinnaanera, allatigut inatsiseqartitsinermit allaanerusunik aalajangerssagaqaraluar-palluunniit.

Imm. 3-mut

Aalajangersakkap nassataraa akiitsoqartoq akissarsianit ilanngaassinissamik piunasaqaateqaataasimasooq, piunasaqaatip tiguneqarnerata tanalaani sulisitsisumi pindqartumi sulisinneqanngippat, sulisitsisup akileraaruseriffik tamanna pillugu nalunaarfigis-savaa ullut tallimat qaangiutsinnagit. Taamatuttaaq sulisitsiup suliunnaarnermiit ullut tallimat qaangiutsinnagit akileraaruseriffik tamanna pillugu nalunaarfigissavaa, tamanna sioqqullugu sulisitsisup ilanngaassinissamik qinnuteqaat tigusimappagu, akileraarutinullu kinguaattoorutit pineqartut suliunnaarnerup nalaani naammassineqarsimanngippata.

Imm. 4-mut

Akissarsiat il.il. saniatigut ilanngaasivigineqarsinnaapput utaqqiisaasumik aningaasarsiat, soraarnerussutisiat allatigulluunniit ikiorsiissutinit naalagaaffiup aningaasaateqarfianit, landskarsimit, kommunit karsiinit, pisortat allat karsiinit imaluunniit namminersortut karsiinit akilernerqartut, kiisalu tunisat akii, Kalaallit Nunaanni aalisarnermit, piniarnermit, aallaaniarnermit, savaateqarnermit sanalunnermillu tunisatigut pissarsiarineqartut.

Imm. 6-imut

Imm. 6-imi aalajangersakkap kinguneraa ilanngaasseqqusisoqarsinnaasooq akileraarutit A-tut akileraarutaasinnaasut ilanngaatigereerlugit akissarsiat amerlanerpaamik 30 pct-iinik. 30 pct-it amerlanerpaaffiliinerinnaapput. Akornutissaqanngilaq akileraaruseriffiup procenti appasinnerusooq atussappagu, ataatsimut nalileereernermit akiitsullip aningaasaqarnikkut atugarisaasa tamannaa inassutigintartippagu.

Imm. 7-imut

§ 76, imm. 3-mut oqaaseqaatit innersuussutigineqarput.

Imm. 8-mut

§§-inut 81, imm. 5-imut, 82-imut, 93-imut, 100-mut aamma § 105-imut oqaaseqaatit innersuussutigineqarput.

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 101 assigaa.

Aalajangersakkap eqqunngitsunik salloqittaataasunilluunniit akileraaruseriffiup inuup pineqartup allalluunniit akileraartussaananeramik, akileraaruserneqarnerani akileraarutinillu naatsorsuinermit atugassaanik paasissutissiineq pinerlunnertut inissippaa.

Piaaraluneermik oqarneq danskit pillaasarneq pillugu inatsiseqartitsinermit nalingin-naasumik piaarinermit oqartarnerup isumaqatigaa, taamatullu aamma peqqarniitsumik piaaraluneermik oqarnermi.

Akileraarutissanik akiliinngitsoortarneq nalinginnaasumik piviusunngortarpoq pisortanut isertitassanik annaasaqartitsinikkut, ukiumi isertitaqarfiusumi eqqunngitsunik putusaarutaasinnaasulluunnilu paasissutissiiffiusumi. Unioqutitsineq pisarpoq paasissutissat eqqunngitsut putusaarutaasinnaasulluunniit tunniunneqarneranni, piviusunngortitsinermit piffissaq siuartinneqartarmat. Nammineerluni nalunaarsuinermit kukkusumik amigartumillu tunniussinermit atatillugu tamanut tunngasumik sillimaqqusinerit pingaaruteqartinneqan-ngillat.

Eqqunngitsuliorneq nalinginnaasumik pisarpoq nalisarsiorlumik paasissutissat eqqunngitsut tunniunneqarnerini, pisariaqartumik siunertaqartumik toqqorterinertaqartunik pinerluuteqartup qularnaatsumik eqqunngutsuunerannik ilisimaarinninnerani eqqunngitsuu-sorinninnginnerinnaanilluunniit. Pineqaatissiinissamut piunasaqaataangilaq paasissutissat eqqunngitsut pineqartut akileraaruseriffimmut putusaarutaasinnaanissaat.

Paasissutissat putusaarutit pisarput, paasissutissat imminni eqqunngitsuunngitsut anngius-sinermit tamakkiisuunngitsumillu paasissutissiinermit ilaartorneqaraangata, ataatsimoorlutik akileraaruseriffimmit ukapaatitsinermit kinguneqartumik.

§ 103-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 102 assigaa.

Akileraaruseriffiup akileraaruseriffimmit nakkutilliinerani atugassaanik piaaraluni peqqar-niitsumillu mianersuaalliornikkut paasissutissanik eqqunngitsunik tunniussaqaarneq aammalu paasissutissiinissamut pisussaaffeqarnermit allatigullu pisussaaffinnik, akileraartartumut allanullu, Inatsisartut inatsisaanni matumani paasissutissiinermit allajangersakkat arlaqartut malillugit, peqqussutigineqartunik naammassinninnginneq aalajangersakkami pinerlunnertut inissinneqarpoq.

Imm. 1 atornerarnerusarpoq sulisitsisut akissarsiat allagartaannik eqqunngitsunik tunnius-sineranni.

Imm. 2-mi aalajangersagaq Inatsisartut inatsisaat manna malillugu pisussaaffiit assigiinngit-sorpasuit inunnut, selskabinut il.il., akileraaruseriffiup suliainik ingerlatsinerminut atugassaanik tunniussinissat pisussaaffigitinneqartut eqquutsinneqannginnerinut pillaa-tissiivoq. Aalajangersakkami paasissutissat, piumaffigineqanngikaluarluni akileraaruserif-fimmut nalunaarutigineqartussat, paasissutissallu piumaffigineqarnermi aatsaat akileraaruseriffimmut tunniunneqartussat pineqarput.

§ 104-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 106 assigaa.

Aalajangersagaq akileraartarnikkut pinerluuteqarnermi akisussaaffeqarneq pillugu malittarisassanik imaqarpoq. Aalajangersagaq malillugu suliffeqarfiup akileraartarnermi pinerluuteqarnerani akiliisitaanermut suliffeqarfimmik piginnittoq akisussaaffilerneqarpoq, suliffeqarfimmik piginnittup piaaraluni peqqarniitsumilluunniit mianersuaalliorsimanissaa piumasaqaataanani. Taamatutaaq tamanna selskabinut, piginneqatigiinnikkut ingerlatsivinnut assigisaannullu atuuppoq.

Akiliisitaanermut akisussaaffeqarnikkut siunertarineqartoq tassaavoq ersinngitsumik uppersaaserneqarsinnaanngitsumilluunniit angusaqarniarnerup eqqorneqarnissaa, aammalu akisussaaffeqarneq, inatsimmik unioqqutitsinerup qaangerneqarnera aningaasatigut iluaqutis-sartaqarfiusumik inissinniarlugu.

Aalajangersagarli akornutaanngilaq taarsiullugu akisussaaffiup akisussaavittumut inissinneqarnissaanut. Pingaartumik selskabini amerlanerpaamik aktiaateqarfiusuni amerlanerpaamik aktiaateqartup ulluinnarni ingerlatsinermut aqutsisuuffigisaani akisussaassuseq tassunga inissinneqarsinnaassaaq § 102-ip toqqaannartumik atorneratigut.

§ 105-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 107 assigaa, taamaattorli atuisinnaanermut akileraarutit aamma ilaatinneqalerlutik.

Imm. 1, nr. 1-imut

Akileraarutit A-t, iluanaarutisianit imaluunniit atuisinnaanermut akileraarutit kingusinaartumik ilanngaatigineqarsimaneri imaluunniit ilanngaatiginngitsoorsimanerini aalajangersakkami pinerluuteqarnertut inissinneqarput.

Ilanngaassinngitsoornermut atatillugu piaaraluni imaluunniit peqqarniitsumik mianersuaa-lliornermik piumasaqaateqarpoq. Taamatut piaaraluneertoqarnissaanik

piumasaqaateqarneq ilanngaassinngitsoornermi peqqutissaqarluni pinermut paarlaaneqassanngilaq. Ilanngaassin-ngitsoorneq aningaasaqarnikkut ajornartorsiuteqarnermik imaluunniit pissutsinik allanik peqquteqaralaruni pineqaatissiinermit inuk nammineq pisuuvoq. Ilanngaasisussaatitaasup aningaasaatai "ilanngaaseereerluni akissarsianik" il.il. akiliinissamut naammaannarpata, tamanna tunngavigalugu ilanngaasisussaatitaasoq ilanngaassisariaqarpoq sinnerilu kisiisa tunniullugit.

Piaarisoqarneranik naliliinermi naammappoq ilanngaasisussaatitaasup ilanngaassinngitsoorneq ilisimappagu, ilanngaasisussaatitaasoq kingusinnerusukkut ilanngaassin-ar-sarisimagaluarpuunniit.

Imm. 1, nr. 2-mut

Akileraarutit ilanngaatigereersimasat akilinngitsoornerat aalajangersakkami pinerluute-qarnertut inissineqarpoq. Tamatunnga tunngavigisaq ilanngaasisussaatitaanerup naammas-sineqarnissaata inuiqatigiit aningaasaqarniarnerat ataatsimut isigalugu pingaaruteqarluin-narneranut sanillunneqassaaq.

Piaaraluneersimanissamik peqqarniitsumilluunniit mianersuaalliorsimanissamik piunasa-qaateqarpoq, taamatullu naatsorsuutiginninnermik piunasaqaateqarneq akiliinngitsoor-nerinnarmut atatinneqassaaq tamatumunnga tunuliaqutaasumut tamatumaniluunniit pisimasunut atatinneqarani. Tamatumanissaaq piaaraluneermermut tunngatillugu aalajangersagaq akiliinngitsoornermut pissutaasunit immikkoortisimasariaqarpoq.

Imm. 1, nr. 3-mut

Aalajangersakkagaq isertitat A-t akilerneqarsimasunut akileraarutinillu A-nik unerartitat, iluanaarutisiat tunniunneqarsimasunut taakkunangaluunniit pisassanngortinneqarsimasunut kiisalu iluanaarutisianit atuisinnaanermullu akiliutinit akileraarutit pillugit nassuiaatinik nassiussinngitsoornermut tunngassuuvoq.

Imm. 1, nr. 4-mut

Aalajangersakkami ilaatinneqarput piaaraluni imaluunniit peqqarniitsumik mianersuaalliorluti ilanngaatigisimasat pillugit nassuiaateqarneq. Naatsorsuutiginninnermik naliliinermi pingaartumik paasissutissiissutit oqartussaasunik paatsuisitsisinnaanersut eqqarsaa-tigineqassaaq. Taamaattunik allannerliuinerit annikitsutigullu pissusissamisuunngitsut akisussaassuseqalersitsinngillat. Taamatullu aamma tamanna atuuppoq ilanngaasussaatitaasoq piffissap naammaginartup iluani eqqunngitsut naqqiissuteqarfigippagit.

Imm. 1, nr. 5-imut

Aalajangersagaq soraarnerussutisiaqarnissamik aaqqiissutit akilerarnikkut iluaqutissartallit piffissaanngitsukkut atorunnaarsinneqarnerinut atatillugu akileraarutinik ilanngaannngitsoor-simanernik pinerluuteqarnertut inissiivoq.

Aammalu § 105, imm. 1, nr. 1-imut oqaaseqaatit innersuussutigineqarput.

Imm. 1, nr. 6-imut

Aalajangersakkap soraarnerussutisiaqarnissamik aaqqiissutit akileraarnikkut iluaqutissartallit piffissaanngitsukkut atorunnaarsinneqarnerinut atatillugu akitsuutinik akiliinngitsoornermik pinerluuteqarnertut inissiivoq.

Aammalu § 105, imm. 1, nr. 2-imut oqaaseqaatit innersuussutigineqarput.

Imm. 2-mut

Aalajangersakkagaq inunntut inatsisitigut akisussaasunut § 105, imm. 1-imik unioqqu-titsinerini akisussaaffiliinissamut tunngavissiivoq. Inummut inatsisitigut akisussaasumut pineqaatissiinissamut piumassaqaataavoq pineqartoq sulisitsisut nalunaarsuiffiani ilanngaassisussaatitaasutut nalunaarsimasoq imaluunniit minnerpaamik taama taamaattumik nalunaaruteqarnissamut pisussaasoq.

Tamatuma saniatigut naatsorsuutigineqarpoq inuk inatsisit malillugit akisussaasoq pineqartoq atuuttuusumik pilersinneqarsimassasoq ingerlatseqatigiifinnut peqatigiifinnullu malittari-sassat malillugit nalunaarsorneqarsimalluni. Nalunaarsorneqarnek pisimatinnagu pineqaatis-siinerit taamaallaat pilersitsisunut inuttut akisussaassuseqarnek tunngavigalugu atuutsin-niarneqarsinnaapput, taakkua aktiat tunngavigalugit aktieselskabit pillugit inatsimmi § 12-umi pillarneqarsinnaalernissami piumasaqaatit naammassisimappatigit.

Aalajangersakkap atorneqarnerani inummut inatsisitigut akisussaasumut suliap ingerlanerani sinniisaanut tunngatillugu, imaakkajuttarluni siulittaasumut, nalunaarut imaluunniit unnerluussut suliarineqassaaq.

Aalajangersakkamik atuinerup taarsiullugu imaluunniit aamma inuttut akisussaassuse-qarnerup akisussaassutsimik pissutsit atuuttuusut tunngavigalugit pigisaqartumut imaluunniit inummut aktianik pigisaqarnikkut assigisaasigulluunniit aalajangiisuusumut inuttut akisussaassuseqarnermik atuutsitsiniarnissamut mattussisuunngilaq. Taarsiutaasumik ilassutaasumilluunniit inuuttut akisussaassuseq atorneqartarpoq pingaartumik piaarluni inatsimmik unioqquutitsineqarsimatillugu. Inatsimmik unioqquutitsineq selskabimi aktiaateqarnerpaasoqarfiusumi aktiaateqarnerpaajusup ulluinnarni aqutsisuuffigisaani piliarineqarsimappat, ingerlatseqatseqatigiiffik amerlanerpaanillu aktiaateqartoq immikkoortinneqassapput, akisussaassuserlu inummut taamaallaat tutsinneqarluni. Taamatut immikkoortitsinermut tunngavisoq tassaavoq selskabip ilusaa inuttut pillagaanissamut akisussaassuseqarnermik saneqqutsiniarnermut atorneqannginnissaa.

Imm. 3, nr. 1-imut

Aalajangersagaq ilanngaassissuteqartoqarsimanngivinneranik aammalu akissarsiaqartuusup akileraartarnermi kortiata kaammattuutigisaanit ikinnerusunik imaluunniit akileraartarnermi kortimik tunniussineqarsimannginnerani 45 procentimik ikinnerusunik ilanngaassisimanermik pinerluuteqarnertut inissiivoq.

Aalajangersakkap akissarsiaqartup ilanngaassinngitsoornermik ilisimasaqarnissaa piunasaqaatigaa, unioqquitsitsinerup taannartaanut atatillugu mianersuaalliorneq pineqaatissiissutigineqarsinnaanani. Pineqaatissinneqarsinnaavorli akissarsiaqartup unioqquitsitsinerup immikkoortuinut allanut tunngatillugu, soorlu akiliuteqarneq ataatsimut isigalugu, mianersuaalliorsimappat. Ilangaassinnginnermulli piaaraluneertoqarsimanersoq paasineqartariaqarluni.

Imm. 3, nr. 2-mut

Aalajangersagaq paasissutissanik akileraaruseriffimmut eqqunngitsunik salloqittaataa-sunilluunniit, akissarsiaqartup akileraartarnermut allagartaanut allanneqartunik taamaattumillu ilanngaassuinnermut tamatumaluunniit annertussusianut aalajangiisunngortunik, isertitaqar-nermut tunngasunik tunniussinnermik pinerluttuliornertut inissiivoq.

Paasissutissat taamaallaat aalajangersakkanut matuma kinguliini taaneqartunut ilaatinneqartut suliaasiissuteqarnermut tunngaviusinnaapput. § 75, imm. 4 aamma 5 oqartussaasut isertitaq pineqartoq akileraarusigassaneranik aalajangiinera, § 79, imm. 6 siunissami ilanngaassuif-figineqannginnissaq aamma § 84 akiliisitsiniarnerup ilusilerneqarnera, pineqartoq A-nik aamma B-nik akileraartartuuppat.

Imm. 3, nr. 3-mut

Aalajangersakkap soraarnerussusiassanik aningaasaateqarfimmik imaluunniit inuunermut soraarnerussutisiassanulluunniit sillimmasiisarfimmik aaqqissuussinerup ilanngaateqar-nissamut piunasaqaataasunik naammassinnikkunnaarneranik kalerriinnginnerit pinerluttuliornertut inissippai.

§ 106-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 108 assigaa.

Aalajangersagaq § 102-imiit § 105-imut unioqquatinneqarnerisa allaffissornermi aalajangiivigineqarsinnaanerannut tunngavissiivoq.

Imm. 1-imut

Suliaq allaffissornikkut taamaallaat naammassineqarsinnaavoq unnerluutigineqartup pisuussuteqarnini nassuerutigippagu piunasaqaatit nassuiaatigineqartut tunngavigalugit aamma akiliisitsissutissaq taaneqartoq akilissallugu pisussaaffigalugu akuersippat. Unnerluussap soorlu assersuutigalugu suliap naammassiaarnissaa pinerullugu akiligassiissut akilerniarlugu akuersippat, kisiannili pisuunini akuerinagu taava suliap naammassinissaanut tunngavissaarutissaq.

Akiligassiinnermik allaffissornikkut aalajangiineq imatut paasineqassaaq akileraaruseriffiup aamma unnerluunneqartup akunnerminni isumaqatigiissuteqarnerattut. Unnerluutigineqartup isumaqatigiissut taamaattoq peqataaffigerusunngippagu imaluunniit akileraaruseriffimmit saaffiginnissut tamatumunnga tunngasoq iliuuseqarfiginngippagu, suliaasaq Kalaallit Nunanni

Politimesterimut ingerlateqqinneqassaaq unnerluussissummik suliaqarnissaq piunertaralugu.

Imm. 2-mut

Akiliisitsinissamut piunertaralugu eqqartuussisarneq pillugu inatsimmi kapitali 5-imi unnerluussutitut piunertaralugu naammassisimassavai. Maannakkut eqqartuussisarneq pillugu inatsit unnerluussutitut ilusilernissaanut imaluunniit imarisaanut toqqaannartunik piunertaralugu-tinik imaqqanngikkaluartoq, nalunaarut pasineqartup erseqqissumik taaneqarnerata saniatigut suliamik imatut allaaserinninneqassaaq pisimasup qangaa sumilu pisimaneranik erseqqis-sumik ersersitsisumik. Aammattaaq nalunaarut aalajangersakkanik unioqqutinneqarsimasin-naasunik aammalu unioqqutitsinernut taamaattunut pineqaatissiissutit pillugit aalajangersak-kat suut atornerqarnissaannik erseqqilluinnartunik imaqqassaaq.

Imm. 3-mut

Unnerluunneqartup akileraaruseriffiup akiliisitsinissamut piunertaralugu akuerippagu tamanna isumaqarpoq akisussaannermut apeqqutip aalajangerneqarneranik, taamaalilluni akilisitsinerup eqqartuussiviit aqqutigalugu suliarinnissaagaluq atorunnaarsissavaa.

Naalakkersuisut Akileraarnermut Pisortaqarfiup pisortaqarfittut immikkoortortaqarfia pisinnaatissagaat naatsorsuutigineqarpoq allaffissornikkut akiligassiinernik suliat aalajangiiviginissaannut.

§ 107-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 109 assigaa.

Aalajangersakkap kingunera tassaavoq pineqaatissinneqarnissamut akisussaaffik pisoqalisoorimappat kiisalu § 102 malillugu akileraarnissamut inatsimmik unioqqutitsisimaneq ingerlanneqartoq utaqqisinneqartorluunniit suliaassappat, akileraartartup pisussaaffigaa akileraarutitut tapiliussa qaqarsissatut akilinniitsuukkatut annertutigisoq akilissallugu.

Naak aalajangersagaq pineqaatissinneqarnermut tunngasuunngikkaluartoq oqaasertaanit erserpoq nalinginnaasumik pineqaatissinneqarnermut aalajangersakkat naammassineqarsimasaria-qartut. Aalajangersakkap peqataanermut akisussaaneq ilaatinngilaa.

Taamatuttaaq § 108, imm. 5, 6 aamma 7-imi aalajangersakkanut atuuppoq.

§ 108-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 110 assigaa.

Kalaallit Nunaanni pinerluttulerinermi inatsimmi § 129 malillugu pineqaatissiinerit naammassineqarsinnaanngillat eqqartuunneqarsimasup toqkkut qimagutereernerani.

Qimagaasup kingornussisitsisup pineqaatissiissutitut tunngasumik suliap nammassine-qannginnerani toqkkut qimagunneratigut eqqunngitsumik aningaasatigut iluanaarute-qarnissaa pinngitsoortinniarlugu, aalajangersakkap taamatut pisoqartillugu immikkut malittarisassat aalajangersarpai.

Imm. 1-imut

Aalajangersakkap naqissuserpaa, toqkkut qimaguttoq ikippallaanik akileraarsimappat, taava qimagaasut akileraarutitut akiligassat tamarmik assigiimmik pisussaaffeqarlutik akiligas-sarilissavaat, kingornussarsisimanertik imaluunniit kingornussarsisaminnik siumoortumik tigusaqarsimanertik naapertorlugu. Aappaasoq qimagaasoq aamma pigisanik imm. 7 naaper-torlugu pigisanik qimatanik tigusaqarsimanini naapertorlugu akiliinissamat pisussaaffeqarpoq.

Imm. 2-miit 4-mut

Imm. 2-mi aalajangersakkap naqissuserpaa, toqkkut qimaguttup § 102 unioqutissimappagu, pisimasumulli pineqaatissiissutaasinnaasunik aalajangiineqarsimananilu naammassininne-qarsimanani, pigisanik qimatat kingornussarsisussalluunniit ilassutaasunik akileraarutitut isertitat akileraarutaasimannigitsut akileraarutissaattut amerlatigisunik akiliinissamat pisussaassapput. Pineqaatissiissummik aalajangiineqarsimappat ilaannakuusumik naammassineqarsimasumik, ilassutaasumik akileraarutit tamatumunnga naapertuuttumik appatinneqassapput. Akiliisitaaneq pineqarput, ilassutaasumik akileraarut toqkkut qimaguttup akiliisitaassutaasumik akilersimasaalu kationerisa, isertitanit akileraarutaasimann-gitsunit annertussusiat imaluunniit akiliisitaanerup annertussusiat qaangersimassanngilaat, takuuk imm. 3.

Aamma § 105-imik unioqutitsineq peqqarniitsumik mianersuaalliornermut tunngasoq aammalu § 108-mik mianersuaalliornermik, tamatumani mianersuaalliornerinnaasumik patsiseqartumik unioqutitsineq aamma ilassutaasunik akileraarusiivoq.

Imm. 5-imut

Pigisanik qimatanik suliaqarnermit imaluunniit kingornussarsisussanit ilassutaasumik akileraarutitut piunasaqaat piunasaqaatilluunniit annertussusia akueriumaneqanngippat, suliaq eqqartuussisarneq pillugu inatsimmi kapitali 5-imi malittarisassat malillugit suliarineqassaaq, tassalu imaappoqpinerluttulerinermi sulianik suliaqarnermut malittarisassat, takuuk imm. 5. Akileraaruseriffik Kalaallit Nunaanni Politimesteri suliamik aallartitseqqullugu qinnuigineqarnissanut piffissaliussamik aalajangiisinaavoq.

Imm. 6-imut

Pissutsit immikkut ittut ilaliilluinnarpata akileraaruseriffik tamakkiisumik ilaanakortumilluunniit akileraarutitut ilassutinik akiliisussaajunnaarsitsisinnaavoq.

Imm. 7-imut

Aalajangersakkap kinguneraa, kingornussarsisussat qimagaasullu akiliisussaanerannut tunngatillugu kiisalu toqukkut qimaguttup akiitsoqarfiinik aggersaanermut § 78-imi malittarisassat atuunnerat.

Imm. 8-mut

Akileraaruseriffiup paasissutissat tamaasa piniarsinnaavai, pisortat pingaaruteqartutut isigisaat pigisanik aguaassisarnermut eqqartuussivimmit, pigisanik nalilersuisumit kingornussarsi-sussalluunniit namminneerlutik agguaassinerannit, toqukkut qimaguttup appasippallaamik akileraarusigaasimanera paasiniarnerani.

Kingornussisussat pigisanit pissarsisussat taamatut piumasaqarneq malikkumangippassuk tamanna pillaatitut ullormut akiliutinik peqquisssuteqarnikkut pinngitsaaliiniutigine-qarsinnaavoq.

Kingusinnerpaamik nalunaarnissamut malittarisassat malillugit akileraaruseriffik nalinginnaasumik pisoqarsimappat toqusoqarsimatillugu qaammatit pingasut qaangiutsinnagit qimagaasunut pigisanik qimatanik suliaqarnermut nalunaartussaapput akileraarutitut iluarsiissutinik imaluunniit ilassutaasunik akileraarutitut piumasaqarnermut saqqummiusineqassanersoq. Akileraaruseriffik eqqartuussivimit naatsorsukkamik tigusaqarsimaguni imaluunniit nammineerluni nalunaarusiamik qimagaasunit, qaammammik ataatsimik toqusoqarsimanerata kingorna, tigusaqarnermiit qaammatit marluk qaangiutsinnagit, taava akileeqqittoqarnissaa imaluunniit akileraarutitut ilassutissatut akiligassat piumasaqaataanerat qimagaasunut nalunaarutigineqassaaq.

Akileraaruseriffiup piffissaq qulaani taaneqartup qaangiutinnginnerani suliaq paasiniaavigisimappagu, pigisanik qimatanik suliaqartut paasissutissat kissaatigineqartut piniarlugit piumasaqaatip tiguneraniit qaammatit marluk qaangiutsinnagit ilisimatinneqassapput akileraaruseriffik akileraarutitut aaqqiissutinik ilassutaasumilluunniit akileraarutitut piumasaqaateqarniarnersoq.

Piffissamut killissarititaasut taaneqareersut qaangiutsinnagit pigisat nalunaarsorneqarnerat naammassineqaqusaanngilaq Akileraaruseriffiup nalunaarutigisimangippagu taamatut piumasaqaateqartoqassanngitsoq.

Akileraaruseriffiup piffissamut killissarititaasut malinngippagit qimagaasunut aammalu kingornussisussaasunut akisussaaffik tamarmi atorunnaassaaq.

Imm. 9-mut

Aalajangersakkap kinguneraa eqqartuussiviit pisussaaffitsik naapertorlugu akileraaruseriffik ilisimatissagaat kingornussisarnermut inatsit malillugu

naatsorsukkat imarisaannik, tamanna pissaaq kingornussassatut qimatat minnerpaamik 50.000 koruuninit annertuneruppata.

§ 109-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 111 assigaa.

Imm. 1-imut

Aalajangersakkap kinguneraa maleruagassanik aalajangersakkanik, Inatsisartut inatsisaat tunngavigalugu pilersinneqartunik unioqqutitsinernut akiliisitaanermik aalajangiinernut malittarisassat aalajangersaasoqarsinnaanera.

"Unioqqutitsinermik" oqarneq annertusisamik paasineqassaaq. Oqariaaseq iliuitsip iliuseqannginnerulluunniit aalajangersakkanut pineqaatissiissutigineqartunut naapertuutinnngiffiini pisartunut ataatsimut taaguutaavoq. Assersuutigalugu peqqussutinik malinninnginneq unioqqutitsinermik oqarnermi pineqartunut ilaavoq.

Imm. 2-mut

Aalajangersakkap kinguneraa inatsisitigut akisussaassuseqartut aamma taamaattuusutut maleruaqqusanik unioqqutitsinermut akiliisitaanermik pineqaatissinneqarsinnaanerat.

Kommunit suleqatigiiffiat, kommunalbestyrelsit nunaqarfinnilu aqutsisut il.il. pillugit Inatsisartut inatsisaanni pineqartunut ilaasoq, suleqatigiiffiupput, kommunalbestyrelsit nunaqarfinnilu aqutsisut il.il. pillugit Inatsisartut inatsisaanni nr. 20, 3. november 1994-imeersumi kingusinnerusukkat allanngortinneqartumi § 64-imi pineqartut ilagaat. Aalajangersakkami § 64-imut innersuussineqanngilaq, naatsorsuutigineqarmat qanittukkat ilusiliinermik kommuninillu aaqqissusseqqinnermut atatillugu kommunalbestyrelsit nunaqarfinnilu aqutsisut il.il. pillugit Inatsisartut inatsisaat allannguuteqassasoq.

§ 110-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 112 assigaa.

Aalajangersagaq tunngavigalugu politiinit ikiorseqqunissaq qinnutigineqassappat piunasaqaataavoq § 102-miit § 106-imut unioqqutitsisoqarsimaneranik akileraaruseriffiup pasitsaasaqarsimanissaa.

Akileraaruseriffik akileraartarnermut tunngatillugu pinerluttoqarsimatillugu annertunerpaamik namminneerlutik misissuisaaq, misissuinerup ingerlanneqarnerata nalaani politiit akuliutsinnagit. Misissuinerup nalaani politiit ikiorsiisarnarat nalinninnaasumik tassaagajuttarpoq uppernarsaatiniq ujarlernissamut akuersissutinik pissarsiniarnermi ikiuneq, uppernarsaatissanik ujarlernermik

ingerlatsineq uppersaatsissanik naatsorsuuserinermut tunngasunik pappiaqqanillu allakkanillu attuumassuteqartunik allanik pissarsinissaq siunertaralugu.

Uppersaatinik ujarlerneq politiinit ingerlanneqartarpoq akileraaruseriffimmit peqataaffigineqartumik. Uppersaatsissanik ujarlerneq naammassineqaraangat ingerlanne-qareeraangat pissarsiarineqartut nalinginnaasumik akileraaruseriffimmut tunniunneqartarput, tamatumani misissuinissaq, kukkuniuinermi suliamik nalunaarusiornissaq akileraarute-qaataasussanillu aningaasarsiat akileraarutaasimangitsut naatsorsornissaat siunertaralugu.

§ 111-mut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 113 assigaa.

Aalajangersakkap kinguneraa, pillaatit akiliisitsissutit allaffissornikkut aalajangerneqartut aammalu isumaqatigiissutigineqartut imaluunniit eqqartuusisoqarneratigut aalajangerne-qaartut § 82, § 88, § 92 aamma §§-it 102-imiit 109-mut unioqqutitsinernut tunngasut, landskarsimut nakkartinneqarnissaat.

§ 112-umut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 117 assigaa.

Naalackersuisut malittarisassanik aalajangersaasinnaapput inuit, suliffeqarfiit aamma peqatigiiffiit il. il. akileraartussaatanut allattorneqarnissaannut malittarisassanik. Akileraartussaatat allattorsimaffii tassaapput inunnik, selskabinik peqatigiiffinnillu il.il., Kalaallit Nunaanni ukiumut aalajangersimasumut akileraartussaataasut allattukkat.

Malittarisassat taaneqartut akileraartussaatat allattorsimaffii pillugit nalunaarummi nr. 26, 28. november 1996-imeersumi aalajangersarneqarput, taassumalu ingerlateqqiinnarneqarnissaa naatsorsuutigineqarpoq kinguneqartitsinermi allannguutissat allannguutigitiinnarlugit.

§ 113-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 118 assigaa.

Naalackersuisut malittarisassanik aalajangersaasinnaapput, nammineerluni nalunaarsuiffik erseqqinnerusumik piumasaqaatitaqartumik uppersaatinik, akileraartussaataasup isertitaqarneranut piussutinillu pigisaqarneranut tunngasunik

taamaallaat tunngasunik, taarserneqarsinnaanissaa pillugu erseqqinnerusumik malittarisassaliorsinnaapput.

Aalajangersagaq imatut atorneqarpoq, akileraartartut nammineerluni nalunaaruteqarnermiinni immersugassami nalunaaruteqarsinnaallutik B-nik, akileraarutaasussaangitsunik B-nik isertitat sinnernagit isertittaqarlutik imaluunniit aningaasartuuteqarsimanatik ilanngaat aalajangersimasoq qulaallugu.

§ 114-imut

Aalajangersakkap aningaasarsianit akileraarutit pillugit Inatsisartut inatsisaanni atuuttumi § 119 assigaa.

Imm. 1-imut

Imm. 1-imi aalajangersakkap kinguneraa Naalakkersuisut illuatungeriit imminnut assigiimmik pinissaat apeqqutaatillugu marloriaammik akileraartannginnissamut isumaqatigiissuteqarsin-naanngornerat Danmark-imut, Savalimmiunut aamma naalagaaffinnut allanut.

Periarfissaqarneq tamanna Naalakkersuisut marloriaammik akileraartannginnissamut isumaqatigiissuteqarnermikkut Danmark-imut, Savalimmiunut, Island-imut aamma Norge-mut atorsimavaat. Kingusinnerusukkut naatsorsuutigineqarpoqn Sverige-mut, Canada-mut aamma USA-mut isumaqatigiinniarnert aallartisarneqassasut.

Imm. 2-mut

Nr. 1-imi aamma nr. 2-mi aalajangersakkat kinguneraat marloriaammik akileraartannginnis-samut isumaqatigiissumi isumaqatigiissutaasimasumi aammattaaq ilaatinneqarsinnaasut illuatungeriit imminnut assigiimmik pillutik ikioqatigiissinnaanerannut malittarisassat, tamatumani pineqarlutik misissuinissamut paasisutissat aamma akileraarutininik akiliisitsineq.

Nr. 3-mi aalajangersakkap kinnguneraa, marloqiusamik akileraartannginnissamut isumaqatigiissummi isumaqatigiissutaasimasumi aammattaaq ilaatinneqarsinnaasut illuatungeriit imminnut assigiimmik pillutik akileraarutininut A-nik ilanngaassisarnermut tunngasunik malittarisassat.

Imm. 3-mut

Danmarkip aamma Savalimmiut imaluunniit nalagaaffiit allat pineqartut akornanni marloriaammik akileraartannginnissamut isumaqatigiissutini isumaqatigiisutigineqarsimasuni aamma illuatungeriit imminnut assigiimmik pillutik suliaassani akileraartarnermut tunngasuni aammattaaq Kalaallit Nunaat peqataatinneqalersinnaasoq.

§ 115-imut

Imm. 1-imut

Siunnersuutigineqarpoq Inatsisartut inatsisaat 1. januar 2007-imi atuutilissasoq, sunniute-qartumillu atortussanngortinneqassalluni ukioq aningaasarsiorfik 2007 aallarnerfigalugu.

Imm. 2-mut

Akileraaruseriffiup ukiuni aggersuni naliliisarnerit amerlasoorpassuit ukiunut aningaa-sarsiorfiusunut siusinnerusunut tunngasut suliareqqilertussaavai. Taamaattumik siunner-suutigineqarpoq, Inatsisartut inatsisaannut nr. 5, 19. maj 1979-imeersumut kingusinne-rusukkut allannguutai ilanngullugit assigiinngitsorpassuarnillu atuutilerfiusunik aamma ikaarsaariarnermi aalajangersakkanik innuttaasunut iluaqutissaasunik imaqartoq eqqarsaatigalugu, Inatsisartut inatsisaat nr. 5, 19. maaji 1979-imeersoq kingusinnerusukkut allannguutai ilanngullugit suli atuutissasoq ukiunut aningaasarsiorfiusunut 1980-imiit 2006 ilanngullugu.

Imm. 3-mut

Imm. 3-mi paragrafit taaneqartut akileraartarnermik ingerlatsineq pillugu Inatsisartut inatsisaannut nuunneqarmata imaluunniit Inatsisartut inatsisaannut ilanngunneqarnatik, siunnersuutigineqarpoq aalajangersakkat pineqartut inatsisartut inatsisaanni nr. 5, 19. maaji 1979-imeersumi kingusinnerusukkut allannguutai ilanngullugit ilaatinneqarunnaarnissaat.

Taamaalillutik aningaasarsiat akileraaruteqaataasussat annertussusiinik nalilersueqqinnerit ukiut aningaasarsiorfiusut siulii eqqarsaatigalugit nanginneqartussat, misissorneqarnerat akileraartarnermik ingerlatsineq pillugu Inatsisartut inatsisaat tunngavigalugu ingerlanneqartussaassapput.

Imm. 4-mut

Aalajangersakkap Naalakkersuisut inatsisitigut tunngavissippai malittarisassanik, Inatsisartut inatsisaata atuutlernissaanut Naalakkersuisut isumaat malillugu pisariaqartunik aalajangersaasinnaannaannut.